





Early European Books, Copyright © 2012 ProQuest LLC.  
Image reproduced by courtesy of the Biblioteca Nazionale Centrale di Firenze.  
CfMAGL 2.3.48







Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.48





Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.48



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAOL 2.3.48












2. 3. 48

2 G. 3


XXVIII 4  
CHIMENT.





MARMOR  
PISANVM  
DE  
HONORE BISELLII.





MARMOR  
PISANVM  
DE HONORE BISELLII.

Parergon inferitur de Veterum Sellis,  
Synopsis appenditur de Re Donatica antiquorum,  
quam breui spondet

AUCTOR

VAL. CHIMENTELLIVS I. C.

*In Pisano Lyceo Eloq. & Politic. Professor.*

ACCEDIT MYIODIA,  
Siue de Muscis odoris Pisanis

EPISTOLA.



BONONIÆ, M. DC. LXVI.

---

Ex Typographia Hæredis Victorij Benatij. Superiorum permissu.



MAR 10

1777

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

DE THOMAS BELLIN

SERENISSIMO  
COSMO III.  
Etr. Principi.



Loriosum Etruriæ nostræ, & ad  
memoriam posteritatis præcla-  
rum Romanos rerum dominos  
vniuersi penè orbis subiectis gē-  
tibus imperiosam legem dicen-  
tes, eiusdem imperij ornamenta, ac potestatis  
insignia quasi sub lege, ac præscripto ab hac vna  
nostrate gente accepisse. Ab eisdem nempè  
Etruscis, quibus religionum mysteria, sacrorum-  
que obseruationes debebant: egregio veluti do-  
cumento, nullum sine cultu, sensuque Numinis  
stabile Regnum esse. Fasces, Lictores, Prætex-  
tam, Sellam præcipuè regnandi Symbolum, ijs  
acceptam tulere: *Omnia denique decora, & in-* Lib. 1.  
*signia, quibus imperij dignitas eminet; vnius vt* c. 5.  
loquar Flori testimonio. Tibi igitur SERENISS.  
PRINCEPS Etrusci Regni Cāditate, iure, meri-  
toque sacra esto qualiscūque commēratio hæc:  
cuius



cuius pars multo maxima, Etrusci inuenti, Sellæ  
nimirum, Sedendique honorem, & maiestatem  
respicit. Sique inter munera olim amplissima,  
ac veluti statuta, & solennia, Regibus (vt de Porse-  
na, ac Massinissa præter alios legimus) *Sellæ* mit-  
tebantur: accipe Tu COSME SERENISSIME,  
qua soles probi oris dignitate, & candidi cordis  
indulgentia non Sellam, sed *Bisellium* meum  
è monumento saxeo, quod in vrbe itidem Etru-  
riæ vetustissima, atque olim potenti, Pisis in-  
quam Tuis asseruatur. Debeo enim uerò Tibi  
criticum hoc schediasma, cen donarium quod-  
dam; cùm cæteris illis tam multis; tum hoc po-  
tissimum nomine, quoniam scitamentis hisce,  
antiquitatum, & venerandi æui cognitionibus  
Adolescentiam Tuam, vel me paratio oblecta-  
re non renuisti. Quid Adolescentiam? Hanc  
ipsam, qua flores Iuuentutem nobilitare pergis,  
atque instruere literatis elegantijs, & numerosa  
*Lin. 1.* comprehensione artium, *quibus ingenta ad ma-*  
*gnæ fortune cultum excitantur;* quod Seruio Re-  
gi historicorum summus olim tribuit. Sed nul-  
lus iam monitoris indigus monere alios (ò ra-  
rum!) ac docere, idem qui imperare potes: sa-  
cris, profanis paratus: temporum, & populorum  
acta vetera, noua callens: terrarum situs, fines,  
inter-

interualla, si quid aliud, scientissimè tenens. Vasto nimirum illo fidelis memoriæ sinu, Magni Parentis Æmulator complecteris, ac seruas quicquid vspiam, vel assidua lectione, vel multiplici adloquio prudentium virorum cumula-ueris. Verè namque Tragicus monuit.

Σοφοὶ τύραννοι τῶν σοφῶν συμμαχία.

*Sapiunt reges sapientum congressu.*

Eurip.  
apud  
Stob.  
ser. 46.

Iam enim quid Tibi tam in delicijs, quàm vel eximius aliquis liber, quem Macedonis more in Narthecio condas? Vel πολυμαθήςσας Vir, quem intra laureata penetralia ad longi sermonis commercium admittas? Ac mirari profectò subit, quemadmodum in isthoc Principalis Fortunæ splendore (cum Plinio dicam Nepote) *Amas studia ut solent pauperes*: in Aulæ maximæ rerum agendarum contextu lucubras, ut ociosus: in vere annorum de literis maturè iudicas, expedire differis, ut natu grandis Polyhistor. Ante diem Sapiencia sese Tibi explicuit: Tuique præcellentis ingenij gloriam, si quo in alio,

Epist.  
7. 22.

*Vis festina parat, tenerosque superuenit annos.* Stat. 1.  
Achil.  
Quid mihi tãdem promptius, aut breuius, quàm *Probitatem Tuam cū Fortuna Tua litigantem* Sen. 2.  
clem. 1.  
dicere? Sæculum herclè nostrum prorsus inau-

ras,



ras, atque illuminas; verè ΚΟΣΜΟΣ, & *Princeps*  
*Iuuentutis* regnaturæ. cui non ad exemplar tan-  
tùm doctrinæ per amœna hæc, & multijuga stu-  
dia præluces: sed prudentia, consilio, grauitate,  
religione ad heroicæ immortalitatis culmen,  
viam planè Regiam demonstras. Meritò itaque

*Pado*  
*ad Lin.*

— *Per Te virtutum exempla petemus.*  
ac nemo facilè non pernoscet.

*Mart.*  
*1. 9.*

*Quos decet esse hominum tali sub Principe mores.*  
Quales Tibi sunt, inculpatos summus seruet re-  
rum omnium Custos Deus ad populorum feli-  
citem, & bonum; ad Christianæ Reipublicæ  
ornamentum, & amplitudinem; ad eiusdem  
Diuii Numinis honorem, & gloriam.

Quando autem vera illud fide colis, & solida  
pietate curas.

*Ouid.*  
*2. Fast.*

*Sit superis oro mutua cura Tui.*

CA-




## CAPVT PRIMVM.

*Ingressus ad scriptionem. Antiquitatum laudata co-  
gnitio. Pisarum nobilitas. Marmorei monu-  
menti locus, vultus, epigraphe.*

Honor Bisellij

*à nemine hactenus visus, auditus, enarratus:  
coniecturis ad eum itur inuestigandum  
nulla certi fiducia.*



Etulenus quidam Aegialus, tamen ignobilem vil-  
lam, ne dicam solitudine horrentem paludem in  
agro Linternino possidens; laetè tamen, atque iu-  
cundè sese habitare fatebatur, quoniam Scipionis  
secessum, reuerendâ sibi fortissimiciuis illic exu-  
lantis imagine, ac memoria in animum recurrente,  
incolebat. *Magna fama* ( magnus inquit Naturæ  
Consultus ) & *Vetuleno Aegialo* perinde *Libertino* fuit in *Campania* rure  
*Linternino*, maioriq; etiam favore hominum, quoniam ipsum *Africani*  
colebat exilium, Plin. 14. 4. Planè idem mihi, ac multis alijs ( quibus  
vllus antiquitatis amor pertentat animum ) vsu venire arbitror, quo-  
ties veneranda aliqua veteris æui monumenta, cæteroquin puluere  
obsita, situ exesa, ignoratione, ac neglectu deserta ( cum tamen rari  
sint in Philologia pretij ) reperire, ac tractare liceat. Quid autem  
aliud sunt hæc *Λεῖψα* ære, aut saxo constantia, nisi quædam exilia

A

Græ-




Græci, aut Romani decoris pulsi; & à communi, ac vulgari hominum fastidio, tamquam relegatæ eruditionis secessus quidam, ac solitudines? Hoc ipso igitur placent, magnâque sui æstimatione sensibus illabuntur; quoniam prisca ætatis, maiorumque gentium deportatæ ad nos reliquiæ, suo ipso squalore, atque immeritâ desertione, perinde ac Scipionis Linterninum exilium Vetulenos, vetustatis nempe studiosos delectant. Si quæ autem vrbs in Hetruriâ nostrâ, cum æui antiquitatem, tum rerum gestarum magnitudinem iactat, inter plerasque egregias Pisana est. Sed commune Italiæ fatum, dominantis scilicet barbariei lasciuem, ac furorem passa, an temporis euncta sensim emolientis venenum experta, suum ipsa senium, atque edentulam (itâ vocabo) potentiam caduco narrat præconio. Inter pauca illic Romanæ ætatis vestigia, basis, seu arula seruatur è candido marmore, suam præ se candidè elegantiam, ac sinceritatem ferens; quam nulla aut imperiti scriptoris lupinitas, aut inuidiosa vetustatis labes corrumpit. Vtinam indocti nunc Enarratoris (quod summopere vereor) oscitantiam pessimo omnium fato sortita non sit! Ea visibatur apud Roncionios vico S. Mariæ, qui ad maximam Aedem perducit. In horto delitescibat plurimum clauso, quem angustus, atque ignotus limes per posticum à domo seiungit. Hoc autem ipso (quantum opinari licet) paucis visa, aut obseruata inscriptio. Quamquam enim summæ viæ hortensis, conspicuo alioquin loculamento, & ingressuris statim obuio conderetur: adnascantibus tamen illic fruticibus, nonnumquam aut *αἰσώπος*, aut obseffa, vix vllum sui indicium, ac pretium faciebat.

Sed migravit tandem lapis suum dominum, quasi Orpheum securus Illustrissimum Dominum Ballium Cæsarem Roncionium, qui pulcherrima totius vrbs parte magnificentissimam propter Arnem insulam nunc habitans, secum illuc faxea Cimelia traduxit, atque in atrio disposuit cuius facile inspicienda. Eam igitur, qualis est, literatam epigraphen suo vultu, suisque ductibus subiijcimus.

Di-

D  
ager  
nūs  
bi ap  
Bise  
fecit  
mor  
rati  
tene  
tur  
amb  
A  
odo



Dignam sane iudicamus, quæ ociosos non dimittat, atque aliud agentes inspectores, vel *ob Honorem Bisellij* vnum, à nemine hactenus (nisi fallor) animaduersum, aut explicatum. Quin etiam nec alibi apud scriptores lectum, vel in marmoribus adnotatum. Hoc igitur *Bisellium* bis sedere, atque amplius multò in eius eruendâ notitiâ nos fecit; nec supersedere posthac nostris promendis coniecturis nunc admonet. Coniecturis, inquam, puris putis; nulla certi, atq; explorati fiducia. Periclitamur, diuinamus, fortimur: more eorum, qui tenebras inter, & lucem tentabundi potius repunt, quàm gradiuntur. Omnino de secta ἀπορητικῶν id vnum non dubitamus, dubitare, ambigere; ἐπεὶ γὰρ.

Atque hoc saltem doctioribus viris imputabimus, quòd fuerimus odorisequi; delitescantis prædæ vestigia, ac cubile indicantes; quam ij



mox feliciter excutiant, ac deprehendant, quorum ineluctabili, & capacissimo ingenio nulla se subducit eruditio in saltibus tum æstiuis, tum hybernis disciplinarum.

In hac igitur indagine collustrandâ, dum prædam concupitam insequimur, non possumus (quod Venatores faciunt) non alijs quoque advertere animum, quæ incidunt, & occurrant irrequisitæ. Pisana scilicet hæc inscriptio, alijs quoque lucem dabit; quod non erit ὁδὸς πρὸς πρῶτον, sed ἔργον ferè necessarium.

Et quoniam vara vibiam sequitur (sumus enim in venatione) si quando ad pluscula egredi videbimur, non tamen præter rem, aut gustum eruditionis id factum voluimus. Sed ne longiori, ac molesto præludio (quod Plautinus succenset Megadorus) loquamur lapides, ad ipsa lapidis verba aggrediamur.

## CAPVT II.

Q. Largennius: à largo anno dictus: nihil de eo liquet. Lux temporum, & fax historia anquirere in nomina. Saxea mouere verba, aut ex ingenio corrigere, impudens, & violentum. Inuictiuncula, & morsus in temeratores.

## Q. LARGENNIO.

**D**E hoc Quinto Largennio tam scio, quam qui penitus nesciunt. Nihil reperire licuit inter priscae literas: at neque libuit quidem obstinatè perquirere. Quis enim persuadeat sibi posse omnium nominum, quæ vsquam leguntur, origines nosci, ac tempora dijudicari? Operosa ineptia, atq; irritus labor vbique, ac semper id conari. Nonnumquam, fateor, ingentis præsidij ad elijciendam eius, de quo quæritur, veritatem, aut coniecturam: Sed mihi nullius vsus ad eum, quem collimamus *Bisellij honorem* indagandum. Neque tamen omninò fuimus incuriosi in historijs, ac monumentis: nihil autem profecimus; quoniam & pro nostra quantulacumque, ac perfunctoria diligentia, non vola, aut vestigium apud Veteres comparet. Expectabimus sagaciorem, qui moneat, ac digitum intendant. Sexcenta eo modulo, flexu, aut productione *Nesennius, Herennius, Pescennius &c.* Sic *Largennius*, fortè à largi-

## DE HONORE BISELLII.

5

largitate, seu largo anno. In hac namque compositione, quæ anni vocem extremo verbo recipiebat, primam vocalem in secundam re- formabant. Gruteriani operis 543. pagina apparet idem prænomen *Quintus*, quod in nostro marmore; dein *Gargennius*, quod nolim temerè mouere, descriptorem inculans, & de Gargennio in Largennium transcribere. Potius enim cohibenda est; quam nutrienda hæc mala prurigo, quæ iam diu serpit saxeas literas pro lubitu recudendi. Quæ hæc audacia est plus, quam ferrea, quâ gratuiti quidam Asclepiades medicas manus lapidibus admouent, quos nec viderunt, nec tetigerunt? Ac si vltterius hic cancer proserpat, expecto, vt animofus quispiam Criticus variantes marmorum lectiones edat ad meliorum Codicum fidem; quos non Vaticana, aut Medicea Bibliotheca, sed Paria, aut Lunensis Latomia saxeis benè instructa membranis præferat. Quasi equidem pugillares lapideos præpetibus amanuensium notis impressos, eosque multiplici exemplo descriptos apud se habuerint Veteres. Veteres inquam, sed Opici, & saxeï, quales Deu- calion in aquas deiecit, durum genus, nondum in hominum natu- ram, ac rationem reformatos. Sed ad *Largennium* redeamus; in quo Latina se prodit origo à largo anno, sicuti & Largiorum creberrima mentio in Latinis historijs; cum tamen, quid boni contrà ex Gargen- nio eruamus? Quamquam & *Gargilius*, & *Gargettius*, & alia parilis initij reperire est. Sed suo loco, & nomine stet Gargennius. Quis enim nobis Iupiter id permittit, vt non homines in lapides instar Gor- gonum, sed in lapidibus homines nostro iure mutemus? & Gorgonia tamen hæc truculentia non est insolens apud nostros Antiquarios.

## CAPVT III.

*Quisque ciuis suam tribum professus. Censoris munus eam assignare.*  
Mouere Tribu. Non omnes Gentiles, ydem Tribules. Vnde tri-  
bubus nomina. Duplex vni Tribus. Integri populi, ac ciuita-  
tes in suam tribum transcriptæ. Pisani è tribu Galeria.  
Florentini è Scaptia.

GAL. SEVERO.

**N**Vllus ambigo, quin literæ *GAL.* tribum demonstrènt, in quam descriptus Largennius. Hoc enim plerisque vsitatum eam  
infe-



inferere post nomen, ut centies adnotare est in Veteribus saxis. Si-  
cut igitur carere tribu, aut seruire, aut peregrinum habebatur, mo-  
ueri autem eâ ignominiosum: ita necessum erat, ut quicumque ciui-  
tate Romana gauderet, tribum quoque suam profiteretur? Strabat  
ergo arbitrio, & descriptioni censoriæ, in quam quisque allegaretur.  
Equidem inter eos vna magis, quam alia illustrior, atque honestior  
censebatur: omnino autem rusticæ vrbis antehabita: quare tribu  
ille mouebatur, qui ex honestiori in minus honestam migrabat. Nil  
mirum igitur, si ambitionis causa suam nonnulli indicarent, quod &  
distinctionis ergo factum opinor haud raro. Si quidem non quicumque  
erant Gentiles, ij etiam erant Tribules; hoc est, non qui ex eadem  
gente, eandem quoque tribum pariter fortiebantur. Imò vel ipsi in-  
ter se fratres, non tamen tribules subinde audiebant; quod eruditè  
obseruauit Thomas Reines. in epist. 35. p. 236. Ergo ex tribu digno-  
scebatur non numquam cuius gentis, quæ domus foret. Numerosæ  
namque familiæ in plura capita, aut domus latius extensæ; prout  
olim partem, aut regionem vrbis incolerent, ita quoque in aliam,  
aut aliam tribum cooptabantur. Sed fermè tamen id factum, ut inte-  
græ gentes statam tribum fideliter retinerent, imò nomen ipsæ da-  
rent tribui; quæ origo plerisque tribubus fuit, quod viri docti autu-  
mant; quos inter Sigonius 2. cap. 3. de Iure Ciu. Rom. Panuinius lib. 2.  
Comm. Reip. Rom. Doctissimus Gruchius sparsim lib. de Comitijs;  
Rosin. 6. cap. 15. antiq. Rom. Neque illud inobseruatum duas tribus  
eodem tempore ab eodem ciue fuisse retentas, quod in Octauiano Au-  
gusto cap. 40. tradit Suet. Goltz. in eo Principe pag. 193. ex veteri la-  
pide Brixiano, & Panuin. in Ciu. Rom. vbi de tribu Scaptia.

C. Iulio  
Fab.

C. F.  
Scapt.

Cæsari  
Augusto

Affert etiam Gruter. 226. 3. Fabia, scilicet, & Scaptia tribus me-  
morantur: hæc tamquam gentilis, & natua familiæ octauiae: Illa  
propria Iuliorum, in quorum nomen, & gentem per iura adoptionis  
pertransijt. Id tamen ego puto rarissimum; quippe in vna certa tribu  
vnusquisque ciuis erat censendus propter comitia, & suffragia, cæte-  
rasque

DE HONORE BISELLII. 7

raſque perfunctiones publicas: nec vero licebat deſultoriè, aut promiſcui munia occupare. In hac autem inſcriptione honori poſita Cæſaris Auguſti, non miror, ſi vtraque tribus nominatam ſe voluit gloriæ cauſa, vt neutra mortalium tunc maximi, ac feliciffimi altricem, & parentem ſeſe reticeret.

Sed & Vrbes, populi, nationes, cùm ciuitatem primo acciperent, in aliquam tribum, quantæ quantæ erant, referri gaudebant, quam perpetuò ſequebantur. Prout verò eas beneficij alicuius origo deuinxerat, aut ſummi ciuis auctoritas traxerat (alijs etiam de cauſis) ita ſtudebant illi tribui nomen dare. Sic Circumpadani in Fabia, Lugdunenſes in Strellatina, in Galeria tribu Hiſpani cenſebantur, quod idem Reineſ. epiſt. 35. monuit. p. 236. Licet ramen conijcere Piſanos ad hanc maximè tribum pertinuiſſe; quod inſcriptiones monent, tum hæc noſtra, tum alia apud eoſdem Roncionios.

V. F.  
Q. Anquirinnius Sec.  
vndus. Occia. Agile  
uxor. Q. Anquirinnio  
Gal. Sencro &c.

Fragmentum in agro Piſano repertum, in horro Franciſci Spigliati Florentiæ ſeruatum.

Coniugi ſuo C. . . . .  
Gal. Piſis Q. V.  
A. N. . . . .

Commune mihi fecit Illuſtriſſimus Senator Carolus Strozza, Vir multis nominibus, antiquitatis potiffimum ſtudio, ac diligentia, moribusque prorfus antiquis mihi ſemper ſuſpiciendus.  
Apud Grut. 558. 16. ex Apiano

P. Ranſanius  
P. F. Gal.  
Cyrinicus  
Piſis

Hæc



Hæc ipsa igitur tribus Galeria in nostro marmore intelligenda est, in quam adscitus Largennius. Inter antiquissimas eam institutam à Seruio Rege autumant: meminit huius, tum Liuius lib. 27. Plin. 7. 48. tum Plutarchus, atque in opere Gruteriano perscriptis verbis 418. 7. 431. 1. 516. 4. centies verò compendiosè *Gal.*

Quod si vera est Panuinij lib. 2. Comm. Reip. Rom. coniectura, à Fluuio Hetruriæ Galeſo delumpſit nomen: primò Galeſia, deinde Galeria, ſolemni olim mutatione S. in R. Non prætermittam apponere nobis Florentinis tribum Scaptiam placuisse. Eadem monent Epigrammata apud Grut. 537. 3. 557. 1. 542. 8. & 5. ubi de Q. Gargennio, & 1018. 3. quæ in ædibus Saluatorum legebatur.

*Q. Tersina Q. F.  
Scap. Lupus.*

Alia apud Bonarrotios Florentiæ viſitur.

*Q. Septimio Q. F.  
Scap. Primo &c.*

In omnibus his & Florentiæ Urbis, & Scaptiæ tribus coniuncta mentio. Plerasque affert Borghinius noster lib. de origine Florentiæ pag. 287. & seq. Honorificum planè habeatur huic tribui Scaptiæ potuisse inter ſuos alumnos, ac tribulibus inter collegas cenſere Oſtavianum Auguſtum, quod allata ſuperius monet inſcriptio. Ariciâ autem oriundi fuerunt Oſtauij, quod Cicero, & Suetonius produunt.

#### C A P V T IV.

*Magiſtratus in Colonyjs, ac municipijs ſapè Aediles vocati. Aliubi Dictatores, Prætores. Plurimum Duumuiſi, & Iiuiſi Præſecti I. D. Potestas pro Magiſtratu: diſſenſum à Briffonio, & alijs. Μποτεſτας, & Ποτεſτας, Poſteſtà Αρχοτες, & κρατηγοι τῶν πόλεων. Quatuoruiſi. Quatuoruiſalis. Tres Viri. Sexuiſi. Duumuiſalitij.*

*Duumuiſales, Duumuiſates, Duouirates. Simpliciter Magiſtratus, & αρχοτες.*

#### ÆDILI PISAS.

**D**E Aedilibus, eorumque honore, ac munijſ in Vibe rerum dominâ, multi dicere occuparunt; quorum ſcrinia compilare impoſſu-

portunum foret, & ἀποσδιόριστος: aut tories apposita repetere, molestius, quàm δις κρᾶμβη. Non verebor de municipali, aut colonico ædilatu quædam inspergere; tum, vt lapidi nostro lux aliqua accedat, alterique itidem Pisana inscriptioni; tum vt tricas quasdam eludam, quas obrudi video etiam à Viris doctis super hoc honore exponendo.

Aedilium hoc munus in quibusdam ciuitatibus, aliter ac Romæ, excelluisse tamquam summum non ignoro; prout populis Magistratum suum, penes quem annua recurreret dignitas, & cura Reipublicæ, libuit, vel Dictatorem, vel Prætorem, vel Duumuiros, vel Aedilem, vel alio nomine reuereri. Videatur Cuiac. ad l. 18. C. de Decur. Gothofr. ad l. 4. D. de damno inf. §. 4. Alciat. ad l. Decuriones de V. S.

Dictatorem præfuisse Lanuvinis, vel vnus Cic. locus in oratione illa verè dictatoria cunctis eloquentiæ fascibus incluta pro Milone ostendit *Dictatoris Lanuuii stata sacrificia*. Item apud Cerites ex veteri lapide Grut. 214. *M. Pontio Celsò Dictatore &c.* Spartianus de Adr. cap. 18. *Per Latina Oppida Dictator, & Aedilis, & Duumuir fuit.* Capuani Prætorem habuerunt eodem Tullio teste in Agraria secunda. *Nam primum id, quod dixi, cum ceteri in colonijs Duumuii appellantur, hise Prætores appellari volebant;* Campanam superbiam veluti notans. Sed in Hetruscis Oppidis Prætura. Spartian, ibid. *in Hetruria Præturam Imperator egit;* ac vetus inscriptio *Prætor Hetrur. xv. populorum.* Quod nonnulli in lapidibus *P. R. II. Vir.* exponunt, *Prætores Duumuiros*, frustra esse ego quoque sentio cum Vellero lib. 5. rerum August. p. 101. & malim *Præfecti Duumuii*, sicuti alibi *Duumuii Præfecti* l. D. Fundanis quoque Prætores; quare Flacc. 1. Satir. 5.

— *Fundos Ausidio Fusco Prætor libenter  
Linquimus &c.*

Ad quem locum Vetus interpres *Prætorem* pro Duumuiro explicat: more Græcorum, qui Duumuiros *σπαρτηγῆς*, hoc est Prætores vocant. Neque est tamen, quòd Scholiastes hunc morem aduocet, vt infra ostendemus. Gabij, ac Fidenæ *Potestatem* vocarunt Iuuen. Satyr. 10. vers. 100.

*An Fidenarum, Gabiorumque Potestas?*

Neque hinc necesse est *Potestatem* pro ædili interpretari, cum duobus proximè carminibus rem diuersam & nominet, & describat Poeta.

*Et de mercatoribus ius dicere, vasa minora  
Frangere pannosus vacuis adilis Vlubris.*

B

Cum



Cum enim tot alijs nominibus suum Magistratum municipia renunciauerint, non est absonum, si Fidenæ, & Gabij *Potestates* dixere: genericam scilicet appellationem imperij, atque Iurisdictionis, peculiarem sibi faciendo. Saltem mihi æquus permittat id Lector, non tam ædilem, quàm alium quemuis Magistratum *Potestatis* voce subaudiri. Nobis quoque in municipijs, & pagis inferiores quidam Præfeti Iuridicundo *Potestates* hodie vocantur, ac si diuersum quiddam à dignioribus Magistratibus. Quo sensu, puto, & Iuuen. de Gabijs, ac Fidenis scripsit; quippe deserta ea Oppida, an potius vici Horat. 1. epist. 11.

— Gabijs desertior, atque Fidenis  
Vicus —

Omninò Suetonius Claudij cap. 23. *Potestates à Magistratibus distinctas* voluit, tamquam infra hos. *Atque etiam per Prouincias Potestatibus demandauit &c.* l. 1. §. 1. D. quod quisque Iuris &c. *Qui Magistratum, potestatemue habebit &c.* Adi Lipi. cap. 1. de Magistrat. Græcis æuo sequiori *Μποτῆς*, & *Ποτῆς*. Vide Meurs. gloss. in utroque verbo. Eadem barbarie seculorum *Potestaria* pro Vicaria Iurisdictionis apud Petrum de Vineis, quæ laudat Vossius 3. de Vitijs serm. cap. 36.

Alioquin *Potestas* pro summo Imperio apud I. C. l. 21 §. de V. S. Sueton. Iulio 18. *Compellari apud se maiorem potestatem passus esset*; loquitur de Consule, etiam Calig. 26. *fuitque per triduum sine summa Potestate Resp.* Nota in utroque loco adiunctum: nunc vocat maiorem Potestatem: nunc *summam* de Magistratus, & Potestatis differentia, vide quæ colligit Illigerus ad Donell. 17. 7. Tenuit ea vox apud scriptores semibarbaros. Vide Voss. de vitijs serm. Radenicus de rebus Frederici lib. 2. 10. *de Principibus, quorum ad ordinandos Ciuitatibus Consules, seu Potestates alium aliò dimittit.* Sed vt ad Iuuenalem redeam, non tanti mihi est natio audax Poetarum, vt in illorum verba iurare velim. Prout enim causæ suæ seruientes exaggerare aliquid, aut eleuare cupiunt, ita voces recidunt, ac formant: atque adeò satyricus Aquinas, vt magis extenuet eam Gabijs, Fidenis, Vlubris præfecturam, & honorem, Aedilatum, aut Potestatem substituit; & si forsitan non eos speciatim nomine appellaretur. Omninò autem Duumviri, ordinarius ferè Magistratus singulis annis colonias, ac municipia regebant: instar nempe duorum Consulium, qui Romæ præerant.

Græ-



DE HONORE BISELLII.

II

Græcis nunc Ἀρχόντες τῶν πόλεων, ut in l. 1. §. 9. de excusat. tur. hoc est *Consules*, aut *Principes Civitatum*: nunc στρατηγοὶ *Pratores* l. 6. §. 16. cōdem tit. quomodo sup. Horat. 1. sat. 5. At de Duumuiris passim testimonia, quorum vno, atque altero sumus contenti. Cic. de Agr. 2. Apul. Apolog. 1. *In qua Colonia patrem habui loco Principe Duumuiralem, cunctis honoribus perfunctum &c.* Cæsar de bello civili lib. 1. *Duumuiris omnium municipiorum imperat, ut nauem conquirant &c.* Pro suprema Potestate accepit, etiam si fortè alio nomine nonnumquam affecti: hi ipsi, & cum adiuncto, *Præfetti Duumuiris*, etiam *Duumuiris Præfetti* I. D. ut adnotauimus, & simpliciter I. dicundo à *Decurionibus creati*. Gruter. 195. 4. In Pisano decreto *II Viri Præfetti &c.* quasi iunctim pro eodem Magistratu. De hoc politissimo, & quantius pretij lapide Pisano, ubi annua funebria memorantur Caio, & Lucio Cæsaribus Augusti Nepotibus publico consensu decreta dicemus inferius. Scio Præfectos fuisse Româ missitatos ad I. dicendum in ea loca, quæ nec Coloniae essent, nec municipia; multata autem legibus, ac magistratibus *Præfecturarum* nomen retinebant. Sed istis Præfectis (quos ne magistratus quidem dixere) nihil commune cum nostris municipalibus. Et quidem hæ Præfecturæ sublatae post annum V. C. 560. Erat ubi pro II Viris, Quatuor gubernarent. facit l. 1. de solut. & liberat. & in Gruterianis 426. 3. *Decurio Municipij &c. IIII Viralis*, hoc est qui IIII Viratum gesserat. Notat etiam Reines. epist. p. 176. sic Pistorij præfuisse Quatuor Viros iuri dicundo monet inscriptio ibi reperta, quæ in magna Aula Palatii legitur.

L. Babio P. F.  
VEL.  
IIII Vir. I. D. Pistor.

Sæpè occurrit in lapidibus *IV. Vir. I. D. Quatuor viros Neapolitanos, Cumanos &c.* nominat Cicero, & in faxis obuij, sicuti *Tresviri, Sexviri*. De Tresviris Bouillanis Inscriptio haud ita pridem reperta prope Albanum. L. Manlio L. F. Pal. Senero Regi Sacrorum Fictori Pontificum P. R. *IIIViro Bonillensi &c.* Lapis cognobilis ob mentionem quoque fictoris Pontificum. Et quidem in eadem Colonia, quandoque simul III Viri, & IIII Viri, cum II Viris. Hinc suspicabatur doctissimus Vellser. rerum Augustan. §. p. 100. Duumuiros tunc fuisse principe loco:

B 2

Qua-



Quatuoruiros, aut Tresuiros inferiori, ac dicto audientes: quam coniecturam neq; vanam, neque felicem aio. At *Duumuiralitij*, *Duumuירים*, *Duumuiratij*, qui abierunt eo honore; *Duumuirates*, & *Duumuirates*. Adi Inscriptiones Vett. & Cuiac. Cod. lib. 10. tit. de Decurionibus l. 18. & passim lapides. Briffon. l. 4. select. antiq. cap. 13. Scipion. Gentil. de l. Dictione l. 2. cap. 5. Pancirol. de Magistrat. Municip. cap. 8. sed & laxiori Collegarum numero Sexuiri vsq; iam administrarunt. Huc spectant verba l. C. ad municipal. l. magistratus 25. *Magistratus Municipales, cum unum Magistratum administrarent, etiam unius hominis vicem substituent.* Ad hos scilicet intendit Vlp. Duos, Quatuor, Sex, quorum officium individuum, ac periculum commune; quomodo Antonius rescripsit Lentulo Vero l. 9. dicto tit. Simpliciter quoque & *verum* nullo adiuncto, *Magistratus* pro Duumuiris, aut alijs, qui summo loco gererent l. 1. & 2. C. de Magistrat. Municip. & l. 8. C. Th. de Decurion. & in saxis sæpè, *Ἀρχοὶς*.

## CAPVT V.

*Duumuiri Colonici, aut Municipales simulacra Consulum Romæ; & Consules quando que appellati. Asserta ea appellatio contra Reinesium, & Velferum. Duumuirorum Falces. Scipionis Gentilis submota interpretatio. Duumuiris vindicata Iurisdictio. Bulengeri securitas. Quinquuiri. Quinquennales. Quinquennialitij. Quæstores in municipijs. Iacobi Gothofredi laus.*

**I**llibenter præterirem, quod sicuti frequentiori vsu Magistratus suos Duumuirorum nomine gaudebant appellare extra Urbem vrbes; dominantis scilicet (quod supra dicebam) Reipub. imitatione suos veluti Consules domi reputantes: ita haud tam absurdum puto, si quod fortè Municipium, aut Colonia (vt Neapolis, Tusculum &c.) Consules nominarint eos Duumuiros, quos regimini annuo præfecisset. Nullo modo id admittit doctis. Reines. ep. 31. quæ est ad C. A. Rupert. pag. 160. & 161. & variarum 3. 16. pag. 603. in cuius eruditissimi viri sententiam, qui alioquin sua Auctoritate me frangit, gradior, sed non curro; loripes sum, & mulciberis affecta.

Scimus namque, præsertim de Colonijs, quod omni cultu vsque ad ambitionem imitari, ac spirare studebant Urbem parentem; cuius

ex



ex vtero incolæ traduces ad alias inhabitandas terras mittebantur. Hinc Decuriones, alter veluti senatus, ac simulacrum quoddam amplissimi ordinis in Vrbe; de quibus infra plenius. Ex hoc corpore lecti Duumviri, quot Romæ Consules, eorumq; potestas æquo annui spatij cursu diffusa; quidquid Pancirol. de Magistrat. municip. cap. 8. moneat, dum Quinquennales cum Duumviris confundit, aut alij aliter opinentur. Quod si isti Duumviri consilio, auctoritate, prudentia totidem quasi Consules in ea Republica præerant; quid verat, ut ambitiosa aliqua Civitas eodem nomine Consulari Duumviros nuacu-  
passet? En Burdigala apud Aufonium de urb. 13.

*Diligo Burdigalam; Romam colo; civis in hac sum*

*Consul in ambabus* —

Nimis elatè, ut censet Veller. d. lib. 5. pag. 101. qui & *πρωτοεργολας* usus remedio mutavit.

————— *Consul in hac sum*

*Civis in ambabus* —————

Sed ore poetico locutum Aufonium censuit Reines. ego nihil vatem redarguo. Atqui obstat, (inquis) consularis apicis augustissimum decus, quod vna Roma domina, mater, ac princeps cæterarum sibi adsciuerat, tamquam peculium suum, quod nulla sibi è viliori civitatum grege Civitas usurparet. Sed placet interrogare: non ne Dictaturæ nomen, (scio esse extraordinarium) longè augustius, atque excellentius Consulari? non ne Potestas sanctior, maior, formidabilior? non ne hic vnus Magistratus periculosissimis, ac difficillimis Reip. temporibus, vbi primum affulsit, cæteri honores conuiebant, ut exorto Sole minora sidera sepeliuntur? & tamen permittimus Lanuio tenui alioquin oppido, ut Magistratum suum vocet Dictatorem, neque vilius *ἀρχιπολογίας* arguimus Tullium, quod ita vocarit. Vocauit autem, quia is populus Lanuinus, vel vsu antiquo, vel ambitione, vel alio respectu ità appellari maluit. Iurisconsultis itidem *Consules* pro Duumviris, ut in l. cum quidam 30. de acq. hæred. *Diuus Pius rescripsit Consulibus &c.* Consules, hoc est, Magistratus, aut Duumviri alicuius civitatis, qui de incerto iure, (ut sæpè factum) imperatorium culmen consulebant. Hotomano tamen placuit lib. 7. obseruat. cap. ult. vocem *Consulibus* reformare in *Consulentibus*. Neutiquam verò mouendam censuit Scipio Gentil. de l. dictione lib. 2. 5. Consullem hunc municipalem non inuitè agnoscens. Scio itidem quod afferri  
solet,



solet, præter alia ornamenta, de fascibus, ac Lictoribus, quos Duum-  
uiris olim tributos putant. *Duumvirorum impunè non liceat extollere  
potestatem fascium extrametam Territorij &c.* Arcadius cum collegis  
l. 53. C. de Decurion. lib. 10. Cic. Agr. 2. de Campanis, & si indignan-  
ter. Apul. Miles. lib. 3. dat virgas Pythæ Aedili; quinquennialibus  
quoque tribuit lib. 10. vbi de Thyali; quamquam olim Bacilli, non  
fasces fuerint: atque ea lege 53. *καραχρῆσις* vocari fasces doceat Cui-  
cius; vti & Apuleio in fragmento Petronij Traguriano (de quo infra  
erit iudicium) *Inter hæc triclinij valvas lictor percussit &c. Habinna se-  
nir est.* At Seniri, aut Augustales infra Duumuiros. Fateor tandem,  
quod hæc argumenti acies ab Insignibus ducti non tam firma est, quin  
facile obtundatur. Neque tamē adprobo, quod idem Gentilis ex d. l. 53.  
Fasces ad Ius ludorum, aut editionis transtulit, ne tesseram faceret  
iurisdictionis. Si namque verba Imperatorum expendo, vbi *potestatem  
fascium* vocant, ac *territorij* mentionem iniiciunt, spectasse eos aucto-  
ritatem, atque ius in Duumuiris, non inanem, aut ludicrum splendo-  
rem facile adducor vt sentiam. Sed quod idem Reinel. omnem Du-  
umuiris iurisdictionem abiudicat, ac solam relinquit notionem, non  
tam purum, atque illime est, quin aliter alij iudicent. Præit Paulus,  
ac turbam submouet, vt iurisdictionem vindicet Duumuiris l. 26. D. ad  
Municip. ca, *quæ magis imperij sunt, quàm iurisdictionis, Magistratus  
Municipalis facere non potest.* Ergo ea, quæ puræ sunt iurisdictionis,  
aut quæ magis sunt iurisdictionis, quàm Imperij, omninò faciet. Sic  
Municipalis iurdictio l. incola 29. D. ad Municip. Hanc quoque opi-  
nionem affirmat Cuiac. ad l. 1. 2. 3. 4. de iurisdictione Illig. ad Donell.  
17. 7. Gothofr. ad l. 4. de damno infecto, specimina afferens iurisdic-  
tionis; præsertim vsque ad certam quantitatem, de quo Paulus 5.  
sent. Item pignoris capionem, legis actionem, seruorum castigatio-  
nem, & curatoris dationem, de quibus idem Cuiac. ad d. l. 53. C. de  
Decurion. Bulenger. lib. 7. de Imperio Rom. cap. 9. Scipio quoque  
Gentilis 1. 7. de Iurisdictione eidem fauet Duumuirali potestati, vt &  
lib. 2. cap. 6. Adi & Berter. pirhan. lib. 1. cap. 10. Vizzanum nouissimè  
erudito opere de mandat. Princip. cap. 1.

Passim quoque in lapidibus II. III. IIII. *Vir &c. Iuridicundo.* Sic *Edi-  
lis iuridic.* quod patet Gruterianum indicem percurrentibus. Non  
video interim, cur Gentilis moneat, nemquam *iuridicundo præesse* di-  
ctum de his Magistratibus. Quid enim aliud signat II. III. &c. I. D.  
nisi



nisi Iuri præesse? Alibi *Duumviri præfecti I. D.* ( vt protulimus supra ) qui autem præficitur , idem præest iuridicundo . Expresse omnino in tabulis Pisânis ( quas commendauimus ) æuo Augustæo dignissimis . *Neque Iur , neque Præfecti er . . . o , neque quisquam iuridicundo præerat &c.* De Magistratu municipali loquuntur .

Ab hisce Duumviris , summis Coloniarum , & Municipiorum custodibus diuerfos fuisse *Quinquennales* merito existimat Velfer. d. lib. p. 101. prolatis saxorum testimonijs . Nec pariat interm vllus ( monacho ) vt ei Bulengerus imponat lib. 5. cap. 18. de Imperio Rom. ex Plinio lib. 2. epist. 1. quam ibi ad Traianum scriptam apponit , cum ad Voconium Romanum sit ; tum quia in ea epist. non *Quinquennies* , sed *Quinquenros* legitur ; tum quia Magistratum hunc *Quinquenriorum* sumptibus minuendis constitutum opinor Romæ tantum , atque extra ordinem . Sed *Quinquennales* extra Romam Censoribus quibusdam similes in suis ciuitatibus præfuere : sic & *Quinquennij* spatium censioni faciendæ , vnde nomen *Quinquennali* huic honori . Vide Rein. variar. lib. 3. c. 16. p. 602. Censuram namq; etiam extra Romam habitus munierum saltem publicorum gratia : sic Decurionibus præfinitus centum millium , de quò Plinius ad Traianum . Inde *Censuales* , & *Lustrum* in ijs ciuitatibus . Thyalis apud Apuleium 10. Metamorph. *Quinquennalis* erat . De Adriano Spartianus cap. 19. *apud Neapolim Demarchus , & in patria sua Quinquennalis* . Ac sæpe in lapidibus *Quinquennalis* , & *Quinquennalitus* . Non desunt , qui eosdem faciant cum *Defensoribus* , sed nouissimè reprehenduntur à consultissimo viro Iacobo Gothofredo magni parentis inclyta prole in opere lucubratissimo , ac diu expetito ad Cod. Theodos. tom. 1. p. 62. & ad l. 7. eiusdem Cod. de profess. & med. Vt autem ad Duumuiros , seu Consules Municipales , aut Colonicos reuertamur ; disertè scripsit Magnus Casaubonus in notis ad Apuleij apologiam secundam , quòd etiam Magistratus Municipales , Consules appellari non erubuerint , ac Græcis potissimum testimonijs vtitur , apud quos verbum *ὑπατορ* de Municipalibus toties legitur . Has notas , nec dum à se visas fatetur Reines. Scipio Gentilis ( vt innuimus ) posse Consulum nomine , tum Romanos , ac dignissimos , tum Municipales Magistratus intelligi . De Romanis propriè , ne dicam semper , usurpari debere ego sentio . Sed & ab aliqua Ciuitate potuisse assumi id nomē ad Magistratum suum decorandum simul opinor ; vt quandoque , si res postulat , etiam apud Auctores non sit inq̃.



ineptum interpretari. Ex usu namque illius populi, aut Ciuitatis loquitur nonnumquam scriptor; nec tamen verum non erit (quod sapienter iudicat Reinesius) eam Consulum appellationem apud quosdam populos tantum domi regnasse; ab ipsa interim Romana loquendi consuetudine abhorruisse. A consuetudine, inquam, non tamen, quin aliquando (& si rarissime) Consularis appellationis fastigio Duumviratus claruerit; & quidem eo scribentium usu, ac proprietate, qua nunc Dictatores, nunc Praetores, nunc Aediles vocantur (nomina scilicet Romanorum Magistratum) summas rerum gerendarum habenas in Municipiis, ac Coloniae gerentes. Scite prorsus, quis abnuat? & accurate loquutus est summus dicendi Magister Cicero, cum Dictatorem Lanuvinum, aut Praetorem Capuanum dixit. Spartianus ibid. de Adriano protulit. *Per Latina Oppida Dictator, & Aedilis, & Duumvir fuit.* Pro varia nempe populorum consuetudine, qua Magistratum suum hic Dictatorem vocabant, hic Aedilem, hic Duumvirum; non verò quod Adrianus eodem in loco, omnes illos honores sustulerit. Theanum Sidicinum Quaesturae titulo Magistratus suos insigniuisse ex Gellio 10.3. coniicimus; sicuti & Ferentini habuere; sed duos, ut constat ex narratione Gracchiana apud eundem notum scriptorem.

## CAPVT VI.

*Aedilis unus, pluresue in Municipiis, & quandoque summo loco. Aedilitas cur Italus honor? Iuuenalis illustratus. Aedil. II Vir; Aedil. III Vir; Quaestor II Vir. Aediles infra II Viros. Episcopi. Diuersa Magistratum nomina in Municipiis, & cur? Non semper summus, aut unicus illic Aedilis: abitum à Cuiacio. Aedil. Iuridic. Aedil. Annonarius. Magister municipij. Pisa ab antiquo splendore laudata. Decaprotia.*

**A**D ipsum Aedilem, propiusque ad rem nostram gradum facimus. En ut nonnullae ciuitates *Aedilis* nomine suum Magistratum nuncupabant; quod Spartianus tradidit, sed magis disertè Tullius de suo Municipio Arpino. *Hoc anno Aedilem filium meum fieri volui, & fratris filium, & M. Casium hominem mihi maxime necessarium (is enim Magistratus in nostro Municipio, nec alius ullus creari solet) quos &c. lib. 13. epist. 11. ad Brutum. Tres interim illic creatos Aediles adnoto. Et epist. ad Atticum lib. 15. ep. 15. Tu nummos Ar-*  
pina-



*pinatum si L. Fadius Aedilis petet &c.* De Aedili tantum loquitur, quoniam unus hic honor præsidebat. Meminit & in 2. Agrar. Quod vero is vnus ædilitius Magistratus, nec alius Arpini, ab Arpinate oratore dicitur creatus, de maioribus expono, aut de summo, cui id nomen *Magistratus* nullo adiuncto conuenit. Nouariæ tribuit Suet. de claris. Rhet. C. *Albutius Silius Nouariensis*, cum ædilitate in patria fungeretur, cum forte ius diccret, ab ijs, contra quos pronunciabat, pedibus è tribunali deiectus est. En I. dicundo præerat tamquam princeps; en quoque tribunal; contra ac municipali Magistratui denegatum asseuerabat nimium secure Scipio Gentilis 2. 6. & 24. de I. distione. Idemq; Iuuen. sat. 3. vers. 179. summos Aediles vocauit in municipijs.

*Sufficiunt tunica summis Aedilibus alba.*

& sat. 10. vers. 102. Vlbris dat Aedilem Latij oppido.

*Frangere pannosus vacuis Aedilis Vlbris.*

Arerio nostro in Tuicia, siue Ereti in Sabinis Pers. sat. 1. vers. 129.

— *Italo quod honore supinus*

*Fregerit heminas Areti Aedilis iniquas.*

Alphenus I. C. l. 30. §. 1. D locati. *Aedilis in municipio balneas conduxerat &c.* quem locum vulgò afferunt, vt & l. 13. §. 8. eodem tit. ad quæ iura Gorhofr. ex Brissl. 3. Select. 2. & ex Duaren. 1. Disput. 26. Sed locus ille Alpheni non satis aptè probat vnicum fuisse Magistratum in municipio Aedilis appellatione, vt inferiùs explicabimus. Ipsa verò l. 13. magis respicit Aedilem Vrbanum, quàm Municipalem. Addatur potius l. 2. C. si seru. aut libert. & passim antiqui lapides præferunt. Hinc illa nota *A. P.* hoc est Aedilitia Potestate; sed & cum adiuncto, atq; expressè *Aediles municipales*. Gruter. 163. 2. nihil vt mirum sit, si ea fortasse mente *Italum honorem* vocet Persius ob frequentem eius usum, & appellationem in oppidis. Iuuen. quoque sat. 3. vers. 171. *Pars magna Italia est &c.* & d. vers. 179.

*Sufficiunt tunica summis Aedilibus alba.*

*Summis*, quoniam ij ferè præerant in Italiæ oppidis. Vels. lib. 5. p. 102. imitatione Urbis matris binos, quaternos nonnunquam in Coloniajs fuisse censet Aediles; quod & inscriptiones suadere videntur; neque ego penitus improbo; sed hoc interim aio *Aedil. IIIVir*, vel *Aedil. IIIVir &c.* posse etiam exponi, quod per honorum gradus fuerit quispiam primo Aedilis, dein vero Duumuir, aut IIIVir, diuer-

C

fisque



fisque temporibus, diuerfos Magistratus adeptus fuerit. Tres Arpini  
 fuisse Aediles locus superius allatus à Cicerone euincit: in faxis inscri-  
 ptis *Ed. II Vir. & AED. II VIRAL.* sic *AED. III Vir. & Aedilis. Quæ-  
 stor, II VIR.* Quæ lapidea quidem testimonia, ac proinde grauis, &  
 immotæ fidei illud, vt libentius credam, efficiunt; duos alicubi, plu-  
 resue Aediles fuisse; quod sentit Cuiac. ad l. 18. C. de Decurion. Go-  
 thofr. ad d. l. 2. C. si seru. aut libert. Quocirca cum occurrit *II Vir,  
 III Vir, Aedil. &c.* in eo municipio, non vnum, sed duos, aut tres fuisse  
 Aediles publicis curis præfectos intelligere licebit. Hos ipsos gene-  
 rali nomine *Primum* fuisse comprehensos non dubito, quales appel-  
 lantur lib. 7. tit. 17. C. Theod. de Defensoribus l. 13. *quod ad notitiam,  
 primatum urbium, vicorum, castellorum &c.* Atque his ergo Aedili-  
 bus, quos toties legimus, adiungimus nostrum quoque Pisanum; in  
 qua Vrbe talem viguisse honorem nuspiam, quod sciam, perhibent  
 monumenta, excepto hoc nostro Marmore. Quod autem Velfer.  
 lib. 5. pag. 96. rerum Augustanarum Dictatores solum municipijs, non  
 Colonijs præfuisse scripsit, vt apud me *οὐκ ἔστιν ὁ δὲ τὰς*, ita illud as-  
 sentior, in Colonijs Aediles infra Duumuiros extitisse. Sin aliquis à  
 me quærat, vnde hæc nomenclaturæ diuersitas, qua suos honestabant  
 Magistratus in Colonijs, ac Municipijs, pronum est dictu, non tam  
 facile est certi aliquid dicere. Pro ipsa fortè populorum consuetudi-  
 ne, ac veteri instituto, siue ante, siue post Romanæ Ciuitatis ius impe-  
 tratum; aut qua Græcam, aut alienam originem profitebantur, ita  
 crediderim varia nomina vsurpasse in suis rectoribus designandis. Il-  
 lud quoque adiungere haud foret incongruum, pro vario gradu Ro-  
 manorum Magistratuum, nunc inferioris, nunc altioris ordinis sibi  
 quoque adsciuisse: qua Ciuitatis amplitudo, aut tenuitas postulare vi-  
 deretur; atque id permissu Præsidis, aut Romani Senatus fuisse fa-  
 ctum non ineptè crediderim: prout quoque ambitionis titillaret ille-  
 cebra, dum magna nonnulli, & illustria de se iactare gaudent, buc-  
 cas inflando insolentiores, & quidem nonnullos, & si tenuibus impo-  
 sitos oppidis, aut municipijs, altè, & arroganter spirasse comperimus.  
 Quare Saluian. de gubern. Dei 5. *Quæ sunt non modò vrbes, sed etiam  
 municipia, atq; vici, vbi non quot Curiales fuerint, tot Tyranni sint?* Alio-  
 quin municipia, & municipales non raro contemptui, præsertim ipsis  
 Romanis. Cic. 3. de ll. *Homines municipales, & rustici, & sæpè alibi.*  
 Iuuen. sat. 8. 237. — *Ignobilis, & modo Roma municipalis eques.* Sidon. 1. 2.

Non



Non eminentius, quàm municipaliter natus. Sic Schola municipalis apud Aufon. & Oratores municipales eidem Sidonio: quomodo ad extenuandum municipalis adulter Tacito 4. annal. Hinc & municipali magistratui obiecta humilitas. Suer. Calig. 23. etiam ignobilitatis quadam ad Senatum epistola arguere ausus est, quasi materno auctore Decurione Fundano oriam. Et Aug. 2. municipalibus magistris contentus. Iuuen. sup. Pannosus vacuis adilis Plubris. D. Augustin. de cura pro mort. ger. Vix illum inter Duumuiros sua patria ad lectum &c. Haud aliter nobis municipes, Castellani. Quo sensu Tacitus, ut obscuritatem argueret lib. 6. Oppidanum genus vocauit. E diuerso municipia ipsa, Coloniae, Ciuitatesque inferiores suarum sollicitae dignitatum ita Quaestorem, Aedilem, Praetorem, Consulem, Dictatorem, Duumuiros habere voluerint; quatenus comitatu, opibus, splendore, superbia etiam, & opinione retinere illos in honoris auctoritate, & fastigio potuissent. Et (quod verius existimo) prout munerum publicorum, ciuilibusque procurationis ratio magis vnum, quàm aliud magistrandi nomen, atque officium flagitasset. Aedilatus autem praecipue, quoniam sacra recta seruare, popellumque pascere, latitiaque, & ludis ducere ordinaria cura apparuisset. Atque haec fortè an causa, cur tam frequens id nomen Aedilium in municipijs (quod superius adnotabam) quoniam, quae imperij essent, atque altioris regiminis, deque grauiore rerum gerendarum forent Consilio, ad Praetores, Praesides, Proconsules, ceterosque Prouinciales Magistratus pertinebant, quos Roma misisset. At vero ea, quae copiam, & domestica (ut ita vocem) negotia, populisque nutrimenta, ac latitiam, Urbisque securitatem, aut munditiem spectarent, Municipali Magistratui, qui patriam suam praesens, ac videns tueretur, seruabantur. Verè enim populus duas tantum res anxius operat.

*Panem, & Circenses* Iuuen. 4. 81.

Ille apud Apuleium miles. *Annonam curamus*, ait, & *aedilem gerimus*. Erat autem Aedilis Hypatae in Thessalia. Quo sensu, & *Episcopi* alio nomine in Municipijs, qui ea munia obibant rerum venalium, ceu quidam Aediles, pretium, sanitatem, copiam panis, ac cibariorum curantes. De his Arcadius l. fin. §. item Episcopi de muner. & honor. & ibi Gothofr. Pancir. cap. 13. de Magist. Municip.

Neque tamen in ea opinione versor Aedilem in Ciuitatibus, siue extra Romam pro summa potestate Municipali semper accipi debere;

Arpini  
inferi-  
Qua-  
auis, &  
bi, plu-  
on. Go-  
IIVir,  
res fuis-  
s gene-  
appel-  
titiam,  
Aedili-  
um; in  
hibent  
Velfer.  
js, non  
llud af-  
liquis à  
stant  
on tam  
uetudi-  
s impe-  
ur, ita  
dis. Il-  
du Ro-  
nis sibi  
lare vi-  
isse fa-  
et ille-  
buc-  
impo-  
rimus,  
etiam  
Alio-  
m ipsis  
è alibi.  
on. 1. 2.  
Non



re; aut semper vnicum fuisse Magistratum, qui in eo municipio crearetur, nunc Aedilis, nunc Triumviri &c. nomine, quod Cuiac. docuit ad l. 18. C. de Decur. Scipio Gentilis 2. 5. de I. dictione, à quibus viris liceat etsi cum verecundia recedere. Immo namque præter Aedilem eodem tempore habuere Duumuiros, Censores, Defensores, Quæstores, aliosque Præfectos: aut duos, inquam, aut plures Magistratus; penitus autē euincitur ex fragmento fastorum municipalium, quos profert Golz. in Aug. pag. 213. & Grut. 299. vbi in eadem ciuitate, & in eodem anno legitur, qui fuerint *Duumviri*, qui *Aediles*, aliquando *Quæstores* additi, prout creati fuerant eo anno; nonnumquam generico nomine *Magistratus*, pro Duumuiris, aut Summaribus. Haud secus Pisif fuere & Duumviri, & Aediles, tamquam diuersi, & alij Magistratus, vt dicemus. Item apud Cærtes Grut. p. 214. Scio extra Urbem, quin etiam Romæ, vix accenferi honoribus Quæsturam: nec ignoro quod scripsit I. C. l. 18. de muner. & honor. *Quæstura in aliqua ciuitate inter honores non habetur.* Est igitur tamen vbi honor audierit: vbi verò Aedilis in aliquo Municipio, aut Colonia primas tenebat *Ad. iuridicundo*, meritò vocari poterat, vt in antiquo lapide municipij Cæritum d. p. 214.

At *Aedil.* Anno ibidem; quasi à Superiore distinguatur, qualem possumus Pisani hunc agnoscere, cæterosque in ijs Colonijs, vbi digniori loco alij præessent Magistratus. Immo namque ædilitas quandoque gradus ad Curiam: adeo alicubi Aediles, non modo summum locum non obtinebant, sed infra Decuriones habebantur, nisi testimonio decipior veteris I. C. municipalis apud Grut. 408. 1. *absque censu per Aedilitatis gradum in Curiam nostram admitterentur &c.* Aliarum Ciuitatum alios Aediles Gruterianus index volentibus prodit; ac de ædilibus municipalibus quædam Bul. 7. de Imperat. R. c. 15. Non placet tamen, dum Magistros municipij pro Duumuiris exponit ex loco Suet. Domit. 14. *Municipalibus magisterijs contentus.* Est enim Magisterium idem, ac Magistratus, aut Præfectura: non verò quia eo nomine *Magistrorum* II Viri vocarentur. Sic, & *Magisteria Sacerdotum* pro dignitate. Suet. Calig. 22. Confusaneam eiudem Bule. eruditionem, & quandam velut auctoritatem *παρορτυρία* male digestam tu vide. Dum verò sellam Curulem Aedilis, & immunitatem à Tutella expendit, parum mihi videtur distinxisse Aedilem Curulem à non Guruli, & Romanum à Municipali. Hoc itaque pacto *Aedilem Pisa-*

num



num interpetor: non pro vnico, & summate; sed qui, Magistratibus altioris ordinis maiora curantibus, ædilitia ipse munera obiret: quod quidem arguit Pisana Colonia olim magnitudinem, ac splendorem. Duumuiros enim Pisis præfuisse docent eximia illæ tabulæ marmoreæ Decreti funebris, vbi & *Decemprimi* apponuntur; qua quidem Decaprotia docemur numerolum fuisse Senatum, aut Curiam, virisq; refertam dignissimis, è quibus illi *Decemprimi* legebantur. De hac Primorum decem excellentia V. Vellerum rer. August. l. 5. pag. 95. Rein. epist. 394 & nos inferius cap. 37. Disertè in eo decreto legimus; *Quicumque postea in Colonia II Vir, Præfetti, siue qui alijs Magistratus erunt &c.* quibus verbis plures Magistratus domesticos Pisis confedisse liquidò constat. Vique ad tria enim, aut quatuor illorum genera Vlp. I. C. l. 1. & 2. de Decur. in Colonijs, aut Municipijs non veretur simul admittere.

## CAPVT VII.

*Sepulcreti Pisani magnificentia. Tabula illic marmorea de inferijs Caij, & Lucij Cæs. elegantissima. Præfectus ærario Pisanus. Quæstor ad Ærarium. Quæstor ab æratio. Pancirolus reprehensus. ὀνοροῦμος ἢ πόλεως. Arcarius. Curator Reip. Curator Calendarij. Florentini, non Fluentini. Pisana inscriptio restituta de Curatore Calendarij Florentinor. Pise municipium, Colonia. Pisani Coloni Iulienles: in domum Augustam obsequentiissimi. Flamen Augustalis Pisis. Præfectus ærar. Romæ; & qualis Pisis? Lapidis nostri tempora indagata. Pisas gignendi casu.*

**I**N ære suo me tenet Præfectus ærarij Pisanus, quem nobis ingerunt eadem tabulæ marmoreæ de inferijs Cæsarijs. Seruantur parieti infixæ, in conditorio, aut sepulcreto ad Aedem maximam operum omnium, quæ Christiana vnquam tentauit magnificentia, ac pietas pro ea ætate pulcherrimo. Illæ sic habent in eo decreto, quod ad Caium Augusti Nepotem attinet. *Quando eo casu (cùm nunciatus esset decessus Caij Cæsaris) in Colonia. Neque II Vir, neque Præfetti: Fr. . . . o (æratio) neque quisquam iuredicundo præerat. Et infra II Vir, Præfetti, siue qui. ali. Magistratus &c.* Hos enim posteriores Præfectos præcipuè refero ad ærarium, quos paulo ante nuncupa-

tim



rim nominarat lapis. Curam ijs iniunctam fuisse publicæ pecuniæ nemo non videt: qui in alijs lapidibus nunc Quæsttores, nunc Arcarij vocantur. Non enim puto Præfectus hic ærarij Pisani Romam mittebatur, tamquam Magistratus Prouincialis, aut lulceptor; tum quia nondum in Vrbe repertus erat hic honor, vt infra dicemus; tum etiam, quoniam in Pisano decreto agitur de Magistratu Colonico. Quo auctore, & præfente Decuriones maiorem suis Consultis vim, ac firmitatem adstruerent, & obsequium Pisanae Coloniae adprobarent in domum Augustam, parentali eâ lege quot annis seruanda ad augendos honores Caij, & Lucij, quos immatura mors, & acerbum Romano Imperio fatum abstulerat. Municipalis ergo fides, ac deuotio à Municipali Magistratu memoriae illorum Cæsarum exprimebatur. Inter Municipales Magistratus nequitiam hunc Præfectum ærario agnouit Pancirolus, cui noster lapis inuitus, sed poterat alium vidisse ex inscriptione Gruter. 214. de Municipio Caritum. *C. Suetonio Claudio adile Iuredicundo. Præfecto ærarij.* At meo iudicio satius fuisset si cap. 19. de Municip. Mag. talem nostrum intellexisset, qui pecuniam exigeret, collocaret; ærario, aut arcæ inferret, promeret, conderet; publicos redditus, rationesque dispensaret. Reperio in hac ipsa Vrbe Pisana Quæsttorem ad ærarium, vt exprimit lapis Lucæ seruatus, à Cyriaco Anconitano in suo itinerario, nisi fallor, productus.

Decurioni Pisis Quæst. ad ærar. II Hæredes &c. Sicuti vocatur hic Quæsttor ad ærarium, ita dixerunt Quæsttorem ab ærario, vt apud Grut. 437. 2. 1026. 9. Alius est autem Ἀγοράνομος, hoc est Aedilis, de quo Pancirolus d. cap. & alius (quem tamen confundit) est δικονόμος τῆς πόλεως, vt ex D. Pauli epist. ad Rom. quem Hieronymus, seu verus interpres Arcarium vertit, ac forte suppar est Præfecto ærar., qualis hic Municipij Pisani. De Arcarijs quædam notat è veter. epigram. Reines. var. lib. 3. p. 595. V. & Samuel. Petir. 3. obseru. 7. Fuisse tamen Pisis Quæsttores Prouinciales eadem tabula ostendit extrema. *Coram Pro. Quæstoribus primo quoque tempore &c.* Hoc est Prouinciæ Quæstoribus, vt ego malim exponere, quàm Proquæsttores huc aduocare. Cætera hunc Præfectum ærar. Pisani non absimilem statuimus Curatori Reipub. vel Curatori Calendarij, de quibus idem Panc. & magis huic secundo; cuius erat non prædia, sed pecunias curare fœnoribus, ac nominibus. Habebant enim Corpora, & Collegia: habebant & Ciuitates suos Calendarij Curatores, qualis nostræ Florentiæ fuisse



fuisse legitur in veteri marmore itidem Pisis apud eundem Roncionium. Placet verba lapidis afferre, quoniam nobis Florentinis vindicias dat litteræ R. Scimus enim nos quoque hurrere, & litteram caninam exerere præsertim aduersus sciolos; nè quis obstinare Fluentinos nos velit, quasi fluxos, vel fluidos. Aedepol. in hac ipsa nostra Ciuitate R. amisisse contumeliosum est: ita enim ludere solet plebecula, aliquem notans teinulentia, & *ῥωβιλωτερος*, cui ob offensantis linguæ, & vino insuccatæ tumorem non bene exprimitur. Ea sunt verba inscriptionis malè exscripta à Borghinio nostro, malè recepta à Grut. 444. 5. ex qua praua lectione nescio quid comminiscuntur de Prima Ala Florentinorum. Vti optima maxima fide sic habent.

q. Obsequentius Scurinus

Aug. Pisis

Cur. Kal. Florentinorum.

Cum verò in littera K duæ lineæ, quæ cuneatim obiacent, paululum deletæ per ætatem fugere incæpissent (manifestissimum tamen earum vestigium in marmore adhuc eminet) putarunt esse: litteram I numeralem luscitiosi exscriptores. Mox in fine syllabæ AL gratuitâ audaciâ somniatam E apposuerunt, vt conficerent I. ALE. hoc est primæ Alæ. Sed vero *Cur. Kal.* sculprum fuit, idest Curatori Kalendarij. Illud interim mihi subolet Pisanos Ciues omni industria, omnique arte studuisse, vt Octauio Augusto adularentur; teque, ac suam Coloniam inter addictissimas eidem Principi, summisque deuinctam beneficijs profiterentur. Olim Pisæ Municipium vetustissimum, vt expressè eas numerat Paulus ex Festo in verbo *Municipium*. Sed ducti postmodum Coloni teste Livio V.C. 572. Ptolem. *Πύσα Κολωνία*: V. Cluver. antiq. Ital. 2. 2. *Coloni Iulenses* appellari voluere, vt vrbs ipsa *Colonia Iulia Pisana*, cui & cognomen obsequentis addidit in Decreto Pisano. *Vti Colonis Iulensibus. Colonia obsequentis Iulia Pisana &c.* sic etiam Octauij Augusti nepotes hinc Caium compellant, *Coloniaque nostræ vnicum Presidium*. Lucium illinc in altera tabula *Patroni Colonia nostra* titulo demonstrent. Aut quia magnis beneficijs affecti fuerint Pisani ab Augusto, & eius domo; aut (quod multæ tunc fecerunt Colonix) ad splendorem, & opinionem dignitatis aucupandam, nomen Iulæ, & Iulensis Colonix affectauerunt. Cum enim in Gentem Iuliam



liam transferit Augustus, in hanc ipsam appellationem migraverunt  
 Coloniae additiores, quod Golzius pridem observavit, & Veller.  
 lib. 6. rer. August. pag. 117. Neque enim puto iterum Pisas sub Au-  
 gusto scriptos fuisse Colonos; nec sinerent historiae id à nobis igno-  
 rari. Ad hæc, vivente quoque Augusto, templa dedicaverunt in foro.  
 Eadem tabula, quæ ad Lucium attinet *In Foro. In Augusteo*. Qua de  
 causa & Flamen Augustalis Octavio decretus ex Principibus Coloniae.  
*Statulenus, Iuncus, Princeps. Colonia nostra. Flamen. Augustalis*. Semel,  
 atque iterum in altera tabula, quæ de Caij honoribus est. Quæ qui-  
 dem honores funebres tum in allato nuncio utriusque nepotis defun-  
 cti, tum in annuis parentalibus servandis, quanta maxima publici do-  
 loris testatione, quæsiussimæque inferiarum pompa, & apud paratu decre-  
 verunt Pisani Cives; tabulisque marmoris in spem æternitatis inscrip-  
 serunt, quas hodie legimus: omnino legi dignissimas, & Augustei  
 æui excellentia, & latini sermonis candore, & funebrium officiorum  
 ritu præstantes. Utinam non illarum alteram, quæ de Lucio Cæsare  
 agit foedi vulneris hiatu invidiosa vetustas, an barbarorum temporum  
 incuria violaverit! irreparabili, ut opinor, damno, quod perpetuo  
 Musæ defleant, solus illarum parens, divinandi peritus explere possit.  
 Sed id tamen solatio, quod verba desiderantur, sententia commodè  
 excerpitur. Altera tabula magis rimosa, quam imminuta est; eamque  
 accuratè exscripsit, doctum nescio quid φιλολόγημα in utramque con-  
 coquens amicissimus noster Franciscus Maria Eques Cessinus in Pisa-  
 na Academia CL. Antecessor, qui scientiam Iuris æquissimis mori-  
 bus probat, amœniori autem literaturæ cultu assatim exornat. Ioan-  
 nes quoque Pagnius Medicus Pisanus eruditione nobilis pares hume-  
 ros huic moli suffecit. Vulgarunt eas olim Abbas Perghinius in suis  
 dissertationibus, Abbas Vghellius, ubi de Urbe Pisana t. 3. p. 389.  
 Curtius Pichena ad Tacitum lib. 1. meminit Reinel. in epist. 65. p. 582.  
 quæ est C. A. Ruperti ad Reinel. & p. 179. & 394. novissimè Reue-  
 rendis. Octavius Boldonius Antistes Reatinus p. 57. epigraphicorum;  
 quem virum uti religione, gravitate, senio, doctrina venerabilem  
 iudico, ita benigniorem exoptarem in ea censura, quam exercet in au-  
 rei seculi monumentum. Quod verò pronuper in ijs tabulis *Augu-  
 steum* legimus, non indignum est aliqua examinis cura. Potest namque  
*Augusteum* exponi forum. *Αυγυστεῖον* Suidæ in *Αὐγυστεος*, & ab Augu-  
 sto sic forum vocatum tradit. Medij æui scriptoribus *αυγυστεῖον*: quod  
 forum



forum cupedinarium explicant. Sunt enim *Gusta* cupidinæ. Sed abludit hæc interpretatio à Pisana inscriptione. Narratur enim ubi factum, aut scriptum fuerit id decretum: & statim incipit *XIII. K. Octobr. Pisis. in foro. in Augusto*. Si forum iam dixerant, cur Augusteum repetere? nisi discriminis gratia, ut ab aliquo alio foro secernerent. Sed *Id* in superuacaneum. Secundo Augusteum, hoc est Prætorium, vel Augustale, & Domus publica, in quam de more conueniunt Decuriones ad consulta facienda. Sed hoc *Augusteum* vix digna vox eo seculo Augusteo. Tertio templum (& puto verius) à cultu Augusti sic dictum: ut Serapeum, Heracleum, & multa id genus. Quin *Σεβασίον*, siue *Augusteum* reperio ita appellatum templum Alexandriæ in honorem eiusdem Principis apud Philonem lib. de Legatione ad Caium accuratè descriptum. At repugnat quod Dio scribit lib. 51. à viuentis Augusto nemini permissum condere templum suo nomini dicatum in Italia. Indulgit provinciis, ut de Tarraconensi testatur Tacit. lib. 1. ann. & de Pergamensi lib. 4. Suetonius tamen in vita cap. 52. ita scripsit. *Templa quamuis sciret etiam Proconsulibus decerni solere: in nulla tamen Provincia, nisi communi suo, Romæque nomine recepit: nam in urbe quidem pertinacissimè abstinuit hoc honore*. At Aurel. Victor etiam *Roma* &c. viuo, mortuoque; *templa, sacerdotes, & collegia dicata* refert. Non est igitur cur Dionis auctoritas nos deterreat: adstruente præsertim lapidis nostri testimonio viuentis ætate Augusti inscripto; in quo *Flavianus*, etiam *Augustalis* memoratur; argumento templis, ac religionibus cultum Pisis Augustum. Ac fortasse hic Princeps Pisanis permisit, ut delubrum construerent suo nomini; quo pacto in provinciis fecerat. Hæc obiter, sed non inuitè nobis expressa; & si parum obsecundantia magnorum virorum adnotationibus ad ea loca tum Suetonij, tum Cornelij. Eò interim spectant, quò tendebamus; ut Pisanæ Coloniz splendor, quin etiam charitas, & obsequium in Domum Augustam magis innotesceret.

Sed ut reuertamur, vnde digressi fuimus; quòd Præfectos ærarij in Colonia Pisana nobis exhibent lapidea hæc Monumenta, non eò trahendus (quantum opinor) locus Liuij lib. 34. V. C. 558. *Littera M. Cincij (Præfectus is Pisis erat) allata: Ligurum, &c.* Potius enim hic Cincius Romam missus, & à Senatu impositus Pisanæ Ciuitati, ut curam gereret rerum præsertim bellicarum periculoso tempore, cum Ligures Alpini excursionibus vastarent agrum. Hinc & Sedes Præ-

D

toris



toris aliquando Pisis statuta aduersus eam gentem, quæ subinde è suis saltibus ad prælia, & populationes erumpebat; ægrè tandem, tandemque perdomita. Possumus tamen & Præfectum Colonicum interpretari, quo nomine Præfecti vsus Liuius, vt quemcumq; demonstraret Magistratum, penes quem Reip. Pisanæ cura, ac iuris dicendi fors. Non est ergo Præfectus Aerarij, qualem in his lapidibus legimus: nulla namque ærarij mentio; imò nec dum eo tempore inuentum id nomen Præfecti ærario. Ad Quæstores tunc attinebat ea procuratio, quæ dein Prætoribus iniuncta V. Lipsi. in excurs. ad 13. annal. Tacit. C. A. Rupert. ad Enchirid. Pomponij cap. 8. Briffon. Select. antiq. 3. 19. Augustus quidem primus induxit Præfectum ærarij militaris in Vrbe, quod contigit anno V. C. 759. teste Dione lib. 55. at è Decretis Pisanis, vnum post mortem Lucij factum est; altero anno in obitu Caij alterum. Omnino antequam Romæ Præfectus ærario sub hoc nomine institutus fuerit. Expressè autem, si quando Præfectus ærarij in saxis compareat, legitur cum eo adiuncto *Militaris*. Profert Lipsius ad Tacit. 1. ann. lapidem in Samnio repertum. Cæterum deinceps & nomen, & cura ærarij Præfectis attributa extra hoc militare, vt sæpè in libris I. Consultorum l. 12. de his, qui vt indig. l. 15. & 42. de I. Fisci. At noster Pisanus suæ Ciuitatis, & Colonicus mea opinione est: quod & textus, atq; iunctura sermonis satis probat, qui hunc Præfectum ærario post II. Viros nominat, & cum alijs adnectit Magistratibus proprijs. Quando igitur plures eodem tempore Magistratus fuisse in Col. Iulia Pisana ostendimus, Duumuiros, ac Præfectum hunc ærario; non est quod Aedilem Largennium nostrum quasi vnicum (sicuti in nonnullis alijs oppidis) interpretemur; vel Summatem, ac Principem Reipub. clauo assidentem exponamus. Ergo complures hi Magistratus, suis quippè munijs incumbabant; ac Aedilis quidem, perinde ac Romæ minutus quidam Censor, pusillusque morum Magister, annonam, forum, res venales, locaque illum metuentia explorabat. Quod & in alijs municipijs idipsum ab Aedilibus factum crebris monemur testimonijs scribentium, quos prudens omitto, ac superius delibauì. Sed iam præuerto ad illud, quod mihi vllus haud ineptè obijciat; potuisse alio tempore aliter regi Pisanam Ciuitatem, ac diuerso iisdem nomine Magistratum suum appellare. Habuerit illa sub Augusto Duumuiros, totidem veluti Consules, binos Curiaë oculos, bina Reipub. capita: alios etiam Magistratus habuerit. Sed

verò



verò cum inscriptus fuit hic lapis Q. Largennium Aedilem repræsentans, quis spondere audeat eo tempore Pisanos sub ædilu, tanquam summo, aut vnico Magistratu non paruisse? libenter aio, nec diffiteor id contingere potuisse. Cum tamen superius ostenderimus, vel in multis alijs tenuioribus oppidis præter Duumviratum, saltem Aedilem præsedisse: quid est quod Pisanam ciuitatem, vel Augusti æuor ita opulentam, ac splendidam (quod decreto illo toties laudato comprobatur) vnico Magistratu addictam velimus, solique Aedili panoso (qualem vocat Iuuenalis) audientem statuamus?

Sed quidquid alij hac in re diuersum sentiant, haud repugnamus; utcumque enim, ad examen semper proficiet nostri lapidis. Quod si de ætate quærat, qua vixit Largennius, quaque manum sensit, & Scalprum Pisanus hic lapis; equidem non ausim statuere. Neque licet nobis, tam esse oculatis ad hæc τὰ ὀπίσθεν definienda, præsertim obscuro, & ignoto (quod ego sciam) in scriptis Auctorum Q. Largennio: si quid tamen licet pingui coniectura σοφίζων, ad tempora Antoninorum, aut præter propter referrem. Species ipsa, ac forma florens literarum, tam politè, tam affabrè ad amissim ducta antiquitatem negat aurei seculi, sed potius arguit quam diximus. Honor Bisellij coniecturam fulcit, nisi ex asse fallimur, de quo inferius; sed & verbum *Pisas* more Græco vsurpatum non abludit ab eo seculo. Vix est enim, ut hunc errorem impingere velimus marmorario, qui *Pisas* per iniuriam scripserit pro *Pisa*, vel *Pisarum* cum literæ omnes literatè, & ad exquisitam delineandi regulam sint effectæ. Sed credamus potius dorico inclinamento scriptum fuisse *Pisas* in paterno casu; quamquam & Latinis ea figura vsurpatur contra Analogiam, ut *Paterfamilias* pro *Paterfamilia*. Varron. lib. 7. LL. &c. In antiquis autem lapidibus haud semel *Dux vias, terras, filij, &c.* V. Indicem Gruter; ac Boldonius p. 91. repetijt, & animaduertit ante illum Laurenberg. antiquario in *As*, & *Vias*. Et quidem nonnullæ Vrbes Græcam iactantes originem, qualis Pisana, in Græcis licenter exultare, quandoque depræhenduntur, ut marmora sæpè nos docent. Græcis autem numero singulo *Πισα*, & quandoq; *Πισσα*. Præcipuè sub Antoninis inuecta quædam insolentia loquendi; cum Analogia mutare cepit, & puritas illa aurei seculi à suo splendore desciscere. V. Reines. epist. p. 290. quin & verba latina Græcis literis scripta, idem Reines. p. 289. quod nescio petulantia, an lusu fabrilis factum fuerit, vel ambitio-



bitione Græcitatís, quæ tunc irreperet. Quod enim demum translato in Orientem Imperio Græco, Latinas tam sæpè lineamentis Græcis referrent, non adeo demisor. Idem & in nummis obseruatum fuit sub Antoninis M. AVP. ANTONINOS. AVG. quem profert idem Reinel. p. 434. epist. inter suas 48. quæ est C. A. Rupert. ad Reinesium. Contrà verò voces Græcicæ latina forma descriptæ, & quidem sub ea potissimum tempora: quadam viriusque linguæ inter se communione, atque hospitalitate, dum altera alteri aut voces, aut characteres commodat. Quod in nummis factum indicare non destitit Ezechiel Spanhemius dissertatione erudita de veterum nummorum usu, ac præstantia pag. 48. In lapidibus specimen esto apud Grut. 339. 2. *Aramanti nica* ad latus cippi vtrinque recto ordine inscriptum. h. e. *Aramanti Vince*. Inter acclamationes .i. quibus agitatores ad victoriam excitabantur, quod & in nummis ea formula obseruatum: quæ variè ab alijs exponitur; & Boldonius fecit pag. 81. Epigraphic.

## CAPVT VIII.

*Chresimus*, Χρῆσιμος. Libertis fausta nomina bonæ sceux gratia.  
*Pancarpus*. Ονεσίμος.

## Q LARGENNIVS CHRESIMVS PATER.

Constat ergo lapidem hunc, siue basim, aut arulam dicatam, aut positam fuisse Q Largennij Seueri Aedilis Pisani manibus à Patre suo Q Largennio Chresimo.

Quod verò Chresimum patrem spectat, suo se cognomine prodit, ceu alienigena, non Latina, aut Italica origine; nisi quod Græco vrbs Pisana fonte nata Græcis gaudere poterat appellationibus; est enim Chresimus Χρῆσιμος: ac fortè hic Chresimus Ciuitatem Romanam, & ingenuitatem adeptus in familias Largenniorum transijt, quorum beneficio ius togæ impetrasset. Retinuit autem Græcum, aut peregrinum Chresimi bonæ sceux gratia, quoniam Χρῆσιμος vtilem, & commodum indicat; ac ferè Liberti talia cognomina non abdicauerunt rem gratam facturi patronis. En idem Chresimi cognomen C. Ticio Augusti liberto, Grut. 485. 2. *Caio Ticio Chresimo Augusti li, &c.*  
quam

quam inscriptionem non possumus infra non expendere, saltem *ἀποθνήσκων*, utpote affinem nostro marmori, & unde mutuam sibi lucem commodent; & 18. p. 706. *Chresimus Cleopatra filio dulcissimo, &c.* Apud Senatorem Strozam in suburbano ruitis cæsis antiquitatum instructo. *L. Murdius Chresimus annos natus, &c.* atque in alio *Ti. Iulius Chresimus, & C. Furnius Pancarpus, &c.* Chresimus, & Pancarpus fausta plane nomina. Neque in alio significato κατ' ἐτυμολογίαν alicubi *Onesimi* cognomen legitur. In iisdem epigrammatibus, ut inter alia apud Grut. 900. 13. pariter in liberto. *C. Postumius, C. L. Onesimus.* Sirmondus sine lacuna vidit, atque exhibuit; cum tamen in Gruterianis sub eo numero vastum vlcus appareat. Est autem Οὐνήσιμος, idem ac Χρήσιμος.

Ac de seruo 987. 8. *Onesimus Stati Bufi. Ser.* In Etrusca nostra S. Miniatensis vrbe apud equitem Antonium Roffiam *Cimarulina* fecit. *Onesimo. benemerenti.* Senator Car. Stroza mihi dedit atque aliam sui suburbanæ inscriptionem. *A. Hernuleio Eutychio. A. Hernuleius Onesimus lib. suo B. M.*

Adeantur, & inscriptiones Basilicæ S. Pauli ad viam Hostiensem 581. 541. 559. Alij itidem lapides Florentiæ *D. M. Iulioneſimo M. Iulius Marinus fecit Patrono b. m.* Et in alia *D. M. Vlpio Venerio, &c. Canesius Onesimus filio dulcissimo.* Et *D. M. Albie Dorcadis Plotia Onesime filia matris piissima.* In horto visuntur Illustrissimi Marchionis Bartholomæi Corfinij, quem alijs fortunarum amplitudo, sanguinis, ac ministerij dignitas inuidendum, mihi semper spectabilem ingenij elegantia, ac morum suauitas faciet.





## CAPVT IX.

*Honor Bisellij*: nusquam legitur. De sellis veterum instituta digressio. *Sella*, *Sedda*. *Subsellium*, *Subseddium*. *Bisellium*: quod duos capit, vel duabus constat sellis. Varro leuiter tentatus, & accuratè explicatus. *δίστρος*, *δίεδρος*, *δίεδρον*. Lat. *Bisellium*. Athenæo addita lux. *Bisellium* *λαμπρὰ καθέδρα* Hesychio. Ambitiosæ leges sedendi. quæ maiora, credita honestiora. *Duabus sellis sedere*: omiffa à collectoribus adagialis forma.

## QVI OB HONORE BISELLI.

**S**I vnquam aliàs, opranda nunc mihi foret Accij Nauij auguris miraculosa manus, ac culter, quo cotem olim secuit; vt ego quoque Pisani lapidis abditum, ac penetralem sensum, quasi facta sectione educens, quid ex veritate critica magis conueniat, augurari subinde possem. Sed ab initio monui, solis coniecturis me progredi; qui nunquam aut Nauij ipsius, aut Tagis artem condidici. Vel quadratarius igitur insigniter nobis imposuit ita scalpendo; vel qui sit hic *Honor Bisellij*, accuratè quærendum est; cuius vnica (quantum creditur) mentio in hoc marmore Pisano. Neutiquam igitur desideamus, vt de sedendi, sediumque, aut sellarum vsu, forma, ratione, discrimine leuiter saltem exponamus; si hinc aliqua fortè lux ad Honorem Bisellij inuestigandum affulserit. Congeremus veluti per Satyram, ac lege miscella, quæ in veterum scriptis, monumentisq; obseruare *παχυμερὺς*, ac desultoriè licuit. Cura longior, & adnotatio intentior requireretur in hanc partem antiquitatis excutiendam, ad quam veluti ex inopinato, ac penè imparati accedimus: quippe nihil tale ab initio cogitantibus obrepfit lubido, vt hic tanquam in suo loculamento emblema hoc philologicum infereremus. Aliàs, si diuino Numini visum erit, totam impensè dabimus, exactèque operam veterum sedibus indagandis, depromendisque. Nunc solum in transcurso sedemus; tota tunc erit sedentaria exercitatio.

A Bisellio incipientes nè pigeat cum literatoribus aliquantulum sapere, atque in eorum pergulis parumper detineri. Minuta, inquis, ac leuidentia sunt ista: sed ad seria nos ducunt; sique ignorentur, aut  
negli-



negligantur, ad maiora nunquam gradus. Isid. lib. 20 cap. 16. *Sella à sedendo quasi Sedda*, & cap. 11. *Sella quasi sedda dicta est, & subsellia, quasi subseddia*. Fest. *seliquastra, sedilia antiqui generis appellantur D. littera in L. conuersa, ut etiam in sella factum est, & subsellio, & solio, quæ non minus à sedendo dicta sunt*. Terent. Scaur. de orthogra. *Seddā dixere, quam nos sellam*. Mar. Victor. in lib. 1. *Sella à sede, ubi de commutatione literæ D. & L. sic Dij Nouemfides quasi Nguemfides, quod nouem vnā assideant Πάρεδποι, & Assessores apud eundem Victorinum: cuius grammatici verba veluti conturbantis nimium præfidenter sollicitat Salmas. ad Spartiani Adr. c. 14. mihi tamen pura sunt, & aprica. Videat vllus mecum, atque iudicet; sed nunc omitto*. Sic *Dini Fidius* hoc est *Dini filius*, siue *Iouis filius*: quod de Hercule exponunt. Fidius nempe pro filius, & Pomp. Festo, *Impelimenta Impedimenta dicebant*. Eundem vide in *Ancepsa, Delicata, Dacrymas*. Seruius 7. *Aeneid. ad illud*.

— *Solio medius confedit auito.*

*Solium* — quasi *sedium*: ut *sella pro sedda*. Ut mihi videtur, *solium*, dein *sodium*, mox *sedium*. Sic festo *sodales, quod vna sederent*. At vnicus Varro in tota veterum scribentium cohorte 4. de LL. *bisellij* meminit. *Ab sedendo appellantur sedes, sedile, sedum, sella, seliquastra*. Deinde ab his *subsellium, ut subsipere, quod non plane sapit: sic quod non plane erat sella subsellium dictum, ubi in eiusmodi duo bisellium dictum*. Quæ postrema verba (ni vlcus subfit, ac vitium, quod subuereor) hoc mihi explanant: *Vbi in eiusmodi (sella) duo (supple, sedent, quiescunt, capiuntur; vel sedere, capi, & quiescere possunt) Bisellium dictum*. Quare verborum sarcinatores ex hoc loco Varronis, ut auguror, *bisellium* exponunt *sellam*, quæ capit duos. Sed non inconcinniter etiam dixerimus, *Vbi duo sellæ quasi iunctæ, & compactæ fuerint, Bisellium dictum*: ac leuissima detractione T& In, Varronem ita monentem inducere. *Vbi eiusmodi duo (sellæ) Bisellium dictum*, aut si magis placet, *Vbi in eiusmodi (nempe subsellio) duo (capiuntur, & confident) Bisellium dictum*. Proximè enim de Subsellio Varro loquebatur; ergo ad Subsellium referenda videntur, quæ consequuntur. Grecis *δίππος* quandoque pro sede, quæ capit duos *παρά τὸ δύο φέρειν*, & hoc sensu, atque vlti sedendi Etymologista accepit in *δίππος*, Menandrum aduocans, *ἐκάθηντο ἐπὶ δίππῳ ἑνὶ τῇ τε καὶ παρθένο*, & *sederunt in δίππῳ* aut *Bisellio, Mater, & Virgo*. Sed *δίεδρος*, vel *διεδρος* magis exquisitè Latinis



tinis sonat *Bisfellium*. Præter Eusthatium in Iliad. meminit Hesychius; & Suidas, ad quem Aemilius Portus, *διέδρος, idem ac δίτρος, Bisfellium. Sella duas recipiens*. At illa sunt Athenæi in Philadelphi pompa describenda. *παρετέθησαν δὲ καὶ τρίποδες τοῖς κατακειμένοις χρυσοῖ διακόσιοι τὸν ἀριθμὸν. ὥς τ' εἶναι κατὰ κλίω ἐπ' ἀργυρῶν διέδρων*, lib. 5. cap. 6. p. mihi 197. edit. Connelin. Vertit Dalecamp. *Accumbentibus Mensæ tripodes aureæ admotæ sunt numero ducentæ ad lectos singulos, duæ argenteis fulcris constabiles*. *διέδρος*, fulcra, aut pedes mensarum exponit. Non (puto) tam acutè vidit, ac Calaub. qui *Repositoria* tripodum maluit, quæ binos capiebant. Adderem ego signatè vocari *διέδρος*, quoniam tum tripodes, præter genus mensarum, fuere etiam sedilium (ut hodiè quoque rustici, & paupertini vtuntur, nobis Trespoli) tum quia, & ipsi tripodes à Vatibus insideri solebant, qui Deum illuc concipientes, mox fata redderent. Quoniam igitur duo tripodes, aut sediculæ illic reponebantur; aut quia illic veluti sedebant aptè recondita, *διέδρος* appellarunt. Atque his postremis intellectibus Varronem enarrantes, magis ad compositionis latinæ flexum, aut inclinamentum accedimus. Sic namque biclinium, quod duos habet lectos, seu *κλῖνας*; bipennis, quæ duas pinnas, aut acies; bipalium, bifaccium, birotium; & alia id genus. Sic bisfellium potius à duabus sellis, quàm à duobus, qui illic sedeant. Quæcumq; ea sit veriloquij ratio, aut structuræ forma; ex ipsa bisfellij laxitate, qua vel duos capit, vel duas complectitur sellas, dignitatem quadamtenus arguere quis possit. Omnino autem pro sella splendida, atque honesta acceperunt Græci: quos inter Hesychius (qui auctor argumentum honoris in bisellio spectauit, ac notus esse tum debuit illius usus) disertè inquit *διέδρος, διαφανής, ἢ λαμπρὰ καθέδρα*. *Bisfellium* (ita veterem) *conspicua, aut splendida sedes*. Nempe omni ævo blandita sibi in tantum est ambitio, ut etiam in hisce rebus, quæ exterius refulgent, pro earum materiæ amplitudine, ne dicam luxu, de vtentium præstantia iudicauerint homines: quod præcipuè in vestibus, atque ornamentis obseruatum fuit. Ac in sellæ, qua de agimus, exemplo, illustrem, ac præpotentem ut notaret sceminam Seneca lib. 2. de tranquillit. cap. 14. *quid refert quantum habeat, quot lecticarios, quàm oneratas aures, quam laxam sellam?* Leticarij autem tam ij, qui sellæ, quam qui lecticæ subiungebantur; quod Lipsio assentior i. elect. 19. Sic quoque supra usum, aut necessitatem; ad pompæ, aut magnificentiæ speciem; coronæ, quæ olim capitibus

victor



victrorum imponebantur, dein capite ampliores factæ, quod Festus tradit *Donaticæ corona*, quod his victores in ludis donabantur, qua postea magnificentiæ causa instituta sunt super modum aptarum capitibus, quali amplitudine fiunt, cum lares ornantur.

Quo respectu Plinius paneg. vt beneficij, aut lætitiæ magnitudinem exaggeret, *Augustioribus aris, & grandioribus victimis inuocaretur, &c.* Ne hic addam de clauo lato, aut angusto, de ollis maioribus, aut minoribus; non de rogis, aut pyris; quæ omnia pro eorum magnitudine, ac modo, ira existimationem eius demonstrabant, cui tributa erant.

Haud planè statuerem, huc respexerit, an non Sarcasmus ille, quo aliquem *duabus sellis sedere* dixerunt; quasi ad bisellij vsum, ac formam retulerint. Scoticus tegitur sensus, sedetq; acumen in hisce verbis, quibus lubricam nonnullius fidem, & mobilis animi inconstantiam carpebant. Exprobratum id Ciceroni à Laberio, de quo Macrobi. 2. Saturn. cap. 3. Præstat integram narrationem exscribere, ne inuideamus vrbانيتatem, & salem dictorum. *Cum Laberius in fine ludorum anulo aureo honoratus à Cesare, è vestigio in quatuordecim ad spectandum transijt violato ordine, & cum detractatus est eques Romanus, & cum Minus remissus: ait Cicero pratoreunti Laberio, & Sedile quarenti, recepissente, nisi anguste sederem, simul & illum respuens, & in nouum Senatum iocatus, cuius numerum Caesar supra fas auxerat: nec impune. Respondit enim Laberius: Mirum si anguste sedes, qui soles duabus sellis sedere; exprobrata leuitate Ciceroni, qua immeritò optimus ciuis male audiebat. Repetitque lib. 3. cap. 7. vbi diſterij vim exponit; obijciens tanto viro lubricum fidei. Ante illum Sen: parens declam. 3. lib. 7. & controu. 18 lib. 3. Laberius ad Ciceronem remisit: atqui soles duabus sellis sedere. Quia Cicero male audiebat, tanquam nec Pompeio certus amicus, nec Cesari, sed vtrique adulator.*

Qui igitur bisellio insidet, facili transitu, si lubeat à dextra in sinistram migrat, aut contrà remigrat sellam, nunc vni, nunc alteri incumbens parti. Quo pacto homines sublestæ fidei, & versatilis animi, qua vocat spes, blanditur lucrum, aut occasio inuitat; ita ex vsu verforiam regunt, ac temporibus insidiando, nunc vni, nunc alteri vento rudentes laxant; vndeque stat fortuna, illic adhærescunt; quod viro consulari, ac diserto obiecerunt. Et quoniam hoc scommate ij præcipuè asperguntur, qui vno, eodemque tempore duabus rerum agendarum oportunitatibus mobilem, atque obnoxiam fidem oppi-

E

gno-



gnorant; perbellè hoc dictum à bisellij forma petitur, vbi infessor duabus eodem tempore incumbit sedibus, cum tamen vnicam videatur tenere. Sed duabus sellis etiam ille sedet, qui quam commodiorem sibi putat, eam disiuncto & tempore, & loco subinde obtinet, relicta, ac mutata priori; quod ad partium sequelam in Republica dein transtulere. Nisi malimus ad morem veterum referre, cum pedibus in sententiam discedentes, alio sessum ibant, atque eo pacto probabant quid eligerent.

Atque hanc adagialem loquendi formam *duabus sellis sedere* eruditissimi prouerbiorum collectores cur volentes præterierint, aut nimium securi non viderint, minimè video. Nobis tamen quadantenus est affine vernaculum illud, *Tenere il piede in due stasse*, de homine occasionum segni, qui sibi vnam, atque alteram prospexerit; vt si fortè primâ exciderit, secundam arripiat: quomodo pes innixus duobus suppendaneis, si vnum elabatur, alteri insistit. Posset quoque metaphora duci à cursu equestri, cum quis ex vno in alium, equum currendo se traieciat; ea enim erat desultoris ars in equum *ad porsus* velocitè transilire, ac mox in priorem sellam resilire. Periculosum autem est rem habere cum equis currentibus, quos nudos tunc fuisse puto, ac sine sella. Omnino igitur tutius erit à consensu, & concione deducere, quod tum Sen. tum Macrob. disertè narrant.

## CAPVT X.

Bisellij indagata forma: prolatum specimen, aut affine aliquid. *Sella quastrum. Antiquum. Antiqui moris*: lux Tacito. *Lecli archaici*: alPantica. *Sella rusticana. Cassiopeia mulier seliquastri.*

**S**ed cuius omninò formæ, aut structuræ fuerit Bisellium nostrum (vt eò reuertamur) nesciui hactenus è veterum reliquiarum figuris certoprehendere. Eam autem sellam in vsu aliquo extitisse ambigendum non est, alioquin cur eius mentio, aut descriptio Varroni? Quod si vllum tamen monumentum, aut monumentorum iconismus, quem nobis reliquum fecit vetustas, ac elegantium hominum industria seruauit, bisellium meo iudicio, aut videri, aut dici potest; vnus est, quem subijcio: V. in calce libri num. 1. Si quis transuersum fecerit medium hoc sedile, duo erunt sellæ curules disiunctæ:



Etæ: quæ ita compactæ bisellium, siue binas sellas conficiunt; & quidem honorifica illic sessio, quoniam curulibus innixa. Extat hæc figura inter antiquitatum paradigmata, quas collegit Fulvius Basserus: possidet hodie Vaticana Bibliotheca. Cuius Cimelij pararius mihi fuit apud Illustrissimos Puteos D. Vincentius Viuianus nuper redux ab Vrbe, vir mihi suauissimæ amicitiae lenocinio coniunctus; orbi autem notus ob præstantiam subtilissimi moliminis editi, quod de sessionum conicarum *Maximis*, & *Minimis*, maximum semper Auctorem demonstrabit. Nec tibi inuideo sellam, aut thronum duos capientem ex antiquo, atque eleganti Cimelio onychino apud Tristanum tom. 1. pag. 100. V. Icon. num. 2. Attende & apud Goltz. in Aug. 71. 5 ubi duo pro rostris in eodem sedili: vulgavit & Vrsin. in fam. Sulpicia p. 254. qui Augustum, & Agrippam sedentes exponit: V. nu. 3.

Quod si quis nimium anxie hæc à nobis inquiri existimabit, per veterum saxorum reliquias, atque iconica vestigia monumentorum, ad honoris, aut dignitatis aliquod illinc expiscandum documentum; hunc velim meminisse, qualia fuerint omni æuo id genus commenta, ac symbola honorum externis hisce nitetia adspectibus. Qualia etiam hodiè, cum plura sint insignia virtutum, quam virtutes ipsæ, quæ virum demonstrent, & magna cuique laus est laruam callide gerere! Inter prima vt iam Sapientiæ mysteria habeatur, & rituales morosæ ambitionis nugas nouisse, quis, coram quo, quantum, quoties, quæ sede, loco, tempore, sedeatur. Deq; his omnibus non ignoramus constitutionem editam ab Imp. Arcadio, & Honorio in Cod. Theod. 15. 13. tit. *De Vsu sellarum*: quam inf. producemus. Nihil ergo mremur de bisellij honore. Sed cum sedibus pergere iuuat, quod apprimè commodum erit. Vtinam dum ealamo, quasi sella fertoria progredimur, *animus* quoque (quod aiebant) *sedendo fiat melior*. Ab eadem sella *Seliquastrum* deducunt tum Varro, tum Festus, cuius illa sunt verba superius allata. *Seliquastra sedilia antiqui generis appellantur*. Arnob. lib. 2. enumerans supellectilem *Pollubrum*, *Siliquastrum*, *Trubla* &c. qui Auctor per I effert, vt & Hyginus, de quo infra. Promiscuè autem & *Siliquastrum* dixere, & *Seliquastrum*: quamquam & *Siliquastrum* genus herbæ hortensis. Pariter meminit huiusce sedis inter instrumenta domus, & in supellectilis censione Iuris Consult. l. 4. de supell. legata; nisi magis placet ex Pandect. Flor. legere *Sedularia*, quod Ant. Augustinus conatur; pro puluillis exponens, quibus



lecticæ sternuntur V. Gothofr. ad d. l. 4. Erit igitur *Seliquastrum* non tam ornatae structuræ, aut artificiosi operis sedes; Festi verbis: *Sedilia antiqui generis appellantur*. Sic enim antiqua dixerunt, quæ rudia magis, ac simplicia; ad vsum, ac necessitatem, non ad luxum, aut munditiem inutilem. Qua similitudine egregiè, atque ingeniosè Tacit. lib. 16. 5. *qui remotis à municipijs, severam adhuc, & antiqui moris retinentes Italiam &c.* qui nondum scilicet viderant luxuriosas illius opes, ac insana illic voluptatum, ac theatrorum certamina, de quibus ibi Tacitus. Sic viros, sic mores antiquos Ennius.

*Moribus antiquis stat res Romana, Virisque.*

Vt sedilia antiqui generis, ita Horatio *Lecti Archaici* lib. 1. epist. 5. nobis *All'antica*.

*Si potes Archaicis convina recumbere lectis.*

Turnebus advers. 1. 18. maluit *Archiacis* ab artificis nomine. Mihi perplacet *Archaicis*, & Nannius antè statuit miscell. 4. 18. Quod non penitus desita, aut antiquata fuerint ea sedilia, ostendit legatum in d. l. 4. si *Seliquastra*, non *Sedularia* verior nos lectio reposcit. Vocamus enim antiqui generis etiam ea, quorum vsum adhuc daret; sed ut demonstremus formam, & fabricationem. Mulierum ergo sellæ ea *Seliquastra*; talesque fuisse, neque adopertas, quarum domi vsum, putavit Casaub. ad Suet. Othon. c. 6. Nostrates dixerimus vulgares, ac minores, ubi foemina lanipendio, & acui operantur. Indistinctes crediderim quas *sellas rusticanas* Sulpit. Severus appellavit de B. Martino loquens; quarum tamen nihil puduit sessorem maximum. Vates, aut Mythastronomi locarunt Cassiopeam *Seliquastro* impositam. Hyginus Astronom. poet. 2. in Cassiopeia *Inter sidera sedens in Siliquastro constituta est*; & de signis lib. 2. *Cassiopeia sedens in Siliquastro collocata est*. adnotavitque Grotius pag. 47. ad has imagines. Nisi mihi res cum Poetis, aut Mythologis foret, genere licentioso, quibus Iudæus credat apella; abundè esset, quod *Seliquastrum* supra omnes bisellij honores dignissimam sedem reputarem, quando illic Reginam incumbentem tot siderum satellitio vndeque stipatam locarunt. Contra autem commune, & cuique parabile id sedile statuimus. Formaturam, & Schema *Seliquastri* huius Cassiopeij variè pro lubitu exhibent artifices in mappa cœlesti; domesticum, ut apparet, & muliebre, ad vsum. Arabibus proinde Astronomis *Mulier Seliquastri* appellatur *Cassiopeia*.

Pro-



Productio hæc, aut incrementum, quod in *asser* pangebant Latini, nescio quam extenuandi, aut despiciendi vim habuit, ut recaluaster, furdaster, parasitaster, &c. Sic plantas depretiat, aut syluaticas facit, ut pinaster, oleaster, &c. Quid, si vilitatem, aut contemptum ita ducant à sellis Siliquastra? quomodo *serperastra*, vel alia id genus. Sed obsoletum, aut vile seliquastrum paratæ mox sedis nitore, ac dignitate pensemus.

## CAPUT XI.

*Sella curulis*. Tuscorum inuentum: à Curibus, non à curru dicta.

Hinc *Magistratus curules* ὑπατικός θρόνος: δίφρος βασιλικός. *Sella ἀρχαία*, alia. *Sella Consularis*, *Regia* ἡγεμονικός, ἀρχικός. *Ducum*, & *Magistratum*. ἐλεφαντίνος: *eburnea*: *eborata* ἀγκυλόπους. *Curuiques*. Franciscus Gottifredus antiquitatum diligentissimus. *Serenissimi Leopold.* ab Etr. heroicae virtutes. *Curulium* non una forma producta, & in nummis explorata. *Coronæ* desuper, fasces, rami, manubiæ: circumq; & ad pedes erecta huiusmodi. *Curulis peruersè collocata*. *Sella auersa*. *Faldistorio* Episcoporum similis.

**C**urulem sellam quantam honoris significationem, quantumque decoris instar secum ferat, nemo, vel in Romana antiquitate balbutiens ignorare potest. Tusciæ nostræ inuentum id insigne. Ac si fides Silio Italico lib. 8. è Vetulonij oppido (hodie Viterbio) primum aduecta in Urbem Curulis. De ea sic loquitur Ciuitate.

*Hæc altis eboris decorauit honore Curules.*

V. Macrob. 1. Saturn. cap. 6. & Dyonis. lib. 3. *Ἀρχαιολογ.* qui ab Etruscis accepisse Priscum Tarquinium refert. Liuius lib. 1. *me hæc prænitet eorum sententia esse, quibus apparitores, & hoc genus (lictors) ab Etruscis finitimis, unde sella Curulis, unde toga prætexta sumpta est.* Nihil tam dictum, ac de ea Sella. Tu videtis è propè innumeris, quos veluti edecumatos delibo, Lipsium ad 2. & 4. annal. Tacit. *Brissonium* selest. antiq. lib. 3. cap. 15. Passerat. ad Propert. lib. 4. eleg. 12. Cerda ad 11. Aen. vers. 384. *Lazium Reip. Rom. 2. 3.*

Conspirant Grammatici ut à curru deducant. Festus in *Curules*, 16.



Isidor. 11. 20. Bassus apud Gell. lib. 3. 18. Seru. ad idem Maronis carmen 384.

*Et sellam regni, trabeamque insignia nostri.*

Sed meritò reprehenduntur à doctioribus, quos Grammaticarum argutiæ parum afficiunt. Inter hos Lipsius, qui non à curru, sed à Curibus deducit: hunc vide cap. 12. de Magistratibus. Cui opinioni fauet modulus syllabæ primæ in curulis. Ergo ab hac sella, & illius usu Magistratus *Curules*; quorum mentio l. 1. §. 26. de origin. Iurif. l. 1. de ædil. edict. §. 7. Instit. de I. nat. &c. Liuius lib. 6. Hinc Aediles Curules à plebeijs distincti, quoniam (quod est apud Theophilum §. proponebant de I. nat. gent. & Ciu.) ἐκέρχοντο τῇ σέλλῃ ὑπατικῇ, *utabantur sella Consulari, seu Curuli*. Nihil proinde mirum, si ab hisce ornamentis, seu insignibus, nomina quoque, & honorum gradus desumantur, ut in nostro Honore bisellij. Sed plura inferius. Alio nomine igitur hæc sella dicta *Consularis*. Theophilus super. Glossæ, *sella Curulis ὑπατικὸς θρόνος, δίφρος βασιλικὸς sella Consularis, sella regia*, quoniam ea usi quondam Reges, deinde Imperatores, qui à Græcis Reges; ideo βασιλικός. Eam ob causam Plutarcho ἡγεμονικὸς *Sella Ducum*, Magistratum, ac Principum. Dionysio Halicarnas. semper ἐλαφάντιος θρόνος *Sella Eburnea* à materia, siue ebore. Neque confundenda cum aliâ, quæ ἀρματίος δίφρος Polluci 10. 11. (plura suo loco) quam rectè vertunt *Sellam currulem*. Est enim sedes in curibus; non tamen sedes honoris, quæ Magistratibus Romanis attributa, & quæ efferri debet litterâ vnâ caninâ minùs.

Materia olim ex ebore, diuque tenuit. Eam ob rem ἐλαφάντιον δίφρον vbique vocat Dionys. hoc est Consulare, & passim scriptores de ebore curuli. *Eboratam* Vopisc: in Aurel. Proprium Romanorum agnoscit hoc ebur Athenæus lib. 5. cap. 4. vbi de Antiocho Epiphane, qui nonnunquam sedebat ἐπὶ τῷ ἐλαφάντιον δίφρον κατὰ τὸ παρὰ Ρωμαίοις ἔθος, *In sella eburnea more Romanorum*. Ex Polybio autem narrat Athenæus; apud quem Polybium lib. 6. ἐλαφάντιος talem δίφρος appellatur V. P. Fab. ad tit. de Orig. l. p. 39. 40. & Passerat. eo loco ad Propertium. Dempst. ad Rosin. lib. 10. c. 11. Orleans ad Tacit. pag. 783. Imo Dijs ipsis, Deorumque parenti Ioui ex ebore dicandam reperio apud Vopiscum in Firmo cap. 3. vbi de Aureliano Imperatore loquitur. *E duobus dentibus elephantinis pedum denum, additis duobus alijs dentibus constituerat sellam facere Ioui*. Conijce sellæ magnitudinem



nem ex dentium quatuor proportione, ac mole; si modo alij duo pedibus denis extendebantur. Sed glitcente luxu, opibus, vitijs, tum bracteata, tum ex auro, argento, &c. accedente industria, labore, operâ artificum: dicemus nonnihil infra. Formam ostendunt marmora, ac nummi. ἀγυλόπυς Plutarcho dicitur in Mario, hoc est *curvipes*; quòd quatuor lignis incurvis, ac decussatis constaret, atque ordinaria ea species; obseruatque Casaub. ad Suet. Aug. cap. 43.

Quandoque autem visitur pluribus compacta lignis, quales nobis sedes totæ lignæ (cisrannæ dictæ) ad vulgarem vsum. Nihil tam frequens in antiquis faxis; nihil tam obuiū in nummis tam exteris, quàm Romanis; præcipuè autem ubi congiarium, aut alia largitio à sedente Principe erogatur. Vide interim productam superiùs Iconem in Bisello: est enim duplex iuncta sella curulis octo suffulta pedibus recurvis, sed minime plicatilis. Frequentiori igitur forma quadrupes sella camuris, & obuensis lignorum capitibus; quorum quatuor solum tangunt; quatuor loramentum obtensum, aut sedile substinent.

Vnde vero exemplaria iustiùs deducemus, quàm ex æuo omnium nobilissimo Cæsaris, & Augusti? En primò transuersis pedibus cancellata apud Lud. Nonn. in Goltz. num. Cæs. tab. 27. num. 7. corona desuper iacens, fasces vtrinque ad pedes erecti V. in fine num. 4. & 5. Confimilis alia Coloniae Apameæ sub Augusto cum fascibus, & corolla: sine fascibus altera.

Vtramq; è suo Cimeliarcheo Româ misit diligentissimus antiquitatum vindex, & elegantiarum spirans Amalthea D. Franciscus Gottifredus, quos tibi non inuideo lector, atque inspector humanissime; curauitq; Serenissimus Princeps Leopoldus ab Hetr. cui debeo quidquid meæ conantur literulæ. De summo Heroe, ac Mæcenate quantumvis dixero magnum, infra erit semper. Quòd ad omne genus artium nobiliorum fauore, ac patrocínio impellat, Principis est: quòd suo ipse labore exornet, ac tueatur, omnium penè compos, supra. Principes est, sed non Mediceos. Nullus dubito cancellatis hisce sedibus compactas sellas è genere curulium fuisse, quidquid fateatur se ignorare Lud. Nonn. ad numismata Cæsaris. At frequentior, & communior forma Curulium, quin etiam illustrior, ea quadrupes è lignis recurvis. V. passim apud eundem Nonn. Cæs. tab. 15. n. 22. & 24. tab. 35. 5. & August. 22. 4. V. in fine libri 6. 7. 8. in quibus tamen locis non vnicam, sed duas sellas exponit Nonnus. Verè vna tantum est.



est. Non negarim tamen sibi parumper indulgisse artificem, vel inuitâ optice; quippe in fronte sellam prospicimus; quatuor autem illi pedes non tam diducti, ac patentes ex lege visionis apparere deberent, sed anteriores posteriorum luminibus officere. Neque id tamen nouum quandoque in nummis demonstrationis gratiâ, vbi neque color, neque umbra iconismum adiuuant. In his autem sellis notare est coronas impositas, vel singulas, vel binas, quandoque ternas; nunc iacentes, nunc erectas; sic falces, sic ramos vtriusque humi adstantes, aut frumenti spicas, vt in Lepido 27. 9. eidem Nonno: vbi & Iouis manubiæ impositæ. V. & Cæf. 35. 5. V. n. 9. 10. 11. in calce libri. Aug. 22. 4. & 6. hîc pedes curulis vario fabri lusu tornatiles, aut cælati, & in cuspidem concinnè desinentes: qua verò crassescunt, & sedile sustinent (si oculorum arbitrio credere est) corollis, aut lemnicis ornati apparent. Adde Vrsini nummos, quos proferimus inf. cap. 31. Sed cum sessore tibi occurrit sella August. 46. 20. apud eundem Nonn. V. n. 12. in eiusdem calce. ex qua manifestè deprehendas eam pedum figurationem, aut positum, quem nuper indicauimus. Ni satis numismata, adi opus anaglypticum in arcu Constantiniano Romæ, vbi Traianus sedens in Curuli; iterumque sedentem illic cerne, sed aliâ sedis formâ. V. num. 13.

Non admodum à sede Episcoporum (quam vocant Faldistorium) diuersam Curulem assentimur; quoniam vtraque humilis, ac repostilis, vt portare, ac ponere possis, vbi opus sit; sine anaclinterio plurimum, aut fulcro ad dorsum reclinandum.

Quòd si quis interim sciscitetur, vtrum eadem fuerit facies sellæ Curulis tam anterior, quàm posterior, sicut in Faldistorio; nihil vt referret, qua fronte statuatur; esset quòd in Curuli, diuersitatem aliquam suspicarer ex Suet. loco in Galba cap. 18. vbi inter alia, quæ imperium Galbæ, vitamque amittendi dedere omen, refert Historicus fuisse in *Senatu Curulem perversè locatam*, quod nobis esset à *rouescio*. Alius ergo Curuli aspectus in antica, alius in postica esse potuit. Nisi perversè intelligamus, quasi latera sellæ exposita fuerint, vbi frons, aut aditus obuerti debebat. Notauit in l. 1. D. de postulando *Publium cæcum Asprenatis Nonij patrem auersa sella à Bruto destitutum, cum vellet postulare*. Sed eam partium, ante, aut secus disparem formam imagines non præferunt. Illud dumtaxat quandoque obseruare est, præsertim in nummis, ligna posticæ partis paulo altius extare, ac pronior

rem



sem sellam in anterie reddere; quod antiqua numismata lustrantibus facile apparebit. Nonnulla alia, quæ ad curulis structuram spectant. V. inferius cap. trigesimo, ubi de anaclinterio, nobis *spalliera*, & cur eo caruerit hæc sedes.

## CAPUT XII.

Sella curulis cognominibus data magistratibus: flaminibus: munerum editoribus: forasæ Vestalibus. Dubitatur an omnibus Senatoribus. Berneggeri affirmantis suspecta opinio. *Subsellia Senatoria*. Ludouico Aurelianensi impacta censura. Tullius explicatus. Lud. Cerdæ sub examen; & laudatus. Proconsulum Curulis, Prætorum, Pifidiæ, & Lycaoniæ. dissensus à P. Fabro. *Leſtica conſulares*. Dictatoribus, Interregib. Præff. V. Magistris eq. debita Curulis. Patres in Consistorio *ſedentes*. Curulis domi *detenta*; sæpius imposita curui.

**V**bi materiam Sellæ curulis, speciem quoque, ac figuram obiter inſpeximus; quibusnam tributum fuerit id honoris inſigne, pari compendio, aut excuſu adnotemus.

Liquet autem omnibus Magistratibus Maioribus, domi, forisque adhibitam, hinc ἀρχὸς δίππος, & ἡγεμονικός Græcis. *Sedile dignitatis ampliffimæ* Mamertino in paneg. vocatur. Sic *Aedilitia*, *Prætoria*, *Conſularis* Sella. Non dubitarim Dictatori uſurpatam, quippe ille Magiſtratus omnium in ſe poteſtatem inuoluebat, affirmatq; Lipſ. de Magiſtratibus cap. 2. De Principibus, aut Imperatoribus non eſt ambigendum, ac nos infrà. Nec Sacerdotibus negata. Liu. 27. de C. Flacco Flamine Diali *Vetuiſtum Ius Sacerdotij repetebat datum id cum toga prætexa, & ſella curuli Flamini eſſe.* & lib. 1. de Numa Flaminem Iouis aſſiduum creauit, inſignique eum veſte, & curuli regia ſella adornauit. Vbi ſellam curulem vocat regiam. V. & exempla apud eundem Liu. de Vrbe à Gallis capta lib. 5. & Valer. 3. 2. de Romanis in curuli ſedentibus.

Nummus Cottæ Pontificis hanc ſedem exprimit præſcriptus à doctiſſimo Iacobo Guthero de Vet. I. Pontif. pag. 120. Neque ab hoc more abire videntur verba Taciti, *ſedes curules Sacerdotum Auguſtaliū locis* lib. 2. annal. Munerum editoribus inter ludos, & ſolemnia



datam fuisse opinarer, etiam si priuati essent: de Magistratibus quis dubitet? Omnino tribunal ad podium ijs parabatur. Suet. August. cap. 44. *Virginibus Vestalibus locum in theatro separatim, & contra Prætoris tribunal*: explicat autem Lips. *Prætoris* vocem pro quocumque editore; tu vide cap. 11. de amphit. Addo Festum in *sella curuli*, quomodo eam explet ὁ πᾶν Scaliger. Imò tam propria videtur ludos edentium, ut alijs cæteroquin habentibus tunc negaretur, quod infra coniungimus ex Dione lib. 44. Quare πρὸς δῖα, & *Præsidere* de ijs dicebatur, sicuti in πρὸς δῖα adesse. V. infr. c. 32. sed quid planius? Datur editori tribunal, à tribunali numquam sella, & quidem curulis in Vrbe seiungitur. Stat sella quidem sine tribunali; hoc autem haud sine ea. Cic. 2. Verr. *Palam de sella, ac tribunali pronuntiat*. Martial. epigr. 11. 99. ad Bassum.

*Sedeas in alto tu licet tribunali,  
Et è curuli iura gentibus reddas.*

Dantur editori cætera insignia, ac decora Magistratuum, & quidquid maximè splendidum est ad pompam, & auctoritatis indicium: quid est quare illi Curulem abiudicemus? Inter Consules medium editorem locat Boeth. imò Sapientia ipsa lib. 2. de Consol. *Cum in circo duorum medius consulum, &c.* Eodem argumento ad opinandum me comparo Virginibus Vestalibus potuisse dari. En ad podium ipsæ quoque sedebant, & quidem eadem metatura, qua editores; Sueton. sup. ac Prudentius de ijs hymno de D. Hippolito.

— *Podij meliore in parte sedebant.*

Sacerdotes Vestæ, & Antistitæ omnium dignissimæ censebantur; lictores habebant; pilento, aut carpento vehebantur; ijsque cæteri magistratus fasces suos submittebant, nulloque nō genere sanctitatis, atque honestamenti mactas Romana gens venerabatur. Quare ut dignatio glisceret Vestalis Sacerdotij decretum olim *quotiens Augusta theatrum introisset, ut sedes inter Vestalium consideret*. Tacit. 4. ann. 16. quòd si hæ sedes Augustam ipsam manebant, non leuis coniectura me ducit, eas saltim in theatro, aut per aliquam occasionem fuisse Curules. Nihil tamen certi statuo, ac multò minus, quoniam Lips. pulcherrimo illo opusculo de Vestalibus, ne γὰρ quidem super hoc ritu; & poterat ille tamen perquirere. Omitto interim Præsidis illarum Vestæ solemne fuisse donarium, & ἀνδρῆμα sedem; eamque sæpius curulem in vestibulis templorum positam, quod exhibent aum-

mi



mi à Lipsio producti: eo simul valebant, vt stabilitatem Vestæ, seu terræ denuntiarent. Atque his testimonijs abundè satis edocemur, quibusnam clara hæc sedes honoris contigerit, quantumue in eius usu instar dignitatis inesset. Illa nunc me dubitatio exercet, num Senatores hanc ipsam Curulem adhibuerint? quippè tam egregij confessus inclyti Proceres, rerumque toto orbe Romano maximarum auctores, quos merito totidem Reges Cyneas videns, veneransque appellauit, exortes fieri non debuerunt tam honesti decoris. Disertè Cl. Berneggerus ad Sueton. Cæsar. cap. 78. occupatas fuisse indiscriminatim à Patribus Curules monet. Sed multa, ne huic fidam sententiæ, vrgent validius; & quidem Senatoribus assignata fuerunt subsellia, non igitur Sellæ Curules. Sueton. in Aug. c. 44. *Facto igitur decreto Patrum, ut quoties quid spectandum publicè ederetur, primus subselliorum ordo vacaret Senatoribus.* Quod autem de primo subselliorum ordine tradit, id ex lege iniunctum puto Senatoribus, si veste senatoria adfuissent: sine ea, vbi libuerit sedere poterant teste Dione lib. 60. p. 669. editionis Hanouianæ gr. lat. 1606. quod semel sit præmonitum toti libro. Quo spectat Plin. 9. epist. de Tacito Senatore. *Narrabas (Tacitus) sedisse se se Circensibus proximum equiti Romano veste priuata.* Clarè autem narrat Dio ibid. fuisse à Claudio assignata Senatoribus Subsellia, quæ tempore ipsius Dionis in usu erant, ἑδραν τῶν νῦν ἔσαν appellat: sessionem .i. aut locum; sed nulla mentio Curulium. Omnino clariùs lib. 59 p. 645. vbi de Caligula, qui primus instituit, vt Senatoribus puluilli subijcerentur, ne ἐπὶ γυμνῶν τῶν σαυδῶν in nudis asseribus sederent; quid autem hi nudi asseres, nisi mera subsella? Idem 44. p. 242. de Cæsare, cui honoris ergo μαθήσειν ἐπὶ τῇ ἀρχικῇ δίφῳ πάντα, πλὴν ἐν ταῖς πανηγύρεσσιν ἐνέρισαντο τότε γὰρ ἐπὶ τῇ δημαρχικῇ εἴθρῳ, καὶ μετὰ τῶν ἀεὶ δημαρχῶν διασάδαι ἔλαβεν, sedere in curuli sella omni loco exceptis ludis permiserunt. tunc enim & in tribunitio subsellio, & cum ijs, qui quoque tempore tribuni forent, sedere obtinuit. Priuilegio id datum Cæsari, non ergo solemne cunctis Patribus. Imò verò si cum temperamento eidem Cæsari, exceptis ludis; minus multo vulgatum id Senatoribus. Cur autem in ludis non sella Curuli, sed tribunitio subsellio vti debebat Cæsar? Fortè quia ea tunc propria, & prærogatiuæ indicio seruata editoribus? Omnem tandem profligat dubitationem, ac sententiam nostram mirificè fulcit, quod idem Dio scripserat lib. 43. p. 220. de



alijs honoribus antea decretis eidem Cæsari. καὶ προσέτι ἐπὶ τῇ ἀρ-  
 χῇ διέσθη μὲν τῶν δὲ ὑπάρχον ἐν τῷ συνεδρίῳ καθίζαν. *Ut insuper*  
*Consulibus cuiusque temporis in Senatu assideret super sella curuli.* συνεδρίον  
 verto Senatum) non itaq; antea in Senatu utebatur Cæsar. Sed redea-  
 mus ad subsellia Senatoria. Cic. in Catilinam 1. *quidquid ab aduentu*  
*isto tuo ista subsellia vacuafacta sunt, &c.* Inter subsellia Senatus id. in Sa-  
 lust. Alcon. ex eisdem Cic. pro C. Corn. orat. 1. à populari confesso  
 Senatoria subsellia separari. Spartian. in Caracal. cap. 2. *Cum armatis*  
*militibus curiam ingressus, hos in medio inter subsellia duplici ordine col-*  
*locavit.* Sidon. Apollin. 1. epist. 7. de Tonantio Ferreolo, *Verecundè,*  
*ac leniter in imo subselliorum capite confedit, ita ut non minus legatum se,*  
*quam Senatorem reminisceretur.* Indico tibi, & Donatum Marcellum  
 ad Suetonij Neron. cap. 17. Ni mea igitur prorsus aberrat opinio,  
 neutiquam sellæ curulis honestas vniuersis vulgata Senatoribus fuit:  
 ac multo minùs ijs, qui è Magistratibus maioribus nullum, aut gessis-  
 sent, aut gererent. Quinimo si Prætoribus quoque ipsis data subsel-  
 lia (vt infra dicemus) mirabimur, si purus Senator à curuli exclusus,  
 conuiescere in ijs debuerit? Delicias prorsus facit Vir alioquin cum  
 primis eruditus Orleans ad 10. ann. Tacit. p. 783. qui ciuibz bene  
 de Repub. meritis in præmium, ac mercedem, sellæ curulis vsum tra-  
 dit: ego dicerem magistratus, honores, imperia: hæc autem cum  
 sella curuli iungebantur. V. & Dempst. ad Rosin. 10. 29. scio alio-  
 quin honoris causa nonnullos, aut socios, aut externos sella curuli  
 fuisse donatos, præcipuè autem Reges, qua de re Briffon. lib. 2. form.  
 p. mihi 234. sed nos loquimur de usu illius publico inter ciues, non  
 de munere secum adsportando, aut retinendo ad memoriam, & insi-  
 gne honestatis. Neq; ad rem facit locus Ciceronis Verrina 9. n. 36.  
*Ob earum rerum laborem, & sollicitudinem fructus illos datos, antiquio-*  
*rem in senatu sententiæ dicenda locum, togam prætextam, sellam curulem,*  
*&c.* Non de simplici Senatore Orator loquitur, sed de Aedili Curuli;  
 cui omnino conuenit ea sella, vnde & adgnomen desumpsit. Sicuti  
 & in Cluentiana n. 194. *Toga prætexta, Sella Curulis, insignia, fasces,*  
*exercitus, imperia, prouincia, &c.* non eum habent sensum, vt quiuis  
 Senator sella vtatur curuli; alioquin & vnusquisque esset Imperator,  
 & prouinciam gereret, si Tullij verba nos mouent. Sed hoc volunt,  
 è Senatu, amplissimo .s. illo ordine, ciuiumque lectissimorum con-  
 fessu prodire viros, quibus imperia credantur, & populorum regimi-  
 na,



na, prouinciæ, exercitus, potestates tradantur: ac proinde illos consequitur auctoritas, ac domi splendor, apud exteros nomen, & gratia: illis toga prætexta, illis sella curulis, fascesq; , & cætera insignia, quæ cum imperio cohærent. Fateor interim, aut saltem suspicor multum interfuisse ad rationem, modumque sedendi, quo in loco Senatores adessent; vtrum in templo, aut curia, in foro, in theatro, in iudijs, in domo Principis, &c. ac fortasse aliud alicubi magis conueniebat. Vtrum autem ad sedium quoque discrimen ea loci differentia procurreret, non audeo nunc statuere. Obseruamus certè apud Scriptores, vbi de sedendi ratione, aut sellæ vsu pertractant, apponi etiam locum, ac tempus, & occasionem. Fortè enim erat vbi parum commodè ob loci habitum; vbi minus reuerenter in conspectu Principis; vbi nequaquam aptè, rebus mœstis, atque afflictis (dum cultum, nitoremque maiestatis ponerent) esset Patribus adhibenda curulis. Sed quanti habita sit hæc regula sedendi in vsu politicæ Romanæ, non est quod vel hoc vno prætermittam docere; peculiarem .s. constitutionem fuisse ab Imperatore Arcadio euulgatam A. D. CCC LXXXVI. quæ est in lib. XV. tit. 13. C. Theod. de *Vsu Sellarum*: vbi personas, locum, atque ius sedendi, & quibus illud in publico permissum statuunt; ne rem tralatitiam, temerèque confundendam, ac vulgandam opinaremur. Ante ipsum Quintilian. 3. 6. Tertullian. de spectacul. c. 22. vbi *Honoribus* succenturiat, & coassat Sessionem ipsam. Verba legis Arcadij ea sunt. *Exceptis plebeis, scenicis, & qui spectaculo suo præbuit populo materiam voluptatis, & tabernarijs; cæteris omnibus vsum sellarum, & sedendi, ac conueniendi in publicum tribuimus facultatem.* Vide istic illustramenta doctissima Iacobi Gothofredi; non vacat nunc particulatim exquirere, qui delibamus dumtaxat, ac Velitum more euagamus: statariam suo tempore curam admovebimus. Quod si clarissimus idem Berneggerus ad loca Suet. cap. 76. & 78. in Cæs. occupari scripsit Curules à Patribus respiciendo occasionem triumphi, aut spectaculi (de quo ibi) tanquam si in luce publica, communique populi gaudio explicanda magis esset maiestas Senatus, dignissimo, atque honestissimo sessionis genere; cupiebam vt non modò distinctius loqueretur vir doctissimus, sed distinctionem quoque ipsam dein cum teste sanciret. Sed illi fundus fortasse, & fons huius opinionis Iustus Lipsius, quem laudat ex cap. 11. Amphitheatr. sed verè idem Lips. ait quosdam Patres spectasse, creditque Consules, Præ-



Prætores, aliosque, quibus id ius in sellis curulibus ad podium spectandi; non tamen omnes Senatores; neque iuratus affirmat, sed credit, reperitque nonnullos ita confedis. Huc ego quoque libenter iudicio inclinarem; ijs patribus, qui magistratum curulem gererent, datam quoque fuisse cognominem sedem in curia, aut alicubi. In suis vero dicasterijs, tribunalibus, foris nullus ambigerem. Sicuti verò Berneggerus nimium liberaliter vulgat usum Curulis: ita nimis deparcus, ac restrictus meo sensu Ludouicus Cerda ad locum Vatis maximi superius allati Aeneid. 11. vers. 334. qui solis vindicat Consuli, Prætori, Aedili: cæteris omnibus negat: Festum iridem coangustans in verbo *Curules*; quòd de his dumtaxat tribus sit exponendus. Sed cur repellit Flamines, & Sacerdotes, saltim quosdam? Cur Vestales, cur ludorum præsides, si quando è curulibus Magistratibus non fuerint? Non Dictatorem usum credamus, qui cæterorum in se potestatem, atque iura complectebatur? Non interregem, nò eos, qui pro Præторе, aut Consule gererent extra urbem? Ac multo magis Romæ Tribunos consulari potestate? Proconsulibus omninò tribuit P. Fab. ad tit. de orig. I. sed & eorundem legatis; id tamen mihi non est adeò planum. Quod .n. Spartiani testimonium aduocat in Septim. Seuerio cap. 2. fasces legatis datos, atque in vehiculo sedisse, qui ante pedibus ambulabant; hoc narratur dumtaxat; nil de curuli ac ne colligi quidem indidem potest. Non dissentior *Legatum P. R.* illic, non pop. Romani, sed *P. R.* hoc est Proconsulis esse exponendum, vt ex narratione constat. Prætoribus Pisidiæ, & Lycaoniæ *δῖπρον ἐξ ἀργύρου*, & *ἀπὸνυλὸν ἀργύρεον*: tribuit Iustinianus nouella 24. & 25. *Lecticam argenteam* vertit idem Faber. Ego *δῖπρον* libentius, ac tutius *Sellam* interpretor: *ἀπὸνυλόν* autem est rheda, aut vehiculum, non sella. Sed viro magno in animo fuit toties curulem datam exponere, quoties in curru sederetur. Non desino interim mirari, cur Mamertinus in paneg. noua appellatione *Lecticas* consulares inuexerit? *Panè intra ipsas Palatina domus valuas lecticas consulares inssit conferri* &c. *Lecticæ* vsus ad iacendum, non ad sedendum, vt notum est; & mox tamen has *lecticas* vocat *sedile dignitatis amplissima*: quare aut oratorem exequens, *lecticas* pro curulibus posuit; aut eo tempore *Lecticæ*, quales nostræ hodie ad sedendum, non quomodo veteres utebantur, repertæ iam fuerant. Cæterum rectè Seruium castigat Cerda, eos solos curuli vsos monentem, qui triumphali curru inueherentur.

Pror-



Prorsus autem Præfectis vr̄bis, omninò Magistris equitum debitam Curulem, quoniam hi à dictatoria potestate manabant, clarè tradidit Dio lib. 43. pag. 238. in ea narratione, quam sic latinè efferimus. *Præfecti vr̄bis cuncta in vr̄be cum Lepido magistro equitum procurarunt: accusatique quod lic̄toribus, veste, ac sede curuli, ac si magister equitum v̄si essent* (en magistri equitum propria) *lege se defenderunt, qua vsus earum rerum ijs perinittitur, quibus magistratus à Dictatore est commissus.* Hæc Dio: notabilis lex de sede curuli, & alijs insignibus: atq; inde colligendum, multo magis dictatori tributam Curulem auctioris potentia, atq; honestatis significatione.

Pertinet autem ad amplitudinem, aut decus sedendi, quod consultissimus inter eruditos vir quærit Ianus Langlæus, Patribus licuerit olim, an non in consistorio Principis, aut Imperatoris sedere? Sed ne pluribus te morer lector, ad illum te remitto scribentem ocij semestris lib. 7. cap. 15. cui placet licuisse affirmare. Videatur lex 1. & 2. C. de Comit. Consist. & ibi Cuiac. Neque minus Romani Senatus conscriptos Patres sedendi iure, atque honestate donat ibidem Langlæus, si peregrè proficiscentes, siue in Italia, siue in Prouincijs aliarum ciuitatum Buleuteria ingredi, aut censere voluerint. Vix est enim, vt amplissimi consilij Principibus, quorum auctoritati vniuersus pæne stabat orbis, negata fuerit ea sedes, ac potestas dicendæ sententiæ.

Colophonem addo huic capiti, locum explorans, stationemque, aut sedem eiusdem sedis curulis. Tanquam necessariam suppellectilem domi quoq; detentam opinor à magistratibus; nō modo ad vsum, & opportunitatem I. dicendi; sed fortè ad memoriam honoris, commendationemque posteritatis, etiam exacto Magistratu. Liu. lib. 5. *qui eorum curules gesserant magistratus; vt in fortuna pristina, honorumque, aut virtutum insignibus morentur, qua augustissima vestis est thessalas ducentibus, triumphantibusque, ea vestiti medio eburneis sellis sedere.* &c. V. & Valer. Max. 3. 2. n. 7. inter Rom. in eadem narratione. Gell. 6. 9. ex annalibus L. Pisonis. *Cn. Flavius Annij filius dicitur ad collegam venisse visere agrotum: & in conclau postquam introiuit, adulescentes ibi complures nobiles sedebant contemnentes eum: assurgere ei nemo voluit. Cn. Flavius Annij filius Aedilis id arrisit. Sellam curulem inussit sibi afferri: eam in limine apposuit, ne quis illorum exire posset; utique ij omnes inuitti viderent sese in sella curuli sedentem.* Adi & Valer. Max. lib. 2.



lib. 2. cap. 5. eandem sellam dum procederent portari iubebant, sique opus fuisset ex inopinato dicendi Iuris causa utebantur. Vide §. 2. Instit. quibus manumitti, &c. ubi de Consule manumittente, cum in balneum iret, aut theatrum. Iuuant loca Isidori 20. 11. & Gellij 3. 19. ex Gabio Basso, Festus in verbo *Curules*. Si domi, aut priuatim à curuli sede minimè abscedebant magistratuum compotes; multò id minus in conspectu populi, & ad publica officia, in quibus, aut promendæ iustitiæ auctoritas, aut patrij honoris vindicanda Maiestas. Notabilis est etiam locus Ammiani lib. 25. morem vel suæ ætate prodentis, ubi de Varroniano infante ad Consulatum euecto, *Vagitu pertinaciter reluctans, ne in curuli sella ex more ueheretur*. Curum repono inter præcipua loca, ubi Curulis poneretur, quoniam tum eo usi magistratus dum irent in curiam, aut ad publica ministeria (quod voluerunt auctores nuper laudati) tum triumphantes curulem illic locabant Seruius ad 11. Aen. vers. 384. quare Dionys. Halicarnas. lib. 5. Menenium deuictis Sabinis ducit triumphatorem *ἐφ' ἀρματίου δ' ὅπου βασιλικὴν in sella curuli*: regia quomodo & Liu. sup. *curuli regia sella*.

Si ad exercitus ibant, aut in Prouincias, secum habuisse Curulem nullus dubito. Hinc mentio sellæ castrensis: hinc militaris, aut Imperatoriæ, seu strategicæ. Talem vocat Dionys. Halycarn. ἀρχαία. lib. 8. qualem habuere Consules egressi ad exercitum; sed de his proximo capite. Romanæ huius sessionis ritum, ac morem seruatum fuisse à P. Aemilio in Macedonia, postquam debellasset ex Liuio constat. *Assuetis regio imperio, tamen nouum formam terribilem præbuit tribunal, summotor aditus, præco, accensus, insueta omnia oculis, auribusque, quæ vel socios, ne dummodo hostes victos terrere possent*. V. lib. 45. & quæ de Marcio Coriolano apud Volscos refert Dionys. Halicar. lib. 8. ac de P. Scipione in Hispania oppidum Badiam circumsedente Val. Max. 3. 7. n. 1. Rom. sed ubicumque staret, migraret Curulis; priuatim, an publicè; domi, forisue; præcipua illius mansio, ac metatio plurimum suggestus, & locus editor, seu tribunal, aut solium. Quod quoniam augustam Principis Maiestatem potissimum decet, de sede principali, aut Imperatoriæ placet aliquid subtexere, ut mox ad tribuna-  
lia prouehamus.



## CAPUT XIII.

*Sella Imperatoria* ἀρχικός, ἡγεμονικός, στρατηγικός, non alia à curuli. *Sella Castrensis*. Tribunal in castris prætorijs. δῖσρος βασιλῆος. Thronus. θρόνος. *Sedes regia*. ἀρμάτιος δῖσρος. Dionys. Halicar. expensus. *Sedes Herilis, Regalis*. *Sella aurea* Cæsaris. Suet. declaratus. Leonardus Augustinus. Elegantiorum sellarum prompta specimina. Nefas priuatis sellam Principis occupare. Maiestas sellæ regię apud Persas. Regis δῖσροφόρος. Xerxis ἀργυρόπαις: quæ αἰχμάλωτος dicta. Aliæ & aliarum gentium sellæ auræ.

**I**mperator olim, vt notum est, idem ac Dux exercitus, & rei bellicæ summus antistes. Hinc sella *Imperatoria*, quæ Dionysio Halicarn. στρατηγικός (vbi de Consulibus loquitur) quasi Prætoria, siue Imperatoria; est enim στρατηγός, quicumque Præfectus, aut Princeps; & si propriè in exercitu. Eadem & ἡγεμονικός à Ducatu; & ἀρχικός ab Imperio. *Castrensem* quoque reperio, cuius meminit Suet. in Galba cap. 18. *Adoptionis die, neque milite alloquituro castrensem sellam de more positam pro tribunali, oblitis ministris, & in Senatu curulem peruersè collocatam*: quasi equidem castrensis à curuli differret, quas distincto nomine Suetonius demonstrat. Sed id magis est, vt locum, non formam in hisce sellis diuersam declari velit. Vtramque puto curuli specie fuisse: sed castrensis magis expedita, ac veluti in procinctu, more militum. Ostendunt nummi, & probant historiz. De Virellio apud exercitum Tacit. histor. 2. cap. 59. *Valentem, & Cincinnam pro concione laudatos curuli suæ circumposuit*. de Cæsare Dio lib. 44. pag. 244. καθέζεσθαι ἐπὶ τῷ ἀρχικῷ δῖσρῳ πανταχῇ, *Vt ubique sella curuli federet*. Seruius ad 11. Aeneid. 332. *Romanorum Imperatorum insigne fuit sella curulis, &c.* Sic quoque Romæ in Castris Prætorijs Tribunal. Tacit. 1. hist. 36. *In suggestu, in quo paulo ante aurea Galba statua fuerat, medium inter signa Orthonem collocarunt*; loquitur de Prætorianis militibus; & lib. 15. ann. 29. *medio Tribunal, sedem curulem, &c.* Apud Armenos absenti Neroni id positum fuerat.

Deletâ Republicâ, atque urgente dominatu Imperator fuit, qui Princeps; cuius sella (equidem credo) operosior; cultuque aucto, paulatim ex eборе in aurum, ac pretiosum quiduis reficta. Curulis

G

ramen

CA-



tamen plurimum, aut non admodum diuersa, nisi qua luxuriosus, lususque artificis ornatu, sumptuque nouam faciem appinxisset. V. Icones supra productas Imperatorum sedentium. Hinc *διφρος βασιλικός*, & *θρόνος*: respicientes thronum, aut solum, in quo sedes: sed & *θρόνος* Hesychius, *ανάκλιτος διφρος*, *sedes cum anaclimatio*, quod sanè decebat. Vocat & *quadrupedem*, & *ἱερὸν διφρον*, καὶ ἐκτετακμένον. *Sacram sedem*, atq; *exornatam*. V. inf. c. 27. Herodian. 4. in honorem Pertinacis. *θρόνευσι τρεῖς καταχρύσας αὐτοῖς εἰσπομπίζουσι*. *Sellas tres inauratas ei deferri*. V. & lib. 2. cap. 10. & 11.

Neque minùs Latinis *sedes regia*, quia olim vñ Reges Romani ante statum libertatis, detinueruntque dein Consules. Maro 11. magni operis vers. 334.

*Et Sellam regni, trabeamque insignia nostri.*

V. Cerdam, & quæ nos supra.

Sic Etrusci afferunt ad Tarquinium Priscum sellam eburneam. Sic Romani mittunt ad Porphenam Regem teste Dionys. 3. & 5. ἀρχαῖος. & iterum lib. 5. de Menenio in triumpho de Sabinis, ἐφ' ἀρματίῃ διφρὸς βασιλικῇ in *curuli sella regia*; quam ἀρματίον vocat, quippe in curru quæ posita erat; alioquin regia, & curulis hic eadem est. Sed quoniam Menenius tunc in curru sedem occupabat, ideo vocat ἀρματίον: ne quis παντοπίως arguat diligentissimum historicum. *Sedes Herilis* Corippo Africano 2. & 4. de laud. Iustin. *Regalis* Ammiano Marcellino lib. 19. *Sella Regalis cum aureo puluinari nullo vetante directæ est*. Spart. Ader. 23. *Sedile regium*. Vbi cumque Imperator, ferè ibi sedes, ac thronus, siue in palatio, siue alibi, publicèque, aut intra lares. Apud Romanos initium à Cæsare, cui Romana gens iam prolapsa ad seruitium, & antiquæ indolis immemor ampliora humano fastigio illi decreuit Dio lib. 44. sup. laudatus. Suet. in vita cap. 76. *Sed & ampliora humano fastigio decerni sibi passus est: sedem auream in Curia, & pro Tribunali*. &c. quæ Suetonij verba quamdam, vt vt leuè mihi exprimunt obseruationem. Nonne satis erat dixisse *In Curia pro Tribunali*? Cur addidit coniunctionem, *& pro Tribunali*? An quia duplex ibi sella, alia inferiori loco, alia pro tribunali, vt pro occasione, aut opportunitate, qua veller, quæ opus esset, federet? An Tribunal, non curiam ipsam, sed forum intelligemus, vbi iudicia habebantur? Sic habuisset in Senatu, sic in foro habuisset. An tandè ad αὐξήσιν honoris dictum à Suetonio; quasi non tantum in curia, sed, quod amplius



plius est in tribunali eiusdem curiæ? Decus quoq; crescebat, & excellentia, quoniam non vulgarem, sed auream illi sedem decreuerunt. Dio lib. 44. 243. *θρόνον ἐπίχρυσον* vocat. Cic. 2. Philipp. 85 *sedebat in vestris collega tuus amictus toga purpurea in sella aurea coronatus.* & 1. de Diuin. 119. *quod paulo ante interitum Cesaris contigit: qui cum immolaret eo die, quo primum in sella aurea sedis.* &c. Claudian. in 4. Consulatu Honorij.

*Portatur iuuenum ceruicibus aurea sedes.*

Sic igitur descitum à prisca curulis simplicitate: cæpitque ebur aure-  
scere, quia mores quondam aurei vitij luteri. Prout ingenium  
Principis, aut sæculi intemperies prouocabat, varia prorsus in ijs se-  
dibus elaborandis cura, atque ars. Tapetes insuper, puluilli, stro-  
mata picta, auro limbata, paragaudio, institis, gemmis sumptuosa;  
figilla, ac toreumata; si quod ebur, scissile, aut anaglypticum; lapi-  
dum tessellæ; auri, atque argenti laminæ, crustæ, segmenta, aut bra-  
ctearum subtilis litura. Sellam honestissimo cuique præb tam clauis  
argenteis distinguens Homerus Odyss. Θ. columnæ innixam refert  
in speciem throni.

— *θρόνον ἀργυρέην*

*μίσσῃ δατυμόνων πρὸς κίονα μακρὸν θρίσας.*

— *sedem argenteis clauis*

*Medio conuiuarum longæ apposuit columna.*

Sed hic locus me admonet, vt specimina quædam sedium apponam  
tùm Romanarum, tum exterarum, quas aut ornamento, aut dignita-  
te, aut artificij raritate magis visendas existimaui. In veterum mo-  
numentis adhuc sedent, ac sine dolo malo tibi lector repræsentō.  
Nonnullæ sunt Numinum, Deorumque (vt vocabant) immortalium.  
Sed & Imperatores suos cœlestibus adscribebant, Deorumque, etiam  
dum viuerent, cognominibus venerabantur, religionibusque inuo-  
cabant: imò & sellæ ipsæ Principum in templis adoratæ. Illud inte-  
rim non oscitanter aspexi sceminis plurimum cum reclinatorio, & or-  
natiores positas sedes in Nummis, alijque vetustatis reliquijs; quo-  
niam molliorem sexum decebat molliori cultu conuiescere. Sic  
Deabus, aut Virtutibus id genus posita sellæ, vt Concordiæ, Saluti,  
Pietati, Paci, &c. Firmè autem sub harum imaginibus Principales,  
& Augustas sceminas exponebant. Animaduerto demum in ijs num-  
mis, quos Prouinciæ, aut Græcæ, aut Asiaticæ cudebant, elaboratas



magis, atque artificiosas sedes apparere: quod earum gentium, aut luxum, aut industriam facile arguit. Miscellum sedium rariorum apparatus oculis lustra, & boni consule.

In horto Principis Ludouisi. V. in fine libri (n. 14.) In horto Principis Iustiniani (n. 15.) In Sanctæ Mariæ Translyberinæ (n. 16.) singulas marmoreas, quarum exempla Româ misit ad Serenissimum Principem Leopoldum Leonardus Augustinus Vir (dicam cum Gellio) *memoriarum veterum exequentissimus*. Apud Boissard. par. 3. 129. (n. 17.) Apud eundem parte 6. 5. vbi duo vtrinque sedentes Fortunæ (n. 18.) ibid. 22. (n. 19.) ib. 127. (n. 20.) Apud Goltz. in Aug. 23. 5. & Cæf. 22. 5. (n. 21.) Apud Erizz. 271. in Domitiano (n. 22.) ib. 337. in Traiano (n. 23.) ib. 421. in Aelio (n. 24.) Tristano tom. 2. 285. (n. 25.) ib. 469. (n. 26.) ib. 510. (n. 27.) ib. 567. (n. 28. Numeri 29. & 30.) typos mihi fecit communes Serenissimus idem Leopoldus Româ missos ab Augustino. Liberalius promptifigurationes, præcipue ob varietatem fulcrorum, quibus dorso incumbitur, quoniam infrade ijs agendum erit.

Sed ad Cæsaris sellam auream redeamus: meminit Plutarch. in Cæf. Cic. 15. ad Atticum epist. 3. *de sella Cæsaris bene Tribuni, &c.* vbi de sella aurea docti adnotatores rectè explicant. Mera autem diuinatio, dum aiunt respondere Tullium Attico suo, bene factum fuisse à Tribunis plebis, quod Cæsari necato sellam auream poni venterint in ludis. Nusquam (quod ego repererim) tradunt historici id factum fuisse plebiscito, aut Tribunorum, sed potius Antonij Consulis interdicto, vt Appianus lib. 3. Dio lib. 45. p. 273. Vterque sellam auream memorat, ac coronam desuper, quam & gemmis ornatam facit Dio, qui pariter refert lib. 57. sellam hanc auream à Vibio Rufo fuisse priuatim adhibitam nescio qua ambitionis voluptate, & luxus ostento: licuitque impunè facere; cum tamen non sine piaculo Imperatoria sedes à priuatis occuparetur, vt mox dicemus. Sed rudi adhuc dominatu, aut fortè ob inuidiam Cæsaris non anquisitum in Vibium, qui nihil alioquin, præter leges fecerat, dum sedem Cæsaris recens extincti, & hostis Reip. tunc iudicati omni maiestate (vt ità loquar) exutam in priuatum vsum conuertit. Cæterum in ea sella possidenda delicias fecisse Vibium, tanquam Imperij omen, aduertit idem Dio ἢ διὰ τὸν διόφρον χαῖσαν ἐσόμενος. Vel propter sellam Cæsar futurus; ac veluti admiratur. ἢ μὲν ἔτι αἰτίαν τινὰ ἐπὶ τῇθ' ἴσχει,



ἔσχε, neque ob id causam dixit. Peculiarem igitur quamdam sanctitatem in hac sede Principali stetit, quam non liceret nisi impietatis crimine priuatum occupare, multa veterum testimonia nos docent. Dio nuper allatus, qui insuper lib. 74. siue potius abbreviator ex eo inter ostenta, & prodigia Imperij Seueri oblata, ἐς τὸν βασιλικὸν θρόνον ἔφηνος ὃν ἐπὶ ἀγνοίᾳ ἐνδεδύοντο, adhuc *ephebus in sella Imperatoria per imprudentiam sedis*. Spartian. in hac ipsa narratione Seueri vitæ cap. primo: *Sedit & in sella Imperatoria temerè à ministro posita ignarus, quod non liceret*. Idem auctor in Adriano cap. 23. *Servianum quasi affectatorem Imperij, &c. quod in sedili regio iuxta lectum posito sedisset*. Nunc *Sedile Regium*, nunc *Sellam Imperatoriam* vocat Spartianus. In cubili, in triclinio, in templo, in curia, in theatro, in via, in castris, ubique sua Principis erat sella, quam nefas, ac piaculum usurpare. Vide Casaub. ad Spartian. d. cap. 23. Torrent. ad Sueton. Galbam. cap. 18. Lud. Orlean. ad Tacit. p. 783. Inter cætera Iudææ regum decora, quibus dignitatem suam asseriebant, id cautum, ne quis alius Sella eorum vteretur, quod ex auctore Aruch, tradit Casaubonus. Nostri moribus in argumentum segregis, atque intactæ Maiestatis sella regnantis obuersa parieti sub umbellis locatur, ut nemini non innotescat, non licere priuato salua Principali fortuna eam occupare. Capitale id olim apud Persas. Val. Max. 5. 1. n. 1. inter extera. *Ide ei salutare futurum dicens, quod apud Persas capitale extitisset solum regium occupasse*. Frontin. 4. stratag. 1. 6. exemplo 3. *Si in Persis natus esses, in regia sella resedisse tibi capitale foret*. Curt. hist. 8. c. 4. *intelligis miles quanto meliore sorte, quam Perse, sub Rege viuatis. Illis enim in sella Regis confedissee capitale foret, tibi saluti fuit*. Adde Diodorum Siculum lib. 17. qui βασιλικὸν θρόνον appellat: Omnes isti humanitatem tam disti, quam facti in Alexandro narrantes, quod apud eos legere est. Omnino ex iisdem Briffonius lib. 1. Regn. Pers. p. 20. qui alia obseruat.

In Leone Augusto Marcellin. Chron. ad annum 462. loquens de quodam Iacobo medico, *statimq; regia in sella iuxta torum Imperialem posita sine ullo Augusti nutu confedit*. Quasi nimium mansuetus fuerit hic Leo, temeritatem medici nec nutu quidem coarguens. Quanti suam sedem fecerint Parthorum, siue Persarum Reges, vel eo constat, quod à Traiano iater prædas captiuam sollicitè, nec semel reperierint. Romani autem contra veluti pignus partæ gloriæ apud se

reti-



retinuerint, postulara illorum eludentes. De Adriano Spart. in vita c. 13. *Toparchas, & Reges ad amicitiam inuitauit, inuitato etiam Cosdroe Rege Parthorum, remissaque illi filia, quam Traianus ceperat, ac promissa sella, qua itidem capta fuerat.* Neque tamen fidem præstitit, maluitque filiam, quam sellam reddere. V. Casaub. hic, & Briss. de Reg. Pers. p. mihi 50. Neque aliter Antoninus Pius, qui repetenti Regi postmodum pernegauit. Lamprid. in eo cap. 9. *Sellam regiam Parthorum Regi repetenti, quam Traianus ceperat, pernegauit.*

De hac Sella Regia illud quoque scriptum reperi, inter cætera ministeria comitatus Regij fuisse *ἑσπερίων διπροφόρων Selligerulum Regis*; cum enim descendente e curru Persarum Regem puderet stare pedibus, vel manibus suorum in ipso descensu fulciri, admovebant illi sellam, in quam desiliret: perpetuusque aderat ea de re comes, & baiulus sellæ: quod ex Dione refert Athen. lib. 12. cap. 2. in ea verba definens, καὶ ὁ ἑσπερίων διπροφόρος εἰς τὸ ἐπιπτεῖν, & ob id Regis *Diphrophorus* (sellæ portitor) *sequebatur*: Briss. 1. de Regno Pers. p. mihi 132. maluit apud Athenæum legere *δορυφόρος*; ego retineo libentius *διπροφόρος*. Quis non videt quanto sanius ad Persicam magnificentiam ostendendam, si peculiari quis officio, ac nomine sellam Regiam gestauerit, quam si vni e cæteris stipulatoribus iniunctum id muneris fuerit? Celebre apud Scriptores Cyri solium, de quo Horat. 2. 2. Od.

*Redditum Cyri solio Phraatem.*

Curt. 6. *Cyri sedem* appellat, quam Plutarchus Κύρη θρόνον 2. de fort. Alex. quasi ea sede regali tota staret Maiestas, & amplitudo Persici Imperij. Claudian. 4. Honor. Conf.

*Si Tibi Parthorum solium natura dedisset.*

Sed ab hisce sellis aureis oculos nondum reuocemus, quos ita flauus fulgor metalli delectat. χρυσῶς δίπρος vocatur ea Persarum Athenæo d. lib. 12. Artaxersem in auspicio Regni sedisse θρόνον χρυσῶν διαλθῶν *sede aurea gemmata* tradit Ioseph. 1. bell. Iud. cap. 17. Talem auguror fuisse, in qua Xerxes Naumachiam spectauit, sed argenteis pedibus. Hinc ἀργυρόπους δίπρος vocata, hoc est *Sella argentipes*: quam & Athenienses αἰχμᾶ λωτον dixerunt, quoniam post Xerxis fugam, in eorum potestatem venit. V. Harpocratem, atque ex eo Suidam in ἀργυρόπεζα. Catullus nupt. Pelei, ac Thet.

*Ipsius at sedes, quacumque opulenta recessit*

Re-



# DE HONORE BISELLII.

55

*Regia, fulgenti splendent auro, atque argento,  
Candet ebur solijs —*

Pertinacis Imp. θρόνους τρεῖς καταχρῦσας *Sellas tres inauratas obser-*  
uauimus sup. apud Herodian. lib. 4. Corn. nepos de sella Alexandri  
in Eumenis vita.

*Sellam auream cum sceptro, &c.* De argentea, aut argentata Lam-  
pid. in Heliogab. c. 4. vbi de probroso Senatus Conf. quo Princeps  
probrosior probrosissimis fœminis fenaculum dedit, condendique ius  
Senatus Consulti. In quodam eorum, præter alia decretum, *quæ*  
*sella ueheretur, & utrum pellicea, an offea, an eborata, an argentata.*  
Coripp. Afric. lib. 2.

*Auratum scandens solium, sedemque paternam  
Constructam plumis, pulchrisq; tapetibus aptam.*

V. Barthium aduers. 9. 12. De sedibus aureis apud alias gentes, quæ  
notat Buleng de Imperio Romano lib. 2. cap. 19. qui & de Sella Im-  
peratoris lib. 1. cap. 19. sed, vt solens est, ad alia egreditur, ac nihil  
minus ibi, quam quæ πρὸς Διόνυσον; sellamque, ac lecticam sæpius  
confundit.

## C A P V T XIV.

Absentibus, aut defunctis posita sella in honorem. Coronæ super  
ijs ex lauru, auro, &c. Sceptra, rami, fasces. Quandoque effigies  
locata. Ad Principum sellas habitæ consultationes tanquam præ-  
sentium: oblata pecuniæ, victimæ castæ. Sella aurea nonnunquam  
pro inaurata, aut imbracteata: non ὀλόχρυσος: quandoque tota  
ex auro; quomodo statua, & alia donaria. Auro *imbractari*, inde  
nostrum *Imbrattare*.

**N**Otatu dignum est tum absentibus, tum defunctis vita Prin-  
cipibus positas fuisse sedes in argumentum honoris, maie-  
statis simulacrum, præsentia imitamentum, iucunditatemq;  
ac solatium memoria. Quasi equidem suo ipsorum numine, ac cœlesti  
vultu, nusquam non desint, vt prouidentiam commodent, imper-  
tiantque auxilium tuendæ Reip. Suet. Cæs. sup. c. 76. *Sedem auream*  
*in curia, & pro tribunali, &c.* Dio. lib. 44. & 45. Appian. 3. de quibus  
sup. Tacit. 15. ann. *Medio tribunal, sedem curulem, & sedes effigiem Ne-*  
*ronis*



ronis sustinebant. & 2. de Germanico : ut nomen eius saliare carmine caneretur, sedes curules Sacerdotum Augustalium locis, superque eas quernae corona statuerentur. V. hic Lipsium, quem laudat etiam Casaub. ad Suet. Cæsar cap. 76. superius adducti, sellatque in theatrum mortuis illatas pariter animaduertit. Amplius obleruo ita positam mortuis sedem, ut apud eam reuerentiæ, & obsequij causa quasi erga viuentes assiderent, quod Dio narrat, siue eius abbreviator lib. 71. pag. 813. de Faustina defuncta. καὶ ἐς τὸ θεῖον χρυσὴν εἰκόνα δὲ φανερῶς ἐπὶ δίφρῳ, &c. καὶ περὶ αὐτῆς τὰς γυναικας τὰς δυνάμεις προχέσας συγκαθίζουσαι. Et in theatrum auream imaginem Faustina super sella, &c. & circa eam illustiores feminas assidentes, &c. De Pertinacis imagine, sedibusque tribus aureis eidem decretis ab Imperatore Seuero, ut in theatrum inferrentur, plurifariam ex Herodiano diximus. Coronæ autem & his sedibus impositæ; Tacitus superius, ac nummi, quos proulimus tum Græcos, tum Romanos cap. 11. Simulque super sellas rami laurei, aut fasces, vel ad pedes earum vtrinque positi in iisdem nummis. Corn. Nepos in Eumene de sede Alexandri in sellam auream cum sceptro, ac diademate, &c. V. & Appian. lib. 3. Dionem lib. 44. p. 243. de sella aurea Cæsaris cum corona gemmis distincta, quam in spectaculis ponerent, τότε δίφρον αὐτῆς ἐπὶ χρυσοῦ, καὶ τὸν στέφανον δὲ διάλιθον καὶ διάκρυσον ἐξίστα τοῖς τῶν θεῶν, Auream eius sellam, & coronam gemmis, & auro insignem, parem illis Deorum. V. infra cap. 36. Nec corona tantum, sed effigies locata sedentis Principis super Curuli Tacit. 15. Ann. Medio Tribunal sedem curulem, & sedes effigiem Neronis sustinebant. Dio in eclog. καὶ ἐπ' αὐτῆς εἰδόμενος Νέρωνος ἐσθλόντων, ac super eo (suggestu) imagines Neronis statuta. V. & 1. hist. vbi de Galbæ, & Othonis statuis in suggestu. De Domitiano Plin. panegy. Iam dudum illi radiatum caput, & media inter Deos sedes auro staret, atque ebore. Obseruat Lipsius. Puto autem huc spectare Sellisternium, de quo alibi. Neque minus commemorabile ad eandem Principis sedem tanquam viuentis, videntisque habita de grauissimis belli, pacisq; negotijs consilia: illic res arduas, ac difficiles fuisse agitata: in cuius conspectu oborta statim reuerentia, ac fidei pudore, iram, studium, æmulationem posuerint ciues, deque publico bono, ac salute egregiè statuerint. Ptolemæus apud Curt. lib. 10. cap. 6. post Alexandri mortem in ea altercatione de substituendo Rege. Mea sententia hac est, ut sede Alexandri in Regia posita, qui com-  
silijs



*filij eius adhibebantur, cocant quoties in commune consulto opus fuerit: eoque, quod maior pars eorum decreuerit, stetur.* Eumenes deinde hunc ipsum morem vafamenti loco habuit, vt Argyraspidas tumultuantes in obsequium pertraheret; sed coronam, sceptrumq; sellæ adiunxit, quo augustiorem obijceret speciem auctoritatis, ad continendos in officio milites. Corn. Nepos in Eumene. *In principijs nomine Alexandri statuit tabernaculum, in eoque sellam auream cum scepro, ac diademate iussit poni, eoque omnes quotidie conuenire, vt ibi de summis rebus consilia caperentur, &c.* V. & Plutarchum in eadem vita. Polyenus stratag. lib. 4. in Eumene, Diodorus Sic. 18. 60.

Adoratam Caligulæ sellam Dio scribit lib. 59. p. 659. imò tanquam præsentī Principi argentum ex more, qui sub Augusto inualuit, oblatum.

Τὴν γὰρ διὰ τὸν ἐν τῷ ναῷ κείμενον προσεκύνησαν καὶ ἐπὶ καὶ ἀργύριον κατὰ τὸ ἐπὶ τῇ Αυγύσει ἔθος ἰσχύσαν, ὡς καὶ αὐτῶν ἐνεῖκα δίδόντες κατέθεσαν, Γαίῃ sellam in templo positam adorarunt, & argentum ex more, qui sub Augusto inualuit, tanquam præsentī obtulerunt. Victimæ cælas ante illam Neronis à Tiridate refert Tacit. 15. annal. Quod si tam magnum vel humanæ decus auctoritatis, vel diuinitatis etiam opinio hinc sedibus tribuebatur; mirari desino, quòd impietatis accerferetur, si qui Imperatoriam sellam occupare, non publicè tantum positam (quod sanè grauius) sed vel intra palatium, ac domesticam foret ausus. V. quæ supra disseruimus; atque hoc ipsum est, quod Dio notauit lib. 57. de Vibio Rufo, cui contigit impune sellam Cæsaris domi, & ad priuatos vsus adhibuisse. Sed id consulto Vibius fecerat, simulque Ciceronis vxorem in Matrimonio habebat: vtroque gloriabundus, & vanus; aut oratorem se propter coniugem; aut Cælarem propter sellam ostentaturus.

Mantissæ loco non absistam apponere memoratam toties sedem auream apud Historicos, non de solido auro semper intelligi: quasi totæ ex eo, & ὁλόκρυς. sed vel inauratas, ac distinctas, principisq; metalli bracteis opertas, eo ramen pacto vocarunt; sic cervical, puluinar, vestem auream, quæ texta, variegata, nitens auro foret. Græcis κατὰ χρυσοῦς, διά χρυσοῦς, ἐπὶ χρυσοῦς. Non negarim quandoque potuisse è solido auro conflari, apud Reges præsertim Persas, aut Barbaros, de quibus suprâ.

Talis omninò extitisse debuit, quam Magus in cubiculo habebat,

H

cuius

mine ca-  
s querna  
saub. ad  
mortuis  
mortuis  
viuentes  
ag. 813.  
pauisius  
προεχέ-  
per sella  
icis ima-  
Seuero,  
is. Co-  
nummi,  
lque su-  
ie positi  
dri In-  
3. Dio-  
s distin-  
χρυσον,  
ων, Au-  
llis Deo-  
sedentis  
curulem,  
εικόνες  
statute.  
De Do-  
tia inter  
em huc  
porabile  
abita de  
difficiles  
ac fidei  
e publi-  
lib. 10.  
ituendo  
qui com-  
silijs



cuius sedis pedem arripuit, eoque pugnauit aduersus percussores suos: cui namque vsui ad pugnandum, nisi è solido metallo pes ille constiterit? V. Briffon. d. lib. de regn. Pers. p. 50. lib. primo. *Χρυσὸς δίψος, aurea sella* Alexandri M. sub eo tabernaculo immanissimi luxus memoratur Athenæo lib. 12. cap. 9. Nonnunquam id Romanis consentirem factum. Aureæ sellæ sæpius meminit Cic. 15. ad Att. epist. 3. Verrina 4. & primo de Diuin. Certè de statuis scimus è solido auro, argento, &c. fuisse positas tum Principibus, tum priuatis. Non loquor de donarijs, alijsque, quæ sacrabant Numini alicui; tunc enim & sedes, & signa, & vasa è solidis ducta, flara, sculpta metallis haud pauca fuerunt. Statuas ex auro solidas legimus multas apud Scriptores, ac refert Figrelus cap. 16. eruditi operis de statuis illust. Rom. quæ vero non totæ ex auro, eæ dictæ Auratæ, auro illustræ, sub auro, ex ære auratæ, &c. vt in antiquis sæpè inscriptionibus, notatque idem Figrelus Tacitum sequens Ducem Salmasium ad Trebellij 30. tyrannos in Tito. Sic *auro imbracteari* dicuntur eadem statuarum Ammiano lib. 16. laminis nempè, bracteisue obduci tenuissimis. Indè nostrum *Imbrattare*. Sidon. Apollin. 8. 8. *eboratas curules, & gestatorias bracteatas*. V. Sauiarum ad hunc locum, ne exscriptorem agam. Huius artificij, aut luxus nimium quantum exquisita quotidie serpit industria magno cum auri detrimento, quod omnigenæ supellectili superfunditur, atque illinitur. Adeò tam pauca sunt, quæ è solido sint bona, & non adscito fuco resplendeant.

## CAPVT XV.

Tribunal, Suggestus, Bema, &c. Fastigium in domo, *αυροθήπιον*. Auditorium. Pro Tribunali *ἐπὶ τῷ βήματι*. In iure. De plano; Leuato Velo; *χαμῶδι*. Pro Rostri: *curules illic selle*. *Tribunaliū descriptio, atque icones. Asinus Pistorij tribunal ascendens. Solus veterum illustriora.* *θρόνος*: Trono, Seggio. *Pro tribunali ius dictum. Principes medij sedentes.*

**C**VM sedibus istis Imperatorijs (dum mihi quoque, vt Vibio Rufo fraudi ne sit) sensim & aprè deuehor; imò extollor, & assurgo ad Tribunal. Cellus hic, atq; editus locus digna statio sedis tum Principum, tum Magistratuum. De Principali nunc:  
sed



sed nihil tam vulgatum, ac detritum: delibo quæ in rem nostram magis. *Suggestus, Pulpitum, Tribunal, Bema, Thronus, Solium*, alijsque nominibus haud multum disparibus notabatur. Sed nihil his immoror, neq; vocum originationes sollicito. V. Isidor. 15. 4. Flor. 4. 2. de honoribus in Cæsarem congestis: *Suggestus in Curia; fastigium in domo; mensis in Cælo, &c.* quæ apposui ob mentionem Fastigij, hoc est, ἀπορρίψις supra ædes. Non parco admonere *Tribunal* vocitari tum pegma, aut tabulatum, vel molem, vbi sedebatur, ac sternebatur; tum forum ipsum, auditorium, iudicium, vel dicasterium, vbi sedes dispositæ. Sed Auditorium tamen quid diuersum à *Tribunali*; in eo namque agentium causas postulata audiebantur; in *Tribunali* ius promebatur. Solemne, ac iudicarium *Pro Tribunali sedere*, quod Græci πρὸ, vel ἐπὶ τῇ ἐήματι. *Bema*, pro Iure, siue iudicio Græcis I. Consultis; ἐν ἐήματι, *In iure* Basilic. 70. tit. 5. de noxal. act. Festi Epitomator *Pro* significat *In*, vt *pro rostris, pro aede, pro Tribunali*. Idemque Festus, *pro censu, &c.* accipi debet *in censu*; vt ait M. Varro in lib. 6. rerum humanarum. Sicuti *pro aede Castoris, pro Tribunali, pro testimonio*. Alij exponunt *Pro*, hoc est, ante, sic *pro Rostris, pro curia, &c.* Opponitur τῷ *Pro tribunali*, quod I. Consultis est *De plano*, & aliter *Lenato* velo l. 1. § 8. D. ad Turpilianum: *Item pro Tribunali, non de plano, & l. 1. de constit. Princib. Vel de plano interloquutus est*; ac ferme *Interloquutiones* dictæ, quæ ira pronunciabantur, & *Interloqui*: sicuti *Edicere, & edicta interponere*.

Nonnulla namque genera, quin etiam partes causarum (quippe grauioris diiudicationis) strepitum, atque æstum forensis iurgij flagitabant; neque de plano, vt multa alia, sed pro tribunali exitum foriebantur. Huc traho verba elegantissima veteris I. Consulti in lapide Gruteriano 408. 1. quibus munera *Decurionatus*, vt paucis iam onerosa, honestè de plano compartiamur. Compendiosè, ac summarie, ac sine perquisitione census (vt opinor) est illud *de plano*. At ad rem nostram. Suet. Tiber. cap. 32. è *plano*, aut è *quæstoris tribunali*. V. hic doctissimum Torrentium. Est igitur de plano χαμόθυ, cum sedetur inferiis, nec ascenditur. Gradus namque ad tribunalis fastigium, vbi sella posita Plin. paneg. ascendere curulem, induere pretextam. Editum hunc locum forsan respexit Iuuen. sat. 10.

summas donare curules. Lucan. 5.  
Lentulus è celsa sublimis sede prefatur. Sil. 8.

H 2

Hac



*Hæc altis eboris decorauit honore Curules.*

Cassiodor. 6. 3. in form. præf. Prætorio. *Tribunal tuum idè tam excelsum factum noueris, ut locatus ibi nihil humile, abiectumque cogitares.* Spissa sunt testimonia, sed interuungimus: dum ne indictum relinquamus omnium celebratissimum Tribunal, aut suggestum apud Rom. Id *Rostra* toties memorata, in quæ conscendebant concionis habendæ causa, ubi orabant, iurabant, magistratus, & imperia auspicabantur. Protuli tibi iconem ex nummo Augusti apud Golz. p. 71. n. 5. sup. cap. 10. & in calce libri Icon. n. 2. Vides duos sedentes, & *rostra* nauium basi præfixa, de quibus Plin. 16. 4. & Dio. 6. Togati apparent Consules pro *Rostris* in curuli, an potius subtellio, vel bisfello, quod capit duos. Sed *curules* fuisse illic compositas non ambigo ad usum capeffendi honoris, præsertim Consulibus. Quare ad Stiliconem Claudian. in eius consulatu lib. 3.

*Circumsusa tue conscendant rostra Curules.*

Et in Pan. 6. Conf. Honorij.

*Agnoscent rostra curules.*

Suet. Ner. 12. *Curuli residens apud Rostra.* Malim *Curules* legere, quàm *secures*. Græci ἐπὶ τῶν ἐμβολῶν, *Pro rostris*. Et ἔμμα δὲ μνηστικόν, suggestum ipsum. Sic Ammian. lib. 16. veluti peculiare Consulum agnoscit, elatum, & scanfile nominans, *elatosque vertice scanfile suggestus Consulum*, &c. Aliorum Bematum, aut suggestorum figuras suppeditant frequentissimè nummi; ij præsertim, in quibus congiaria, & liberalitates exhibentur. Visitur Imperator in edito sedens super curuli, alius quoque præfectus frumentarius, aut administer largitionis in extremo suggestu, quâ gradus scalarum desinunt, ad munera diuidenda, & explorandas tesseras: alij pone, circum, infra stantes; nonnunquam duo, tresue Cæsares confidentes. Ex innumeris specimen, aut gustum tibi damus; propter ea potissimum suggesta, quæ ornatiora nobis visa sunt, emblematis, segmentis, clauis, parergis, & sculptrili opere variegata. Talia præferunt nummus Neruæ apud Erizz. p. 297. & Traiani p. 367. & Seueri 663. Duo simul Principes Marcus Antoninus, & Commodus apud eundem Erizzum p. 475. Balbinus, Pupienus, Gordianus 690. 1. Septimius Seuer. cum Geta, & Aurel. Anton. apud Tristan. t. 2. pag. 96. Gordianus Pater, & filius 468. Seuerus cum filiis 262. Philippi Pater, & filius 569. ubi sedes cum scamno, aut suppedaneo, V. imagines à n. 21. vsq; ad 39.

Tri-



Tribunalis descriptionem, ac mensuram habes apud Latinæ architecturæ magistrum lib. 5. cap. primo. *Tribunal est in ea aede hemicyclij schematis minore curvatura formatum*; loquitur de Tribunali in æde Augusti. *Eius autem Hemicyclij in fronte est internallum pedum XLVI. introrsus curvatura pedum XV.* Cæterum maior, aut potius ordinaria curvatura, siue spatium dimetiens erat pedum xxij, ad arcus proportionem, ut idem docet.

Cogito interim, ac spleen mihi salit, non tam arduum, ac difficilem fuisse ascensum illum per gradus ad tribunal, qualem descripsimus: aut saltem pro locorum usu, populorumque institutis, mitiorem alibi, & mollioris aditus, si fides Amm. Marcellino lib. 27. in ea facti narratione mihi lepida, tunc ominosa, quod in nostræ Etruriæ vrbe Pistorio contigit; cum non iniquæ mentis asellus (quippe ius iam iam ruditu dicturus) tribunal ascendit. *In oppido enim (inquit) Pistoriensis prope horam diei tertiam spectantibus multis asinus tribunali ascenso audiebatur destinatus rugiens: & stupefactis omnibus, qui aderant, quique didicerant, referentibus alijs, &c. tu vide euentum; conueniunt Luciliana illa.*

— rudet è rostris, atq; euilitauit

*Concursans veluti ancarius, clareq; quiritans.*

O superstitiosos veteres, ac nimium religentes! Quid nos hodie in tali re? Non adeò miraremur.

Illius admirandi, atque omnium splendidissimi tribunalis, quod sapiens Rex sibi struxit, ut Populum diuini promissi hæredem iudicaret, descriptionem habes lib. 3. reg. 7. Intra prætorium suum Olophernem inuenies *sedentem in Conopæo, quod erat ex purpura, & auro, & smaragdo, & lapidibus pretiosis intextum, &c.* in Iudith cap. 10. Ditißimum aliud, in quo Rex Parthorum ius dicebat, ac legatorum postulata excipiebat, refert Athen. lib. 11. cap. 2. Ac de celebri illo Persarum formâ platani aureæ, ac viris aureæ, confectâ illic è gemmis vuâ; itidemque de Alexandri Magni tabernaculo, ubi sella aurea, ac suggestus ad easdem imperij artes lib. 12. cap. 9. De Cyri solio diximus capite proximo. Totus autem hic suggestus editior, & scanfili apparatus regum, nobis, *Trono, Seggio, Soglio*, ut Græcis θρόνος, σκηνή, Thronus, scena: *Tabernaculum* quoque, & χηματισήριον, cui umbellæ non deerant, & vranisci, quibus tegerentur (*Baldacchini*) aliaq; non pauca ad enormem luxus speciem, pudendumque assumpta

pta



præ Diuinitatis fastum. V. Lipsium de Amphit. cap. 11. Bul. 3. c. 3. de Imperatore, ubi de tribunali, & 2. cap. 19. sed thronus etiam, θρόνος, sola ipsa sedes Græcis, quoniam in throno, aut folio collocabatur. Pro tribunali igitur iura reddita. Suet. Vitellij cap. 9. *Vienæ pro tribunali iura reddita, & Aug. 33. ipse ius dixit assidue, & in notem nonnunquam si parum corpore valeret, collocata lectica pro tribunali.* De Tiberio Tacitus. *Iudicijs assidebat in cornu tribunalis, ne Prætorum curuli depelleret, primo annal. 75. Suet. hac ipsa in re cap. 77. Magistratibus pro tribunali cognoscentibus se offerebat consiliarium, assidebatque mistim, vel ex aduerso in parte primori: & si quem reorum elabi gratia rumor esset, subitus aderat, iudicesq; aut è plano, aut è quaestoris tribunali, &c.* Dio itidem hæc narrans lib. 57. p. 606. ἐπὶ τῷ ἐσθρῷ τῷ κατὰντικρὺς αὐτῶν κεμένῃ καθίζων ἔλεγεν ὅσα ἐδόκει αὐτῷ. *In subsellio è regione ipsorum (magistratuum) posito sententiam suam promebat.* Ferme autem aduerti Principes medios Consulium sedisse, aut aliorum, quos cohonestatos volebant; aliquando filiorum, aut Cæsarum, vt ostendunt nummi superius producti cap. 13. De Tiberio Suet. in vita cap. 7. *Postumque in septis tribunal, Senatu adstante conscendit: ac medius inter duos Consules cum Augusto simul sedit.* Marcello defuncto sella curulis ponitur in theatro media inter præfectos ludis Magistratus. V. Dionem lib. 53. De Claudio idem cap. 23. *De maiore negotio acturus in Curia medius inter Consulium sellas Tribunitio subsellio sedebat.* Dio lib. 60. p. 675. in hoc ipso facto ἐν μέσῳ τῶν ὑπάτων ἐπὶ δίφρῳ ἀρχικῷ, καὶ ἐπὶ ἐσθρῷ (lego ἢ ἐπὶ ἐσθρῷ) καθείμενος, &c. *medius Consulium in sella Curuli, vel Subsellio: quod Tribunitium vocat Suetonius.* Nunc igitur subsellio, nunc sella utebatur: sed illo ad modestiam, ac ciuilitatem, vt mox dicemus. De Caligula idem Dio 59. 649. ἐπὶ τῷ ἐήματός ἐν δίφρῳ μεταξὺ τῶν ὑπάτων καθεζόμενος, &c. *Pro Tribunali in sella inter Consules sedens, &c.* Vitellius apud Tacitum hist. 2. 59. *Valentem, & Cecinnam pro concione laudatos Curuli suæ circumposuit.* Boeth. 2. de consol. *Cum in Circo duorum medius Consulium circumfusa multitudinis expectationem triumphali largitate satiasti, &c.* Verba sunt Philosophiæ alumnum suum consolantis, ne prioris fortunæ desiderio intabesceret.



## CAPVT XVI.

*Quandoque Imp. minus digno loco sedentes. Consul Præsidere dicebatur. Tiberij moderatio. Assidere in cornu tribunalis. Ritus exploratus assurgendi, aut sede migrandi in Senatu ad Principem adloquendum. Dionis versor notatus. Princeps Consulibus assurgens. Aue Consul. Adriani, & Augusti comitas: Iulij Cesaris, & Carini fastus. Coriolani in matrem reuerentia tribunal ascendentis.*

**Q**uandoque, vt dicebam, moderationis, & æqualitatis laude non erubescabant Principes minus digniori loco sedere, vt eum honorem præcipue haberent Consulibus, & antiquæ Republicæ imaginem retinerent; quod multo magis tum factum, cum Princeps Consul non esset: præsidebat enim tunc Senatui Consul; quod notauit ex Plinij paneg. Guterus de off. D. A. lib. 1. c. 12. p. 37. Verum neque eo tantum fine, neque perpetua lege id factum, etiam à modestissimis opinor, vt allatis asserendisque testimonijs parebit. Tiberius sanè quo rebus agendis foret intentior; iudicij, iustitiæque fidem promptius specularetur, ac litigantium postulatis vindex, & inspector adesset; non pro tribunali, atque honestissimo loco (qui est medius in ea forma semicirculari) sed assidebat in cornu, vt inquit Tacit. d. lib. 1. ann. quod Suet. cap. 33. ita expressit; *assidebatque mistim, vel ex aduerso in parte primori*. Si formam tribunalis spectamus, idem est in cornu, ac in parte primori ex aduerso Magistratus. Placet quoque pro *mistim* legere *iuxtim*; vt quandoque. i. assideret, quandoque alibi, vt ex aduerso interesset. Claudius magnam præ se moderationem tulit: qui ubi medius Consul sedens aliquid de Republica egerat, in suum locum redibat, Consulibusque curules ponebantur. Dio 60. p. 675. *μετὰ δὲ τῷ αὐτῷ τῷ ἐπὶ τῷ συνήθει ἔδρῳ μετέρχετο, καὶ ἐκείνους οἱ δῖπροι ἐτίθειτο*. Post hæc tum ipse ad consuetum locum redibat, tum illis (Consulibus) Curules ponebantur; ex quibus verbis duo colligere est; primò consuetum Claudij locum non fuisse dignissimum toto confesso, quem Consulibus relinquebat: secundò Consules curulibus quandoque abscessere cum Claudio loquuturos; alioquin cur erat, vt ipsis postea sella ponere-



nerentur? Descendisse autem eos de sellis alloquendi causa idem tradit p. 668. τῶν ὑπᾶτων ἐν τῷ συνεδρίῳ καταβάντων ποτὶ ἀπὸ τῶν δίφρων ἵνα διαλεχθῶσι αὐτῷ. *Consules in Senatu cum de Curulibus descendissent, ut cum alloquerentur, &c.* Parum accuratè verfor Dionis verba, ἀπὸ τῶν δίφρων, latinè reddidit, de *Subsellis*: tum quia hæc dedecora Consulibus, tum quia δίφροι sunt sellæ, & quidem consulares, aut Curules in hoc loco. En thronus ijs eminentior datus, vnde in planum degrediebantur. Pergit Dio de Imperatore καὶ προσεξάνεσθαι, καὶ ἀντιστρέψασθαι, & *assurrexit, & obuiam ijs venit.* Cæterum ab hac humanitaris laude commendatus Claudius, quod stantibus diù in curia Senatoribus, ipse quoque assurgeret; cum alioquin propter infirmitates corporis tremorem capitis, & manuum excusatus federet, eodem teste Dione 665. & 673. De Tiberio Tacit. supra laudatus. *Iudicijs assidebat in cornu Tribunalis, ne Prætorem Curuli depelleret.* Non Consulibus, aut in curia; sed cuique Prætori in suo dicasterio hanc moderationem exhibebat Tiberius, neq; Curuli moueri permittebat Prætorem. Quare Dio lib. 57. de eodem Principe ἐκείνους μὲν ἐν τῇ αὐτῶν χώρᾳ καθύπευθε ἔειλε. *Eos (Magistratus) suo quæque loco sedere sinebat.* Sed & Consulibus assurgebat eodem Dione referente 57. p. 609. τίς τε αἰεὶ ἀρχοῦντας ὡς ἐν δημοκρατίᾳ ἐτίμα, καὶ τοῖς ὑπᾶτοις καὶ ὑπάνιστο. *Magistratus, ac si in Democratia honorabat, & Consulibus quæque assurgebat.* Suet. 32. in vita. *Cum palam esset ipsum quoque eisdem (Consulibus) assurgere, & decedere via.* Formula, qua Princeps Consulem salutabat, dum obuiam procederet, *Aue Consul amplissime*, vt ex Mamertini panegyrico edocemur. Comitas hæc Adriani in Seruiantum memoratur, quod sedem, aut quiduis aliud relinquens *uenti de cubili semper occurreret.* Spart. Adriano cap. 8. De Augusto Suet. cap. 53. *Dic Senatus nunquam Patres, nisi in curia salutauit, & quidem sedentes, ac nominatim singulos, nullo submonente: & discedens eo modo sedentibus singulis vale dicebat.* Contrà namque parens Iulius publici odij molem in se pertraxit, eandemque maturauit, quoniam hæc ciuilitatis, benignique animi æqualitatem neglexerit, cum in vestibulo templi Veneris sedens accedentibus Senatoribus nequaquam assurrexisset. Nonnulli tamen eum purgare conati sunt, quod ventris profluuio laborasset, veritusque ne inter assurgendum aluum deiceret, sedi inhæreret. V. Dionem lib. 44. p. 244. Suet. cap. 78. *Adeuntes se cum plurimis, honorificentissimè decre-*



decretis universos Patres conscriptos sedens pro ad Veneris Genitricis ex-  
cepit. Aliam excusationem affert Suet. illic præter diarrhæam aqua-  
liculi. Quidam putant retentum à Cornelio Balbo, cum conaretur assur-  
gere; alij, ne conatum quidem omnino, sed etiam admonentem C. Trebatium,  
ut assurgeret, minus familiari vultu respexisse. Superbientis fastidij no-  
tam obleruat in Carino Vopisc. cap. 17. *Præfectus nunquam Consulibus*  
*obuiam processit.* Sollicitabant hunc locum Interpretes, inter quos  
Calaub. *Præfectis, aut Consulibus nunquam, &c.* at Gruter. *Præfectis*  
*nunquam, nunquam Consulibus, &c.* In mentem mihi venit æqua illa  
demissio M. Coriolani, qui de summo tribunali sellam iussit in pla-  
num deferri, ut venientem, deprecantemque Matrem exciperet: in-  
dignum, ac superbum ratus imperij, ac potestatis inuidiam retinere  
coram flente, ac misera, à qua genitus fuerat. Non tamen sella ab-  
stinuit: inter filij obsequium, & Imperatoris dignitatem publicas pre-  
ces audituri egregie se temperans. Dionys. 8. Ap. de Coriolano sel-  
lam iussit θῆναι χαμαί, *humis deponi*: atque iterum, καὶ τὸν δίφρον  
ἀπὸ τοῦ ἐνμακτος ἐθνε χαμαί, *Curulem è suggestu in solo statuit.*

## CAPUT XVII.

*Tribunalia Magistratum: in castris, & apud exercitus. Tribunal è ca-*  
*spite. Adloquutio. Suggestus minorum magistratum: assertum*  
*etiam municipalibus Tribunal in spectaculis. Puteal, an Tribunal*  
*Prætoris? Puteale, φρέαρ: tegmen Putei. Ad Puteal iuramenta.*  
*Φρέαρ τῆ Ασκληπείᾳ. Phreatium. Assidere; Adlessores; Confes-*  
*sores. πρόεδροι, σωῆδοι, σωῆθοι, Consentes, Nouemfides;*  
*Consiliarij. Χαμαιδμασαι. Amici Principum, Comites. Tribunal*  
*inferorum. Tribunalium cancelli, & vela. Cancellarij.*

**N**ON Principibus modò, aut Imperatoribus, quorum potesta-  
te vigent Magistratus; sed ipsis quoque Magistratibus meri-  
tò locata tribunalia, veluti honoris insigne, atque Iurisdic-  
tionis instrumentum: & quidem tum incolumi quondam Republi-  
ca, tum valido imperio, siue domi, siue foris posita, atq; erecta: ne-  
que ad ciuiles tantum altercationes, sed ad militaria quoque, & cali-  
gata iudicia. De Marcio, apud Coriolos nuper diximus ex Dionysio  
lib. 8, de Scipione ad oppidum Badiam Val. 3. 7. & 88. sup. cap. 12.



subit interim mirari quod de P. Aemilij apud Macedonas tribunali scripsit Liu. lib. 45. *Assuetis Regio imperio, tamen nouum formam terribilem praeuit Tribunal.* Imò namque nihil tam Regibus vsitatum, quàm superbi hi apparatus, & tribunalium fastigia, quod notissimum est. Cur ergo tantus terror incussus Macedonibus Regio alioquin imperio assuetis? Nisi tamen noua (vt signanter loquitur Liuius) forma tribunalis terrori fuit, cæterique adstantium ritus, ministeria, habitus; consternatis præsertim animis Macedonum euerfione regni, clade, ac seruitio suorum; Væ victis! subdit Historicus, *summotor aditus, praeo accensus insueta omnia oculis, auribusque, quæ vel socios, nedum hostes victos terrere possent.* Quandoque tamen in castris, & apud milites nullum tribunal, nisi cæspitium aggestis terræ cumulis fultum, & cliuofum, vbi sella posita; sæpius verò stans Imperator: indicantque passim nummi, in quibus *Adloquutio* legitur. Tacit. 1. annal. *Simul congerunt cæspites, extruunt tribunal, quò magis conspicua sedes foret;* ad quem notant vbertim Orleans, & Lipsius, iterumq; hic lib. 4. Dial. 9. de Militia Rom. cuius allatis testimonijs lubet adiungere Ammianum Marcellin. lib. 19. *Vallo propè Acunincum locato, celsoque aggere in speciem tribunalis erecto, &c.*

Minoribus quibusdam Magistratibus, vt ædili saltem Curuli debeamus an non interdicere hoc genere honoris, atque amplitudinis in suo saltem foro, aut iudicio erigendi, conscendendique Tribunalis, ad hoc Tribunal suspendo iudicium, atq; ampliare iuuat. Nihil videro absoni humiliorem ijs, & magis terrestrem fuisse locatum suggestum, quando eos quoque ius dixisse non diffitemur. V. Manut. 2. 4. quæst. epist. Omnino Municipalibus negatum voluit tribunal Scipio Gentilis lib. 2. cap. 24. de I. Dictione. Sed nos asserimus de quo supra cap. 6.

Præter notiora Magistratuum tribunalia indico editoris tribunal in spectaculis dandis, de quo Suet. Aug. c. 44. Lips. de Amphith. cap. 11. & nos sup. c. 12. & cap. 15. vbi non pauca alia de tribunali exposuimus tanquam sellæ statione, ac domicilio.

De Puteali ne hîc taceam, iusta sese præbet occasio, quod idem esse, ac tribunal Prætoris nonnulli crediderunt. Hor. epist. 3. ad Mæcenat.

————— *forum, Putealque Libonis*  
*Mandabo sicis* —————

Et



Et 2. Sat. 6.

*Roscins orabat sibi adesses ad Puteal cras.*

Ad quæ loca, Porphyrio in epistolam, Acro in satyram *Puteal* exponunt tribunal Prætoris, quod & Flacci iunctura verborum, ac sensus suadere videntur. Perf. sat. 4.

*Si puteal magna cantus vibice flagellas.*

*Puteal* est forum, & τὸ δικαστήριον, inquit illic Casaub. Sed *Puteal* ex suo veriloquio nihil est aliud, quàm operculum putei, quod nos docet Pomponius I. C. l. 14. de act. empti: Tullius lib. 1. 8. ad Att. Glossæ vocant περισόμιον; notatque Cuiac. lib. observat. 11. cap. 2. aliter ἱερὲ φραγμὸς, *Puteale*: & inibi, τόπος ἱερὸς περικεκλισμένος, *Puteale*. Per celeberris locus Romæ extitit in foro, aut comitio, de quo P. Victor in regione Urbis 8. statuens, & Dionys. lib. 3. ἀρχαῖοι. qui tamen φρέαρ appellat, puteum .i. non *Puteal*, aut regmen putei; ob id reprehensus à Torrentio in eam Horatii Satyram. Sed vereor ut aliquantulum audacter: tum quia antiquissimus, & diligentissimus auctor Dionysius: tum quia non incommode potuit ille locus vocari φρέαρ, siue Puteus; quoniam verè illic in puteo defossæ erant cos, & nouacula Attij Nauij, supraque impostum puteal, quod Cic. scripsit 1. de Divinat. Erat autem ara quadam coronata, & superposita puteo, ubi quondam defossa nouacula, & cos Attij Nauij auguris; inde nomen sibi fecit *Putealis*. Hæc ara visitur in nummis inscriptione *Puteal Scribon*; est .n. Scribonius Libo, vnde *Puteal Libonis*, qui fortè aram instituit, aut euersam restauravit. Adde Festum in ver. *Sceleratus* ex supplemento Fuluij Ursinij. Nummum exhibet ex Golzio, & alijs Jacob. Ræuard. varior. lib. 5. 8. V. & Torrent. dicto loco. Iurabatur ad hanc aram à iudicibus, ac litigantibus: quo sensu exponendus Horatius, & plenè docuit Ræuard. cui adiungo Ericium Puteanum in calce Schediasmatis de I. iurando. Illò quoque convenisse Fræneratores, ac defedisse occasionem captantes locandi bonis nominibus pecuniam tradunt: quo respexit Ovidius.

*Qui puteal, Ianumq; timet, celebresq; Kalendas.*

V. Torrent. ut supra. Non damno igitur aut veteres Flacci Interpretes, aut eundem Casaubonum, qui *Puteal* pro tribunali exponunt.

Credo enim, quòd non ignorassent, quid ex sua vocis notione foret *puteal*, h. e. putei κάλυμμα, & operimentum; sed Poetæ loquuntur



metonymicè, quoniam proximè illud puteal, vel aram aderat tribunal Prætoris in foro, vnde & illic iurabant iudicaturi: Iuratio autem illa in Iure fieri solebat, & ad Prætozem. Tuetur hanc explicationem Theodor. Martilius ad eam Persij satyram; qui & puteal, siue puteum religiosè obseptum, & opertum inter res sacras adgnoscat; quod & Glossæ superius allatæ monuerunt. Sed *φρέαρ τῆς Ἀσκληπιῆς*; in oratione Aristidis, quam affert Martilius, non video quomodo huc spectet; neque *φρέαρ* illic est Puteale, sed Puteus. Reperio quidem apud Athenienses quoddam iudicium, seu tribunal *Phreatium* fuisse appellatum, fortè à puteo quodam. Illic iudicabatur non voluntariæ cædis rei; Polluci lib. 8. cap. 10. vocatur τὸ ἐν φρεατῶϊ, quod vertunt *forum putei*. Aristotel. politic. 4. 16. *Ἀθῶναι λέγεται ἐν φρεατῶϊ δικαστήριον*, *Athenis vocatur in Phreattoi dicasterium*. V. Scholiast. Demosth. in Aristocrat. Suid. verbo ἐν φρεατῶϊ, & Seberi notas ad Pollucem. Indico tandem Salmasium exercit. ad Solin. p. 1141. & seq. qui diuersum putat Libonis Puteal ab eo Atrij Nauij, neq; tribunal exponit, sed aram, aut potius septum aræ coniunctum ad tutelam, ac munimentum, hinc puteal pro ara ipsa apud scribentes. Sed de his puteis libasse sufficiat: profundiorē haustum alijs relinquimus.

Vt ad puteal, siue tribunal, sedesque iudicantium officijs illic statutas redeamus, haud solus ibi Princeps, vel soli Magistratus munia potestatis obibant; sed confessores secum, & secundarum partium alios ad consilia, atque iudicia adiungebant: Cic. 1. de orat. *Nobis in tribunali Quinti Pompeij Prætoris urbani sedentibus*. Atque hi sunt, quos vocabant *Assessores* ab assidendo, siue vna, & iuxtim sedendo, de quibus est tit. Pandect. de officio Assessorum, & simpliciter *Assidere*, pro assessorem agere l. 37. & 38. D. ex quib. caus. maior. l. 10. C. de assessor. V. Briffon. select. antiq. 3. 10. nonnulla apud Sauiar. ad Sidon. 1. epist. 3. Cic. 2. de finibus *Confessorem dixit A. Varinus qui est habitus index durior dicere confessori solebat*, &c. alibi quoque usurpat Græcis *πάρεδροι*, & *συνέδροι*, & *συνέδροι*, quod in eadem sede, aut throno iungerentur. Hesych. *πάρεδρος*, &c. *συνέδροος*. Hinc Deorum *Synibroni*, & *Consentes*, aut Assessores; qui & *Nouemfides*, quasi *Nouemfides*, quoniam nouem vnâ federent. Meminit horum fusè Arnob. 3. extremo. Seru. ad 7. Aen. Marius Victorin. ac nos sup. cap. 9. Sic Antinouus tanquam vnus è consentibus, aut Nouemfidibus consecratur.



cratur. Vetus lapis *συνθρονον* vocat apud Grut. 86. 1. ex Pighio *Αντινοῦ συνθρόνον τῶν ἐν Ἀργυρῆα θronon. Antinoos Synthrono*, aut *Confessori Deorum Aegypti*. V. ad Spart. Adrianum cap. 14. fulgentissimos adnotatores Calaubonum, & Salmasium. Nonio, & Heminæ in annalibus *Consedentes*: quanquam & hoc pacto vocari possunt quicumque coniunctim sedent, non ij tantum, qui operam præstant tribunalibus, aut consilijs. Quare & hi ipsi *Consiliarij* dicti Suet. Tiberij cap. 33. *Magistratibus pro tribunali cognoscentibus plerumque se offerebat consiliarium, assidebatque iuxtim*. Paulus lib. 1. sentent. relatus in l. 5. ff. de off. assel. *Consiliarijs eo tempore, quo assident, negotia tractare, &c.* Voce *Adfessorij* ne tibi imponat vetus Horatij interpretes ad epod. 5. caue, *Hinc Esquilina*, inquit, *porta Roma dicitur Adfessorium, ubi, &c.* emenda *Ad Sestertium* ex Criticorum emunctissimo I. Lips. ad Tacit. 15. ann.

Nec minus Iudices dati intra spatium tribunalis, & si inferiori loco, & in Subsellis Prætorum, aut Quæstorum; quare quod in l. 2. de re iudic. legitur, *qui pro tribunali cognoscit*, explico non tam de Magistratu, quàm de Assessoribus. Huc pertinent ex quorundam sententia *Iudices Pedanei*, eo appellati, quòd infra & ad pedes assiderent; Theophilo Inst. de Interdict. *κατωδινασαι, humi indicantes*, de quibus est tit. C. de Iudic. pedan. & alibi sæpè mentio in libris Iuris. V. Ræuard. coniect. 3. 10. Cuiac. ad nouell. 82. quæ est de Iudicibus, Bulenger. d. lib. 3. cap. 3. vbi tamen iudices datos cum delegatis confundit, quos distare haud paulo inter se norunt sanioris prudentiæ consulti. Quòd vero Principis confessum attinet, genericè, & infinitè *Consiliarij* dicti, qui circa latus agebant nullo certo dignitatis nomine, & in contubernium Imperatoria Maiestatis adsciti, vt loquitur Spartianus Adr. cap. 18. & ad xxx. tyrann. in Macriano, Bul. de Imperatore 2. 21. nos infra, & *Comites*, aut in Comitatu: Hinc quoque *Consistorij* nomen, & *Comitum Consistorianorum*. V. Iacob. Guther. 1. cap. 17. de off. D. Aug. Et si namque à stando, siue consistendo dicatur Consistorium, sedisse tamen Comites saltem primi ordinis coram Principe affirmat Guther. aduersus Cuiac. aliter opinantem ad l. 1. C. de comit. Consistor. superius quoque cap. 12. Senatores ad Principis adyta admissos consedissee adnotauimus. At de Consiliarijs Principum, & eorum cognitionibus. V. eundem Guther. ibidem cap. 19. & 20. Buleng. 3. de Imperatore cap. 9. & seqq. Romanis Magi-



Magistratibus æquo iure affedisse veluti beneficium regibus socijs, & amicis seruatum docet Salustij locus in bello Iugurth. vbi de Gauda Masanißæ nepote libenter appono verba. *Cui (Gaudæ) Metellus petenti more regum vti sellam iuxta poneret, item postea custodiæ causa turmam equitum Romanor. vtrumq; negauerat: honorem quòd eorum modò foret quos Pop. R. reges appellauisset: præsidium, quòd &c.* Noto insimul vocari simpliciter *Honorem* eam sellæ collocationem iuxta Metellum Consulem.

Mulier illa maternâ ductâ pietate, vt filijs suis lautioris fortunæ commoda, dignitatesque prospiceret apud Matthæum cap. 20. ad Principum Regem conuersa. *Dic vt sedeant hi duo filij mei, vnus ad dexteram tuam, & vnus ad sinistram in Regno tuo.* Neque aliter Ioannes 4. Apocalypf. Diuini tribunalis maiestatem vt humanis mentibus instillaret, humanum ritum, apparatusq; seruauit. *Et ecce sedes posita erat in Cælo, & supra sedem sedens, &c. & in circuitu sedis sedilia viginti quatuor, & super thronos viginti quatuor seniores sedentes, &c.* Hi sunt Consiliarij, siue Assessores: quorum sedes (vt potè infra primam, & dignissimam) vocat *sedilia*, ac deinde *thronos*. Angelus quoque tenebrarum affectans lucem, verique Numinis æmulator stultissimus suum habet Consilium, & tribunal apud inferos, si fides Poetis; ne scilicet vmbrarum arbiter causam suam faciat, si temerè, nec consultis Assessoribus de crimine, aut pæna manium statueret, Seneca in apocoloc. Claudium Imperatorem humanis exemptum perducens ad tribunal Aeaci pararas illic sedes demonstrat. *In ius eamus: ego tibi sellas ostendam: ducit illum ad tribunal Aeaci.* Poetam agit Philosophus in hoc ludo, & naribus vncis indulget.

Atque his tribunalibus, elatisque sedentium suggestibus, quo summius foret aditus, & Maiestas sanctior, fenestrata septa circumdabantur, & cancellatæ fores, præductis decussatim sudibus, nè vulgus temerè accederet. Hinc *Cancellarij*, vel scribæ nomen, qui staret intra eos. V. Spelmann. gloss. in *Cancellarius*; Bulenger. 2. 23. de Imperatore, Guther. de off. dom. Ang. 3. 11. & quæ notat Barth. Aduers. 51. 3. Iacob. Gothofr. ad Cod. Theod. tom. 1. p. 71. Imò prætentia quoque vela. Hinc I. Consul *velo lenato* causas cognoscere, h. est sine magna disquisitione, & palam audiente populo. V. l. 13. de Instr. leg. l. 18. de ad. em. pt. l. 5. C. de Naufrag. Quo respexit Constantinus, M. nobilissimo edicto, quod nobis refert l. 1. Cod. Th. de Off. rector.



rector. Prou. *Venale iudicis velum* appellans. Atq; hæc loca cum eò apparatu, velisq; & admissionis lege *Secretaria indicum* dixere: de quibus affatim, ac doctè Valesius ad Marcellin. lib. 15. ac nos infra non nihil. Omnino autem Principum folijs, consistorijs, thalamis *ea* velamenta adducta, ac reducta. V. Guther. d. loco. Buleng. l. 2. de Imperatore 22. & 23. notata à viris doctis ad Suet. Claudij c. 10. Neronis 12. Tacit. 13. ann. cap. 5. vbi de Agrippina, *Abditis à tergo foribus velo discretæ*, &c. ibi Lips. Sidon. Apollinar. 1. 2.

## CAPVT XIX.

Solium unde dictum, *grammaticorum pugna*. Sollum. Sodium. Sedum. Seggio. *Regum proprium*. Soliarius. Solearius. *Soliorum apparatus*. *Respondentes de iure in folio*. *Solia acerna*. Armarium. Solida. *Scruius enarratus*. *Fulgentius emendatus*. Podius. *Ad podium spectare*. Appoggio. Solida sella. *Solum pro sepulcro*. *Tribunal defunctis positum*. *Vas disomum*.

**A**D solia me transfero, tanquam diuersum quid, nec temerè confundendum; sique, vt perhibent, eò solium vocatur quoniam solum est, atque vnus tantum capax; solitariè nos quoque, ac separatim de eo hic agimus, vbi ante de tribunali disse-ruimus. Neque tamen interim tam solitarij erimus, quin aliqua simul variz cognitionis intercurrat societas. Solium amplissimum honoris instrumentum, egregia supellex maiestatis, altum decus, ac specimen Regni, disceptationes hinc inde altercantium Grammaticorum quasi de Regno in se pertraxit. A solo descendat, an non, h. e. terra: à solo, idest vnico: à follo, videlicet toto; an tandem à soliditate solliciti nimium, atque æstuentes quærunt. Festus. *Solla appellantur sedilia, in quibus non plures singulis possunt sedere*, &c. quasi nempe solum, atque vnicum recipiant sessorem: ac verè insociabilis est regnandi fides, neque alteri simul benè committitur Imperij gubernaculum. Pergit Fest. *Omnia ducta sunt à follo*, vt emendatè illic legimus. Idem, *follo Osce dicitur, quod nos totum vocemus*. Qua retenta origine, haud reor necessarium vocem mutare, & pro *solla* substituere *folia*, quod tamen fecit Cl. Voss. Etymol. verbo solium. Solla enim vult appellare Fest. & non solia, & cur ita appellet, disertè exponit, qui



qui alueos pariter balneares sola dici monens, inquit. *Aluei quoque lauandi gratia instituti, quo singuli descendunt. Sola dicuntur quæ à sedendo potius dicta videntur, quàm à sollo.* Eiusdem illa sunt *solla sternere dicuntur, qui sollistemium habent.* Pariter eiusdem, *solaria vocantur Babylonica, quibus eadem (solla) sternuntur.* V. Cuiac. 10. obseru. 17. Libenter geminarem liquidarum primam, reponendo *sollaria* ob eam à sollo deductionem, quam ubiq; ingerit. Quamquam non ignoro, quod idem docuit de veterum vlu, *nulla tunc geminabatur littera inscribendo.* V. in Solitaurilia. Sed refert Seruium quoque audire ad illud summi vatis VI I.

— solio medius confedit auito.

Ita inquit honoratus hic Grammaticus, vt eum bene Vossius restituit. *Solium est veluti armarium de vno ligno ad Regum tutelam factum, à soliditate dictum.* Secundum alios, quod *solum vnum capiat.* Secundum *Asperum per antistichon, quasi sodium à sedendo; nam & sella quasi sedda dicta est.* Sed penè asperum, quod Asper αἰτίσιμον hic comminiscitur; non enim vnus tantum literulæ facta esset commutatio, si solum quasi sodium diceretur: E in O. & V in D. duplex pro duplici. Quod autem à soliditate arcessunt alij, solida magis noratio est, neque à sollo Pompeij Festi discedit. Varonis certè *sedum* neutro genere affine est *sodio* Asperi Grammatici; nosq; appellamus *seggio* totum illum iuggestum, Græci θρόνον, vt Isidorus docet mox afferendus, ac supra in tribunali diximus. Posteriores ijdem Græci, ac semibarbari Latinum imitantes *σωλεαν* dixere, quomodo Codinus Cedrenus, aliq; citimæ verustatis. Maurf in glossar. *Solium* exponit. Georg. Pachymer. hist. 3. cap. 2. ἀμβωνα, καὶ σωλεαν, *Ambonem, & Soleam* nuperrimè editis ex bibliotheca Eminentiss. Barberini. Non pauci de hac *solea* eruditè scripsere, quos laudat doctiss. Possinus ad eum Pachymeris locum in glossar. pag. 419. ac deinceps, præcipuè Illustrissimum Allatium in Diatriba de eo argumento. Delego te Isidor ad eundem Possinum, qui exactè verbi notionem in Isellenismū translata expendit: tandem colligens *soleam* antiquo Latino verbo propriè dictam, in templis Græcorum nihil aliud fuisse, quàm substructionem specioso apparatu coronatam, quæ aram maximam, ac presbyterium ab ingressu, inspectuq; populi tegebat: extentā quoq; appellationem ad spatium quoddam isti substructioni contiguum designandum. Sed ad solum reuertamur. Isidorus lib. 20. cap. 11.

Sedes



*Sedes singulari numero propriè Regni est, quod Græcis ὀρόρος dicitur, nos solium (demo hîc verbum subsellia, quod irrepsit, & continua oratione) in quo Rex sedet propter tutelam corporis sui, secundum quosdam à soliditate dictum.*

Erat igitur solium nihil aliud, quàm sedes, & quidem Imperij, ac Maiestatis, non priuati hominis; Regibus locata, ac composita; exteris potius in usu, quàm Romanis Principibus, vt ego sentirem. Video namque ab auctoribus retineri hanc Regum mentionem, quasi eorum peculiare. Seruius suprâ *Ad Regum tutelam factum*. Isidor. *propriè Regni est, & mox, in quo Rex sedet*. Cassiod. in psal. 1. *Solium Regum proprium esse memoramus*. Val. Max. 5. 1. exter. primo. *Solium Regum occupasse*. Spartian. Adr. 23. *In sedili Regio iuxta lectum posito, &c.* V. quæ notat Casaub. Maro dicto loco Aen. 169. de Regum Latinorum.

———— *solio medius confedit auito.*

Ac de Didone Regina 1. Aen. 510.

———— *solioq; aliè subnixa resedit.*

Quid. 14. Metam.

———— *Pulchro sedet illa recessu*

*Solenni solio* —————

De Circe loquitur. Libentius lego *Solenni*, quam *Sublimi*. Est autem *Solenne*, h. e. proprium Regum, & ijs debitum. Coripp. African. 2. de laud. Iustini.

*Auratum scandens solium, sedemque paternam.*

Ennius lib. 3. de Rege Romano.

*Tarquinio dedit imperium simul, & sola Regni.*

Vbi τὸ *sola*, non regiones, aut terras Regni, vt alij opinati sunt, accipio, sed iola, hoc est, solia; quomodo, & hunc locum intellexit Fest. in *solum*. Hoc enim quoque nomine appellarunt, & *solum*, & *solium*; ac belle tunc conuenit, quòd vnum capiat *solum*, quomodo idem Festus. *Non plures singulis possunt sedere*. Apud Grut. 643. 8. ex Mazochio *Soliario ab luco Semeles, &c.*

Nisi mendum est in excriptione, aut lapide, ego *Soliarium* exponerem, non artificem soliorum; sed *solium*, aut puluinar custodientem Deæ Semeles in eius luco. Sic *Quæstor ab Aerario* pro *Quæstor Aeriarij*, vt supra docuimus. Quod si quis *soliarium* pro artifice exponat, lucus Semeles demonstrationis gratia appositus erit, vt officinam,

K

aut



aut tabernam indicet. Apud eundem Grut. 648. 13. *L. Bratius Litarinus Solearius*; à soleis, an à folijs, ac solearius pro foliaris, iudicationem protollo. Quomodo autem de Tribunalibus supra diximus, in sublimi statuebatur solium, ut per gradus, & scanfalia ad culmen illud perueniretur. Coripp. 2.

*Auratum scandens solium* ———

Ouid. 14. Metam. 261. ex altera lectione.

———— *pulcro sedet illa recessu*

*Sublimi solio* ———

Quantum opinor, non sella tantum ubi Reges incumberent, sed totus ille apparatus, ac scena vestibis ornata, *solij* nomine non vacabit. Hinc *solaria* illa Festi, seu Babylonica ad insternendum. Alioquin unica sella amicienda, & vnus dumtaxat capaci, quid lata Aulæ, pictaque Babylonum stromata aduocamus? Coripp. 2.

*Constructam plumis, pulchrisque sapetibus aptam.*

Huius sedis formam, tanquam Regum peculiaris, & (quod conijciebam) exteris potius usurpatæ, diuersam à Curuli censerem. Tu vide varias sellarum imagines magis operosas, sumptuque, & artificio visendas, quas protulimus, ubi de sella Imperatoria. Quis modum, legemque ponat Regum superbæ, opibus, luxui? Haud tamen infitias iuero solium non modò de suggestibus Romanorum Principum, sed de alijs quoque Honoratorum sedibus dici; imò Tullius de se ipso ius responsuro 1. de ll. *Non recusarem quò minus more patrio sedens in solio consulentibus responderem.* En mos Romæ solennis in solio respondendi de Iure: Quia autem solemnitate verborum, collegit Brissou. 3. form. Sed veterum solia non tanti pretij, atque artis fuisse credibile; quippe ad tutelam facta Regum veluti armaria, non ad luxus ostentationem, aut maiestatis fulgorem. Acerna facit 8. Aen. Vates solio dignissimus de Euandro loquens.

*Præcipuoque toro, & villosi pelle Leonis.*

*Accipit Aeneam, solioque inuitat acerno.*

Cuius imitatione Ouidius 3. Metam.

———— *in solio medius consedit acerno.*

Ea sunt, quæ Græcis itidem Varibus *πόσους*.

Structura, ac facies est, *veluti armarium de vno ligno*, inquit Seruius, quasi incompastile, ac continuum, nullâ commissura, aut clauatura. Rudi olim seculo, aut quadrata, aut teres ligni massa aptæ ad seden-



sedendum altitudinis, atque vnus tantum capaxis, quam loco eminenti statuerent, forte sedes erat, ac solium regnantium, quemadmodum de subitario, ac cæspitio Imperatorum suggestu in castris admonuimus. Quod si à soliditate solium vocamus, en quomodo Festus in *solitaurilia* lucem nobis affert; *Quæ nulla parte, inquit, laxata, cauaque sunt, solida nominantur.* Atque hoc pacto omnis artificij, aut paraturæ expers, commodumque, atque expeditum solium asportari, ac locari quacumque libuisset, facile poterat ad vsum, atque opportunitatem. Quod verò insuper describit Seruius, *veluti armarium*, vnde quaque fuisse clausum constat, præterquam in aditu, aut parte anteriori: quanquam si talis figuræ, & fabricationis fuisset solium, vix fieri potuit, quin aliqua tabularum commissura, ferrumen, ligamentum annulorum, cardinum, clauorum interueniret, quibus compingeretur, ac cohereret. Quomodo igitur, vt idem ait, *de vno ligno*? Nisi *Vnum* exponamus nudum, ac solitarium, sine alterius materiæ societate, sine habenis, aut loris, sine puluillis, aut instragula veste. Etiam hodiè quandam armarij speciem referunt hæc solia Principum, ac Regum, si vtrinque ad latera claudantur, quod quandoque fit adductis velarijs. Consimile quid nobis describitur à Fulgentio Placiade *Aumarium* (inquit) *dicitur locus secretus publicus, sicut in theatris, aut circo.* Sed quod vocat *Aumarium*, reponere *Armarium*. Talis ergo domuncula, aut statio, qualem Principibus construebant. *Ad Regum tutelam factum*, subdit Honoratus: nempe dum eo veluti armario, tabernaculo, & *ὀνίσκος*, vndique circumsepti sedebant Reges, perfidorum manus facilius propellebant, spesque improbas eludebant perduellium; quoniam nonnisi ab vna parte, ac prævidentes peti poterant. Atque hæc Seruij spectans dicta, vt opinor, doctissimus Iunius in nomenclat. *Solium* exposuit hanc sedem ad Regum tutelam; cuius vsus fuit, inquit, antequam stipatoribus sepire latus cæperant. Sed vera dicam; prisco illo æuo nunquam magis tuti Reges, quam vbi, aut quando minus tui fuere; cum ignota latellitia, nec dum inuentæ militum manus, atque hastæ, quæ latus cingerent, ac protegerent. *Discimus experimento* (inquit Panegyrici Dædalus) *fidissimam esse custodiam Principis eius innocentiam; hæc arx in accessu, hoc inexpugnabile munimentum, munimento non egere. Frustrâ se terrore succinxerit, qui septus caritate non fuerit.* Quid igitur opus stipatoribus, cum nullæ adhuc insidiæ timerentur? Eodem tempore natus



timor, & sepulta innocentia. Ergo aut inanis tutela in folio, aut una cum protectoribus simul inuentum. Quanquam quæ salus, aut securitas arcâ lignea, tanquam arce includi ad effugiendas audacium hominum manus, qui forti ictu flagitiosos Principes haurirent, & animoso gladio publici boni libertatem extorquerent tyrannis? Sed de hac solij structura ad Regum custodiam ante stipatores inuentos esto cuique placitum statuere, quod magis lubet. Cætera Seruij etyma non improbarim. Illud præcipue, quod *solum unum capit*. Colligimus hinc sedis magnitudinem, modumque capacitatis. Sed & *solium*, suggestus ille, qui in Orchestra, aut podio locabatur Principi ad spectacula. V. Lip. de amphith. cap. 11. ac seqq. qui consideratè distinguit podium magnum, ac peculiare Principis à podio communi, ac vulgari, vbi senatus, ac cæteri honestiores sedebant. In eo podio magno thalamus, mansio, *δῖκλονος*, domuncula cancellata, fenestrata, velis, & cortinis obductis, vbi secretum captabant in ludis spectandis, quam *solium* dixeris. Sed *podius* communiter tota illa pars erat Orchestra, siue mænianum, & proiectura, vbi sedes dispositæ spectantium, qui magis spectati forent, commoditati: Inde ad *podium* spectare Latinis; vnde nostrum *Appoggio*, & *appoggiarsi*. V. ad antiquitarum Roman. collecta lib. 5. cap. 10. affluentissimum Dempster, qui reliquatorem Rosinum suis paralipomenis egregiè liberat.

Hoc autem mihi subolet, *solidam sellam* apud Festum pro folio explicari posse eo soliditatis respectu, de quo sup. V. illum in *solida sella*. Cum verò locus miserè sit discerptus, ac truncus, vix articulum boni sensus illinc colligas. Sed huic Hippolyto suus medetur Aesculapius; qui ad vitam nisi penitus reuocat, saltem ossa, & laceros artus coniungit. Consule itaque magnum Scaligerum, qui tandem opinatur hanc *solidam sellam* propriam fuisse Sacerdotum, ac Magistratum, vbi federent ad auspicia captanda; adi eundem Festum in *silere*, vbi de solido lecto quædam non aliena, atque ibi eximius idem adnotator. Nasoni *solida sedes* pro throno Regali. Nisi fallor 2. Meram. vers. 148.

*Dum potes, & solidis etiam nunc sedibus adstas.*

Si nostra sedium genera hodiè attendamus, cathedras quasdam sacrorum antistitum haud absimiles existimemus folio, quoniam è ligno totæ vndequeque includunt sedentem; nisi quatenus in lateribus parumper cauatæ, ac sinuosæ, exili arcu sessorem denudant, aut professorum sedibus affine, in quibus pectore tenus sese exponit, cætera circumseptus, qui infidet,

Ob



Ob hanc autem ipsam solij speciem obsepti vndique, ac circumclusi, cur arcam mortualem, aut loculum eo nomine affecerint, in causa forsitan esse potuit. Merito solium dixeris, vbi sæua illa cunctorum domitrix, cui viuentes omnes tandem procumbunt, sedem figit immoram, legemque hominibus sancit durissimam vitæ post hac nunquam remeabilis. Plin. 35. cap. 12. *Quin & defunctos multi fictilibus solijs sese condi maluerunt, vt legunt eruditiores pro dolijs.* Flor. lib. 4. c. 11. de Cleopatra loquens. *In differto odoribus solio iuxta suum se collocauit Antonium.* Curt. 10. 10. *purgauere corpus, repletumque est odoribus aureum solium, &c.* notat Frehinsius ad hunc locum, obliuatque Salmasius ad Suet. Neron. cap. 50. *In eo monumento solium Porphyretici marmoris, &c.* Sed similitudinem ducit à solio, seu alueo, in quo lauabantur. Non temerè quis credat solia itidem fuisse appellata hæc sepulchra potentium præcipuè, ac diuitum, quoniam magnificè constructa, ac sublimi statuta forent loco. Haud aliter posita mortuis tribunalia reperio in antiquis inscriptionibus; quæ tum honoris ergo, memoriæque illustris monumento erigi poterunt; tum vt illic, quæ reliqua sunt vitæ defuncti ossa, ac cineres honorificè conderentur. Fidem nobis præstruunt operosè, ac superbe structa, soliorum instar, ea veterum sepulchra quorundam. Grut. 751. 11. *P. Aelius Venerianus hoc vas disomum sibi, & felicitati suæ posuit, & tribunal ex permissu Pontificis fecit.* Est autem *disomum* vas duorum corporum capax, quod tum sibi, tum felicitati (nomen id mulieris) Venerianus posuerat. Obseruo Pontificis auctoritatem, ac permissum, quo tribunal id mortuale liceret constituere; ac si extra ordinem, nec vulgare quid foret. Adi & 174. 10. *Tribunal cum locis è stipe collata posuerunt, & fragmentum 170. 1. Sedem extructo tribunali &c. milites infra scripti posuerunt.* Hoc idem solium, aut tribunal defunctorum manibus d catum, fortè alio nomine, vt suspicor, *Podium* dixere, vt in alia epigraphe 172. 13. *Podium cum lorica aditus viuos fecit.* Solium tandem appellatum peculiaris balnearum pars, vbi lauaturi sedebant; & quidem plurium illud capax, non vnus, vt de folio Regum diximus; qui & alueus aliter dictus. Sed de his infra cap. 25, vbi de sellis balnearibus.



## CAPVT XIX.

Tribunal *Antistitum*. Tribuna. Tholus. Concha. Hemisphaerium, &c. Trullus, Τρελλος. Synodus in Trullo. Apſis, Abſis, ἀψις. *Sella episcoporum. sub apſide*. Ἐνμα, Bema οἱ ἀπὸ τοῦ Ἐνματος. Secretaria, *in ijs habita consilia*. Secretarium iudicum, Prætoris, Senatus. Stallum, Stallus. ἐνθρονίζεν. Enthronismus. Enthroniasticum. Inthronisticum. *Cuiacius aduersus Langlaum defensuſ*. Synthronus. Thronus, *de Patriarchatu dictus*. Leo *Abſis laudatus*. Cathedra : *Antistitum propria*. Cathedriticum : *aliud ab Ethronistico*. Dies cathedræ. Cathedra D. Petri *inſtaurata, ornata, translata*. Pj, ac venerandi operis auctoſ Sanctiſſimus Alexander VII. celebratur. Cathedra D. Iacobi : item D. Marci. *Carolo Dato redditum laudis teſtimonium ab humanitate, atque eruditione*.

**A** Gentium Tribunalibus ad sacros veterum Christianorum suggestus traducor, quos in templis, aut Ecclesijs statuebant; eâdemque de antistitum sedibus nonnihil explico, ne crimen præuicationis incurram, si penitus hîc tacuero. Sed tranſeo, atque indico, neque ante hoc tribunal me diù ſiſto. Iſidor. 15.4. *Tribunal, eò quod inde à sacerdote tribuantur præcepta viuendi; eſt enim locus in ſublimi conſtitutus, vnde vniuerſa exaudiri poſſint*. Nominis originem nil moror, an à tribuendis præceptis, an verò quod illuc tribus conuocentur, vt idem ſubdit auctoſ, & magis verum eſt; aut (quod alij maluerint) quoniam tribuni locus, aut ſedes foret. Puto autem noſtrum *Tribuna* eò vocari, quia tribunal, thronus, ac ſedes epiſcopi ſub eius fornice, aut camera ſtatueretur. *Tholus* etiam dicta *θόλος*, *Hemisphaerium*, *Concha*, & poſterioribus Græcis Τρελλος, Trullus (cupola). Neque ſuſpenſa, aut fornicata illa pars ædis dumtaxat, ſed & pauimentum, ac ſolum illi ſubiectum Trullus dicitur. Inde Synodus ſexta Oecumenica ſub Iuſtiniano toties memorata vocatur *Synodus in Trullo* ob locum, vbi habita fuit. V. Meurf. gloſ. in Τρελλος, & Buleng. de templis lib. 3. cap. 29. Allat. de templis. Græcor. epiſt. 2. n. 3. vbi plura de Trullo, ac templis Trullatis.

Item *Apſis*, & *Abſis*, ἀψις, ob curuaturam, & arcuati operis formam; & *Abſida*, *de* ab accusatiuo Gr. Auguſtino, Iſidoro, & alijs. Plin.



Plin. epist. 12. 17. *Cubiculum in absida curvatum*. Sicut autem Tribunal na, à tribunali subiecto, ita contra Absis pro sede, ac throno Pontificis accipitur, quoniam sub abside est. Augustin. epist. 203. ad Maximum episcopum Donatistam, *Nec absida gradata, nec cathedra velata, &c.* idemque, *qui ad nos in absidem honoratiores, & gratiores ascenderant*. In abside igitur posita cathedra, scanfulesque ad eam gradus; sed & Absis totus ille locus, aut pars ecclesiæ, ubi tribunal erigitur sub fornice, aut hemisphærio, nobis hodie Chorus, Episcopium, Sanctuarium, ἄγιον ἑῷμα, ἱερατεῖον, Presbyterium; ubi & altare maius αἷγα τράπεζα. Hic episcopus sedebat: hic cæterus canentium, ministrantium, operantium; neq; illuc accessus nisi initiatis; cancellis fermè, clathrisque præductis. Imò & eminentiori ædis parte per gradus ad eum ascendebatur; vnde illi & nomen bematis, ἑµατος. Sed forsitan ἑῷμα, quoniam illic (vt de tribunali, & abside diximus) thronus, aut ἑῷμα antistitis locabatur; & οἱ ἀπὸ ἑµατος, quibus licebat in Presbyterium, aut episcopium, aut absida, &c. ingredi. Quales qui res diuinas exequuntur sacris affecti ordinibus, non laici, ac profani, excepto Imperatore. V. Petr. Possinum accuratissimum verforem, & glossographum Georgij Pachymeris pag. 422. in verbo Σολίας, ubi quædam de Bemate. Omnino consule Leonem Allatium τὸ πᾶν epist. 1. de templ. Græcor. n. 11. & 12. qui & ἱερατεῖον diuersum à choro statuit, saltem Græcis. De Abside Spelmann. glossar. Buleng. d. lib. c. 22. ac de Bemate c. 21. Non placet autem quod idem Bulenger. aliq; Secretarium ponunt sub abside, atq; in eo pariter locant sedem, aut solium Pontificis. Mihi namq; Secretarium magis est, quam vocamus *Sagrestia*, Sacrarium, Sanctuarium, Vestiarium, Pastophorium. Etsi quandoque inter hæc nonnihil discriminis. De Secretario Guthier. de I. Pont. Ver. 3. 9. Affinia n. quædam obseruare est apud Ethnicos. D. Hieronymus sanè duo statuit pastophoria hinc inde apud absidem in Ezechiel. 42. quomodo fermè hodiè duo sacraia, quæ sunt extra chorum, sed tamen apud ipsum. Secretarium Paulinus epist. 12. eleganter describit.

*Hic locus est veneranda penus, qua conditur, & qua*

*Promitur alma sacri pompa ministerij.*

Crèderem tamen sacrarium, aut vestiarium, vel diaconium propriè fuisse partem ecclesiæ, ubi Lipsana sanctorum, aliaque instrumenta ad quotidianos vsus seruata: pastophoria verò ad ecclesiam, vel potius



tius extra eam, vbi æditui, & custodes habitarent; inibique conderentur, quæ vel pretij maioris, vel vsus rarioris (nobis *l'Opera*) aut quoddam quasi gazophylacium. Quòd si quando apud rei Ecclesiasticæ scriptores mentio vestium, aut alterius supellectilis sacræ intra Apsidem, fortè an intelligendus abacus, aut mensa, vel altare minus: Græcis *πρόθρον* (nobis *Credenza*) vbi vasa, vestes, aliaque ad sacrum faciendum parantur. Meam autem (vt eò redeam) de secretarijs opinionem tuetur Sulpicius Seuerus epist. 1. loquens de D. Martino; *Mansiones ei in secretario ecclesiæ clerici parauerunt, multumq; ignem scabro iam, & pertenui pauimento subdiderunt, lectumq; ei plurimo stramine extruxerunt; & Dial. 3. n. 8. Secretarium ingressus, cum solus, vt erat illi consuetudo, resideret (hanc .n. sibi etiam in ecclesia solitudinem permessa clericis libertate præstabat) cum quidem in alio secretario presbyteri sederent, vel salutationibus vacantes, vel audiendis negotijs occupati.* Meminit & dialogo 2. n. 1. Apparer ex his Sulpicij locis secretaria non intra apsidem fuisse, neq; ibi thronum episcopi proinde statutum. In his autem secretarijs fermè olim habita concilia. V. Baron. tom. 6. ad ann. 451. ex Liberato Diacono, & Euagrio. Iuret. ad Symmach. lib. 10. ep. 36. Alia autem fuerunt secretaria iudicum, quæ haud diuersa admodum ab auditorijs. Græci partem vocant *τὸ δικαστήριον*. Iuret. ibid. & 2. epist. 30. Guther de Off. D. A. 3. 7. meminit l. vltima Cod. vbi Senatores, aut clariss. l. penult. C. de accusatoribus, & alibi. *Secretarium Prætorij.* D. Augustino 3. 56. contra Crescon. *Secretarium Senatus.* Grut. Inscr. 170. 5. V. plura de secretario apud Iacob. Gothofr. tom. 1. in Cod. Theod. p. 41. tit. de off. rector. Prouin.

Tribunal autem episcoporum describit Euseb. lib. 10. Hist. eccles. Prud. hymn. D. Hippolyti vers. 225.

*Fronte sub aduersa gradibus sublime tribunal  
Scanditur, antistes prædicat vnde Deum.*

Isidor. sup. d. lib. 15. c. 4. locus in sublimi constitutus, &c. & Augustin. d. epist. 203. veluti perstringens quosdam suæ ætatis episcopos. *Nec Absida gradata, nec cathedra velata, &c.* Sulpicius D. Martini paupertatem, & moderationem laudans. *Illud non præteribo, quod in secretario sedens, nunquam cathedra vsus est. At nescio cuius factum, & ambitionem mox damnat; nam in ecclesia nemo vnquam illum sedere conspexit, sicuti quendam nuper (testor Dominum) non sine meo pudore vidi sublimi.*



*limi solio, quasi Regio tribunali, celsa sede residentem.* Dialogo 2. n. 1. *Stallum*, aut *Stallus* pro eadem antistitis sede, vel cuiusq; qui præsideat in Choro; Inde *Stallus Abbatis, Præpositi, &c.* V. Voss. de vitijis serm. Spelmann. Archæolog. in *Falda*. Gloss. *Stallus est locus unus à Choro.* Sic Græcis τὸ αὐτοῖς simpliciter pro his locis, aut sedilibus, & σαιδία: quod magis accedit τῷ stallō. Huc traho verba lapidis apud Gruter. 1074. 10. *Tribunal cum locis, &c.* h. e. cum sedilibus. *Stallum* igitur quasi stabulum, aut statio, quo nomine affecta ea sedilia. Idem Græcis incultri æui, & labentis sermonis eminentior hæc sedes vocata σολίαις, quasi dicas *solium*, ut vertit Meurs. in Glossario. Meminerunt Codinus, Cedrenus, Euchologium, ac Simeon Thessalonicensis, quem laudat Allat. d. epist. 2. n. 5. mauultq; cum Meursio *solium* vertere, quam Iacobo Gretsero adhærere, qui diuersum putat.

In hoc igitur tribunali, siue sacrorum antistitem solio posita sella, quæ plurimum nunc thronus, nunc cathedra à scriptoribus appellatur, θρόνος, καθίδρα. Quocirca ἐνθρονίζαν dixerunt in sedem ponere, aut inaugurare antistitem, & ἐνθρονισμός ille actus acceptæ potestatis; ac dies enthronismi, quo ea capitur. Hinc *Enthronasticum*, *Inthronisticum*, ἐνθρονιστικόν, & vulgò *Cathedrale*, aut *Consuetudo*. Gr. συνήθεια nouella 123. pensio. i. illa, seu honorarium, aut munus, quod dabat antistes alijs episcopis, seu Patriarchis, aut Metropolitibus, clericisq; à quibus inaugurabatur, atque in throno locabatur. Mentio in ea nouella 123. cap. 3. quod Iulianus Antecessor vocat Καθιδρατικόν, Cathedraticum: & quidem in lemmate eius capitis scriptum est inter alia τί ὑπὲρ τῆς καθιδρατικῆς δίδοθαι προσήκει, quid pro Cathedratico dari conueniat. Hoc moneo, quoniam Cl. V. Ianus Langlæus lib. 6. cap. 2. otij semestr. veluti exultabundus summo Cuiacio dicam impingit, quod parum consideratè scripserit eadem esse Cathedratica, atque enthronistica. Imò namque non poterat consideratius scribere, si modò Langlæus Cuiacium attendit, non enim id agit Cuiac. ad nouel. 6. neque hoc decernit eadem esse Enthronistica, & Cathedratica; sed hoc tantum ait, quæ ibi ab Imperatore Enthronistica, ab Iuliano vocari Cathedratica.

Nec minus verum, quod annotaueram in titulo capitis tertij nouellæ 123. vocari Καθιδρατικόν, Cathedraticum: cum in textus corpore ἐνθρονιστικόν dicatur: *Inthronisticum* vertunt.

Sed, ut expressè dixerit Cuiacius, non indoctè dixisset, si auctores

L

habe-



habebat Græcos, qui enthroniasticum à Cathedratico non seiunxerint; neq; nouum esset, vt Cathedraticum (de quo infra) nunc vno, nunc alio significatu acciperetur, quod in tot vocibus polysemis comperimus. Quippè si ipsas quoque rimamur nominis causas, non abhorret, quin Cathedraticum, atq; Enthroniasticum pro eodem habeantur, quæ à Cathedra, ac throno ipsissimis rebus deducuntur. Immeritam egregio viro notam placuit delere, quem Principem legalis sapientiæ, geniumq; eruditi iuris nonnullis carpere lubido est, vt magni nominis aduersarium pro instrumento habeant captandi rumusculi.

Sed nè throno videamur excidisse (grauior alioquin lapsus) θρόνος vocata sedes ea sublimior antistitis, sicuti σιωθρονος ceteræ sedes inferiores, & appositæ eorum, qui ministrant, ac deseruiunt. Σιωθρονος autem dictus, quoniam illic digniores, vnà sedent in ea veluti scena, & apparatu sedilium; vel quia plures ibi sedes locatæ. Duplex quoque Synthronus: alius sacer in Bimate, alius extra Bema. Sed & subfellia illic, aut ἐσθρα in ordinem disposita ad clericorum vsum. Idem Euseb. lib. 10. cap. 4. in ea oratione panegyrica, qua templum augustissimum nouæ Romæ describit θρόνοις τε τοῖς ἀνωτάτω ἐκ τῶν ἑπὶ προέδρων τιμῶν, καὶ προσέτι ἐσθροις ἐν ταῖς τοῖς καθ' ὅλην, &c. *Thronisq; altissimis in honores presidentium, ac præterea subfellijs per vniuersum templum ordine dispositis, &c.* vt vertit Vallesius: at Allatius καθ' ὅλην, in cōmunem vsum interpretatur; cū tamen Vallesius solis clericis metetur, neq; laicos sedisse in ecclesiastico cœtu, saltem dum diuinum officium celebraretur ex Optati Milleuitani lib. 4. doceat. Alia apud eūdem Allatium complura eā epistola 2. n. 7. & deinceps. Idemque notat Thronum, non pro sella tantū, sed pro ipso honore, ac præfectura sacra accipi, & quidem pro celsiori, & magis digna, nempe Patriarchatus. Sic *thronus C. Politanus, Alexandrinus, &c.* Huc Hilus spectauit suo opusculo περὶ τῶν πέντε πατριαρχικῶν θρόνων, de quinque patriarchicis thronis.

Neque id tamen (vti video) seruatum perpetim: sed tum de Patriarchijs, tum de alijs Sacerdotijs usurpara vox nunc throni, nunc cathedræ. Cathedram nempe vocantes ab ipsa sede, quam antistites occupabant, honoris refferam, & sacra Jurisdictionis Symbolum. Est enim Cathedra καθέδρα, idem quod sedes ἐδρα, vel sella; sed honestior, ac dignior. Sedetq; in ea nescio quid magis augustum,



ac sanctum, quoties ad usus speciatim transfertur venerabilium viro-  
rum, quos regendis populorum animis in via suæ legis præficit Deus.  
Sidon. Apollinar. lib. 7. epist. 9. *Aut altarium, aut literarum cathedras*  
*tenere.* & lib. 9. epist. 16. de Saturnino loquens, *Tolosatum tenuit Ca-*  
*thedram*, hoc est, rexit ecclesiam. V. eruditissimum Sauaronem, qui  
pleno, ut solens est, vehitur alueo ad eum auctorem eruditione irri-  
gandum. Adi & p. 428. nec immerito reprehendit magnum Scali-  
gerum, qui ad Aufonij 1. 12. cathedram hanc interpretatur de ludo  
Rhetoricæ, quam Saturninus docuisset. Constat autem fuisse anti-  
stitem Tolosatum, non Rhetorem. De Cathedra autem Scholastica  
infra videbimus. Sulpicius Seuerus dial. 2. n. 1. *Illud non præteribo,*  
*quod in secretario sedens nunquam Cathedra usus est*, de D. Martino.  
Paulopost. *Sedebat autem Martinus in sellula rusticana, quam nos Rustici*  
*Galli tripetas, vos Scholastici, aut certe, tu qui de Gracia venis, tripodes*  
*nuncupatis.* Respuebat Martinus cathedram; sellam scilicet hone-  
stiorem, quoniam in eius corde apostolica sedebat humilitas. August.  
ut sup. *Nec absida gradata, nec Cathedra velata.* Quamobrem ab hac  
Cathedra Ecclesiæ Cathedrales, & Cathedrales episcopi. Neque  
aliunde *Cathedraticum* (non absimile veteribus, quod *as Curionium*,  
Festo vocatur) genus illud annuæ pensionis, quod clerici suo Ponti-  
fici erogant intuitu Cathedræ, alio nomine *Synodaticum*; aut quoties  
sacri regiminis causa ab eodem Episcopo *diouinis* inuisitur. V. cap.  
conquerente de offic. ord. cap. placuit 10. q. 3. & cap. ecclesijs de  
Censibus. Concilium Bacarense II. cap. 2. & Toletanum VII. cap. 4.  
Iulian. in d. nou. 6. *καθεδρατικός* appellat, quod aliter Enthroniasti-  
cum. Sed verò vnum alteri dispar est, quoniam Enthroniasticum  
præbetur ab episcopo ob inaugurationem, & susceptæ sedis, aut thro-  
ni dignitatem alijs episcopis: Cathedraticum autem soluunt suo An-  
tistiti cæteri Sacerdotes, aut clerici. Installationem barbari vocita-  
runt hunc actum tradendæ potestatis, aut sedis; est enim installare in  
alterum locum augurare, sufficere, substituere: vel stationem, aut  
locum, sedemque assignare: pecuniam autem, aut vestigal pro hac  
Installatione id ipsum Cathedraticum.

Quo circa initi Pontificatus *diem cathedra* appellantes cum vene-  
ratione coluerunt; anniuersarium recursum solenniter celebrantes.  
*Natalis Cathedræ* dictus ille dies; sic natalis B. Basilij. B. Ioan. Chry-  
sostomi, &c. apud Orientales, ut in eorum menologijs legitur. Nec



minus in Occidente lucem eam cum gaudio, ac pietatē reuifunt, qua primū luce Cathedram Romani culminis Petrus Sacerdotum Princeps, venerandi caput Senatus, Apostolici Magister Collegij suscepit. De eiusdem Petri Antiochena Cathedra scripsit August. serm. 2. de ea. *Rectē igitur ecclesie natalem sedis illius colunt, quam Apostolus pro ecclesiarum salute suscepit, & mox, quod natalis ergo Cathedrae hodie colitur, sacerdotale honoratur officium.* V. Roam. de die nat. sacro, & profano cap. 23. & Baronium ad ann. Chr. 45. apud quem plura de cathedra Petri tanquam vna, ac Principe christiani orbis. Ea primum Romae visa, atq; erecta A. D. 15. Kal. Febr. Claudio III. & Vittelio Coss. supputante Baronio. Ennodius IIII. Synodo Romana Sellam Apostolicæ confessionis vocauit, sed gestatoriam facit. *Nunc ad gestatoriam Sellam Apostolica confessionis, vel admittunt limina candidatos.*

Omninō autem præcipua cum reuerentia, cultuq; seruatur ad hunc diem in Vaticana Basilica. Ligna est, & admodum rudi officio, cuius tibi iconem profero, ne tuo studio, aut pietati desim.

Deessem quoque mihi, publicoque christianæ gratulationis officio, nisi eandem sedem maiestatis specie hodie refulgentem, nobili ferculo impositam, atque eminenti loco statutam commemorarem. Maestē hac egregij operis cura Pater Sanctissime, qui beatissimam Sedem, an Ecclesie Romanæ nascentis cunas, vbi Pontificum Princeps traditam sibi diuinitus ligandi, soluendiq; potestatem in arcu imperij, atq; orbis primū exercuit, ad cultus æternitatem, ac celestium beneficiorum pignus tam augustē, tam munificē instauras.

Quod enormes vicos Urbis, & scabros viarum anfractus, aut dirueris, aut direxeris, vt in hanc pulcherrimam, admirandamq; faciem reformares, quasi renouata Augusti, gloria aliam acceperis, aliam reddideris Romā; quis equidem non laudet, nisi publici splendoris, ac magnificentie sit hostis? Quod diuorum Petri, ac Pauli amplissimo foro haud impares porticus ingentium columnarum fulguris multiplici ordine circumdederis, eximium, atq; insigne opus fecisti, ac nulli veteris Romæ secundum. Sed consummas gloriam, & absolutæ pietatis coronas officium; quod eam sedem, eam ipsam, quam Pastor celestissimus pressit corpore, auctoritate impleuit, ac consecrauit, à longo situ iam vindicas; cultamq; & communitam decetissima statione ad perpetuam venerationis securitatem reponis.

It-



Iubes post hac ne oscula, ac manus damnosa pietate contingant: sed corda, atq; oculi tantum sint religiosi, solusq; reuerentiæ horror contrectet. Aerea latinæ Ecclesiæ Doctorum quadriga tam sacrum pondus meritò in Cœlum prouehit; sed tu ille auctor ALEXANDER VII. tuq; mens, tuumq; consilium auriga extitit. Sic geruli illi Patres, vbi hac Sede Petri quamdiutissimè sis defunctus; Te quoq; sustollant beati itineris comites; ac sempiternæ iucunditatis socium habeant in Cœlis, quos tu ad tanti pignoris inclitum pondus, ac tutelam in terris coniugasti. Restitutæ huius Cathedræ, sanctiq; consilij numisma ex auro, tibi exhibeo splendidissimè, & scitissimè cusum. Quòd tum reuerenter, tum fideliter præsto, quoniam vbi hæc scripseram, in ipsa editionis mora aureum eiusce typi numisma iussit ad me mitti Sanctiss. D. N. cuius nihil non est aureum, mens, lingua, manus. Testatum cupio deuinctissimi cordis mei cultum ob insigne cimelium, Summiq; & Adorandi Donatoris Maiestatem, vt quod Virgo illa sub Capitolinis armillis, ego sub Vaticani huiusce auri ponderosa nimium gratia procumbere iam cogar lætus, & venerationis plenus. Vide sub num. 40.

Principis Apostolorum Sedi, quam ita piè instauratam, & magnificè cultam veneramur, meritò sociamus alteram D. Iacobi Hierosolymitanam, de qua scribit Euf. hist. eccl. 7. cap. 32. quod sua adhuc ætate custodiretur τὸν εἰσέτι νῦν ἐκείσε περὺ λαγμένον ἀποστολικὸν διαδέχεται θρόνον. De Ermone episcopo loquens, *Apostolicam Cathedralam, qua illic (Hierosolymis) etiamnum seruatur, obtinuit, vt vertit doctissimus Henricus Valesius; iterūq; mentio cap. 19. eiusdem lib. 7. Alexandrina pariter D. Marci Cathedra honorem, cultumq; promeruit diligenter seruata: de qua in actis Mss. S. Marci ita proditum est. Adest etiam huius rei testis, qua vsq; in hodiernum diem, ad confirmandam huius veritatis assertionem in eadem Ecclesia perseuerat ex ebone, utiq; antiquo Cathedra politis compacta tabulis, in qua quidem steterisse illum dum euangelicas paginas exararet, præstantium non retinuit memoria re-latorum. In cuius nimirum Cathedra sedili nullus est ausus unquam Pontificum deinceps residere, sed in magna veneratione hæctenus à cunctis extat Pontificibus humiliter honorata. Non peperci hæc exscribere, quoniam adhuc in pluteis latentia protulit in suis notis pag. 161. idem Valesius emunctissimi vir iudicij, ac singularis diligentia. Libentius autem feci, non ob rei, qua de agimus, notitiam, atq; examen dumtaxat:*



taxat: sed quoniam hæc Eulebij politissima editio tam rara est nobis in Italia, quàm rari pretij, ac doctrinæ est editor. Nec secus inter rarissimos mihi numerandus, qui librum vtendum permisit Cl. & amiciss. D. Car. Datus nostræ flos illibatus vrbis, suadæq; Etruscæ medulla, quam omni literarum paratu quotidie auget, atq; illustrat. Parum enim mereri putat, qui per se tam egregie meretur, nisi ad bene merendum de Repub. literaria alios quoque omni ope, & consilio adiuuet. Nihil vt minus suum habeat, quàm quod in vsum, & gloriam eruditionis impendi possit; penè ipsum se sibi subtrahens, nedum temporis, aut operæ parcus. Iterum verò idem Valesius in addendis p. 139. ex actis pariter S. Petri Alexandrini, quod hic antistes ausus fuit *nunquam in ea sedere, sed in scabello, quod ad pedes eius erat.* Cathedram D. Marci subaudi.

Prorsus quoq; sum ὁμόφωνος eidem Valesio locum Tertulliani cap. 36. de præscript. hæret. egregie explicanti aduersus Rigaltium, Non enim de Cathedris loquitur Afer ille doctor, tanquam de ecclesijs, sed de sedibus, quas corpore occupamus, quas premimus, quas tangimus. Aliter namq; in meram *ταυτολογία* impingeret.

Hæc autem nobis suppedirata à Valesio è bibliothecis testimonia, non est quod adnotamenti penitus expertia relinquamus. Principio colligimus materiam Cathedræ eburneam politis compactæ tabulis; scabellum quoq; , aut suppedaneum illi applicitum, cui vni præ veneratione infidebat Petrus Alexandrinus, de scabello supra diximus. *Sedile* autem Cathedræ, nec ille, nec vllus successorum tangere ausus fuit. *Sedile*, hoc est partem, aut aream illam, cui proprie incumbunt sessores, & quæ vnà facit, vt sedeamus, si cæteræ omnes deficerent. Demum animaduertimus eam D. Marci Cathedram creditam fuisse, in qua lucubrabat Euangelicis actis texendis. Ex quo dubitare contingebat eadem fuerit, an non cum Patriarchali! Fortè igitur eandem sedem priuatim adhibebat, quam in templo subinde reponeret ad munia Pontificia vsurpanda. Nisi malimus opinari (quod veritati non est absonum) intra Ecclesiam ipsam diuino Numine veluti magis inspirante, ac præsentē sacratissimæ historie, aut plurimum, aut vniuersum opus confecisse. Indissimile quid obseruare est de Cathedra D. Martini, de qua sup. apud Sulpic. quasi in vtrumq; vsum, ram domi, quàm in Ecclesia adhibuissent. Repostiles namq; fuisse has Cathedras credere licet, vt vbi res exigeret, illic statuerentur.

Ho-



Hodie intra absidem suo tribunali, ac *συνθρόνῳ* fixæ cohærent ple-  
raq; . Sed & portatiles, aut exemptiles pro ecclesiæ oportunitate,  
ac consuetudine; vt qua opus fuerit, illic se sistat episcopus. Atq; in  
his, quas voco repositiles, vſitator ea forma, vt solidis tabulis vnde-  
qua; compingantur ad firmitatem, reclinatorio longè supra caput  
sedentis in arcum, seu curuamen producto; septis ad latera non aper-  
tis, sed continuo tabulato; nisi qua paululum recuruantur, tum ad or-  
natum, ac symmetriam, tum ad commodiorem cubitorum innixum.  
Hæ autem Cathedræ in folio collocantur vestibus opertæ, soliumq;  
ipsum pariter instratum: scanſilia, gradusq; tapetibus, culmen vm-  
bellis exornatur. Sed hæc vide exquisitiùs apud sacros designatores,  
rituumq; Protomyſtas; nos pedem hîc non figimus, vtq; canis ad  
Nilum fugiendo bibimus.

## CAPVT XX.

Cathedræ velatæ. *Sedes linteatæ, trabeatæ. Pro altarium gradibus po-  
ſitæ; atq; illinc ad populum sermo. Ambo, pulpitum. Analogium.*  
Lampium. Faldistorium: *vnde illi nomen.* Sedes ſtercoraria: *exa-  
ctè, atq; attentè de ea expositum. Vna tantum, non due, vt vulgò credi-  
tum. Perperam confusa cum Pontificijs, siue inauguralibus quondam*  
*Basilicæ Lateranensis. Eminentiss. Card. Caesar Rasponius cum prædi-  
catione nominatus. Ioanna Papissa fabula. Icones earum sedium*  
*prolatæ.*

**C**Aeterum quòd antiquâ Ecclesiâ has Cathedras velatas repe-  
rimus, ea fuerintne instragula, ac vestes, qualibus sedes, aut  
thronos hodiè operiri videmus, nuperq; dicebamus: an-  
potius vela insuper addita, & obducta instratis iam Cathedris dubita-  
re licet; atq; hoc postremum puto verius. Augustin. d. epist. 233.  
*Cathedra velata, &c.* Atqui linteatæ sedes episcoporum ex veteris  
instituti mysterio. Pacianus de Nouatiano: *Quem consecrante nullo*  
*linteata sedes accepit.* Pontius Diacon. in vita Cypriani. *Sedile autem*  
*erat fortuitò linteum rectum, vt eo sub iectu Passionis episcopatus honore fruc-*  
*retur, &c.* Hæc duo loca profert Barth. aduersar. 42. 27. ante illum  
indicauit Cresol. thetr. Rhet. 3. 13. Baron. ad ann. Christi 45. Puta-  
rem addi posse locum Hermæ in ea Cathedra, aut Subsellio, quod  
de-



describit lib. 1. c. 3. Pastor. *Erat cervical linteum, & super linteum expansum carbasinum; nota expansionem, & velamentum Sidon. 8. 8. gestatorias trabecatas, &c.*

Atqui nonnullæ etiamnum hodie veterum sedes visuntur veste, veloque superiniecto, non tamen expanso. Tu oculis arbitrare lector, atque iudicium facito, nūquid ad rem nostram, quæ protulimus exempla, atque icones cap. 13. Addo binas Romæ: alteram apud Matthæos ad D. Catherinæ, alteram è Museo Leonardi Augustinij. V. n. 41. 42.

Nostri sane moribus regnantium sedes in folio positæ, præter tot alia instragula, sericeis tegumentis plerumque obducuntur; puto ad maiestatis nescioquam opinionem, & characterem. Ut non tantum à volanti puluiculo, sed à vulgi oculis intactæ, dum Princeps adueniat, ultimo eo velamine, ac si sacrum quid, recondantur. Iterum, iterumque ea Diui Augustini mihi versantur in labris gravissimè dicta: *Transit hora huius seculi: transit ambitio: in futuro Christi iudicio, nec abside gradate, nec Cathedra velata adhibebuntur ad defensionem.* In eum autem potissimum usum antistitum sedes, præsertim repostiles, ut diuini verbi ad populum traderentur in ecclesijs oracula, sacrarumque lectionum mysterijs ex ore episcopi imbuerentur christiani. Sidon. Apollin. lib. 7. 9. *qui autem literarum, aut altarium cathedras tenere.* Pro gradibus namque altaris à sedente episcopo habiti olim sermones. Quamobrem, ut peculiare, aut inusitatum proditur à Socrate de Io. Chrysostomo, quod in ambonem ad diuina eloquia fundenda conscenderit. V. Sirmondum ad Sidon. p. 151. est autem *Ambo*, idem ac pulpitem. V. Meursium in Ἀμβων, ab ambiendo deducunt, quod intrantem ambiat, aut quod ab ambabus partibus conscendatur: & quidem veterum pulpitorum, ita deformatam adhuc hodie videmus fabricam. Sed ἀπὸ τῆς ἀμβωνῆς, hoc est ab ascendendo mauult Spelmann. in glossar. vnde ἄμβωνες, *Ambones*, montium ascensus; ἄμβων, & ἄμβων, pars, siue locus eminentior. Vide alia testimonia de Ambone producentem. *Pulpitem* vocamus hodie, sed parieti infixum, ac prominens; ferè in aula, vel ναὸν Ecclesiæ. Isidor. 15. 4. *Pulpitem, tribunal, analogium*, inter sacra ponit ædificia. *Analogium*, inquit, dictum quod sermo inde prædicetur. Hic ipse *Ambo* est, qui & *Lampium*. glossæ Isidor. *Lampium, Pulpitem, Analogium*. Sed *Analogium* potius est ille pluteus, cui libri imponuntur. V. Spelmann. in *Analogio*, nobis *Seggio*. Aut si pro suggestu interpretari mali-



malimus, cum crediderim suggestum qui in Choro, aut Presbyterio  
affurgit, unde scripturarum lectio habetur propè altare, seu mensam  
maiores: indeq; Analogium, ab eo legendi actu V. Barth. ad vers.  
8. 2. Sed tum ex his locis, tum è sede in tribunali posita, vetus olim  
cura sanctissimorum antistitum, quæ paulatim decreuit, populum  
adloquendi. D. Cypriano 2. ep. 5. *Pulpitum*, quod 4. ep. 5. *Tribunal*.  
Prudent. hymno D. Hippolyti.

sublime tribunal

*Scanditur, antistes prædicat unde Deus.*

Neq; hic omittendum (quod vocant) *Faldistorium*, genus sellæ  
humilioris, & plicatilis sine reclinatorio, aut suppedaneo, facile por-  
tabilis, atq; expedita: sine cultu, aut ornamento, nisi quatenus ope-  
rimento tegitur, ac pendenti circum stromate amicitur. Verum eo  
dic nudari solet omnium dierum maximè deflendo, maximè salutari,  
cùm ecclesia deiecta, omni posito gaudio, omni assumpto mærorum  
Dominicæ cædis memoriam feria sexta in parasceue reducit. Cæte-  
ras huiusce sedis leges, quò loci, aut temporis, coram quibus viur-  
panda sit, docent libri rituales. Hanc paruo, aut nullo discrimine ab  
antiqua Curuli abire diximus cap. undecimo; sed *Faldistorium* dixe-  
runt vocabulo parum humano; est enim *Faldum* vox taxonica, sep-  
tum, aut claustrum significans. Inde sedes, aut thronus episcopi,  
quò cancellis, aut sepimentis muniretur, ita vocata. V. Spelmann.  
glossar. atq; ex eo Gerard. Voss. de vitijs serm in *Falda*, & addend.  
Corruptè pro *Faldistorio*, hoc est loquendi loco, aut statione, *Faldi-*  
*storum* appellarum censuit Paris Grassius, quem laudat Dominicus  
Magnus Oratorij Sacerdos in sua notitia rituum, ac vocum ecclesiast.  
Libentius aurem dexteram porrigo Spelmanno, ac Vossio, quorum  
incomparabilis doctrina est, atq; experientissima in his tractandis so-  
lertia. *Stallum* etiam sedem episcopalem dixerunt corrupti ævo ser-  
monis, à stando, aut quiescendo (*ἐμοὶ δοκεῖ*) sed propriè tota ca-  
pars, aut scena, vbi thronus cum subtellijs erigitur intra absidem  
episcopo.

Non est tandem, quò neglectui habeam eam sedem inter sacras,  
ac dignissimas; quæ alioquin vel nomine ipso contemptum, impio-  
rum mendacis infamiam sibi contraheret. Sed quoniam nec my-  
sterio sanctitatis vacat, atq; iam calumnias deridet, summoq; olim  
inaugurando Pontifici deleuebat, indicare nil vereor. *Stercorariam*

M

dixit



dixere, in qua collocabatur ille, cum primum solenni consecratione ad gubernacula Ecclesiastici gregis admoueretur. Ut hominem igitur se esse recordaretur, nec in altissimo illo dignitatis omnium maximæ fastigio inlolescere, superbumq; spiraret, insusurrabant Pontifici, cum ab ea sede confurgeret, illud è sacris literis *suscitat de pulvere egenum, & de stercore erigit pauperem, ut sedeat cum Principibus, & solum glorie teneat*. Cærem. Rom. lib. 1. sect. 2. cap. 3. Cardinalis Stephanescus de eadem.

— — — & sedes capiens de stercore nomen  
In platea est circa templum despecta parumper.

Decebat, ne Vir multijugæ doctrinæ Matthias Martinus præteriret hanc nominis originem; ritumq;, & rationem huius cathedeseos in Summo Pontifice inaugurando. Alioquin in eas sordes, ac putiditates minimè prolapsus foret, quas in insigni suo philologico opere legere est; neq; aniles fabulas, ac deliria impiorum iam diu profulgata refricuisset, quæ vix puero dentienti sunt digna. Cum verecundia, ac modestiæ velamine videtur ille loqui, sed dum ignorare se simulat, quæ ignorasse dedecuit, ac libenter promit (etsi dubius, ac de aliorum magis sententia, quàm sua) rumores, ac mendacia de Ioanna Papissa, aliasq; ibi ineptias non inuitus colligit, suam interim scalpit pruriginem, conceptamq; prodit in Romanum Pontificem irreuerentiam.

Quod autem Cardinalis ille Stephanescus in foro Lateranensi eam sedem locat, sua respicit tempora, hoc est Bonifacii VIII. cuius inaugurationem describit. Hodie visitur non vnica, sed duæ in peristyllo, siue claustro, ut vocant, eiusdem Basilicæ: vtraq; perforata è marmore leucosticto, siue Porphyrite. Cæterum reperio neutram ipsarum verè fuisse eam, quam stercoreariam dixere; sed aliam solidam è marmore candido nulla sedilis apertura. Atq; hæc Stercoraria fuit appellata, quoniam sedenti Pontifici mox Cardinalium manibus sublato carmen illud sacrum occinebatur, *suscitat, &c.* ut ex vetustissimo cæremionali M. S. discimus, in quo vnus tantum sedis fit mentio, cui nomen Stercorariæ; non duarum, quomodo à multis creditum, & traditum fuit: aduertitq; Fiorauantes Martinellus in *Roma ricercata*, vbi de Basilica Lateranensi. Ritualement hunc morem, ac sedium historiam refert etiam Eminentiſſ. Card. Cæsar Rasponius, quem honoris, & obsequii ergo sacro nuper ostro insignitum libentius



tius nomino, officiosius veneror; Romana suspicit Ecclesia suum antiquis hisce literis, ac magis multò rebus gestis exornatorem: lib. 2. cap. 12. de Basilica, & Patriarchio Lateranensi. Addatur Dominicus Magrius *Nella notizia de' vocaboli, e riti Ecclesiastici*; sed multum confert distinguere has sedes. Quæ enim duæ visuntur porphyreticæ, perperam vocantur Stercorariæ, neq. persedenti in illis Pontifici insulurrabant *suscitas de pulvere, &c.* ut in alia, quæ verè stercoraria, appellabatur. At in his duabus perforatis accipiebat claues, & ferulam, spargebatq; quandam pecuniam. Ritus videbis in Cæremoniæ M. S. atq; etiam in alio edito lib. 1. sect. 2. cap. 3. Idem Raspen. sup. Atq; hoc pacto abundè satis diffatur illud ægræ calumniæ somnium de Ioanna Papissa, & Pontificis attrectatione; quontam vera sedes stercoraria nullum habuit foramen, sicuti & alterum ruit putidum commentum de admonitione, qua se Pontifex hominem esse meminerit humanis necessitatibus subiectum, dum sellæ quasi familiaricæ incumberet. Duæ itaq; sunt sellæ Porphyreticæ, quæ adhuc perdurant, eaq; perforatæ. At vna fuit præter istas stercoraria, nec pertusa è marmore candido: Quod & Andreas Fuluius scripsit lib. 2. cap. de Coelio monte, quem Martinellus laudat iustam impingens dicam Hieronymo Francinio Fuluium Italicè parum ex fide vertenti. At de his tribus sedibus omninò videndus Card. Bellarminus consummatissima Vir Sapiencia in suo opere de Pontifice Romano lib. 3. cap. 24. ubi fabulam abundè explodit de Ioanna Papissa: quod ipsum egregiè præstat Reuerendiss. Allat. in Confutatione eiusdem Ioannæ. Post reliquos omnes Vir solidæ doctrinæ, atq; incomparabilis diligentia Philippus I abbe S. I. in Cenographio Ioannæ Papissæ everso.

Si perquiramus quandonam desierit mos ille inaugurandi Summum Pontificem trino illo sedium ritu, affine vero est credere, cum primum in Galliam secessit Romani culminis statio: quoniam neq; illic sedes aderat peculiaris, nec stata supellex ceremoniarum; ac postquam ad limina sua redierunt Pontifices, iam diù ea religione se soluerant non vtendo per annos amplius LXX. Cencij Camerarij ætate perdurasse morem refert Baron. ad ann. 1191. Stephanescus autem Cardinalis in Bonifacij VIII. consecratione vocat eam sedem despectam.

*In platea est circa templum despecta parumper.*

Quasi suo tempore exoleuerit etiam ritus. A Bonifacij autem obitu

M 2

ad



ad Clementem V. cum quo Auenionem migravit Ecclesia, duo tantum intercurrent anni.

Exhibeo autem perforatarum sedium imaginem, quam antea vulgavit Martinellus; ad me Romam misit nobilissimus Octavius Falconerius; sicuti & aliam non pertusam in eodem Lateranensis Patriarchii cauedio seruata: atque hæc verius potuit esse stercoraria. V. num. 43. & 44. Cæterum cum tres istæ sedes omnes sint antiqui operis, & eleganter sculptæ, in usum conuersæ fuerunt ceremonialem inaugurandi Pontificis rudibus ijs seculis. At perforatæ omnino balneares erant, ut infra dicemus, sensitque doctissimus Pighius in Hercule Prodicio. Eo namque sedilis cauo dabatur infusæ aquæ effugium, sicuti & in ipso suppedaneo, vel scabello alia cavitās apparet veluti excipulum aquæ transmissæ. Præter Martinellum vulgavit eam sedem pertusam Io. Rhodius ad Scribonij Largi cap. 193. pag. 281. Cuius similem Veronæ visam affirmat. Sentit ille quoque balnearum usus destinata ad humanas necessitates, aut vaporis excipiendi causa, potius, quam lauandi. Sed de hoc nonnihil infra cap. 25.

## CAPVT XXI.

Subsellia. *συβέλλια*. Panche, e Banche: non à Græco ἀβυκός, sed à Latino Plancæ. *σπίδης*. Scamna. Scabella, Scabelli. *βήθρα*. Anabathra. *Scholiaſtes Iuuenalis emendatus*. Sedilia: plerumque fixa. Reslongi Subsellij. Longa cathedra. Scamna longa. Scamna magna. Summa, ima subsellia.

**Q**Vando hætenus sublimia dignitatum culmina infedimus, sellarumque honestiorum gradus metati fuimus, siue Imperio validi, siue sacris eximij, siue doctrina regnantes tenuerint; ut rerum omnium vestigio est, de alto nunc escendamus, & paulatim ad humiliora dimittamur. A solijs, ac Tribunalibus ad inferiora sessitabula: à Curulibus, & Cathedris ad scamna, ac subsellia.

Cum Varrone exordiamur, cuius illa sunt 4. del. 1. *ut subsistere quod non planè sapit: sic quod non planè erat sella, subsellium dictum*. Facilis, & obuia nominis scaturigo. Quo pacto *sublustris, subniger, &c.* qui non planè clarus, ac niger, *μυώσας*, & extenuatione τῆς *sub*; ita  
in



in subsellio exponit Romanorum doctissimus. Sicuti verò sella pro fedda; ita subsellium, quasi subfeddium, ut explicat Fabius Quintilianus 1. 7. Isidorus 20. 11. Quod autem Varro ait *non planè erat sella*: spectare videtur formam, aut magnitudinem, vel structuram; cuius ratione infra sellam erat, ab eaq. vincebatur. Sed ego locum quoq; ipsum respicerem, ubi sedes, præsertim Curules, atq; honestiores, in Tribunali, vel suggestu, aut gradibus: cum subsellia inferiis ponerentur. Quòd igitur sub sellis, vel infra sellas locarentur, id sibi nomen fecisse subsellia haud inficere quis dixerit. Hinc sedem vulgarem appellare voluisse videtur Tacit. 4. ann. 8. *Consules sede vulgari per speciem mastitis sedentes honoris*, lociq; admonuit. Sic Græcis ὑπερπλα inferior sedes, aut confessus, quasi infra digniorem sedem, aut cathedram; & κατωτέρα θρόνον, ut loquitur Nazianzen. epist. 3. Inferiori ævo οὐβ' ἄλλια, omnino à Latinis desumptum corrumpere, ut pleraq; alia. V. Meurs. glossar.

Nobis sunt *Panche*, aut *Banche*; nonnullis placet à Græco ἀβαξ, & gignendi casu ἄβαξος, *Banco*, *Banche*, &c. sed putaverim non esse recedendum à Romana dictione. Ita .n. *Planca*, hoc est assamenta, & tabulara à planitie dictæ. Fest. *Planca tabula plana: ob quam causam plani appellantur, qui supra modum pedibus plani sunt*. Plin. 8. 43. de asinis loquens. *Nec pontes transcunt per raritatem planarum* (ita vetus codex) *translucentibus fluminibus*. Scaliger. ad Fest. prius palancas à Phalanges Græco, dein plancas appellatas monet: at Festus à planitie deducit: quod planius existimo. Neq. alter Dioni, atq. alijs σαπίδες, hoc est tabulæ, & asseres pro subellijs. Hæc eadem & *scamna* vocata, vel quia alta forent, scansione ut opus esset; vel quia (quod malim) per ea scanderemus in lectos, aut sellas, locaq; editiora. Varro. 4. l. 1. quia *simplici scansione scandeant in lectum non altum, scabellum: in altiore, scamnum; duplicata scansio Gradus dicitur*. Varroni igitur *Scabellum* erit scamnum humilius, per diminutionem scamni confata voce: *Scamnum* verò altius, & altioribus admotum. Hoc sensu puto accepit Voss. in etymol. scamna idem esse scribens, ac subellia, eaq. alta, atq. edita, ut scandere opus esset. Isidor. lib. 20. cap. 11. *Scamna sunt, quæ altioribus lectis apponuntur dicta à scandendo, hinc & scabelli, qui lectis parvis, vel sellis ad ascensum apponuntur*. Hæc Hispalensis antistes cum Varrone faciens, ex quibus colligere est scamna, aut scabella eò potius dicta, quod illinc in lectum,



Atum, aut sellam scandamus, quàm ut ipsa sint scanfionis terminus, præq. altitudine scandi oporteat; nam & sessioni inferuiunt, ut iam ante oculos est.

Ab hoc scandendi actu βαθρα Græcis, & ἀνάβαθρα, quo verbo posteriori vsus Iuuenalis sat. 17. vers. 46.

*Nemo dabit Regum quanti subsellia constant,*

*Et quæ conducto pendunt anabathra tigello.*

Vbi scholiastes *subsellia*, gradus superiores scanfiles; à Græco tractum, id est *subsellia*, super quæ aliis sedatur: post verbum *scanfiles* infero vocem *Anabathra*, quæ sui furtum fecit: ut ea sit mens Interpretis *subsellia* exponere gradus superiores scanfiles; mox de Anabathris loqui, quod verbum à Græco tractum inquit, nempe τὰ ἀνάβαθρα. Quomodo enim si de subselliis loqui pergeret, à Græco id tractum garrirer? Ergo subsellia Scholiastes sunt gradus superiores scanfiles: quod si adhuc *aliis sedatur*, conductis tigillis ad extruendos pegmatum gradus, ea dixerunt Anabathra; nobis Palchi, aut Scalinate, qualia affigi solent parietibus, ac suspendi subditis fulcris sensim acclinata, ne alter alterius luminibus in spectando officiat. Ità Scholiasten restituo, ac declaro: sed poterant quoq. subsellia in Anabathris locari: atq. is fortasse extitit sensus Poetæ duobus versiculis mutuam sibi lucem commodantibus; sed vide illos mirificè enodantem Lipsium cent. 2. ad Belgas epist. 48. Voss. de imit. cap. 7. & in addend. Omnino huc facit Sueton. in Claudio cap. 41. Cum initio recitationis compluribus subselliis obsecitate cuiusdam defraetis risus exortus esset, &c. Si plura subsellia bos iste Hungaricus sua ruina, vnoq. tempore diffregit, alia super alia fuisse constituta per gradus quosdam, consequens est opinari.

Scamna igitur, & scabella idem nonnunquam, ac subsellia; de scabellis postea. Glossæ Cyrilli ἐπιπόδιον, scabellum, subsellium. Sed Glossographus hic, si quid conijcio, subsellium videtur accipere, quod sub sellam, aut ad pedes illius ponitur; egregius locus in l. 2. lib. 3. Cod. Theodos. de contrah. Empt. Constantini verbis: *Ut etiam si subsellia, vel, ut vulgò arunt, scamna vendantur, &c.* quasi equidem ore vulgi, & minus aptè, ac literatè ipso Constantini ævo scamni nomine subsellia indigitauerint: aliter ac olim I. C. in l. 3. de supell. leg. distinguens: *subsellia, scamna, lecti, &c.* Aliud igitur subsellia, aliud scamna, quæ pro humilioribus sediculis, ac suppedaneis accipio.

Pau-



Paulus autem 3. sent. 4. *Puluini, subsellia, cathedra, mensa, &c.* instrumēta domus enumerans. Equidem subsellia puto fuisse oblonga, & angusta, ac plurium proinde capacia cum reclinatorijs firmē ad innixum dorsi. At scamna fortē magis rudia, sine illis ad tergum fulcris, quæ in gradibus theatrorum, & Anabathris commodius locari poterant. Sicuti ē ligno propriē fuisse autem subsellia, ac mobilia; etsi quandoq. fixa non negarim, ut hodiē fit. Cæterum lapidea, aut marmorea libentiùs *sedilia* dixerim; siue ex opere structili fuerint, quæ nobis *muriccioli*. Plin. 5. epist. 6. elegantiss. suam in Tuscijs villam describens: *Sunt locis pluribus disposita sedilia è marmore*. Subselliorum formam planē publicat Celsus Latinorum Hippocrates lib. 7. ubi in quadam curatione ægrotum iubet resupinum iacere in subello, aut lecto: *Resupinus eo modo, quo in curatione ani figuratur: super subsellium, aut lectum collocandus esset*. Vides hīc vsum iacendi, tam in subello, quam in lecto. Fortē allusit Cic. 3. epist. 9. cum rem vocauit *longi subsellij*, multorum scilicet iudicio, aut veriùs longa consultatione dignum. Neq. aliter exponerem longam cathedram apud Iuuen. sat. 9. vers. 52.

— *Et strata positus, longaq; cathedra.*

Vbi Scholiast. *cernicalibus positus scamnum dicit*. Plurium capax facit subsellium Hermas à nobis sup. laudatus 1. 3. *Cumq; vellem sedere ad dextram partem, non est passa, sed annuebat mihi manu, ut ad sinistram partem sederem, &c.* loquitur de subello. Sidon. 1. epist. 7. *in vno subsellij capite confedit*. Colligo minori etiam forma fuisse quædam subellia, prorsus ut ea, quæ nos hodiē vocamus *sgabelli*, vnius tantum capacia ex Cic. sup. atq. Iuuenali, atq. omninò adstruit Sueton. in Claudio 23. *Medium inter Consulium Sellas Tribunio subellio sedisse*. Si longum fuisset subsellium, fusæq. sessionis (qualis ē nostris, quæ vocatur *Panca*) incommode potuisset statui inter Consulium sellas, præsertim in tribunali. Scamnorum itidem longitudinem, pluresq. recipiendi vsum sessores, idem Scholiast. supra innuit. Quid. 6. Fast.

*Ante focos olim scamnis considere longis.*

Cato quoq. de re rustica cap. 10. villicorum magister inter cætera utensilia, quibus paupertinam coloni domum iubet instrui: *Scamna magna tria, scamnum in cubiculo vnum, &c.* Scamnum hoc cubiculare tanquàm exilius interpretor, vti illa magna ad quoscunq. vsus, sub



sub dio, in porticu, ad mensam, ad somnum, ad rustica, aut fabrilia opera.

De M. Curio gloriosæ paupertatis viro Val. Max. 4. 3. *se in scamno assidentem foco, &c.* in viliori supellectile, aut inopum, aut rusticorum apparet fuisse hæc scamna reposita. Subsellio quatuor pedes tribuit Hermas in Pastore lib. 1. cap. 3. *Et quia super subsellium vidisti sedentem, fortis positio est: quoniam quatuor pedes habet subsellium, & fortiter stat.* A quatuor Iuuenibus tanquam magnæ molis sarcina deinde amouetur in ea narratione, quam vide.

Atq. hæc subsellia, etsi infra sedes honorum sublimes, atq. humiliori loco statuta, non tamen suæ dignitatis expertia fuerunt, aut gradu honestatis caruere. Indè tories illa mentio, loquendiue forma, *summi, imi subsellij, &c.* si quæ autem fortè illis nota adhereret, aut humilitatis, aut contemptus, penitus eam deterfam existimabimus, ubi proximo capite, quibus ea viris honore spectatissimis statuta fuerunt, examinabimus.

## C A P V T XXII.

*Prætoria subsellia. σπαργωδ. Ordo sedendi ex albi norma, ac præscripto. Bartholom. Chæsius l. c. acutissimus. Quæ intelligendum, ut in subsellij Prætores, atq. in curuli. Mæstis rebus relicta curules, & ad subsellia descensum. Lamprid. enodatus. Habere fasces. Dionis Cassij locus cum cura expensus. Sedes vulgaris. Aldi Manutij intuitum iudicium de tribunali, & sella Prætoris. Tribunitia subsellia à subsellij. Quandoq. Princeps Rom. in subsellio. Dio iterum examinatus. In merore sedibus abscessum. Subsellia iudicum, accusatorum, reorum testium. Merces pro subsellij. Suetonius aliter, ac vulgò explicatus. Litigantes, & aduocati sine subsellio, sed stantes. Scamna amicabilia. Adseßores Principum, Amici vocati. Sedere iudicum. Subsellia equitum: fori appellati, & spectacula. Subsellia composita in gradibus, non cathedre. Iuuenali noua data lux. Desians character.*

**I**N publicis conuentibus ad solenniora munia, vel subsellij vsos fuisse Romanos Patres, hoc est lumina orbis, & imperij, Principesq. auctoritatis, ac consilij publici, satis ostensum superius cap. 12. ex Suetonio, Dione, Sidonio, alijs. Quod verò magis est, ac nisi



nisi cum admiratione nequeo legere, ipsis Prætoribus (qui maiorum, aut curulium Magistratuum splendore fruebantur) assignata quoque subsellia publicis in conuentibus, templi, fori, theatri, &c. si fides Dioni. Subsellia sæpè apud illum *ἑσθρα τῶν σπαργῶν Prætoria subsellia*, vt lib. 56. in morte Augusti de Consulibus loquens, οἱ δ' ὕπατοι κατὰ ἐν τοῖς ἑσθραῖς, ὁ μὲν τῶν σπαργῶν, ὁ δὲ τῶν ἀνάρχων. Consules verò infra, unus in Prætorum, alter in Tribunalium subsellij, & lib. 60. vbi de L. Sylla ob senectutem iurdastro, qui cum in suo subsellio quædam audire non posset, ac idè surrexisset, permixtum illi ἐς τὸ τῶν σπαργῶν ἑσθραῖ, &c. καθίζεσθαι, vt in Prætorij subsellijq; sederet. Res planè ardua, ac perplexa, quæ animi, atq. iud. cij pendente me reddit, ne dicam ipsum Dionem dubiæ fidei, & auctoritatis. Non audeo autem ignorantia illum insimulare, tanquam Græci in Romanis ritibus; neq. vocem *σπαργῶν* minus propriè ab eo usurpatam coarguere, quoniam fideliter ea vitur in suis historijs ad Prætores significandos; quicquid alij Græci parum in illa quædoq. sibi consent. Eo quidem magis, quoniam vii rem compertam, atque exploratam haud semel memorat hæc Prætoria subsellia; neq. ad alios magistratus transferri potest nomen *τῶν σπαργῶν*, quibus subsellia deberentur. Fortasse primus in parietinis Romanæ verustatis hanc vrticam attingere audeo. Sed mihi quoq. teneræ sunt, ac debiles manus, iuuabit aliquando non obiter (quod nunc facio) duriori articulo rem premere, atq. excutere. Interim verò haud absolum existimarem curuli sella prorsus eos fuisse vsos, qui primas tunc agerent, vel qui comitia, aut relationem haberent. Cæterum alij quamlibet maiores Magistratus in subsellij adestent, hoc est loco infra sellam præsidendum (quo sensu *ἑσθρα* appellat Dio) ordine tamen sedendi pro Magistratus dignitate, aut antiquitate honoris; dignior vt foret locus, qui propior suggesto, aut tribunali, dextra sinistram anteeunte. Ac quemadmodum de loco dicendæ sententiæ al às in Senatu mos erat, ita in sessione esset factum: adeatur l. i. de albo scribendo. Exactè enim, ac sollicitè custodita semper albi religio: cuius causa tot actionibus, tot pænis confossi remeratores, ne contempta maiestas, & imminutus alioquin publicus honor seuero vindice careat. Præter Cuiacium V. quæ plenius, & acutiùs obseruat different: Iur. l. cap. 79. Bartholomæus Chesius, Academiam nostram, iustique, ac recti artem non tam scriptis exornans, quàm candore animi,



ac libertate iudicij. Dignissima puto fuisse Prætoria subsellia, quoniam is quoq. honor post Consularem summus. Idedq. ab humanitate laudatus fuit Princeps Tiberius ex ea Dionis narratione lib. 60. quod L. Syllam ad Prætoria subsellia accersuerit, sibiq. proximum locauerit, ut audire posset, quæ agerentur. Sed omnis vellitur fibra dubitationis, si Prætoria subsellia quis accipiat non pro genere sediũ, sed pro ordine sedendi, ac toto illo sessionis apparatu infra sellas Consulium; vbi tamen sellæ quoq. curules Magistratibus forent positæ. Interea non inuitus odoror hinc ab vno tribunalis latere (credam dextero) Prætoria, illinc ab altero Tribunitia subsellia fuisse posita. Vestigia mihi aperit idem Dio eodem lib. 56. pag. 590. cum relicto suggestu describit Consules in subellijs sedentes; quasi hinc, atq. illinc seruata suæ sedis statione *ἐν τοῖς ἐσθραῖς, ὁ μὲν τῶν τῶν σπαρτηῶν, ὁ δὲ τῶν ἀνυπάρχων, in Prætorij's alter, alter in Tribunitij's subellijs.* Cum post mortem, scilicet Augusti omnia ad summi mæceroris speciem essent composita, grauissimumq. sibi inflictum vulnus tanti Principis desiderio lugeret Respub. Consules tribunali abstinerunt, inferiori loco sedentes. Communi autem nomine vitur Tacitus hoc ipsum cum Dione factum edisserens; neq. aut Tribunorum, aut Prætorum subsellia, sed vulgarem sedem appellat. *Tiberius, &c. Consules sede vulgari per speciem maiestatis sedentes, honoris, lociq. admonuit lib. 4. ann. cap. 8.* Quasi equidem exceptis Consulibus, quibus curules in tribunali parabantur, vulgari, & indistincto sessionis genere cæteri omnes vterentur, quæ vocat Dio *βῆθρα, subsellia.* Quod si quis apud Lampridium legat in Hel. ogab. cap. 4. de vxore nequissimi illius Imperatoris: *Ad Consulium subsellia scribendo adfuit,* non est quod Consules in subellijs sedisse colligat; sed quoniam illic infra eorum Tribunal scribæ aderant in subellijs, quæ Consulium vocabant. Si igitur adessent Consules, curuli forsan abstinentes Prætores, Aediles, &c. subellijs inhærebant. Quod si iidem Consules abessent, tunc Prætor urbanus, quippe dignior, ac deinceps ordine ille è maioribus Magistratibus, quem penes Maiestatis publicæ staret dignitas, reiq. gerendæ auctoritas, præaltam solus curulem occupabat. V. quæ supra examinauimus. Ac multum referre potest, quo in loco haberetur confessus, in curia, in theatro, &c. an in peculiari dicasterio. Cæterum, Consules quod spectat, tametsi vnus tantum haberet fasces singulis vicissim mensibus, quod *fortiendo*, aut inter se *comparando* fiebat; utrique

tamen



tamen positam fuisse sellam pro certo est. Superior id euincit Taciti locus, ubi uterq. Consul sedis admonetur; adde Suet. Claudio cap. 23. *Medium inter Consulium sellas, &c.* passim nummi, ac nos supra.

Atq. his præstructis, irreprehendendus foret Dio, qui subsellia Prætoribus tradit, nisi nouo alio commento vindicias dare secundum Dionem placeret. Nimirum in ea narratione de morte, aut funere Augusti, ad mœroris ostentum, deiectioneque tanta calamitate Reipub. indicium, Prætores iamdiu ipsi sella curuli abdicauerunt, subellijs insidentes, in quibus etiam ipsi Consules hæserunt ad augendum doloris sensum; atq. hæc vocat *Prætorum subsellia* Dio; *sedem vulgarem* Tacit. Sed quare Tacitus adeo tacitus non id narrat (dum mœstiriam publicam exaggerat) Prætores quoq. ipsos suis curulibus decessisse? At enim (inquis) sufficiebat Cornelio de Consulibus tantum exposuisse, penes quos erat publici conuentus dignitas; quod si ij eam doloris scenam exhibebant, de cæteris quæ dubitatio? Ac multo magis quoniam Consules non curulem modò sedem reliquerant, sed locum, ac tribunal: cum Prætores, aut si qui alij, solam sedem mutassent. Hinc Tiberius eos *honoris, lociq; admonuit*: ac si honor ad curulem, locus ad tribunal pertineret. Sed quæ prior in mentem venit, ea sit mihi potior in hoc iudicio defensio; ac multo magis, quoniam ipse Dio lib. 60. (vt diximus) meminit itidem subellijs Prætorij; & tamen nihil ibi de publici doloris testatione, & ob id turbato sedendi ordine, ac loco; sed omnia alia ibi afferuntur. Apparet interim mœstia, & afflictata fortunâ relictum solium, & sedes cellior, vt in superiori narratione. Cui congruit quod de Penelope dolore circumuenta Homerus protulit. Odyss. A. vers. 716.

ὅδ' ἂρ' ἔτ' ἔτλη  
δύστρον ἐφίζεσθαι, πολλῶν κατὰ δίκην εὐόγων  
ἀλλ' ἂρ' ἔτ' ὅδ' ἔζε πολυκμήτε θαλάμοιο.

neq; amplius sustinuit  
In sella sedere, & si multi in domo adessent;  
Sed in limine sedit splendidi thalami.

Niniuirarum rex iræ cælestis, quæ imminebat, auditâ denunciatione surrexit de folio suo, &c. & sedis in cinere. Ionæ cap. 3. V. sup. cap. 16. de Coriolano.

Neq. ignoro, quod Aldus Manutius lib. 3. epist. 4. quæsit. per epist. scripserit Magistratus curules omnes vltos semper fuisse sella



cognominē, non omnes tribunali; Prætoribus tamen & sellam, & tribunal iunctim assignat. A quo viro non equidem discedo, si in suis foris, atq. iudijs Prætores statuamus. Cæterum si ubiq. seruata velit hæc insignia in curijs, theatris, alijsq. conuentibus, vbi Princeps, aut Consules præessent, non ægrè dissentio.

Tribunis porro suam quoq. in subsellijs mansionem fuisse attributam affirmat Dio in ea ipsa narratione de Consulibus in morte Augusti, quorum alter in subsellijs τῶν σπαργῶν Prætorum, ὁ δὲ τῶν ἀντιπροσώπων, alter Tribunorum. Suet. Claud. 23. *Inter Consulū sellas tribunitio subsellio.* Asconius Pedian. in Miloniana, *sunt enim, inquit, subsellia Tribunorum, Quæstorum, Triumvirorum, & huiusmodi minora iudicia exercentium, qui non in sellis curulibus, & tribunalibus considebant, sed in subsellijs.* Videatur & in 4. Verr. Tribunos intellige, non militares, aut consulari potestate, sed Plebis, aut Aerarios. Reprehenditur tamen Asconius à Manutio ad locum ibi Ciceronis *hunc tamen à subsellijs, &c.* quoniam non tantum eorum, qui minora iudicia exercebant, sed in omni iudiciorum genere subselliorum vsus; quo sensu generaliter Cicero loquutus fuerat: congerit illuc Manutius testimonium. Haud prætermittam apponere, quod Consultissimus Hotomanus ad Asconiana verba opinatus est, ea forma, qua apud Latinos aliquem *A Pedibus, à Mann, à Cyatho, & consimilia* dicimus; ità *à Subsellijs*, qui iudicantibus præsto esset, ibiq. versaretur ad ministerium quæ ingeniosa opinatio est. Sed mox de iudiciarijs subsellijs dicemus, ne tribunitia tam citò linquamus; in quibus non exiguum honoris instar residebat, imò fulgor maiestatis, & gloriæ ornamentum, quando illic Romanus Princeps publicè incubare non dedignabatur. Amplum testimonium, quod supra ex Suet. Claudio cap. 23. deprompsimus. Adde Dionem lib. 60. τὸ μὲν γὰρ ἐσθλήτοισιν ἐν μέσῳ τῶν ὑπάτων ἐπὶ δίφῳ ἀρχιεῖ, καὶ ἐπὶ βῆθρῳ καθήμενος ἐποιεῖτο. *Me in Consulū in sella curuli, & in subsellio sedens referebat.* Xylander legit ἢ ἐπὶ βῆθρῳ. *vel in subsellio, & magis placet.* Hoc subsellium vocat *Tribunitium* Suetonius. Perpetuò si quidem τὸ βῆθρον, *subsellium* verterem, vbi de Tribunis agitur, vt apud eundem scriptorem lib. 37. p. 52. in ea narratione, cum Metellus Consul in carcerem ductus fuerit imperio Flauij Tribuni pl. Senatus reuerentia motus erga tantum virum, in ipsum carcerem statuit conuenire, tanquam in templum aliquod, quoniam ibi Metellus detinebatur: fecissetq. nisi Flavius

Tr.



Tr. pl. subsellium ad ingressum carceris collocasset, impedimento ne Senatores introirent. *Εὐθρον τὸ δημαρχικὸν* vocat Dio, vbi versor *Sellam Tribunitiam*; ego *Subsellium* malo. At in eo Claudij mor- tradendo subdit idem Dio lib. 60. *μετὰ δὲ τῷτο αὐτὸς ἐπὶ τῷ σωή- θη ἔδραν μετήρχετο, καὶ ἐκείνοις οἱ δίπροι ἐτίθετο*. Post hac ad con- *suetam sedem redibat, & illis* (contulibus) *curules ponebantur*. Interdum .i. in suo tribunali medius inter Consulum sellas (supra diximus): in- terdum humiliori loco in subellio, quoties referre debuisset ad Sena- tum; atque idem facitabat, inquit Dio *ἐπὶ τῶν ἄλλων τῶν μεγίστων, in alijs maximis rebus*; quoties videlicet de huiuscemodi agendum fo- ret. Suetonius ita expressit, *de maiore negotio acturus in curia medius in- ter Consulum sellas tribunitio subellio sedebat*; quod fortè ob commodi- tatem factum, vt facilius se interens Princeps in vtriusq. aures consu- lis insurraret, & arcana conferret. Sed hæc Dionis verba non osci- tantem in sese aduertunt lectorem. Si Princeps namq. post habitum colloquium *ἐπὶ τῷ σωήθῃ ἔδραν μετήρχετο ad consuetam sedem redibat*; iam ea decesserat, siue tribu- nal, siue alius locus fuerit. Con- iectio autem Principem transisse ad consulum stationem, aut in tertio aliquo confedis- se. Quod enim à colloquio, vel consultatione consu- libus *οἱ δίπροι ἐτίθετο sella ponebantur*; argumentum est sedisse tunc consules contuetis in sedibus, sed inferiori loco, vel potius stetit- : frustra ijs alioquin redderentur mox sedes. Sed & tribunitia pote- stas hîc in mentem mihi venit, quippe sacra, & inuiolabilis, quam- ideò tam auidè affecta unt, iactaruntq. inter titulos Romani Princi- pes. Eadem puto de causa, & Cæsari datum, vt in tribunitijs subellijs sederet. Dione teste lib. 42. pag. 194.

Ac simili forsitan subellio tribunitio vsus Tiberius, de quo Suet. in vita cap. 17. *medius inter duos Consules, cum Augusto sedit*.

Iudicibus, ac Recuperatoribus, quoties Prætori adessent, data quoq. fuisse subellia nemo dubitat; indè tam sæpè vox subelliorum pro ipsis Iudicibus, seu munere iudicandi; solenni hypallage, locum, aut insignia honoris pro ipso honore, aut officio desumendi: insignis locus Cic. epist. 10. lib. 13. fam. de Varrone: *Versatus in vtrisque sub- sellijs optima & fide, & fama*; hoc est in iudicijs tam priuatis, quàm publicis: alia testimonia congerit Manutius citato libro. Obseruat Cornel. VVirell. in Merul. cap. 22. qui accusatoribus reis, testibus assignata subellia ostendit. Marcel. Donat. in Suet. Nerua cap. 17. qui



qui Ciceronem alibi testem vocat in lib. de orat. *cum sibi à subsellij in-  
otium contulerit, &c.* i. à munere iudicandi; sed & pro quocunq. mu-  
nere forensi, aut ciuili acciperem; sicuti & in Verrem eidem Cicero-  
ni alienus à subsellij, & ad Heren longi subsellij iudicatio, & mora. Mar-  
tian. Capellæ subsellia cognoscentium. Iuuen. sat. 16. vers. 13.

*Bardaicus iudex datur, hæc punire volenti*

*Iudex, & grandes magna ad subsellia sura.*

Sed pleraq. hæc ab alijs pridem obseruata. Adiungo l. ult. C. de Se-  
natoribus. Si quod enim crimen ijs obiectum, aut publicum, aut pri-  
uatum, facultas illis permittitur, *sedendi quoq; in aliqua Secretarij par-  
te, qua iudicibus inferior, altercantibus vero superior esse videatur.* Insi-  
gnis, & palmaris locus, atq. obseruatione dignus apud Suet. 10. cap.  
17. *item ut litigatores pro patrocinijs certam, iustamque mercedem solu-  
rent; pro subsellij nullam omnino darent.* Indubitanter autem subfel-  
lia nihil aliud hic sunt, quam iudices. Patronis iustam mercedem  
accipere fas fuit, neutiquam iudicibus vendere sanctitatem officij; siue  
(quod eidem Marcello placet) ne quid pro sententia lata eidem iu-  
dicibus soluatur, quando ex ærario publicè constituta ijs sit merces,  
*præbente ærario gratuita* subdit ibi Suet.

Tardus, ac cæpitans gradior in eam sententiam, quam refert idem  
Marcel. Donat. tuetur Casaub. ad Suet. subsellia accipiens, quemad-  
modum vox sonat, pro ligneis ipsis sedibus, earumq. vsu; ut quoties  
exercenda forent iudicia, extruerentur in foro auditoria conductis,  
deportatisq. subsellij, pro quibus certa pecunia à litigantibus pende-  
retur, à quo tamen onere leuatos voluit Nero. Quicquid in Rhetor-  
um exercitamentis, aut recitationibus ad captandos auditores factum  
fuerit (qua de re infra) vix est, ut idem sit statuendum in iudicijs Præ-  
torum, aliorumue Magistratum. Quid? In vrbe tot ciuium milli-  
bus habitata; tot conuenarum ex Italia, subiectisq. prouincijs quoti-  
diè affluentium concursu florentissima; in tam multis rerum gerenda-  
rum occasionibus, hoc est meris caussidicinæ nutriculis, sæcundisq.  
lirium seminarijs, quoties iudicium exercendum, toties subsellia, aut  
scamna conducenda erant, atq. in forum adsporranda? Vix illud fa-  
ctum crediderim sub Romanis pultiphagis, rudi, atque horrido æuo:  
necdum ubi cum amplitudine fortunæ, atque imperij nitore, populiq.  
immenso numero cuncta in augustiorem faciem verterunt. Potuit  
suum fieri, ut semel positis subsellij ab ærario pensio quædam  
exi-



exigeretur à litigantibus pro eorumdem stabilimento, aut conseruatione, & custodia; quam pensionem iussit Nero remitti. Quod verò per singula iudicia ponendæ, reponendæque forent sedes, extruendum, componendumq. auditorium, id mihi molestiæ, ac difficultati plenum opus videtur, & abhorrens ab eo politissimo, & florentissimo seculi, ac populi more.

Omnis itaq. vellitur dubitatio, si subsellia pro iudicijs, vel sententiæ ferendæ actui, & officio interpretemur. Cæteroquin enim litigantes sedendi iure pellebantur. V. l. 1. C. de offic. Ciu. iud. sicuti & ipsi aduocati, aut causidici. Plin. 1. epist. 23. *In tribunatu abstinui causis agendis, quòd deforme arbitrabar, cui loco cedere omnes oporteret, nuac omnibus sedentibus stare*, & lib. 6. 33. *ingens utrinque aduocatorum vniuersa subsellia perstantium corona*. En subsellia iudicum, circa quæ aduocati perstant. Ita legendum esse locum Plinij admonuit Cuiac. ad nouell. 71. cap. 1. *ἢ συγκαθίσταται τοῖς ἀρχαῖς ἐν ᾧ δικάζουσιν, ἢ παρὰ πάλιν οἱ δικάζοντες*. Vel sedere cum magistratibus, dum iudicant, vel rursus stare, uti litigantes. Quòd vero Cuiac. inibi testem aduocat Symmachum lib. 1. epist. atq. ex eodem Cuiacio Gothofredus ad d. l. C. vbi Senat. vel clariss. non reperi equidem, & puto Sidonium potius debuisse laudare lib. 1. epist. 7. cuius illa sunt verba: *Ferreolus circumstantibus latera collegis vercundè, ac leniter in imo subselliorum capite confedit, ita ut non minus legatum se, quàm senatorem reminisceretur*. Erat Ferreolus accusator, alij autem circumstitebant accusationis, & legationis socij, eo sedente, quoniam Senator. Ac de aduocato itidem l. 6. in fin. C. de postul. *cum ipse necessitatem elegerit standi, & contempserit ius sedendi*. Vetus namq. mos, atq. ex dignitate rei, vt qui loquuntur, aut sententiam dicunt, erecti, ac stantes faciant. Obseruat Brisson. de form. lib. 6. p. mihi 182. qui tamen sedisse monet, quicumq. assensum præberent. Verùm antequam perorarent, aut causam dicerent, assignatis fortè infidebant subsellijs, siue scamnis aduocati; atq. hoc temperamento doctissimi Sauaronis non recusò dictum ad Sidonij Apollinaris lib. 1. epist. 3. *Scamnis amicabilibus deputantur*: vbi scamna pro subsellijs exponit, in quibus sederent aduocati. Hi namq. peculiari *amicorum* nomine gaudebant, vnde *scamna amicabilia*. Verùm, vt suspecta non nemini esse posset hæc *amicorum* appellatio, quæ causidicos honestamus, cum alioquin sanguinem fortunarum bibant, & patrimonia miserorum emungant: ita

fui



fui dissimilis videtur hîc mihi Sauaro, nec tam firmis, plenîsq. vt affo-  
let, subnixus testimonijs. Quod enim profert I. Diui fratres, D. de I.  
Patronar. non de caufidicis ibi agitur; sed de I. Consultis, quos in  
consilium adhibitos Imperator honoris causa *amicos* appellare con-  
suevit, vt dicemus. Quare *amicabilia scamna* libentiùs exponerem  
pro subtellij adfessorum, vel iudicum, quos vocant pedaneos. Nec  
dissuadere videtur lenius, atque ordo epistolæ, si quis attentè percur-  
rat. Gaudentiùs enim ille (de quo ibi) paulò ante contemptus ab ob-  
trectatoribus, quem nec confessu dignabantur, nunc in sede, atq. ho-  
nore suscipitur: atque ira vices ille rependit, dum *scamnis amicabili-*  
*bus* deputat contemptores; in inferiorem, s. locum ad obsequium, &  
ministerium hos detrudens, qui nuper dedignabantur se habere as-  
fessorem. Quòd verò assessores, vel consiliarij *Amicorum* nomen pas-  
sim meruerint, tam notum est, quàm quod notissimum. Ac ne plu-  
ribus te morer lector, V. plenissimè congesta à Salmasio ad Spartian.  
Adrian. p. 47. & seqq. siue cap. 18. vbi & Casaub. idemq. Salm. ad  
Pollionis xxx. tyrann. in Macriano; Bulenger. Imperatore Rom. lib. 2.  
cap. 21. adi & Pignorium de seruis p. mihi 212. & seqq. Huic cumu-  
lo inspergo locum Lampridij in Severo cap. 29. *Res bellica, & civiles*  
*(vt superius dictum est) per amicos tractabantur, &c.* Omnino igitur sede-  
re Magistratum, atq. iudicantium extirrit. V. quæ notat Helmenorst.  
ad Minuc. Fel. mihi p. 9. Paræus lex. Crit. verbo *sedere*, Pollettus ab  
eo laudatus Fori Romani pag. 36.

Equitum loca, aut quatuordecim gradus in theatro sæpè *subsellio-*  
*rum* nomine demonstrata, præsertim Martiali; cuius illa sunt lib. 5.  
epigram. 28.

*Bis septena tibi nunc sunt sellia tanti.*

& 2. 29.

*Rufè vides illum sellia prima tenentem.*

& 5. 8.

*Quo sellia certiora fiunt,*

*Et veros eques ordines recepit.*

Ac ne longius faciam, adi ad hunc vatem plena, atq. erudita accura-  
tissimi Raderi commentaria, Dempster. ad Rosin. 5. 10. De puluino  
autem equestri erit infra dicendi locus. Non parcam adscribere hæc  
subsellia, aut gradus in circo *foros* fuisse appellatos. V. Panuin. 1. 5.  
de lud. circens. Festus *sexto, fori* significant *circensia spectacula*, ex quibus  
etiã



etiam minores forulos appellamus. Sic Liu. lib. 10. ubi spectacula sibi quisque facerent, fori appellati. Var. 4. l. 1. Circus maximus dictus, quod circum spectaculis adificatus est. Spectaculum vocant eam scenam, sedem, loculamentum, quod quisque sibi faciebat ad spectandum. Vritur & Terull. in lib. de spectaculis. Non dissimilia, quæ nobis stanzini.

Sed loca ea in gradibus, ac foris spectaculorum, *subsellia* fuisse quandoque appellata eò putarim, non quia lignea fuerint, ut olim sub Romanis vetustis; sed quoniam illic ponerentur *subsellia*. Vitruvius 5. cap. 6. *Gradus ubi subsellia componantur*, suo scilicet ordine, ac metatione, prout balthei, præcinctiones, viæ, sedentiumque dignitas postulet. *Subsellia* inquam, non cathedræ, aut sedes, quod multò operiosius extitisset, & vix accomodatum spatio, & aræ gradus, si quis eas inferre in theatrum, & componere voluisset. At *subsellium* humilior, & angustius, ac minus impeditum, quod & perpetuò, vel ad longum tempus poterat lapideis gradibus affigi, plumbarione, statumine, ferreisque subsrudibus. Aut si fortè repostile illic esset, levioris operæ id erat, quàm sellas toties interre, ac referre. Hoc aio, quoniam Buelenger. cap. 34. de Circo illas tuisse à spectantibus sedes opinatur. Fortasse nonnulli delicatiores fecerint; in vniuersum, aliter sentio. Neque alter Iuuenalis locus ad hos gradus spectaculorum attinens, de gradu meæ sententiæ me deijcit sat. 9. vers. 143.

— & duo fortes

*De grege Mætorum, qui me ceruice locata  
Securum inobæant clamoso insillere circo.*

Quæ carmina genium spirant poëtæ, qui (quod acriter solet) Nemesium concutit aduersus hominem cuti excurandæ deditum, vota quoque concipientem tam desidis vitæ, suis ut pedibus nec irare in circum velit, nec sede ipsa moueri, dum spectat. Si ignauissimum ergo tenebriorem (qualem illic describit Sartyricus) peculiaris hæc cogitatio, ac cura tenebat sollicitum; rectè consequitur non populi morem, aut vulgarem consuetudinem fuisse. Ac per poëticam *ἀνέγκαι* licebat id quoque Iuuenali aggerare. Non placet autem, quod plerique omnes doctiores hic volunt de lectica, non de sella esse intelligendum poëtam. Quomodo. n. lectica, si duo tantum fortes Mætorum requiruntur! Scimus lecticam delicatiorum præsertim, qualis ille, sex ut minus humerorum fultura fuisse gestaram, nonnunquam octo, nedum sufficere duo possint. Præterea quid tam magis ineptum, atque im-

O

por-



portunum, quàm lecticam inferre, aut ægrè capiendam, aptandamq. in ijs spatijs, aut multorum impedimento futuram, ne spectent? At, inquis, loquimur de eo, quod erat in votis huic nebuloni Epicureo. Ergo, iterum respondeo, non is erat mos Romanæ gentis inferendi fellas. Sique ulterius locum poëtæ expendere nos delectat, non lecticæ, non sellæ illic mentio; sed id optabat diues ille, ac locors, ut duo serui è Mœsia validi ceruicem sibi locando, securum in circum succollocarent, ubi posset consistere. Nempe ut eorundem seruorum collo, atq. humeris portaretur, hoc exoptabat; qui quidem firmissimi tumultuantem populi turbam, tum in vijs, tum in circo ipso submouerent, securumq. tandem, atq. incolumem ab incurrentium, ac prementium vndecunq. periculis in spectaculo sisterent. Quid verat ita Iuuenalem interpretari? Eò magis quia de votis hîc agit, quæ tam varia, ac multiplicia sunt, quàm hominum capita, ut nemo ignorat. Atqui non abhorret hæc voti conceptio ab ingenio huius balatronis, cui anima pro sale data erat, ne quod interim computresceret. Haud aliter ille apud Sen. epist. 12. ubi ventrem dapibus inferisset ad mensam, satur tandem, ac lassus manibus seruorum se adsportari iubebat, ac si morte occubisset, carmenq. illud ferale ad Symphoniam cani *Εὐχόμενος, Εὐχόμενος*. Ac sedibus tandem vix locum fuisse in spectaculis, quas secum importassent, satis probat, quod aliàs docuimus cap. 12. subsellia, non sellas fuisse paratas Senatoribus teste Suet. cap. 44. August. *Facto igitur decreto, ut quoties quid spectandum publicè ederetur, primus subselliorum ordo vacaret Senatoribus, &c.* V. sup. cap. 12.

Caligula, quod tradit Dio lib. 59. iussit, ut Senatoribus puluilli substernerentur *ὅπως μὴ ἐπὶ γυμνῶν σκελετῶν καθίσκωνται*, ne in nudis ascribibus, aut subsellijs sederent. Si Senatores in subsellijs, multò minus alij in sedibus. Siq. lege cautum de puluillis, conijcere est non fuisse allatas à dominis sedes, aut à locarijs (ij sunt, qui loca seruabant, ac vendebant in theatris) quorum alterutri puluillos etiam parassent non expectata Principis indulgentia, qui iuberet, aut permetteret. Et quidem locus Suetonij disertè agit de spectaculo, ne quis mihi obtendat aliud in curia, aliud in circo, aut theatro factum, ubi præ longa mora, ac tædio commodior sessio erat quærenda. Sed his nos laqueis tandem expediamus: quorum restibilis copia in antiquitatibus eruendis, dum alter alteri continuò succrescit. Ad quæ omnia hætenus



stenus de subseillis, quanquam tralatitio, atq. obiter dicta, mantissam animaduersionis iterum adiungo, qua pleriq. auctorum nodi euoluuntur; si statuerimus subseilia, non tam pro ipso sedis genere, acfiguratione, quam pro ordine, loco, apparatu sedendi esse nonnunquam indiscriminatum, ac γυναικῶς exponenda.

## CAPUT XXIII.

Rhetorica sedilia. In auditorijs Subseilia, Anabathra, Orchestra; horum locus. Cathedra docentium, aut legentium; item Lectus, aut Scimpodium. Cathedra discipulorum. Basis excepti, qui recitauerint. Martialis secus, ac Lipsio explicatus. Recitantes sedebant, dicentes stabant. Cathedrarij ἐπισήμοι, exhedra; hemicyclium, & pluscula de eo. Cicero enodatus. Sessio pro loco. παρὰς. Disputationes in exedris; item epula. Exedra Pisani Lycei, in quo uno perdurant acerrima professorum disputationes. Exedrarum descriptio. Proexedra. Exhedra meridiando. Exedria. Philosophi in exedris. Homerus, Pythagoras sedentes. Exedra Christianorum. Peristylia, aut porticus circa templa.

**A**udicijs, ac spectaculis in Scholas, & professorum coetus baiulemus subseilia, ac gerula arte progrediamur. Neque animus tamen nobis est calcaram toties semitam premere, sed innuere tantum, digitosq. ad illam intendere. In his igitur recitantium, aut docentium theatri libenter fatemur penfiles, ac portatiles fuisse positas sedes ad temporarios plerumq. confessus, quod innumera docent loca scribentium.

Rhetorica sedilia vocat Sidon. lib. 5. ep. 10. ad Sapaudum; idem nunc scamna, nunc subseilia 9. 14. Auditoribus scamna componere, & ibid. crepitantis Atheni subseilia cuneata. Omnino namq. subseilia hunc cœtum audientium, ac totam auditorij caueam dixerunt, præsertim poetæ. Iuuen. sat. 7. vers. 45.

Nemo dabit Regum, quanti subseilia consent.  
& vers. 86.

———— cum fregit subseilia versu.

Nobis Panche, quæ & scamna; Græcis ἐκάβρα, & σκιδῆς. Diximus de subseillis præcedenti capite. Pluscula apud Crezol. legere est in abso-



absolutissimo libro theatri Rhet. lib. 3. cap. 13. apud Voss. de imitatione cap. 7. Adi & Lips. epist. ad Belg. cent. 2. epist. 48.

In his auditorijs, aut theatris sophisticis *subsellia* propriè fuere, quæ in medio locabantur, communi, & vulgari vsui, sicuti *Anabathra*, quæ parieti infigebantur per gradus scanfiles subeunda, nobis *Palchi*. *Orchestra* autem in fronte ante suggestum dicentis; clarissimo .s. loco, vbi cathedræ, aut sedes honestiorum dispositæ.

Affabrè totam hanc scenam, atq. apparatus depingit idem Iuven. sat. 7. vers. 45.

*Nemo dabit Regum, quanti subsellia constant*

*Et qua conducto pendent anabathra tigillo,*

*Quæque reportandis posita est orchestra cathedris.*

Noto hîc *Subsellia*, *Anabathra*, *Cathedras*: egregium huius loci enarratorem ne pigeat consulere Lips. ea epistola. Cathedræ autem hîc sunt, quas in fronte (vti dicebamus) flos populi, atq. edecumata audientium cohors occupabat. At ipsius quoq. Rhetoris, aut Sophistæ sedes eodem *cathedra* nomine ante has ipsas proximè locata audientium digniores. Ea. tamen paululum eminentior, vt videri, exaudivi. ab omnibus posset. Pers. sat. 1.

*Sede leget celsa* —————

V. Cres. d. cap. Gr. θρόνος ὑψηλός. *thronus excelsus*, ac sublimis. Qua sedis dignitate, quid distant Regnantibus professores? Egregius honor virorum, qui publicæ student eruditioni, tradendisq. operantur disciplinis, vt illinc dictata auditoribus proferant, vnde distant imperia, iura diribent, belli, pacisq. leges imponunt populorum Rectores. Plinius 8. 21. epist. *positis ante lectos cathedris amicos collocavi*; loquitur de priuata intra domum recitatione apud amicos. Nota morem lecti, intellige autem de lecto tricliniari, vbi ille fortè legebat; ibid. *& tempus, & locum opportunissimum elegi, utq; iam nunc assuescerent, & ab otiosis, & in triclinio audiri, &c.* At de lectis, vbi scribentes, discentes, differentes sederent: notat Casaub. ad Aug. cap. 78. & nos infra cap. 26. *Scimpodium* itaq., & σκίμπος, item δίπρος, & καθέδρα, ea sedes appellata recitantium, aut docentium; nobis *cathedra*, non tantum pro suggestu, sed pro magisterio ipso, & professione publica literarum. In celeberrimo totius orbis Palladio tres cathedræ potissimum memoratæ apud Atticos, Philosophiæ, Rhetoricæ, Politicæ. At quæ vocatur Politica, siue πολιτικός θρόνος, non tam



tam respicit Civilis sapientiæ magistros, quàm Rhetoras, aut Sophistas, qui politico dictionis charactere utebantur: de utroq. enim exponi posse existimo. Qui eas cathedras obtinuissent, *προεστώτες* dicti, veluti Præsidentes, aut Præfecti. Nec cuius tamen effronti per ambitum, aut obreptionem vulgabantur, sed multo prius examine, & experimento doctrinæ. Honorifica etiam accedebant stipendia, quibus præstantium virorum labos, & industria aleretur. Ut dicam in summa, cum summa pecuniæ, summo honori habebantur Cathedræ Athenis. V. quæ tradidit Meurs. de Fortuna Athenar. cap. 8. Cresol. d. libro. Sed redeamus in viam. Horatius serm. 1. 10. discipulorum cathedras vocat.

*Discipulorum inter inbeo plorare cathedras.*

Alij malunt lequiori sexu *Discipularum*. Sidon. Apollin. lib. 7. epist. 9. qui aut literarum, aut altarium cathedras tenuere. Cassiod. psal. 1. *Cathedra* propriè Doctores datur. Hinc *Cathedra Moysis*, quam interpretantur docentes: ac non semel alibi cathedrarum mentio eo sensu. Quare D. Hilar. in psal. 138. *Doctrina necessario significatur in cathedris*. Auson. epigr. 46. in tabulam, ubi Rufi Rhetoris imago picta.

*Hec Rufi tabula est, nil verius. Ipse ubi Rufus?*

*In cathedra*

V. eundem Ausonium in Professoribus. Hermas antiquissimus ille Theologus 2. cap. 11. *Ostendit mihi sedentes in subsellis homines, & unum sedentem in cathedra*. p. 873. Barthio editore. Hic auditores signantur in *Subsellis*; in *Cathedra* doctor, aut recitator. Iuven. ea satyr. 7.

*Panituit multos vana, sterilisq; cathedra.*

Hanc ipsam sterilitatis notam impressit cathedris Hispanus vates lib. 1. epig. 77.

*circum pulpita nostra,*

*Et steriles cathedras basia sola crepant.*

Omne seculum tulit argenti magistorum querimonias, quos læna pertusa, ac mensa arctior, locatæ infelicitè cathedris operæ, suæq. pœnitentia professionis afflixit. Quod *Pulpita* Martiali, exponerem dicentium sedes. Ita enim quoq. vocatæ; at verò *cathedra* eorum, qui dicentibus interuenirent. V. Cresol. d. loco. Flaccus sup.

*Discipulorum inter inbeo plorare cathedras.*

*Basia quod attinet, mos allusus suauis excipiendi post recitationem*



nem Poetas, Sophistas, aliosq., qui prælegerunt. Adnotavit Voss. eo capite §. 5. ex Eunapio in Proaeresio. Addo ego palmarem, atq. illustrem locum Plinij epist. 17. lib. 5. *Recitatione finita multum, ac diu exosculatus adolescentem, qui est acerrimus stimulus monendi, laudibus incitavi, &c.* quare basia Martialis non expono, quomodo sentit Lips. d. epist. ac si nihil serium, aut quæstuosum; sed oscula, & amores, rerumq. mollium tractatio versaretur in labris dicentium: sed potius hanc basiandi consuetudinem respicerem. Quo sensu steriles Cathedras meritò appellabant, si messis basia sunt, fructusque acclamatio tantum, & plausus. Non inuidebo tandem eiusdem Vossij adnotamentum de sedente, aut non sedente, dum publicè loquitur. Sedebant namq. ij, qui recitabant, h. e. qui de scripto pronunciabant; at Dicentes, siue memoriter adloquentes stare solebant. Recitat ille, qui iam scripta iterum citat, atq. exponit; & quoniam intentos libello tenet oculos, ferme destituitur actione, motu, cæterisq. pronunciationis blandimentis, ac lenocinijs, quæ stantem adiuuare, & comitari solent. Conuenit igitur recitanti magis sessio, & incubatio, & sedatus membrorum habitus. At Dicentibus, quos memoria non deficit, quoniam stabant, gestus quoq., atque incessus, omnibusq. motibus animi consentaneus vigor corporis adiungelatur. Plin. 2. epist. 19. Vnde accedit, *ut hi, qui sedentes agunt, &c. Recitantium verò præcipua pronunciationis adiumenta oculi, manus præpediuntur.* V. plura: & lib. 6. ep. 6. *Dicenti mihi sollicitè assistit, assidet recitanti, &c.* De legis interpretibus, aut Magistris apud. populum Iudaicum, quòd sedentes docuerint, auditoribus perpetuò stantibus, ritum protulit Samuel Petitus lib. 3. obseru. cap. 2. ac seruatum fuisse scribit vsq. ad tempora Simonis filij Gamalielis. Deinceps itaq. surgere in Synagogis legis doctores, alijque verba facturi. Act. Apost. 13. 16. *surgens autem Paulus, &c.* Idem Lucas de Christo Domino 4. 16. Euang. *& surrexit legere.* Obseruat doctiss. Maldonatus ad Matth. 23. *super Cathedram Moysi, &c.* hodieque seruari inter Iudeos.

Ab his cathedris seu dicant, seu recitent, seu quoquo pacto doceant, *Cathedrarij* dicti, qui professoriam linguam exercent. Gloss. *Cathedrarij* ἐπιστάται. Seneca de breuitate vitæ cap. 10. *Non ex his cathedrarijs philosophis, &c.* hoc est, qui in vmbrijs scholarum, & super cathedras lophisticas ementiram docent sapientiam, totos dies de virtute altercantes, quam verbis tantum, ac voce profitentur. *μὲν γὰρ*



τῷ λέγειν, ἀντὶ τῷ πράττειν, verbo tenus, ac sine opere, ut eos perstrin-  
git Epictetus apud Gell. lib. 17. cap. 19. siue Pacuuij verbis apud  
eundem 13. 8. ignava opera, philosopha sententia. Sed & Cathedrarj,  
qui gestant cathedras, de quibus infra.

Ad sapientum confessus Exedra pertinet, locus instructus sedili-  
bus, vbi disputationes, & colloquia seruntur. Describit Virruuius  
lib. 5. cap. 11. ac sæpè apud Ciceronem memoratur. In ipso statim  
aditu elegantissimi libri de Amicitia, quod illic *Hemicyclium* vocatur,  
non tam de sellæ genere ab ea forma dictæ, quàm de toto confessu in  
orbem, ac rotunditatem parato succurrebat interpretari. Huncce  
sellarum positum reperio in domo Cephali Atheniensis apud Plato-  
nem 1. de Rep. ad colloquia sapientum virorum, quos inducit de re  
ciuili differentes philosophorum summus. ἐκεῖντο γὰρ δῖοι τινες  
αὐτόθι κύκλῳ. Erant enim illic dispositæ in orbem sedes. Sunt verba  
Socratis; at ea Tullij de Q. Mutio. Cum sæpè multa narraret, tum me-  
mini domi in hemicyclio sedentē (ut solebat) cū ego essem vnā, & pauci  
admodum familiares, in eum sermonem illum incidere, &c. Possunt hæc &  
ad confessum referri, siue exhedram, domulq., aut edificiij partem, vbi  
disputationes habitæ. Ex hoc Tullij loco nonnulli colligunt, & qui-  
dem viri probè subacti in polyhistoria, *Hemicyclium* sedem fuisse Au-  
guris, quoniam M. Scæuola iidem erat Augur. Sed meminerint, ve-  
lim, Q. Mutium in templo tunc non fuisse (nisi Tullij domum quod-  
dam veluti templum quis dicat Deæ Suadæ) neque ibi auium Osci-  
num, aut Præpetum volatus, vel cantus obseruasse: sed cum amicis  
iucundis, ac beatis de amicitia disseruisse. Quæ igitur ratio (ex hoc  
inquam loco Ciceronis) de Hemicyclio, tanquam de sella Auguris  
statim decernere? Meo augurio parum ritè augurantur. Erraui, ac  
me reprehendo: bellè, ac merè diuinant. Et quodd enim Tullius illic  
vitur verbo *solebat*, coniectura potius est hemicyclium non fuisse  
Mutio paratum, tanquam sellam auguralem, ac prorsus debitam  
huic honori; sed quoniam illic consuetudinis, aut commoditatis gra-  
tia soleret quiescere. Vt autem monui, exedra etiam esse potuit se-  
dium positus, atque ordo semirondus, vbi Cicero, atque alij fami-  
liares cum Mutio sedebant. Hos ipsos sapientum virorum confessus  
idem Cicero cum dulcedine memoriæ ob oculos sibi ponit 5. de fin.  
*Hic Speusippus, hic Xenocrates, hic eius auditor Polemo: cuius ipsa illa  
sessio fuit, quam videmus.* Quod autem vocat *sessionem*, pro exedra  
accipit.



accipio, aut sede, vel loco sedendi: quomodo Latinis, ambulatio, cœnatio, gestatio, &c. pro loco ipso, non pro actu ambulandi, cœnandi, gestandi quandoq; sumitur. Omnino autem exedra appellata tum Græcis, tum Latinis à frequentia, & paratu sedium. Exedrae alio nomine Græcis πασάδες. Pollux l.b. 7. c. 27. Πασάδας δὲ ὁ Ξενοφῶν, ἃς οἱ νῦν ἐξέδρας, &c. *Xenophon Pasiadas, quas nunc exedras, &c.* Gualtherus vertit *Porticus*; sic Hesychio haud semel πασὰς, σοὰ. Ita autem vocaram monet etymolog. auctor δια τὸ ἐν αὐτῇ ημᾶς σιτεῖσθαι, παρὰ τὸ πάσσασθαι, quoniam ibi vescimur. Est enim πάσσω διδᾶν τὸ γένομαι, *degusto*. Idemque Hesychius πασὰς, σοὰ, πρὸς τὰς πασάδας νυμφῶν. *Porticus ad sponsarum nuptias, aut conuiuia*. Ferme autem in ijs exedris paratae epulae ob loci commoditatem, ac spatium æstiuo præsertim tempore. Ac fortè in eum vsum olim ædificatae, positaq; ibi subsellia ad compotationes; quo ipsestare videntur verba Pollucis d. l. 7. cap. 27. quasi olim forent, & appellerentur Xenophonti πασάδες ad conuiuia; hodie ad confessum, & disputationem exedrae vocentur. At quoniam in porticibus, ac peristylis, quò docentes, discentesq; conueiebant, disputationes quoq; inibant; idè tam πασάδες, quàm ἐξέδρας exponuntur *Porticus*. Quo ritu hodie Pisis vocari potest spatium illud, ac subelliorum positus quadratâ formâ sub porticu Academiæ, in quo sedent professores ad grauissima suæ artis scita propugnanda, singuli aduersus singulos. Laudabile institutum, quod in alijs lyceis iamdiu desuetum, Pisis perdurat ad exercenda acriter docentium ingenia, quos vel vna hæc periclitandæ doctrinæ cogitatio laboribus omnino deuouet literarijs, suæque professioni addictos, mancipatosq; insudare cogit. Adstant disputationibus conferti auditorum cunei, perinde iudicium de Magistris facientium, ac in lubrica illa arena vires successerint. Quamquam & hic multum frontis durities, ac verborum volubilitas prodest: ac sicuti in cæteris humanæ vitæ partibus, pudor, ac modestia, & si cum doctrina coniuncta, infra est. Multos sanè inclytos alioquin viros à Pisanis Athenis id experimentum deterruit, ne fumantes vrsi nares attingerent. Vitruuius lib. 5. cap. 11. loquens de palæstris Græco edificiij genere. *Constituuntur autem in tribus porticibus exedra sparsa habentes sedes, in quibus philosophi, Rhetores, reliquiq; qui studijs delectantur, sedentes disputare possint*. De publicis exedris loquitur Vitruuius; quibus confimilia putant, quæ *Capitula* vocantur in peristylis,



lijs, aut claustris monachorum, vti adnotarunt, tum Philander, tum Bud. in Pand. ad l. si verò 5. D. de ijs, qui deiecer. vel effud. §. 2 In his enim quoq. Capitulis perpetuò visuntur parata subsellia tum ad disputationes, tum ad consilia. Animaduerto autem apud eundem Pollucem lib. 10. cap. 5. *προεξέδρας*, *Proexedras*, seu *Ante exedras*, quas pariter Gualtherus vertit *porticus*: congrueretq. cum eo, quod dicebamus de capitulis, quæ contigua sunt peristylijs. *Proexedra* igitur erit porticus, quoniam est ante exedram. Sed neque incommodè *προεξέδρας* redderem ego Latine *Vestibulum*. Idemq. Vitruuius 7. 9. exedras interpretatur tanquam porticus; *Peristylijs*, aut *exedris*, aut ceteris eiusmodi locis, quò *Sol* & *Luna* possit radios suos immittere. Atque hæc exedrarum publica spatia, Græcorum propria fuisse idem monet, quoniam palæstrarum quædam membra fuere: *palestras autem non Italicæ consuetudinis* idem vocat. Cic. 5. de finibus apud Græcos agnoscit. Hoc autem tempore, etsi multa in omni parte *Athenarum* sunt in ipsis locis iudicia summorum virorum: tamen illa moueor *exedra*, &c. & de prouincijs consularibus *A suis Græcis subtilius eruditus*, quibus cum in exedra iam belluatur. Pisonem notat. Apud Romanos autem priuatas potius crediderim fuisse has exedras; secretumque quoddam conclaue lucubrando aptum, doctiq. excipiendis amicis, quibus cum disputare, ac commenrari consueuerint: inibi quoque meridiabantur, ac somnum capiebant grabbarulo posito, quod loca Ciceronis ostendunt tum primo de nat. Deor. 1 5. tum 3. de orat. 1 7. Priuatam pariter exedram, & cubiculo iunctam expono apud Vlp d l. 3. *In cum potius dare actionem, ex cuius cubiculo, vel exedra deiectum est licet plures in eodem canaculo habitent*. Neque tamen idem Tullius omnino remouet hæc exedras à porticibus, quasi Græcicum morem imitarus. *ὑποπόσιον* appellat *Exedria* l b. 7. familiar. epist. 23. *Exedria quædam mihi noua instituta sunt in porticula Tusculani, ea volebam tabellis ornare, &c.*

Non miror si tam multæ sedentium statuæ compareant, quos pallio malè operatos, ac seminudos conijcimus esse philosophos in palæstris, aut exedris Græcorum differentes: nec desunt illis crepidæ, nec barba promissior, nec in manibus pugillares. Fateor tamen earum nonnullas accipi posse de quibusuis alijs, qui in balneis sedeant, lauandi, ac tergendî gratia: conuenit species iniecti palliastri, corporisq. malè amicti; & quod pugno stringitur, lintheamen potius, ac

P

suda-



sudariolum, quàm liber. Satis erit interim, si tria, aut quatuor proferam de multis, quæ Florentiæ asseruantur ita sedentium exemplaribus.

Primum accepi à nobilissimo iuvene Francisco Abbate Niccolinio, quem Gratiæ, ac Musæ certatim lactant, toto copiæ cornu fortunabunt. Veritati lito, non Philiæ, quæ mihi cum illo solidissima intercedit. Hic aduerte segestrium humeris impositum, ac tænia reuinctum, qua collo hæret; quod ne elabatur, sinistra retinet lessor: nec desunt sudariola, ac lintea in vtraque manu. V. n. 45. Secundum in viridario Marchionis Bartholomæi Corfinij, quasi illic excubet sedens philosophus ad tutelam veterum inscriptionum, quas supra laudauimus. V. n. 46. & cap. 13. inter multiplices sellas illic exhibitas. Aliam misit sub n. 48. Abbas Octavius Falconerius, de quo spectatæ nobilitatis, atq. eruditionis iuvene, quicquid labor præstare, aut ingenium potest, totum iuratus spondebo. Tam ille cernit acutum in his quoq. diiudicandis antiquitatibus, ut vel suos vincat *i'paxas*, vnde sibi gentile cognomen; nec falcatus illorum vnguibus cedat in arripiendo feliciter quocumque disciplinæ genere.

Conijce huc, si libet, sedentem Homerum omnium Philosophorum parentem, qui quæ sint vera sapientiæ, ac virtutis præcepta

*Plinius, ac melius Chrysippo, & Crantore dicit.*

Imagines profert Illustrissimus, ac Reuerendiss. Leo Allatius in ipsâ statim fronte libri de patria Homeri ex Cimeliarcheo Eminentiss. Card. Barberini. Neque aliter Pythagoram veteres sæpius sedentem statuebant. Adde & iconem sellæ marmoreæ, quæ in Sancti Marci Romæ visitur reclinando corpori aptissimæ, & ad vsum puto balnearum (V. n. 48.) qualem germanam geminam cum suo lessore in ædibus Gaddiorum Florentiæ inspeximus, anaclinterio recuruo, & antrorsus sensim porrecto, ut sedentem veluti complectatur. *Exedra* apud Christianos peristylia, aut porticus extra ambitum templi, qualia, opinor, hodiè, quæ dicimus Claustra, vbi monachorum mansiones; aut quæ nobis *Canonica*, vbi Clerici, atq. ecclesiæ deseruientes. Ruffin. 2. 23. hist. eccles. *Exedra, & pastophoria, domusque in excelsum porrecta, in quibus vel aditui, &c.* Nescio an huc respiciat D. Hieron. ad Eustoch. *Si quis capere agrotare, transferatur ad exedram latiore, & tanto senum ministerio confortetur, &c.* idemque de veteri templo ad 1. paralip. 23. *In vestibulo, & in exedris, & in loco purificationis,*



tienis; & in sanctuario. Accipio exedras hinc pro peristylis. Euseb. hist. eccles. 10.4. ἐπὶ τὰ ἐκτὸς τῶν νεῶν μετὰ ἐξέδρας, καὶ εἰκας, &c. ad ea, quæ sunt extra templum deuenit, exedras, & mansiones, &c.

## CAPVT XXIV.

Arquata Sella. Sellula rusticana. Hemicyclium. Tripetia. Tripolo. σκέλυθρα. θράνια. σκολύθρια. Pollux oscitans versus. Sellæ Tripodes. Tripoda. Tripedia. Sessibulum. Seditulum. Sedile. Quadratum. Artisselium in fragmento Petronij Traguriano: tentata noui verbi elucidatio; iudicium de fragmento. Sedecula. Seliquastrum. Sella muliebris; adoperta. δῖσπος κατὰ σέγος. Leticia. Leticarij: etiam qui sella inserviebant. Cathedra; de sella muliebri. Cathedrarij. Cathedralicij. Profeda. Alta sella Iuuenali afferta. Sellariæ: Popinæ Sellariolæ. Theodora Imperatrix lena Procopio. Lenarum, & circulatricum sella. Piscium venditori- bus sedere vetitum Athenis. Sella Gestatoriæ, Fertoriæ, Portatoriæ. Calius Aurelianus, siue Arrianus laudatus. Procurata Sella. Gestatoriæ bracteata. Gestamen. Gestatorium. Tacitus exactè animaduersus præter Lipsij mentem. Basterna. Lettiga.

**Q**Voniam satis hætenus quodam veluti recensu sedes adnotaui- mus, quæ aliquod in se habent honoris instar, quo no- strum hoc maximè spectat πᾶρρηγον: nonnullas indicare alias nunc iuuat, quæ mutuam iam dictis præstant, & acci- piunt lucem, quæue scriptoribus magis memoratæ suc- currunt. Indicabimus dumtaxat; non attentè, atque exactè scruta- bimur. Quod σὺν θεῷ faciemus, cum per aliud tempus, atq. ocium impensè toti erimus ἐδραῖοι.

A primo capiens elemento exordium nominis, prima sese pandit *Arquata Sella*: ob structuræ, figurationis, aut compagis speciem ita appellata, quoniam in arcum sinuetur. Sic *Arquatus* morbus, & *Arquati*, qui eo laborant; ab arcus, siue Iridis colore. Arnob. lib. 2. de rustica loquens supellestile, quid *arquata* si sellula, arcus, strigilis, pol- lubrum, siliquastrum, trulla, &c. Inter viles omnino reponit, qualium etiamnum hodie quasdam apud nostros videre est, ligneas, & obso- letas auorum reliquias nullo, aut paruo cultu. Efflicuratura illa,



ac sinus satis commodè tessorem excipit, & complectitur: tribus in-  
 nixas pedibus fermè obseruamus. Talis ne fuerit, an non, ignoro,  
 quam pariter sellulam, & rusticanam, imò seruilem vocat Sulpic. Se-  
 uer. dial. 2. cap. 1. *Sedebat autem Martinus in sellula rusticana, ut est in*  
*usibus seruulorum, quas nos rustici Galli tripetias, &c.* de Tripode mox.  
 Arcuatæ sedis meminisse Tacitum lib. 15. ann. scribit Pignor. lib. de  
 seruis p. mihi 38. sed verè nulla apud Tacitum mentio sedis cum hoc  
 nomine *Arquata*; id modò legitur eo lib. 15. 57. de Epichari liberta,  
*Vinclo fascia, quam pectore detraxerat, in modum laquei ad arcum sella*  
*restricto, indidit ceruicem, & corporis pondere connixa tenuem iam spiri-*  
*tum expressit.* Memorat arcum sellæ; sed non necessariò sella erat  
 arcuata; tortè .n. summa reclinatorij pars, qua capiti sedentis immi-  
 net, in arcum, siue apsidem curuabatur, ornatus, ac decoris causa, vt  
 nonnullas veterum obseruare est: atque huic arcui cùm fasciam alli-  
 gasset Epicharis propenduli corporis grauitate spiritum interclusit.  
 Cæterum non ineptè possem *Arquatas* vocare sellas, quarum Ana-  
 clinterium, vel pluteus continuò assurgens tabulato in arcum sinua-  
 tur, ac desinit; ac plurimùm episcopales sedes ita deformantur. Sed  
 quoniam Arquatas Arnobij, aut tripetias Sulpicij, rusticanas, ac ser-  
 uiles fuisse nouimus: quid causæ est, cur reclinando dorso eminen-  
 tem illis pluteum appingamus? In priscis tamen monumentis quas-  
 dam deprehendimus ita figuratas; sed molliori curuamine sensim  
 flexas in arcus portionem, vario etiam ludentis fabri ingenio, signis,  
 columellis, parastatis, triglyphis eleganter ornatas: quarum aliquot  
 exempla superius exhibui cap. 13. Arcuatam, ac simplicem magis, in  
 qua sedet Citharistria ante conuiuas fidibus canens profero inferius  
 cap. 29. ex Boissardo parte 4. antiq. p. 145.

*Hemicyclium*, semicircularem sedem, quam Auguris propriam cre-  
 diderunt ex loco Tullij initio libri de amicitia supra examinatam ha-  
 bes; ac penficulatiùs verba Oratoris exposuimus cap. 23. ordinem  
 potius sellarum in arcum, aut hemicyclum dispositarum, quàm ge-  
 nus sedis peculiari ea forma existimantes. Reperimus tamen semi-  
 rotundâ eâ formâ, & quidem sub tit. Pontificis maximi in Tiberio  
 apud Nonn. ad numism. Goltz. tab. 11. n. 3.

Proxime sequitur, non vtroq., sed vno amplius pede sella *Tripus*.  
 Martinus Turonensis Episcopus, regula, ac decus Antistitum hac  
 utebatur tripode sella modicus, & pauper, sed Cœlo diues; superbas  
 hor-



horrebat luxu, ac diuitijs. Sulpicius Seuerus, qui supra, dialogo 2. Sedebat autem Martinus in sellula rusticana, ut est in vsibus seruulorum. quas nos rustici Galli tripetias; vos Scholastici, aut certe tu, qui de Grecia venis, tripodas nuncupatis. Alibi eandem sellam Martini dial. 3. c. 20. sedile ligneum vocat; inde materiam cognoscimus. Noto apud Gallos rusticum verbum illius æui Tripetias. At Scholastici, aut literati præfertim ἑλληνίζοντες dixerunt Tripodas. Latinis Petiolus diminutiuum pedis, πόδιον: ut & pars illa vnde poma dependent, atq. hærent, quam nos Gambo: à triplici igitur pede, Tripetia. Tripodem insidebat Pythia, ut numen conciperet, atque oraculum funderet; siue mensam, siue sedem appelles. Sed Tripus illè futurorum index ex auro, & operosè factus: de qua sede fatidica fari, ac dicere multa multi occuparunt. Redeamus ad viliores vsus, quo modo etiam hodie inter colonorum, & pauperum instrumenta adhibentur, nobis Trespolo. Isid. 20. 11. Tripodes, scabelli sunt habentes tres pedes. Papias, Tripodes, scamnelli sunt habentes tres pedes. Polluci σκίλυθρα lib. 10. cap. 11. quæ sic explicat ἀπὲρ ἐς μικροὶ τρίποδες, quæ sunt parui tripodes. At Hesychio Ταπεινὰ διόρια, ὑποπόδια, humiles sella, scabella. Vterque facit parua, atque humilia. Σκολύθρια autem, non σκίλυθρα appellari debere monet Leopard. 2. 8. emend. quem vide. Eidem Polluci 26. 7. Θράνια, σκολύθρια. Iterumq. 10. 11. θράνιον ex Aristophanis Pluto nobis repetit. Sed non benè meo iudicio interpres Pollucis ea verba Comici ἀντὶ θράνι, εἰ μὴ κεφαλὴ κατεαγός, vertit, Ante sedile urnæ caput confracta; debebat, Pro sedile, urnæ caput, &c. clamat vox ἀντὶ, & locus Comici ingrata Paupertatis dona referens, quæ miser homo ab ea accipit. Inquit autem, pro puluino lapidem, pro pane maluam, pro maza raphanum, ἀντὶ δὲ θράνι, εἰ μὴ κεφαλὴ κατεαγός, Pro scabello urnæ caput effracta. Festiuè depingit nobis Aristophanes pauperrimi homuncionis vilissimam sediculā; fistilis nempe cadì detruncatum capitulum, vbi angustè, atque humiliter sedeat. Alia, quæ ad hoc θράνιον spectant vide supra, vbi de suppedaneo. Omnino igitur Tripodem inter humiliorum instrumenta, & supellectilem facillè parabilem reponimus. Quare Sidon. lib. 4. epist. 24. Maximum describens impacto nuper sacerdotio continentem, ac frugi, deq. vita lautiori, ac benè curata, ad seueram, & moderatam traducto, Coma brevis, barba proluxa, tripodes sella, Cilicum vela foribus appensa, lectus nihil habens pluma, mensa nil

put-



*purpure, &c.* Disce Sacerdotij candidate, & exemplum lucrifac quicumq. ecclesiasticis honoribus intumescis. Ad eam epistolam doctilis. Sauaro ex glossis Isidori Mss. *Tripoda, Tripedia, Scabellum habens tres pedes*: rectè emendans pro eo quod erat, *apud tres pedes*.

Accenseamus his affinia sedium genera, quas ab humilitate, ac minuta forma in vniuersum vocarunt *Sessibulum* Plauti *Pœnulo*. 5. 2. Varroni *Sediculum* memoratur 7. 1.1. Paulus ex Festo, *sediculum, sedile*. Fermè enim *sedile* pro viliore genere. Sic D. Martini tellam tripodem Sulpicius dial. 3. cap. 20. *Sedile ligneum* vocat. Nos prouerbij loco *Far da sedile*, pro quauis postremissima obsequij, ac seruitij demissio-  
ne. *Sedile* autem propriè ea pars, quam sede premimus: quomodo in actis D. Marci vocatur, quæ Henric. Vales. profert ad Eulebij hist. eccles. 7. 19. *In cuius cathedra sedili, &c.* planitie .i. illa lignea, omni exuta fulcrorum, pedum, ornatu, aut instrumento. Hygino *quadratum* lib. 2. de signis stellas enumeranti, quæ in Cassiopeiæ asterismo notantur. *In quadrato* (inquit) *in quo sella deformatur, una, &c.* à figura nempe sedilis, quod ferme quadratum, aut τετράπλευρον. *Tabulatum, Assumentum* vocarem, si lignea sit sedes, item *Mensam, & Pluteum*. Nil mirum igitur, si sedilis, aut sediculi nomen dedere arctis, ac minutis sedibus, nulloue, aut exiguo ornatu. Hinc altum, illinc humilior sedile præscribit Cels. 8. 10. *Homo collocatur alto sedili, medicus autem humiliori aduersus*. Et si nomen *sedilis* vniuersæ sedi, cæterisque etiam sedium liberaliorum generibus conuenire potest.

Cic. 4. ad Att. 9. *Sedeculam* dixit (Græci δισπύλον, Polluci 10. 11.) *Maloque in illa tua sedecula* (inquit Tullius) *quam habes sub imagine Aristotelis sedere, quam in isorum sella curuli*. In Traguriano Fragmento Petronij nuper edito inter alia legimus *artissellum de suo parauit, & duas trullas*. Loquitur de seruo frugi, qui genium suum defraudans, de quotidiano demenso miser comparferat, paupertinam sibi parans supellectilem, artissellum, & duas trullas. Inaudita vox artissellij, vt multæ aliæ in hoc scripro. Quod si *Artissellum* rescribamus, pronum mox erit pro arcta sella, & angusta, atque humili, qualis seruum non dedecebat, interpretari. Nisi aliud vlcus hîc subest, & ἀπό τῆς ἀρτῆς, à pane deducta sit vox; cum enim iungat mox duas trullas, vasa .i. viniaria, id primum curæ esse debuit seruo non improvido seruandi panis, viniq. instrumenta parare. *Artissellum* autem idem sit, ac *Panarium*, vel arca, aut repositorium panis: quasi ἀπό τῆς ἀρτῆς, καὶ σὺλλῆν, *Arti-*



*Artisylum*, *Artiselum*; quòd illic colligatur panis veluti furtiuus, ac diarijs detractus. *Artophorum* reperio apud Athenæum 4. 1. genus instrumenti, aut repositorii, in quo panem gestabant, plexis viminibus, aut virgis, quas illic vocat *ἰμάνας*. Nobis esset *Gerla*, quam ita pariter dictam, sicuti Artophorum, à gerendo pane, quasi *Gerulan* puto. Quod autem ex Petronij *ἀποσπασματικῶν* verbi monstrum inauditi deprompserim, nolim mihi vt vllus apud seueros criticæ rei phrontistas dicam impingat. Estò nasciturorum de hoc fragmento iudicium, quod non pauci minantur: ego interim aio pleraq. illic auctiorem prodere, suumq. referre genitorem Petronium. Talia ipsi lineamenta, tales ductus in saryrico reliquo. Sed multa quoq. fateor dissimilia; quæ à mala fortasse exscriptoris, aut scioli manu, ætatisq. barbarie. Vocabula illic insolentia, & lexes monstrosæ: nec pauca Italicum, ac vulgarem nobis spirantia genium sermonis. Sed recordemur tamen, communes quasdam notiones, sensusque nulli non dedisse naturam, magnumq. mundi codicem explicuisse, atque ingentem aperuisse officinam, ad quam omnes ingenio possint, atq. oculis intendere; obseruatam illic, adnotatamq. rerum dicendarum materiem colligere: Eoque pacto in morum, vitæque humanæ societate, ac similitudine abundè reperire, quod mentem instruat, mox linguæ officio in sermonis copiam, & apparatus effluat. At *sedeculas* quod spectat, vt eò reuertamur, sceminis eæ in vsu frequentiori: non modò vt verecundiùs quiescant, sed apriùs quoque ad pensa domestica colo, acu, stamine exequenda. Talia fuisse *Seliquastra*, vel *Siliquastra*, aut *Solliquastra* (vt variè appellant.) Simile verò est muliebri potissimum sessioni. Sic in *ἀσποθεσίῳ* sedentem locarunt Cassiopeiam. *Astronomi*: quæ ideò *Mulier seliquastri* ab Arabibus dicitur. De seliquastro autem plura diximus cap. 10. At muliebris sellæ mentio apud Sueton. cap. 6. Othonis: *Tunc abditus properè muliebri sella in castra contendit*. Si abditus Otho, liquet fuisse adopertas hasce sellas, pudoris, & modestiæ causa: quales *δίππος καταςίγυς* vocant Græci; atque hodie nobis in vsu promiscuo, seu veste, seu corio obducantur, fenestellis, plagulis, specularibus additis. Harum primus inuentor, aut saltem adhibendi studiosus inter viros Claudius Imperator, si Dionis fides lib. 60. p. 665. *δίππος καταςίγη πρῶτος Παυδίων ἐχρήσατο* *Sella operta primus Romanorum usus est; vbi δίππος, Lestica non bene vertunt, quoniam diu ante lestica tecta Romanis in vsu, nec primus adhi-*



adhibuit Claudius. Iusta notauit censura doctum alioquin interpretem Iustus Lips. 1. elect. cap. 19. vbi exactè persequitur lecticæ, ac sellæ differentiam. Indicare non desino hanc sellam operam Consulibus deinceps, & consularibus fuisse adhibitam, postquam Claudius primus vsurpauit. Dio inibi καὶ ἐξ ἐκείνης καὶ νῦν ἐχ' ὅτι οἱ αὐτοκράτορες, ἀλλὰ καὶ ἡμεῖς οἱ ὑπατευκότες διπροφορέμεθα. *Inde & nunc non Imperatores, sed nos quoque, qui Consulatum gessimus sellam (operta) vehimur.* Alioquin mollior habita ea lectio, vel supra mulieres delicias, ac tantum non vitio versæ eidem Claudio, nisi quatenus infirmitate corporis excusabatur, V. Dionem. Hodie nobis frequentissima: ac sine adiuncto *Seggiola*, hoc est sellula, aur sedecula, & *andare in seggiola*. Pergit Suetonius d. cap. 6. *Ac deficientibus lecticarijs cum descendisset, &c.* Vocat lecticarios etiam eos, qui sellæ subiuncti forent, communi nomine tam eorum, qui lecticam succollarēt, quàm qui sellam veherent. Noluerunt *Sellarios* appellare, cuius vocis alia vis est. V. Lips. eo loco. Mentio lecticariorum l. 47. de legatis 3. & Paulo 3. sent. 7. atq. hi ferme serui. Pignorium adi erudito opere de seruis pag. mihi 130. & 208. Lips. ibid. sella circumlatas foeminas, & quidem a lecticarijs docet Sen. 2. 14. de tranquill *Quid refert quantum habeat, quot lecticarios, quam oneratas aures, quam laxam sellam.* Et arctiores enim, & laxiores sellæ pro diuitiarum modo; sic paucioribus, sic pluribus opus, qui veherent. Quare *Hexaphoros*, gestatorium, quod *sexta cernice*, (vt vares loquitur) ferri solebat, tam de lectica, quàm de sella, aut cathedra vsurpatur: aliàs duo gestores sellæ sufficiebant. V. Lips. ibid. de Ogulnia Iuuenal. sat. 6.

*Conducit comitem, sellam, ceruical, amicas.*

Alia duo Senecæ testimonia profert idem Criticorum maximus. Ad-do Lamprid. Heliogab. 15. *Ania sua ad Senatum vocata, & ad sellam producta*, vbi Salmas. *Perducta* legit; *perducere ad sellam*, pro sella perducere. Sic nos *condurre a cavallo*: *andare*, e *condurre a piedi*; ad equum, ad pedes, pro, equo, vel pedibus, &c. At nomen Cathedrae, etsi commune ad omne sedium genus, speciatim ad muliebres sellas traducitur, quo respectu Iuuenal. eâ satyra, *molles* appellauit cathedras. Mart. 3. 63.

*Inter fameas tota qui luce cathedras*

*Desidet.* Phædrus 5. *In cathedra matris.*

De Aria inuicti animi foemina Plin. 3. ep. 16. *Dum hec dixit, exiliuit cathe-*



*cathedram, aduersoq; parieti caput ingenti impetu impexit.* Propertius 4. eleg. 5.

*Supplex ille sedet, posita tu scribe cathedra.*

*Quid liber, has artes si pauet ille, tenes.*

Ad quem locum fusa, ut solet illustratione Passeratius: ex quo proficit Pignor. de seruis pag. mihi 210. quod verò uterq. apud Horatium lib. 1. satyr. ult. probat.

*Discipulorum inter iubeo plorare cathedras.*

Non tam mihi certum est, quin placuerit pro sequiori sexu virilem reponere, legendo *Inter discipulorum, &c.* Serui, vel pueri, qui has cathedras gerebant, ab officio *Cathedrarij*: sed & *Lecticarij*, ut diximus. Alij sunt ab his *Cathedralicis* ij, quos Martialis 10. 13. vocat *Cathedralicios*.

*Cum Cathedralicios portet tibi rheda ministros.*

Delicatos .i. ac teneros, quasi femellas, non viros. V. illic Rader, & Turneb. aduersar. 30. 30. nisi malis, quoniam in cathedra sedentes intra rhedam posita vehebantur. Arrideret & Cathedralicios exponere, quoniam assidui, atque officiosi circa mulierum cathedras praesto forent, neq. ab earum cathedra, aut lectica recederent, quales vocamus *Paggi di Valigia*, qui fermè molli, ac delicato cultu. Sed quando foeminarum est libenter prodire, ac per urbem circumferri, ut ambitiosè spectentur: quæ ambulatrices proinde, ac securuleiæ nonnunquam audire solent; non miror in sellis à foeminis parum custoditæ pudicitæ venereos fuisse expectatos aduentores. Iamdiu ad Plautum adnotarunt viri docti: locus est in Pœnulo actu 1. sc. 2. vbi Adelphasium meretrix cætera suæ artis viliora capita *Prosedas* vocat à prosedendo, quoniam ante lupanaria, & fornices sedeant, veluti specimine appposito, quo licitatores inuitent. Paul. ex Festo, *Prosedas*, Meretrices Plautus appellat, quod ante stabula sedeant; ea sunt autem Plauti verba.

*Prosedas, pistorum amicas, reliquias alicarias*

*Miseras, cæno delibutas, seruilicolas sordidas,*

*Quæ tibi oleant stabulum, statumq; sellam, & sissibulum merum.*

Fest. Sicut ea, quæ ante stabula sedebant, dicebantur prostibula, in ver. *Alicaria*. Baruch 6. 42. *Mulieres autem in vijs sedentes, &c.* V. Roam 6. 6. sing. locor. f. f. p. 2. notatq. ex Herodoto, ac Strabone. Horsum trahunt, & illa Hieremiæ cap. 2. *Vbi non fuisti vitiata? Iuxta vias sedi-*

Q

disti



*disti illis:* Tertull. de cultu foeminarum. *Thamar illa, quia se expin-*  
*xerat, idcirco iusta suspicioni visa est questui sedere.* Adde quæ notat  
 Cerda aduers. sacr. cap. 181. de mulieribus menstruatis ad Isaï cap.  
 64. ex LXX. interpp. Iuuen. sat. 3. 135.

*Cum tibi vestiti facies scorti placet, haeres,*

*Et dubitas altâ Chionem deducere sella?*

Interpretari licet de sella, qua meretrix illa, cui nomen Chionê altrè  
 vehabatur per urbem. Sed magis placet sellam dicere, vbi amasios  
 maneret. Vocat fortè an *Altam*, vt lupam demonstret non tam cur-  
 ti allis, aut vulgaris indicaturæ: ita exponerem, nec abhorret sensus,  
 & iunctura sermonis. Vetus Scholiast. ibi. *Deducere sella, inde sellaria.*  
 Intelligit (puto) nomine *Sellaria*, vel lupanaria, vel meretrices ipsas.  
 Altum sedile foeminæ alioquin frugi, & antiquæ paupertatis tribuit  
 Naso fragm. medicam. faciei.

*Cum matrona premens altum rubicunda sedile*

*Affiduo durum pollice nebat opus.*

Vbi *altum sedile* exponere licet, quasi tubmotum, & inaccessum ve-  
 teri illa pudicitiae custodia. Quo sensu nihil minus conuenit cum  
 Iuuenali. Vel *altum*, h. e. inconcinne, & incommode factum, ijs mo-  
 ribus, & seculi imperitia, humiliores quippe sellæ, opportune magis,  
 & commodæ ad quiescendum. Sunt qui pro *Sella* substituunt *Cella*:  
 quod Farnabio non displicuit, nec Pignorio de seruis p. mihi 137. qui  
 fatetur, se nescire, quæ hîc sit Alta sella, Cellamq. non inuitus repo-  
 nit; vt *Alta* nempe *Cella* sit fornix. Sed cur alta vocetur sella, supe-  
 rius dixi; cur ita sit vocanda cella, non illicò sum dicturus. Vox enim  
 ipsa *Cellæ* locum signat angustum, & humilem, quod notissimum, &  
 protritum est. Idem Iuuenalis eas libidinis mansiunculas vocat *Te-*  
*getes*, opponitq. cubili Palatino sat. 6. 117.

*Ausa Palatino tegetem praferre cubili.*

Quis nescit tenebricosa, olentia, ac subterranea plerumq. fuisse ea-  
 gurgustia obscœnitatum, & latitando facta? Adeò vel auctores fla-  
 gitium ipsi suum occultare cupiunt. Seneca pater controuer. lib. 1.  
*Fornicis fuliginem* appellat, ac filius de Vita Beata cap. 7. voluptatem  
 describit *latitantem sapius, ac tenebras captantem circa balnea, ac sudato-*  
*ria, ac loca adilem metuentia*: inter quæ omnino fornices, & luparum  
 stabula. Quid est ergo, cur altitudinem ijs cellis, & cothurnum appo-  
 namus? Quòd si liceret veteri, & iam confessæ lectioni manum  
 in-



inferre, fortasse ex ingenio quis pro Alta, reposuerit Arcta.

*Et dubitas arcta Chionem deducere sella.*

Et arctæ namq., & laxiores sellæ muliebres, quod supra docuimus: illæ magis decent scortilla sordentia, & famelica, misera libidinis publicæ mancipia. Sed & arcta cella, nil disconuenit, potius quàm alta. Ad hunc autem sedendi morem respicere potuit Seneca 1. de Benefic. cap. 9. *Rusticus, & inhumanus, & mali moris est, si quis coniugem in sella prostare vetuit, & admissis inspectoribus vehi undiq; perspiciam.* Alia vide apud VVouerium ad Petron. & Colerum parerg. cap. 8. quos laudat Taubmann. ad eum Plauti locum. Neq. tandem alienum penitus est, quod Tiberius Princeps *sellariam* excogitauerit, arque ita vocauerit in secessu Caprearum, *sedem arcanarum libidinum.* Suet. cap. 43. Tales, opinor, quæ Plinio memorantur in domo aurea Neronis lib. 34. cap. 8. *Violentia Neronis in Urbem coniecta, & in sellarijs domus aurea disposita.* Scholiastes Iuuenalis sup. satyr. 3. 135. *Deducere sella, inde sellaria;* hoc est lupanaria, & loca sellis meretricum confita. Popinas sellariolas vocat Martial. 5. epigr. 71. de Syrisco.

*In sellariolis vagus popinis.*

Notauit Torrent. ad eum Suetonij locum Tiberij cap. 43.

Turpitudine non abtoluo sessionem meretriciæ affinem, qua salatriculæ, aut circulatrices scemina oculis sese vulgant aliud in foro sedentes. De Theodora Iustiniani scribit Procop. *ἀνὰ*. quod Ienoniam fecerit fororij dedecoris ministra, ac pedisequa: Comitonam nempe sororem in triuijs, ac pulpitis ætatis florem corruptentem, quacumq. sequebatur, suis ipsa humeris sellam, siue scabellum ferens, vbi eadem Comito sederet? *ἔαθρον ἐπὶ τῶν ὤμων αἰεὶ ἔφερεν, ἐφ' ἧς ἐπερ ἐκείνη ἐν τοῖς ξυλλόγοις καθήσθαι ἐπέσθη. Scammum humeris semper ferebat, in quo illa (Comito) in congressibus sedere consueuerat.* Verba sunt Procopij tota illic probrorum plaustra euomentis in Theodoram Imperatricem pag. 41. β' ὅρον vocat eam sedem historicus, quam Nicol. Alemannus in notis pag. 31. *subsellium* vertit, atque inter *ὀκλαδίας* reponit, sedium genus plicatillum, de quibus nos infra cap. 26. Quem morem circumferendi eas sellas paulò post tempora Procopij cur desisse dicat, non video. Cum adhuc hodie in comitatu Principum, ac dinitum earum sellulæ plicatiles circumferantur; fermè tripodes, nunc laxari, nunc contrahi faciles.

Viri quoq. in foro, aut alibi publicè mercimonia vendentes, non



tantum fœ minæ, quæ pudorem, ac pudicitiam, sellarum vñ præsidio. Hinc noui fœderis paginâ apud D. Matth. cap. 21. Christus Dominus, *Cathedras vendentium columbas evertit*. Scio hæc verba ad mysticum sensum trahi ab antiquis patribus Hieronymo, & Ambrosio: neque tamen diffidendum est suas fuisse sedeculas, aut cathedras in foro vendentibus; necessarium proinde minus est de Cathedris Doctorum in templo docentium interpretari, quas columbarum venditores occuparint. V. Doctiss. Maldonatum. Fermè enim sellularij esse solent viliorum artium professores; multò autem magis sordentes propolæ, ac Dardanarij assidua mora opperientes licitatore; quòd si standum iugiter illis foret, tædio, & lassitudine marcerent. Atque hoc in causa, cur Athenis vetitum, ne piscium venditores sederent: vt eo pacto citius empurientes dimitterent, ac piscis tum foret recentior, & mare saperet, tum pretia minus intenderentur à piscarijs, quos ea standi mora edomaret. Veteri lege Aristonici id sancitum, quam refert Alexis Comicus apud Athen. lib. 6. 2.

————— μὴ πωλεῖν ἐν καθημένους  
Τὸς ἰχθυοπώλας. διὰ τέλους ἐσηκότες.

————— Ne venderent sedentes

Piscarij, perpetuò autem stantes.

Adi Lud. Nonn. de re cib. 3. 6.

At communes fœminis, virisq. cathedræ, quibus gestarentur, nisi quatenus muliebres occlusæ magis, puto etiam, ornatae. V. Lips. d. lib. 1. cap. 19. elect. ac supra innuimus. A gestando, ac ferendo *Gestatoria* sellæ, *Fertoria* dicebantur, & *Portatoria*, ac neutro genere *Fertoria*. Suet. Ner. cap. 26. *Interdiu quoque clam gestatoria sella delatus in theatrum, &c.* liquet fuisse opertam, ac veluti muliebrem, si clam deferabatur; quomodo de Orhone cap. 6. *Quòd abditus properè muliebri sella in castra contendit*, & Vitell. 16. *Continuò igitur abstrusus sella gestatoria, &c.* Cælius Aurelianus haud semel meminit inter veteres medicos apprimè doctus, elegans, eruditus: omnino dignissimus, quem artis Asclepiadicæ terant alumni, nemo literarum amans ignoret. Loca tibi indicabo, & fidelius, & plenius, quàm alij attulerint, siue Pignor. lib. de seruis, siue Barth. aduersar. Igitur tardar. passion. lib. 1. cap. 1. scripsit Cælius (si tamen is est auctor, & non I. Cælius Arrianus) *Antè cibum præterea erit adhibenda gestatio, portatoria. f. sella sine vehementi motu, & ib. adhibenda igitur vestatio pro viribus*



ribus agrotantis *Fertorio*, vel *sella procurata*. Idem videtur esse *Fertorium*, ac *sella fertoria*, ut inferius vocat cap. 5. sed quomodo distinguit à *sella procurata*? Ego nomen generis puto *Fertorium*, ut *φορτίον* Græcis, pro quocunq. gestatorio agris commodo, ac præcipue lecticula, in qua ad medicum olim ipsi agrotantes portabantur. *Procurata sella* Barthio aduers. lib. 41. 25. est ad id commodè instructa, & necessarijs omnibus curata, *Fatta à posta*. Quod ut non abnuerim, ira nil prohibeor *Procuratam* exponere, *Promptam*, *prouisam*, *curatam*. Sic nos, *Procurata*, *Prouisa*, &c. Non pauca sunt in eo auctore, quæ nostris respondent: nec ignobile illinc glossarium excerpere liceat, tum ad Latinarum, tum ad Italici sermonis lucem. Idem Cæl. cap. 5. *Adhibenda gestatio, primò ex lectulo pendenti, tum etiam fertoria sella*; iterumque. *Primò gestatoria sella, tum vehiculo manibus actò*, & lib. 2. cap. 1. *Tum gestatione corpus mouemus pro virium modo fertoria sella, sine cathedra, tum longiore vehiculo manibus actò*. *Fertoriam sellam* a cathedra seiungit; quasi *fertoria* sit communis, & vulgaris; *cathedra* honestior, atque instructior. Vides quot modis hæc sellas describat, ac nominet, & in usum agrotorum producat. Celsus lib. 2. cap. 15. quod est de Gestatione *scamnum* vocat, non sellam, in quo agrotus gestetur. Alij veteres medici lecticas potius, quàm sellas aduocant gestationis causâ. Sed illæ omnino commodiores, quando in ijs promptum est aut sedere, aut decumbere, ut libuerit. Norat ex Anthyllo, & Aetio doctiss. Mercurialis gymnast. lib. 6. 10. vbi de gestatione. V. hunc & 3. 11. Sed gestatoriæ mentio & 2. Macab. 3. de Heliodoro, *Eumq; multa caligine circumfusus rapuerunt, atq; in sella gestatoria positum eiecerunt*. Sidon. lib. 8. ep. 8. *Eboratas curuleis, & gestatorias bracteatas*. Apparet gestatorias hæc sub auro, aut argento fuisse, bracteisq; inductas ad usum beatiorum; ponit namque inter potentum, ac nobilium sedes: ac peculiaris planè dos, ebur in Curulibus, aurum in gestatorijs. Non displicer tamen, quod Sirmondo hîc visum, non bracteatas legere, sed trabearas; illustri scilicet cortectas, atq; instratas operimento. Respuit toto fastidio rò *Trabeatas* eruditiss. Sauaro. Ammian. 29. *Indefensi ad supplicium sellis gestatorijs ducebantur*. Ex quo loco obleruat Pignor. de seru. p. 136. reos tormentis afflictos raptari ad supplicium in ijs sellis. Addo Tacit. 15. 57. de liberta ad cruciatum retracta, *Gestamine sella* (nam dissolutis membris insistere nequibat) *vinclo fasciæ, &c.* Pro sede Apostolica, aut Pontificia posuit Ennodius, quem



quem laudat Saurio, nunc ad gestatoriam sellam Apostolicæ confessionis, vel admittunt limina candidatos. Fortè, quoniam eâ ipsâ gestabatur Pontifex, & mox conquietens admittebat candidatos. Tacit. lib. 11. ann. cap. 33. *In eodem gestamine sedem poscit, sumitque.* Vbi summus enarrator Lips. *Gestamen*, exponit sellam gestatoriam. Non video quî assentiar itatim inclyto viro. Gestamen namq., tum de sella, tum de lectica (Græcis aptè ποσειδον), tum de vehiculo exponas. Sed quoniam sella gestatoria à Claudio in vsum deducta primùm fuit; eamce ipsam fuisse credit Lipsius, in qua Narcissus libertus (de quo ib. Tacit.) vnâ cum Principe Claudio sederet. Atqui diserrè alibi idem Historicus demonstrare solet quale fuerit id gestamen, vt lib. 14. cap. 4. *Agrippinam, &c. gestamine sella Baalos peruectam, & 15. 57. sup. ad eosdem cruciatus retraheretur, gestamine sella, &c.* & lib. 2. 2. de Vonone, *quoties per vrbes incideret lectica gestamine, &c.* En vt distinguit, nunc lecticæ, nunc sellæ gestamen. At lib. x1. infinitè loquitur, atq. in incerto relinquit, contentus dicere, *In eodem gestamine;* leu vehiculum, seu sella fuerit: non enim lectica, quoniam illic iacebatur; Narcissus autem in eodem gestamine *sedem poscit, sumitque*, quomodo Tacitus narrat. Est igitur gestamen non vnus significatus, quemadmodum gestatorium Ver. gloss. Mf. *Gestatorium, instrumentum quo quis portatur.* Aduertit quoque Lipsius in vno gestamine plures fuisse sellas: quod idem est eius verbis, ac in vna sella gestatoria plures alias fuisse sellas, quoniam Claudius, ac Narcissus simul sederunt eodem gestamine. Imò namq. (nisi absurdè concipio mentem Taciti) etiam quatuor in eodem gestamine confidere potuerunt: Claudius, & Narcissus, vt diximus; itemq. L. Vitellius, & P. Largus comites eiusdem Claudij, à quibus (*nedum in urbem vehitur ad penitentiam à L. Vitellio P. Largo Cicina mutaretur*; inquit Tacitus) ideò Narcissus cauet, in eodem gestamine sedem poscens cum Claudio; vt alloquia, & monitiones eorum præsentia suâ interciperet; tanquam si ipsi quoque simul ita veherentur, vt sermones conferre mutuos, ac de re summæ auctoritatis etiam in aures consulere commodè possent. Sed nihil certi constituo. Quòd si Lipsiana placet interpretatio gestamen illud, consimile erat nostris sedibus, quas vocamus *Lerighe*; nisi latiores crediderimus, vbi duo assiderent eodem latere. Cæterùm lecticæ nostræ (quas verius Balternas appellare debemus) tunc opinor nondum cognitæ, cùm scripsit ea Tacitus de Claudio. Saltem

non



non quomodo nos hodie subuinctis mulis, aut equis; serui enim succollabant, ac sella tum vocitata, quæ vel sex gerulis tolleretur. V. eundem Lipsium r. elect. 19. Adscriberem itaque gestatorijs sellis nostrates basternas, quas tamen haud habuit incognitas vetus auctor epigrammatis in collectione Pithæana eleganter describens. V. Pignor. 209. de seru. qui affert, atque explicat; Salmaf. ad Lampridij Heliogab. cap. 21. Neque alio nomine, quam sellæ has ipsas basternas (nisi fallor) iudicauit Tertull. lib. 2. ad vxor, *Vnde nisi à diabolo maritum petant bonum exhibende selle, & mulabus*. Iungit igitur, ac subiungit mulas sellæ, vt basternam instruat.

Num tandem gestaminis nomine apud Tacitum, Rheda, aut vehiculum duci possit, sustineo decernere: commoda alioquin, vel quatuor foret sellio, quæ incommodissima, si duo tantum confiderent humeris gerulorum vestri. Insolens, inquis, & audax, si in eandem Principis sedem assessorem sese intrusit libertus. Sed insolentissima gratia valebat Narcissus apud Claudium, quod notissimum est ex historijs. Ductabatur namq. veluri bubalus naso, tum Narcissi, tum Pallantis arbitrio stupidus Princeps. Addatur occasio eius facti. Trepidabat tunc Claudius de amittendo tum imperio, tum vita sollicitus: non aliam spem incolumitatis affirmat Cæsari libertus, *quàm si Ius militum vno illo die in aliquem libertorum transferret: se, seque offert suscepturum* (verba Taciti). Rem suam agebat igitur Narcissus; vtque in ea spe, atque officio teneret Claudium, in eandem sellam se condidit, præsertim in ea trepidatione, ac discrimine, cum licent, quæ non licent. Eo pacto tepidi iecoris, & stupendæ ἀβελήας Principem callidus libertus assidua hortatione lactabat, ne proposius abscederet. Ac proinde, *ne dum in urbem vehitur (Claudius) ad penitentiam à L. Vitellio, P. Largo Cacula mutaretur; in eodem gestamine (Narcissus) sedem poscit, sumitque*. Cæterum gestatoriam sellam vni tantum vehendo aptam alioquin crederem, quomodo vtimur hodie: si plurium olim capax, miror tam siluisse scriptores. Quod si nostras hasce coniecturas, aut obseruationes, quas trepidi, & Claudio similes attulimus, quisquam non prober; nec super adfidente Narcisso assessor nobis esse velit, sine fraude illi esto. Vtq. facilius eluere liceat, si quid in hoc capite minus purgatè scripsimus, cum his gestatorijs ad balneum iam propere-



## CAPVT XXV.

Sella balnearis. Sellæ pertusæ: earum usus. Alueus. Solium balneari. Descensiones. Cella soliaris. Solij sigma. Aquæ costiles. Concaua sedes. Sella tonsoria: eiusque figuratio expensa. Ancones. Braccioli. Sella puerpera, vel obstetricaria. δίφρος λοχῆος. Suidas, & Artemidorus examinati. Eius forma. Sella νυμφικὴ: qua sponsa vehebantur.

**I**ulius Paulus lib. 3. sent. cap. 7. *Mundo muliebri legato ea cedunt, &c. item sella balnearis, &c.* eodem tit. inter instrumenta balnearia ponit *scamna, & hypopodia*: vulgò legitur *Hypodia*, & Cuiacius retinuit; sed malo hypopodia; ita conuenit ex vocis structura. ὑποπόδια, hypopodia sunt suppedanea, quæ cum scamnis meritò coniungit I. C. ac nos infra docebimus cap. 28. Hinc mentio tot sellarum in balneis publicis, siue thermis. *Mille sexcentas è marmore ad usum lauantium paratas* tradit Olympiodor. in excerpt. de thermis Antonini loquens, εἰς χρίαν λαομένων καθέδρας παρακαμένας χιλίας ἑξακοσίας ἐκ μαρμάρου. Sedium figuræ, quos non tam in balneis lauare, quàm in gymnasijs, atque exedris dilputare credebamus, exhibentur cap. 23. Atqui de priuato balneo Sidon. 2. 2. ep. *Tot possit recipere sellas, &c.* Inter has quædam pertusæ, quales vocat Cato de R. R. cap. 156. Cassiodor. 2. variar. 39. aperturam describens, *In absidis speciem perforatur*. Formam sellæ sup. tradidimus cap. 20. vbi de Pontificia. Nonnihil huc pertinens isthuc vide. Ea autem apertura, aut cauitas in duplicem usum: siue vt aqua sedenti infusa perfugium habeat paratius vnde effluat: siue vt illinc ascendens vapor haurientem foueat sessorem. Notauī locum sup. in Carone, qui de seruefacto lotio agit sub pertusam sellam locando, vt inde euaporatio concipiatur. Cassiodor. d. epist. 39. Aponi fontis amœnissimam exequens descriptionem. *Iuxta caput fontis scintillofi quendam sibi meatum prouida natura formauit. Hinc desuper sella composita, quæ humanis necessitatibus in absidis speciem perforatur egros suscepit interno humore defluentes: vbi dum fessi nimio languore confederint, vaporis illius delectatione recreati &c.* Hæc sella neoteris medicorum filijs *Vaporarium* appellari scribit Cl. Io. Rhodius ad Scribon. Larg. cap. 193.

Acci-



Accipe sedis balnearis aliam speciem, nisi mauis reclinatorium, aut fulcrum appellare, vbi quidam aut innixus, aut sedens strigilem patitur mediastini sordes destingentis, cutemque scabentis quam ualentissimè. Ea est apud Boissard. p. 2. vbi de thermis ex marn. ore Iulij Roscij cum Inscriptione *Genio lauacrorum Metelli*. V. n. 49. Obseruare est hîc substratam vestem, qua corpus detergetur; aut ne incumbens elabatur scabro, vt apparet, ac rudi impositum stragulo; aut potius quo strigmenta eò recipiantur ad sedis munditiem. Inter balneares sedes repono quoque *solium*, quod dixere aut *Alueum*. Fest. in folio, siue follo. *Aluei quoq; lauandi gratia instituti, quò singuli descendunt, Solla dicuntur, quæ à sedendo potius dicta videntur, quàm à follo;* quæ magni grammatici verba non puto sanissima: mederer, *In quos singuli descendunt*. Sic Plinio 20. 17. vocatur *Descensio*, vbi de heraclio herba, *ad scabiem, pruriginem, psoras in descensione balnearum*. Ne pos illius elegantissima epistola ad Apollinarem in descriptione villæ Tusculanæ, vbi de cella caldaria, *preminent enim in hac tres descensiones, &c.* lib. 5. 6. Scaliger in ea Festi voce, *Soliar* mauult, quàm *solium*. In thermis *Cellam soliar* dixit Spartian. in Caracalla cap. 9. *Solium* id balneare plures capiebat, vt sua ætate Aruernorum antistes, describit Sidonius, qui formam illi semitotundam, capacemq. tribuit in ea elegantissima epist. 2. libri secundi, *Excepto Solij capaxis hemicyclo;* iterumque appellat *sigma*, figurâ nempe stibadij tricliniaris, quòd tunc in vsu ad discumbentium plures recipiendos. *Tot possit recipere sellas, quot solij sigma personas.* Est sigma arcus, aut semicirculus, Græci elementi sigma imitatione. V. Sauiar. ad hunc locum; Lips. antiq. lect. 3. 1. Salmas. ad Lamprid. Heliogab. cap. 19. Hoc autem solium, aut sigma collocat Sidon. in cella caldaria, siue vt ille vocat *Aquarum coctilium*. At in cella frigidaria, non solium, sed sellas vocat; totidemq. in hac statui iubet, quot personas recipiebat in caldaria hemicyclium: quasi equidem apparatus, aut commoditas maior requireretur, vbi frigida lauarent, distinctis cuique sedibus, quàm vbi mistim in folio caldarie fouerentur. Proprie namque solium in caldaria, aut tepidaria cella. V. Lucian. in Hippiâ. Eiusdem formæ intuitu concuam sedem aliàs dixit Sidonius, quod idem est ac Hemicyclium, aut sigma 2. ep. 2. *In concua Municipij Camerini sede compressus*. At frigidaria Græcis *κολυμήθρα* à natando, Latinis *Piscina*. Lamprid. in Seucro, *vt Caldaria, vel nunquam, vel raro, piscina semper*



*uteretur.* Addo Vopiscum in Carino cap. 17. *cap; in piscina usus esset.* Salmast. ibid. Dubius hæreo, num pro solio ad lotionem accipiam verba Catonis R. R. cap. 10. ubi villatica præscribit utensilia, quibus rusticorum casa instruatur *Scabillia tria, Sellas quatuor, Solia duo, lectum in cubiculo unum, &c.* Ponit namque solium in supellectile: ac meo iudicio sedem intelligit rudem è ligno totam, nulla compage, atq. ornatu, proceræ forsan staturæ, ac firmiùs hærentem; à sellis subinde distinguens, ubi nonnullum artificium, & minor moles, adiportatus commodior. Vix est enim, ut *solum* pro vase intelligam, ubi artus fessos, agrestique opere puluerulentos eluat; collectisq. ad trapetem, & lacum sæcibus, fracibusq. emundet. Qui tantus fossori, aut aratori ad lauandum apparatus? Rimosus testæ fundus, aut gallinarum labrum, ne dicam grunnientium aqualiculus pro omni solio ad manuum, pedumque breuem munditiem illi est. Quòd si lautius, aut purius totum se diluat, non deest collectus vlginis riuus, aut imbris in via conceptabulum, vel amnicus tandem gurgis, ubi vel pecudes, vel feræ & aquantur, & lauant.

Sed cum solio, & aqua, ne diutius mihi clepsydra effluat, relictis balnearibus in alias immigro sedes: quarum tamen & cum balneis, atq. inter se mutua est affinitas, quòd curam corporis, munditiem, ac fomentum respiciant.

Sellæ tonsoriæ meminit Cælius Aurelianus, siue Arrian. tard. pass. lib. 2. cap. 1. *Consilium dabimus, ut sellæ tonsoriæ sedeant agrotantes, quæ sit obliquis anconibus fabricata, quibus incumbentes sese leuare nitantur, &c.* Ex quibus verbis apparet peculiaris structuræ, & satis tunc cognitæ fuisse hanc sedem tonsoriam. Ancones autem sunt fulcra, ubi brachia reclinamus, nobis *Braccioli*, de quibus inf. cap. 30. Iubet autem Aurelianus, ut hæc sella tonsoria, in qua collocantur paralyti affecti obliquos, non rectos habeant ancones. Crediderim itaque figuratam sic fuisse hanc sellam, ut fulcrum, aut pluteus, in quem dorso incumbimus, non assurgeret supra caput sessoris, ne opus impediretur illius, quo tondente grauis iuueni barba personat. Eamque ob rem humilis foret sella, ut opportunior eiusdem imperio subijceretur. Obliqui autem Ancones ij sunt, qui non ad angulum normalem sunt infixi, & hærentes, sed à summo pluteo sensim in prouum deuergentes acutum constituunt. Ea quippe figuratio aptissima, ut sedentes ægroti innitantur, atque incumbant toto brachio: quod pariter à natura



tura ita factum est, ut ab humeris in recline flectatur: Id autem non contingeret, si ancones recta secarent impacti pluteo, vel arrectarijs sellæ tigillis. Haud absimiles (opinor) nostræ sedes plicatiles antiquioris consuetudinis, quibus latior Zona pro fulcro humerorum, nec supra ceruices sedentium productior. Ancones verò (vti dicebamus) in summo crassiores paulatim gracilescunt, ac descendunt, molliter in medio sinuosi, iterumq. paulò exstantes resima extremitate: sic enim radius, vlna, manus, quam aptimissimè incurbunt.

Pudeat eas sellas præterire, quibus nascendi sortem debemus, & nostras veluti obstetrices ingrato silentio transmittere *Puerperas* sellas appellare possumus: quomodo Ouidius ἐπιθίτωσ Verba dixit *puerpera* 10. Metam. *Obstetricarias* etiam satis aptè: Græci δῖφρος λοχαίης, & λοχαίης. Suid. λοχαῖοι δῖφροι, οἱς πρὸς τὸ τιθεῖν ὀψέ χρωτάιαι γυναῖκες. *Puerpere sella*, quibus in partu mulieres utuntur. Ociosum est mihi verbum ὀψέ; nisi serò tandem fuisse inuentas, atq. adhibitas, olim incognitas sentiat Suidas. An forè innuitur alijs sellis vfas fuisse primum vtero gerentes, aut parturientes, ne motu, aut succussu venter laboraret: alijs (ὀψέ) vltimò, ac tandem in ipso enitendi, aut partionis actu, quas λοχαίης dixere? Ante Suidam Artemidor. Daldian. de somniorum euentibus somnio 73. ijsdem verbis, quibus Suidas excepto τῶ ὀψέ. Visa est mulier quædam, quæ filios sibi gigni optabat videre δῖφρος λοχαίης (obstetricarias, seu puerperas) οἱς πρὸς τὸ ἀποτιθεῖν χρῶνται αἱ γυναῖκες, quibus ad pariendum utuntur *famine*, &c. quanquam hæc verba (opinor) à manu glossographi in textum irrupere; cum .n. δῖφρος λοχαίης nominauerit Artemidorus, Oniroscopum, non Grammaticum agens, quid erat, cur subijceret, quibus utuntur *famine* in pariendo? An credimus generali nomine fuisse appellatas λοχαίης sellas quascunq.; vbi inter sedendum, atq. iacendum recumbimus, atque adeò non soli puerperarum vsui destinatas? Opinioni meæ fauet Hesyech. qui à reclinando, atq. incumbendo vociratas monet, quoniam in ijs puerpera reclinis iaceret λοχαῖος, κλινόμενος, & λοχαῖος δῖφρος, quoniam ibi λοχέυσα reclinatur. Vt non immeritò apud Artemidorum addita sit ea verbi explicatio, ne quis eas sellas de alijs, quàm de puerperarum accipiat. Antiquam illarum figuram saltem apud Orientales adnotare est, dum rotæ figuli assimilant. Quare Hebræis Haounaim appellatur הַאֲוֵנַיִם cap. 1. Exodi. Eam autem rotam ex duobus



bus lapidibus veluti molaribus, ac rotundis compingebant, quorum superior, ac minor moueretur in gyrum, inferior & maior immotus confisteret. Est autem Haounaim rota figuli: cuius mentio Hieremiæ 18.3. Omnino cōsule Lexicon Chaldaic. Io. Buxtorfij p. 2319. & 2561.

Sed ille tamen oblatam salebram minimè submouet: in qua dum hæreo, opportunè bonus mihi fauet Mercurius, cum per hoc æstiuos dies Florentiæ immorantem consulo doctissimum, atq. eruditiss. B. Erbellottum, dedit cui (Nasonis loquar Musa)

— centum Deus ora sonantia linguis

Ingeniumq; capax, totumq; Helicon.

Tria ille me docuit orientalium præcipuè linguarum, rerumq. experientissimus. Primò sellam eam perpetuam Hebræorum, non à lapidis voce siue *Aben*, sed potius ab altera notissima *Ben*, hoc est *Filio* deduci: quadrat autem id parturientium sessioni, & loco Exodi aptissimè. Secundò sellam exponi posse utrobq. tam in Exodo, quàm in Ieremia, illic parturientium, hic figulorum, omni seposita rotæ similitudine: ac retento etiam communi etymo, figuram illarum plurimè fuisse, quod Chaldaicus monet interpretes. Tandemq. eā formā, quā sellæ stercorariæ, aut balneares (de quibus supra cap. 20.) quo pacto à nostratibus, ac vulgaribus vtero se leuantium non dissiderent. Hæc sine mora edidit Erbellottus, cum festinanter sciscitarer (& si fufus ille, prolarisq. rationibus, ac testimonijs) raptim Bononiam mittenda ad interpellantem librum, ac puluillos iam iam quatientem fuligineos, ut easpe imprimat.

Sed quoniam puerperarum sellas producere non piguit, *νυμφικὰς* in hoc coniugium vocare liceat, quibus nouæ nuptæ in maritam domum transuehebantur meminit Hesych. in *κλινῆς*, vocatq. *νυμφικῶν καθέδραν*, nuptialem sellam, quam in curru locatam ἐπὶ τῇ ἀμάξῃ κατασπονύμενον, ὅταν μεταῖσι τὰς νύμφας, ἐφ' ἧς κἀθίται ἡ νύμφη μεταξὺ τῆ παρόχης, καὶ τῆ νυμφῆς. *Clinis* appellatur, quod curru in sternitur, cum sponsas transuehebant, ubi sponsa inter parochum, & sponsum sedit. De sponsæ translatione in domum viri Brissou. 1. select. cap. 18. & de ritu nupt. Sed poterat non omittere hunc ritum transuehendi in curru. De sella nuptiali, cui iniecta pellis lanata. V. Fest. *In pelle lanata*, &c. Seru. ad Virg. qui *duas sellas iugatas* appellat, ubi Flamen, & Flaminica in nuptijs confidebant, ac nos inf. cap. 31.

C A -



## CAPVT XXVI.

*Sella ad usum medicum. Scamnum Hippocraticum. Sella podagrica nulla veteribus mentio: magnus hodie usus. Sella Familiarica, Patrocliana. Sella, aut cathedra cubiculares. Sella circa lectos. Sella plicatiles, aut flexiles: ὀκλαδία; in publicum gestata à pueris. Synesio lux, & versio examinata. Pollux itidem perpersus. Scranne. Citicranne, Dantes Poeta explicatus. Sedere a scranna, sedere a banco.*

**I**Nter cætera, quæ medicis famulantur vñibus, scamna, ac sedes tanquam necessariam suppellectilem ponimus. Celli. 8. 10. *Homo collocatur alto sedili, medicus autem humiliore aduersus.* Hippocrates lib. π. *ἰντρε* (si tamen genuinus est ille liber) medici officinam instruens, iubet ill. c sedes apparari, & quidem *ὁμαλὺς εἶναι τοῖς ὕψισιν ὅτι μάλιστα, ὅπως καὶ αὐτὸς ἴσων, quæ id fieri possit æquales altitudine, ut in ipsis (ægri) collocentur.* Notissimum est chirurgorum ministerijs scamnum Hippocraticum, cuius figuram producit, atque examinat Sculterus in armamentario, quem vide. Sellam Thesialicam, cuius idem meminit diuinus senex infra attentè, ac pensulatè exploramus. De fertoria, aut gestatoria ad ægrotantium curationem pluscula superius cap. 24.

Peruellem hñc, vt vllus podagricam sellam veteribus descriptam, aut memoratam indicaret: cuius hodie tam validus, tam creber vsus in magna debacchantis luxus, fluentisque delicijs vitæ opimitur. Nolim disceptare, num infrequens magis fuerit apud antiquos podagra: num ea scemine tentata fuerint, vel ipso æuo Hippocratis; quæ de re Sen. ep. 95. nostris temporibus potentium, ac diuturnæ epidemia est. Dicam cum eodem Seneca *multos morbos multa fercula fecerunt*, iterumq. *Nunc verò quàm longè processerunt mala valetudinis? Has vsuras voluptatum pendimus ultra modum, fasque concupitarum.* Nil igitur mirum, si multæ quoque ad podagricorum leuamen sellæ quotidie compingantur; laxiores illæ, & molli vñdecunq. farto, vt distorti artus, & carnifices pedes inoffensi conquiescant. Quæ apposito suppedaneo, subiunctisque rotulis in quacunque partem versatiles, ab ipso manibus, pedibusque capto sessore, quasi *αὐτομάτως* facile impellantur. Sed bonum factum; quod sellæ operosioris sumptus



ptus proletarios, atque inopes non afficiat; sed in domibus versetur, quas purpura, & aurum operit, vbi lues hæc crapulæ filia, atque ocij alumna lucrefcit. Sic nos quondam ludebamus.

*Dira lues, tortor, gladius, crux fusa per artus*

*Immane est quantum secula nostra nolet!*

*Sæpius illa petens lectos, sellasque potentum,*

*Quos gula supplantat, debilitatque Venus.*

*Non palcam, laxam, pulsem sub paupere tigno,*

*Siccus vbi squalor, lar brevis, arca vacans.*

Non tam familiariter tecum ago lector honestissime, vt Familiaricas, vel Patroclianas sellas hîc tibi apponere, aut describere instituam. Non rara tamen illarum mentio apud veteres: nec viri docti refugerunt loqui, vbi vltus postulauit. Hinc *Sella ἀπλῶς* dictæ, & *Insellare*. Cassiodor. 2. 39. *Humanis necessitatibus* dixit. Post alios Cuiacium tibi indico 10. 18. obleru, ac plenius Ioan. Rhodium in suo lexico Scriboniano. Plura supersedeo proferre de hac sede tui Lector honoris causa.

Sed quando familiaribus abstinemus sellis, domesticas saltem nonnullas etiam num breuiter adnotare ne pigeat. Inter ea, quæ domum vniuersè instruunt; cubiculum præcipuè ornant; tum inquilinis, tum aduenis commoditatem præbent, sellas, siue cathedras agnoscimus, ac meritò enumerat Pollux lib. 10. cap. 11. siue π. τ. τῆ νοῦτον παρὰ πύλινον, h. e. *de ijs, quæ cubiculo inferniunt*. Atque has libentius vocarunt *Cathedras*, quoniam eo nomine quæ magis cultæ, splendidæ, elegantes definiri solent. Sen. 1. 9. de ciem. *Dimissiq; omnibus de cubiculo* (loquitur de Augusto) *cum alteram Cinna poni cathedram iussisset*. Plinius recitaturus amicis intra domum suam, *Positis ante lectos cathedris amicos collecani* 8. ep. 21. Idemq. de Aria. lib. 3. ep. 16. *Dum hac dicit exiliat cathedram, &c.* Idem 2. 17. *Lectum, & duas cathedras capit;* de quodam cubiculo loquens. Rusticorum quoque cubiculis suas præscribit sellas Caro de R. R. c. 10. *Scammum in cubiculo vnum, scabillia tria, sellas quatuor*. Spartian. in Adrian. c. 23. *In sedili Regio iuxta lectum posito, &c.* Circum lectos autem fuisse positas cathedras, aut sedilia obleruat Magnus Casaubonus, sui q. commentarij fidem aduocat, De lectis, & veste stragula; iterumque ad Lampridij Heliogab. cap. 19. ijs verbis, *In commentario nostro de lectis, & stragula veterum veste, quem lrcni edituri sumus, &c.* Sed videre mihi non licuit, cuban-

tem



tem adhuc (opinor) in pluteis, nec publicæ compotem lucis. Nullus dubito, quin plena, & accurata (vt solet) eruditione philologica hanc partem adornauerit vir insignis. Interim promo tibi locum Gellij 19. 10. *Offendimus eum cubantem in Scimpodio Gracienſi circum undique ſedentibus multis*, & Plinij ſup. 8. 21. *Poſitis anſe lectos cathedris, &c.* & 2. 17. *Lectum, & duas cathedras capit*. Huc reſpicit Iuuen. ſat. 7. 105. loquens de hiftorico.

*Sed genus ignauum, quod lecto gaudet, & umbra.*

Lectum intelligo lucubratoriū, qui Græcis *σκήπτρις*, & *σκιμπώδιον*, item *σκήπτρις*: qua voce utitur Plin. epist. 5. 6. *σκήπτρις* Suidæ exponitur & Grabatus, & scamnum: quaſi ſedes quoq., aut cathedra philoſophantium. Dumq. ex auctoritate Ariſtophanis *ἱερὸν σκήπτρον* ſacrum ſcimpoda appellatum tradit: ita explicat quaſi *philophorum ſellam* reſpexiſſet comicus *τὸν τῶν φιλοσοφῶν καθέδραν*. V. nonnulla ſup. cap. 23.

Neque ē ſedentariæ ſupelleſtilis cenſu ea ſellula amouenda omnium (vt ita dicam) horarum, & locorum, quam *Plicilem*, aut *Flexilem* dicere poſſumus: Græci *ὀκλαδίας* vocant. Haud abſimilis, quam viri Principes in agrum, aut venationem egredientes, ſecum geſtari iubent, vt quacunq. libuerit, illic conſiderent: prompto aduerſus laſſitudinem adiumento, commoditatique haud exiguo præſidio, dum manualis hic, & ſubitarius ſuggeſtus momento apparatur. Parua, ac levis ſarcina, plerumque tripes, ac figurâ triquetra, ſimplici obteſo corio, aut loramento in ſe complicata, & conſuſa à quouis facile geritur. Sellam Romanis diuitibus in comitatu ponit Iuuen. 7. 142.

— an poſt te ſella, rogari  
Ante pedes, &c.

Martial. 2. 57.

*Quem grex rogatus ſequitur, & capillatus,  
Recenſq; ſella.*

V. & 10. epigr. 10. Suet. Domit. c. 2. De Athenienſibus teſtatur Athenæus lib. 12. cap. 1. qui de Athenienſium diuitum luxu, ac molitie loquens, *ὀκλαδίας* τι, inquit, *αὐτοῖς διφρεὶς ἔφερον οἱ παῖδες, ἵνα μὴ καδίζοιεν, ὥς ἔτυχεν*. *Complicatiles ipſis ſellas ferebant pueri, ne vbius, ac temerè ſederent*. Heſychius, qui illinc hauſit, diſertiùs monet eas à famulis fuiſſe geſtatas, cū viri potentes, ac diuites in

fo-



forum, aut concionem itarent. πτυκτός δῖρος ταπεινός, ὃν οἱ ἀδελφοὶ φέρονται τοῖς εἰς τὰς ἀγορὰς ἐξῆσι πλεστοῖς. *Plicatilis sella*, humilis, quam famuli gestant exeuntibus in fora Dominis. ἀγορὰς capio, non tam de foris iudiciarijs, aut concionibus, quàm de vernalibus. Aristophan. equit. act. 5. sc. 2. extremâ, & sellæ, & pueri baiulantis meminit: vbi à Scholiaste describitur δῖρος πτότῃ ἐν τανόμῳ, πτότῃ δὲ συσελλόμενος, *Sella* qua modò explicatur, modò contrahitur. Synesius oratione de regno p. mihi gr. lat. 23. σκιμποδίσκος ὀκλαδίας, *Cathedras plicatiles*, nobis memorat, quas serui Scythæ hūmeris gestant, vt illic domini sedeant ἐν ταῖς ἀγοαῖς, in publicis vjs. Sic Theodora, dein Imperatrix, & vxor Iustiniani scabellum humeris impositum ferebat, vbi Comitona soror in foris ludicram faciens artem conquiesceret, Procopio teste hist. ἀνecd. diximus supra cap. 24. Non est autem, quòd ad eum auctorem in notis p. 31. Nicolaus Almannus pro ἀγοαῖς malit ἀγοαῖς in ea oratione Synesij; æquè .n. benè exprimitur vsus sellæ plicatilis, si in forum vel ἀγορὰν, ac si in ἀγορὰν, viam .i. publicam, aut compitum, aut viciniam à famulis gestetur, vt illic ad vitandam lassitudinem prædiuites sedeant. Athenæo, & Procopio ἀγορὰν vocare placuit: Synesio ἀγορὰν. Ne pigeat adire ad vberissima notata Iacobi Gothofredi ad Cod. Th. de vtu sellarum, cum quo gauisus sum συνίμπτωσιν examinis intercessisse: nonnulla ibi de hac sella ὀκλαδία. Penè autem miror apud eundem Synesium σκιμποδίσκος ὀκλαδίας latinè reddi *grabbatulos plicatiles*. Etsi namque σκιμποδίσκος, & σκιμποδίσκος non malè vertatur lectulus, aut grabbatulus, in subiecto tamen auctoris loco non de discriptione, sed de sessione agitur, vt dominis .i. liceat καθίζειν, publicè autem tum aptior, tum honestior sella, quàm lectulus ad sedendum. Neque illud quoq. insolens, vt σκιμπος pro scamno, & cathedra exponatur, quod fecit Suidas, aduertitq. doctissimus Peravius in notis Synesianis p. 13. Lipsium (opinor) ἀνομίως carpens, qui aliter crediderit. Et tamen non abstinuit idem Peravius retinere *Grabbatulos*, suo se interdicto veluti seriens. Sed meo puncto aptius illic veritas σκιμποδίσκος, lectulas, vel scabella, quàm grabbatulos, aut lecticulas ad sedendum publicè. Non ramen pro portento habeo in lectulis sedere, vt inf. monebimus. Cæterùm fermè suo nomine ἀδελφοὶ vocari, qui ferebant serui, vt hîc Synesio, atq. Hesychio; quos *lecticarios* non incommode dixeris, etiam si non lecticam, sed sellam baiularent.



lent. V. Lips. 1. elect. 19. Peculiari vocabulo *διπροπόρος* apud Persas ab hoc munere, & officio sedis regiae ferendae, pedisequus quidam, aut stipator, qui nunquam recedebat à comitatu, sed *εις τὸ το εἴπετο*, ad hoc sequebatur, ut inquit Athen. lib. 12. cap. 2. superius indicavimus cap. 13. Huius autem *ὀκλαδίας*, aut sellae plicatilis meminit quoque Pollux lib. 3. cap. 13. & 10. 11. ubi *ὀκλαδίας*, non *κλαδίας* legendum est, quod Seberus aduertit, & ante illum Leopard. emend. 2. 8. Vocatur namque Graecis simpliciter *ὀκλαδίας*, supple *δίπρος*, aut *θρόνος*: & cum adiuncto *ὀκλαδίας δίπρος*. Nobis *Scranna*, & *Cisranna*, quae ita nunc plicantur, nunc panduntur: sedile claris viris, & honore praeditis olim tributum apud nos paret, vel ex eo Danthis loco Paradisi cant. 89.

*Or tu chi s'è, che vuoi sedere à scranna,*  
ac si dixerit. Tu nunc quis es, qui praesse, & iudicare audes? Quasi illae sedes Magistratibus deberentur. Haud penitus dissimiles ab antiquis curulibus. Sed libentius interpretor, *sedere à scranna*, h. e. ad scamna, corrupta voce, & inserta R. à nostro popello, cui non infolens hiriire. Sic *Trono*, & *Intronare* pro Tuono, & intuonare: Fustis, *Frusta*; Genista, *ginestra*; ballista, *balestra*; & alia hoc genus. Est autem sedere ad scamna, Ius dicere, praesse, honore fungi: quoniam mensa, aut scamnum, magistratibus, aut Praefectis apponi solet sedentibus. Hinc *sedere à Desco*, & *sedere à banco*, quod Danthi, ac vetustioribus *sedere à scranna*. V. sup. de scamnis, ac subsellijs. At *Cisranna*, (ut existimo) sedes illa, de qua dicebamus: fauetq. interim etymo nostro, quasi *Cis scamna*, quoniam ab interiori parte locabatur ijs, qui ad scamna sedebant.





## CAPVT XXVII.

*Sella δυσοχείς. Sanior Polluci interpretatio reddita. Sella compaëtilis, opus Dædali. δίσπος θισσαλικός. Sedes Theſſalica, & accuratè de ea. Polluci iterum, & Athenæo lux. Hippocrates non incurioſe animaduuerſus. Galenus, Erotianus: huiusdem verſio parum attentæ. Color Theſſalicus. Pollux emendatus. Sella Theſſalica, diuum generum. κλισυός, ſella heroum. ἀνάκλιτος θρόνος. ἀνακλισμός, ἀνάκλιτρον, ἐπικλιςτρον, &c. Accubita, Accubationes, Accubitahilæ. Anacinterium, Spalliera. κλινκαθέδριον: lectiſeila, lecticathedra. Sella procurata. Sella περίπλοτος, verſatilis. Seſopia; Throculus. Thocus. Feſtus coniecturis fulius. Siege roulant. Diphramaxium. Harmocathedrium. Lecti ad ſedendum, & orandum.*

**N**E ab itinere penitus aberremus, Pollucem adhuc ſequamur noſtrum, qui de ſellis plicatilibus eo lib. 10. cap. 11. ſcripſit, *δυσοχείς ἐν Φερεκράτους ἀγαθοῖς εἰρημένοι.* Interpres vertit, *sunt veſtu difficiles, quarum Pherecrates in Bonis meminit.* Quomodo veſtu difficiles, ſi paſſim à pueris dominum ſequentibus ferebantur? Sique complicatiles, atque exiles, vti eas deſcribunt? Quid eſt tandem hoc *δυσοχείς*, inſolens verbum, quo rem Veſtu difficilem exponunt? Aut igitur non ex ſua perſona loquitur Pollux, ſed Pherecrates *in Bonis* (titulus libri, aut fabulæ) ſuo ſtudens propoſito ita appellauit: atque adèd vertendum, *δυσοχείς Pherecrati in Bonis appellatæ*; non verò quòd ita ex ſuo ſenſu agnoſcat Pollux. Aut potius vitium hic, & luxatio aliqua cubar: nec nouum in hoc ipſo auctore. Indiget profeſſò bonus hic Pollux Caſtore aliquo Critico, qui fraterni defectus obſcuritatem ſelici lumine ſuppleat. Crucem ſæpè ille figit legentibus conſuſaneâ nomenclaturâ, & vocum conſeminio, auctorumque, quos laudat cinno, ac miſtura. Quo circa *δυσοχείς* malim interpretari, *ſeſſori incommodæ, aut difficiles*; quoniam anguſtæ, atque humiles, vt diximus; atque ita agendi potius formâ, quàm patiendi. Heſychius *ὀχέοντες, ἐν αὐτοῖς ἔχοντες, & ἀναδεχόμενοι, In ſe habentes, ac recipientes.* *δυσοχείς* igitur ægrè atque incommodè recipiens. Aut foret conſultiùs Pollucem aliter interpungere, & poſt *ὀκλαδίαι* δὲ *δίσποι* apponere *εὐγυμνῶ*: haſtenus vt enumerauit Pollux varia ſcl-



sellarum nomina. Deinde *δυσοχαῖς*, &c. vsq. ad *Ευπόλιδος* pertineant ad sellas Theffalicas, de quibus mox agemus; atque ita omni discrepantiâ, vel *ἀταξία* magnum Grammaristam expediuerimus: quod locum illius attentè percurrentibus liquebit facile.

Illud neutiquam grauabor adiungere (indicinam debeo eidem Leopardo) ac refert Pausanias in Atticis inter donaria Mineræ Poliados, & quidem vetusta, & *ἀξία λόγου* fuisse id genus sellæ compactilis, opus ingeniosissimi Dædali. *Δίφρος*, inquit, *ὀκλαδίας ἐς Δαδάλου ποίημα*; Amasæus vertit *Lecticaria sella compactilis, Dædali opus*. Nihil atinebat, opinor, *Lecticariam* dicere, si fides ijs, quos supra auctores laudauimus: quod verò *Compactilem* vocat, iungo dexteram. Sic quoque Hefychio *πικτός δίφρος* vocatur. Ac fortè compactio ipsa, ac nexus (quem ignoramus qualis fuerit) miro artificio, ac singulari industria elaboratus nomen, ac pretium dedit operi, quod inter præcipua, ac spectatissima anathemata ad posteritatis commendationem, memoriamque haberetur in vrbe totius Græciæ principe, in Fano omnium celeberrimo, numini apud Atticos Sanctissimo dicata, manu clarissimi artificis, & labore consummata. Atqui faber hic tractandi præcipuè, fingendiq. ligni peritissimus; vnde & *Dædala* ipsis Græcis signa, atque opera lignea; quod idem Pausan. lib. 9. siue in *Βοεoticis* scripsit.

Sed iam Theffalicæ incumbamus sedi, de qua Critias Poeta apud Athen. 1. 22.

*Θεσσαλικὸς δὲ θρόνος γυνὴν τρυφερώτατην ἔδρα*  
Theffalicusque thronus membris mollissima sedes.

Deliciosam prorsus agnoscit, ac sessore dignam Epicureo. Quid? Si Apollo ipse commendauit oraculo, ac Pythiæ voce elegantem, ornatamque respondit? Pollux lib. 7. cap. 26. *καλλιστοὶ ἐστὶν αὐτῆς καὶ δίφροι. διὸ καὶ ἡ πόσις ἔφη, Θεσσαλὴ ποικίλη δίφρος. Pulcherri-  
ma sedes Theffalica. quare & Pythia inquit, O' Theffala sedes ornata.* Cum igitur ab elegantia, tum à commoditate laudatur hæc sedes: quod structuræ ratione (vt opinor) materiæque artificio aptissimam, deliciosissimamq. infidenti quietem præberet. Quadrupedem fuisse idem Pollux subiicit, *δίφροι θησαλικοὶ τετράπους. Sella Theffalica quadrupedes.* Meminit huiusce sellæ & Hippocrates libro de articulis; cuius verba luxati brachij curationem spectant. Inter cætera autem instrumenta, quorum præsidio artus in sedem suam redeant, sedem



Theſſalicam ægris proponit, ſi recens ſit exarticulatio, ἢν νεαρὸν εἴη τ' ὀλίθημα. Iubet igitur περὶ μέγα ἔδος Θεσσαλικὸν ἀναγκάζειν. *Super magna ſede Theſſalica vim adhiberi.* Quòd verò *Magnam* appellat magnus Archiater, conijcimus earum ſedium alias fuiſſe maiores, minores alias, retento eodem ſchemate. Ac ſi quis aduerſat totam legem, ſeriemq. curationis in Hippocrate, uſumque instrumenti, depræhender ſellæ Theſſalicæ formaturam fuiſſe id genus, ut ſua mole, ac pondere benè conſiſtat; alto itidem anaclinterio, aut fulcro, ubi æger commodè reclinare poſſit, & denormatum brachium imprefſione facta ſarcire. Quare & quadrupedes facit eadem ſellas Pollux. Galenus Theſſalicam exponit quamcunque ſedem, οἷον ἐπίκλιτρον ἔχοντα, quoddam veluti reclinatorium habentem, quod nos *Con la ſpalliera*. Erotiano autem, πᾶς γὰρ δίφρος ἀνακλισμὸν ἔχων, Θεσσαλικὴς παρὰ τοῖς παλαιοῖς λέγεται, quæcunq; ſedes *anaclyſtum*, ſeu reclinatorium habens, *Theſſalica* veteribus dicitur. Nota interim Veteribus placuiſſe id nomen. At non benè mei iudicio Erotiani verſor, qui δίφρον reddidit Currum. Quid eſt quod currui ἀνακλιςμὸς detur, aut cui uſui Currus Theſſalicus ad eam figurandi corporis; inſtaurandique articuli rationem? Ergo me fideiuſſore licet reddas πᾶς δίφρος, &c. quæcunq; ſedes, non quicunq; currus, &c.

Fortè an verò Theſſalica appellata eſt ea ſedes à Theſſalis, qui primum inuenerint, peculiari quadam figuratione, ac ſtructura, procerà maximè ſtatura, & appoſito ad reclinandum dorſum adminiculo. De hoc anaclinterio, aut reclinatorio, dicemus poſt pauca. Niſi potius Theſſalica à colore Theſſalico, ſive purpureo dicta, vnde nomen illi primitus inditum; ſive lignum, ſive corium eo colore imbueretur. Theſſalici coloris meminit Lucretius lib. 2.

melibæaque fulgens

*Purpura Theſſalico concharum tincta colore.*

Theſſalicum quoque pileum reperio, quo in theatris ad arcendum ſolem uſos fuiſſe Senatores permiſſu Caligulæ tradit Dio lib. 59. gr. l. p. mihi 645. vocans πῖλος Θεσσαλικὸν τρόπον. *Pileos uſus Theſſalici.* Liquer amplam, & diſſutam umbellam fuiſſe; illis circumductam ad prohibendam ἡλιασιν. Nomen autem hi pilei conceperint à colore, vel ab uſu gentis Theſſalicæ, minus vacat nunc inquirere. Iunium conſule animaduert. 2. 6. Lipſ. de Amphit. c. 18.

Tum laxior igitur, tum operoſior (quod opinari licet) Theſſalica  
hæc



hæc sella extitit, atque inde fortasse vectu difficilis, δυστοχὴς, si cui ita placeat apud Pollucem, siue Pherecrate interpretari. Quod si δίφρος vocarunt etiam currus, siue illius partem, ubi tum auriga, tum ascensor confidebat; sique in ipsis curribus, ac vehiculis sedes locabant, quas pariter δίφρος idem appellat Pollux, non inuitus quis exponat δυστοχίης, h. e. mole sua, & fabricæ ratione curribus incommodas, ac malè aptas. Sed satis coniecturarum, ut aliquam medellam Polluci offeramus, qui iterum conturbat, dum exponit quid sint σκελῆθρια, sine scabella, ἅπερ ἐστὶ μικροὶ τρίποδες, quæ sunt, inquit, parui Tripodes, dein sequitur Θεσσαλικοὶ δίφροι, sedes Thessalica: quasi eisdem faciat, paruos Tripodes, & sellas Thessalicas. Sed has paulò ante fecerat quadrupedes; nunc vno minus pede. Si ultra perrexerimus, bipedes, & apodes periculum est ne non videamus. Sed traectio hîc est aliqua, & luxatus locus, atque in sedem non tuam hæc sedes Thessalicæ migrarunt: quas auerrere iam, & auerere tempus est: dum placeat ante statuere non vnum fuisse genus sedium Thessalicarum; quasdam magnas, unde μέγα ἔδος Θεσσαλικόν Hippocrati; quasdam minores, quæ forte μικροὶ τρίποδες hîc Polluci. Quanquam puto satius de possessione deiicere verba, Θεσσαλικοὶ δίφροι apud eundem Pollucem, quoniam prorsus illic extranea: tunc verò congruet σωφισμα, cum ijs quæ sequuntur, τὸ δὲ ὄνομα, &c. Mentio quippe in Euthydemo Platonis fit τῶ σκελῆθρι, non autem sedis Thessalicæ. Perge lector me delegante ad vtrumque tum Philosophi, tum Grammatici locum attendendum, & mecum iudicabis. Poterat Siberus in notis, poterat Leopardus auctius videre in suis emendationibus; nec tam ociosè, ac securè has Pollucis tenebrofi nebulas præterire.

Numerantur quoque inter alia σκέυη τὰ ἐν κλισίῳ apud eundem Pollucem κλισμοί, ac melius κλισμοί, ut idem vocat alibi lib. 7. 26. h. e. sellæ cum reclinatorio. His ipsis vti olim Heroes ad mensam, quomodo eos pater locat poetarum Homerus; apud quem κλισμὸς vocatur Odyss. Δ. & Κ. & Iliad. Θ. Eusthat. explicat θρόνος εἶδος, sella genus, quod postea ἀνάκλιτρον vocat, & habens τί ἀνάκλιτρον κλισίῳ Hesychio, & ἀνάκλιτος δίφρος, qui & simpliciter θρόνος. Iterumq. κλισμοί, θρόνοι, ἢ ἀνάκλιτρα. Plutarcho iunctim in Quest. Rom. ἀνάκλιτος θρόνος, sella reclinatoria, siue reclinatorium habens seggiola con spalliera. Idem Homerus κλισίῳ alibi appellat, de qua Athen.



Athen. lib. 5. cap. 6. differentiam notans ex eodem vate inter κλισμὸς, & δίφρος. *Clismi*, siue reclinatoriæ sellæ honestioribus datæ ad mensam (quod & hodie seruatur) ac sæpius illæ coniunctæ cum thronis, aut suggestis. Inde illud — ἔζοντο κατὰ κλισμὸς τε, θρόνους τε *sedebant super Clismis, & thronis*: atque his sellis plerumque imposita stromata. Cæterum δίφροι humilioribus conuiuiis sepositi. V. eundem Athenæum & 4. 8. discrimen seruatum edocentem, quis, quo loco, aut sellæ genere inter epulas adesset. Eam autem partem, in quam dorso incumbimus ἀνακλισμὸν dixere, & ἐπίκλιντρον, & ἀνάκλιντρον, vel ἀνακλιντήριον Hippocrates, Galenus, Plutarchus, Pollux, Erotianus, Eustharius. Nos supra innuimus, & ad locum Hippocratis π. ἀρρρ. doctiss. Foësius: qui tamen ea ἀνάκλιντρα Latinis *Accubita*, aut *Accubitas* vocari dum sentit, non statim consentio. Quæ enim *Accubita* Lampridio in Heliog. cap. 19. & *Accubationes*, siue *Accubitationes* ib. & in Aelio Vero Spartiani cap. 5. (vt illic mauult Salmasius) non sunt fulmenta, aut adminicula dorso reclinando, sed ipsi tori, aut lecti, vbi conuiuæ discumbebant. *Cataclita* Tertull. lib. de pallio. *Accubita* etiam in Synodo Trull. V. Cuiac. obl. 10. 17. eruditè Salmas. ad eum Tertullian. locum cap. 3. Haud aliter *κατακλίσεις* Origeni, quas pro puluinariis explices, notauitque Seldenus de Synedrijs tom. 3. pag. 286. sicuti *Accubitalia*, peristromata ipsa, & vestes, quibus *Accubita* insternuntur Pollioni in D. Claudio cap. 14. atq. ibi Salmas. quem consule, & in eo cap. 5. Spartiani in Vero, & ad Tertull. supra de pallio. Ego *Anacliteria*, siue *Anaclinteria* vocarem potius, quomodo Græcis ἀνακλιντήρια: Latinis quoque usurpata vox, Isidoro 19. 26. Etymol. Sed quæ κλισμοὶ à Polluce, vel ἀνάκλιντρα, &c. Sellæ scilicet cum anaclinerio, vnica voce aptissime Etymologici auctor expressit κλινκαθέδρια, quem vide in κλιντήρ. Nec dubitarem ego κλινκαθέδριον vocare, quod nobis est *Seggiola a spalliera*. Non incommodè tam commodæ sedis genus eam quoque appellare possumus, quæ vulgò *Seggiola da riposo*. Syllabatim namq. κλινκαθέδριον est *Lectifella*, vel *Lecticathedra*, qualis eam quæ in meridiando tum cubatui, tum sessioni inseruit, tum vtrique simul, vt superius dicebamus. Inter veterum monumenta aptum nescio, quod sedile marmoreum compareret antroisus procurrens reclinando corpori, vt nec merè sedeat, nec totum iaceat.

Protuli tibi sup. cap. 27. ab Leonardo Augustino Romæ missum, quod



quod in S. Marci seruat. Puto id in balneis maximè adhibitum, cui affine cum suo sessore Florentiæ seruat apud Gaddios. Satis, superque operosè, ne dicam Sybariticè, hæc sellas concinnatas videre est hodie, ubi caput, dorsum, femora, recliui, ac supini deponamus; coxis, cruribus incumbamus, modò extendentes, contrahentes modò, quæ volupe magis est. Anterius namque porriguntur transilla, vel ancones, aut cubitus productiores usque ad proceri hominis iacentis longitudinem: illic incisuræ scansim per æquos gradus, ad quas temperantur; dumque earum offendiculo, & innixu erectior, aut depressior sit sedes, perinde incumbens corpus opportunè conquiescit. Curiosè quid, & exquisitè compactum legimus apud Capitolinum in Pertinace cap. 8. inter vehicula, ac sedilia, quæ rarioris commoditatis artificio, digna pro fus fuere Commodi Principe; ob sua vitia, ac foeditates nimium quantum incommodo Reip. ac generi humano. Verba historici ea sunt, *neque non vehicula arte fabricata non perplexis, diuersisque (lege, Diuisis) rotarum orbibus, & exquisitis sedilibus, nunc ad solem declinandum, nunc ad spiritus opportunitatem per vertiginem, &c.* Vocat autem *sedilia exquisita*, h. e. exquisitè facta, & composita ad capturam commoditatis, de qua illic: *quomodo sella procurata* Cælio Aureliano, de qua sup.

Sedium versatilibus τῶν περιστρεφόντων δίσκων meminit Athenæus. Sunt autem sellæ περιστρεφτοὶ, quæ circumagi possunt, aut *Versatiles*, quomodo id verbum Latine reddidit Vitruuius lib. 5. cap. 7.

In quam tribum, aut classem referam censitor dubius ignoro ea sediliū genera, quæ *Sesopia*, aut *Esesopia* Festo vocantur pessimè huius. Schedæ Vrsini ita explent, *Sesopia in augurali. & saluari carmine appellantur, quæ aliàs sesopia pro sedilibus dicere habemus nunc in consuetudine.* Plaut. Trucul. 2. 8. ex lectione Meursij exercit. crit. p. 1. cap. 4.

*Quo pacto excludis quæso Esopijs planius?* Hoc est, quo pacto me planius sedibus eiicias? Vt idem explicat. V. eundem Festum in vulgatis editionibus post verba capitalia *Seruorum dies*. Dein sequitur foedè lacerus textus, ac sesopia ipsa tam mutila, & quassata, ut ijs diutius explicandis addere sine magno ruinosæ interpretationis periculo vix queam. Quod si auguralibus libris, aut saliorum carminibus sesopia ea memorata narrantur, fortasse ad vsum aliquem sacrum fuere. Aerate Festi, aut potius Verrij adhuc vsurpatam fuisse eam vocem ad sedilia significanda, sed litera minus sibilaanti edocemur. Notæ ad

Fe-



Festum. *Sopia*, vel *sesopia* pro *sedilibus*, vox *ni fallor inaudita*. *Solia* potius scriberem. Ego verò ter minimè scriberem. Cur enim monuisset nos Festus de eo verbo tanquam antiqui, aut rari vsus, si *solia* legerimus? Cui nam ea vox aut abscondita, aut obsoleta, aut in arcanis sacrorum libris quærenda? Plautinis *Sesopijs* alterum *sellæ* genus eadem memoratum subiungo ex Pompeo itidem Festo. *Throcum*, inquit, *sellæ* genus habetur apud Plautum. Sed nuspiam in his, quæ supersunt Sarsinatis fabulatoris compareret id verbum. Notæ marginales ex Verr. Codd. *Thronus* substituunt. Sed cur Festus excerpisset tanquam *sellæ* genus, quando *thronus* notissimum verbum est? Alij malunt *Thracum*. Quid si *Thocum* reponamus? Ipsum .i. Græcorum *θρόνος*, *sellam*, in quam celeriter insilirent. Aut *Throcum* retineamus ἀπό τῆ θρόνων, nempe ab insiliendo, siue à trocho, hoc est rota, quod rotis fuerit imposita, quemodo hodie nonnullæ podagricorum. Aut ἀπὸ τοῦ τρέχειν, à celeritate videlicet, aut cursu. Quo sensu id nomen planè conveniret nupero inuento, quod Galli *Siege roulant* vocant; quasi *Rotifellium*, aut *Currifellium*, vel *sellam* curracem. Commodum viandi genus; ut ingeniosior in dies est *luxus*. Dimidiatum dixeris *currum* bigarum tum forma, tum vsu. Vnus tantum ibi *seffor*, duæ *rotæ*, equus singularius: sed & alter extra iugum, aut *funarius*, quem ductor infidet, si citato itinere mutare subinde *veredos* libeat. Quomodo Petronius *Chiromaxium* dixit; eius exemplo compacta voce *Diphramaxium* vocemus; aut quomodo Etymologus Gr. *Clinocathedrium*, sic nos *Harmocathedrium*; quoniam burdocurrus, aut *sellæ* hybrida vtriusque speciem, & opportunitatem nobis referrat. Cæterum isthoc *sellæ*, aut vehiculi genus veterum Ciso haud penitus absmile erudita nuper epistola censuit Laurentius Panciatius Vir ut nobilitatis, sic ingenij florentissimi, inuita nihil faciens, dicentis Minerva.

Quod si cui ad sedendi vsus haud satis visa fuerint tot *sellarum* genera, non ignoret *lectulos* & adhiberi potuisse, & fuisse adhibitos. Cum igitur quasdam sedes tam artificiosè ad commoditatis ingenium compactas tradiderimus, ut in ijs veriùs iacerent, quàm sederent *deliciosi* homines: mutuum sedendi officium reddere, atque inuicem remunerare *lecti* ipsi haud recusarunt. V. quod de *lectulis* lucubrationis sup. adnotauimus; quippe ea *scimpodia*, aut *stibadia* mediam nescio quam speciem referentia inter puros putos *lectos*, ac *germanas*



nas mēras sedes vtrique inferuire potuerunt, & sessione, & incubationi. Sed quæ interdictio, ne cubiculares quoque, aut tricliniaries lecti, eundem vsum præstiterint? Petron. *Sedensq; super lectum meum diu stetit. & stetu confusa altera parte lectuli sedet; idemque, me supente in lectulo sedet.* Plin. epist. 5. 5. *Mox imaginatus est venisse Neronem, in thoro sedisse, &c.* Boeth. 1. de consolat. *Tum illa propius accedens in extrema lectuli mei parte consedit.* Ritus sedendi in lecto cum orarent veteres Christiani indicat Tertull. lib. de Oratione ex Hermia apostolici xui scriptore; sed damnat, ac reprehendit, ut *curiosi potius, quam rationalis officij, &c.* & alioquin, inquit, *nusquam erit adorandum, nisi ubi fuerit lectus.* Consimilis ethnicos ligabat olim religio: quod spectat adag. *Adoraturi sedcant.* Iuuat Fest. *Adfidele mensa vocantur, ad quas sedentes flammæ sacra faciebant.* At Hermæ locus, quem aduocat Tertull. occurrit mihi in præfatione Pastoris paulò secius, ac Tertullianus legerit. *Cum orassem domi, & sedissem super lectum, &c.* In vniuersum autem de lecto ad sessionem, idem Hermas lib. 3. 10. *Consedit super lectum, & adstitit in dextera eius pastor.* Machab. 1. 1. *Et quæ sedebant in thoro maritali, lugebant.* Innumera comparent marmora, ubi lecti tricliniaries, & mensa ante illos, plurimum illic discumbens vnus, sedens alter. Conuenientissimam dat lucem, & accipit inuicem Apuleius Metam. 1. *Eumq; accubantem exiguo admodum grabatulo, & commodum canare incipientem inuenio. Assidebat pedes vxor, &c.* iubet vxorem decedere, utq; in eius locum assideam, iubet: meq; etiamnum verecundia cunctantem abrepta lacinia detrahens: *adside, inquit, isthic.* Nam præ metu latronum nulla sessibula, &c.





## CAPVT XXVIII.

Sellarum ornatus. Puluinus. Puluillus. Puluinar. Toral. *Puluinar Iouis. πάλεινδιον. Caligula primus Senatoribus puluinos dedit. Diu ante in theatro Attico positi. Puluinorum materia. Gnaphalium. Centunculus. Stramen Leuconium. Martialis illustratus. Sagogum. Saio. Cubatio in floribus: in foliis: in rosis disceptis. Rosa Melitenfis. Canis Melitæus. Potare in rosa. Lecti reticulati. Album rose. Puluinus Isocratis è croco. Circense tomentum. Puluinus equestris. Recitantes in puluinis. Puluini sellarum comites: gestati in itinere.*

**N**on videor extra oleam egressus, si quædam sellarum parerga, aut ornamenta nunc circumspexero; quæ non tam commoditatis, quam decoris, atque honestatis partem, tum sedibus, tum sedentibus adijciant. Consulam vna lectoribus, ut mollius, & apparatus sedent, nec sedes hæc nostras tumultuarias penitus despiciant; dumque latibula hæc antiquitatis peruestigo, aliqua eos nunc delectatio infideat. Noua in tempore voluptas ducet, cum alias maiori cura sellarium hoc studium amplificabo. Luber à puluillis incipere, atque ijs parumper incumbere: non ut profunda illic demergar quiete, sed breui inclinamento vigilabilem dormitationem concipiam. Tum sellis, tum scamnis, aut subsellis puluillos fuisse impositos, obductos, alligatos, compactos, & monumenta, atque icones, & auctorum euincunt testimonia. Latini puluinos, ac puluillos dixere, item Ceruicalia, ac Puluinaria. *Puluinos*, inquit Varro 5. L. L. à plumis, vel à pellulis declinarunt. At Isidoro 20. 11. *Puluinar est lectus diuitum, inde & puluillus*. Varroni 1. de vita pop. Rom. apud Nonium *Toral*, ac *Torale*, aut *Toralium*. At Isidoro eidem 19. 25. *Toral à toris*, quibus propriè iniiciebatur; grandior quasi puluinus: sicuti *Puluillus*, veluti minutus lectus ex mente Isidori. *Puluinar* tamen non diuitum modò, sed Deorum quoque erat lectus, ut notissimum est. *Puluinar Iouis* quandoque expriment nummi, quod alij sellam curulem exposuerunt. Illic manubiæ visuntur insignia Numinis. Ad id imagines curulium superius productas. Græci mediæ ætatis Latinorum imitatione *πάλεινδιον*, & *πάλεινον* dixere. Arrian, Epictet. 3.



23. Erotiani lex. Hippocrat. ubi Merusius *πέλεος* restituit, cum prius esset *πέλεον*. Vide hunc in glossario Græcobarb. Item *προσκεφάλαιον*, & *ὑποσκεφάλαιον* vocarunt à capitis innixu, aut incubatu, quod Cervicali responder. Sed non possum non statim mirari quod refert Dio lib. 59. sub Caligula Imperatore τὰ προσκεφάλαια τοῖς βασιλεύταις, ὅπως μὴ ἐπὶ γυμνῶν ἢ σκεπιδῶν καθίζοντα, πρῶτον τότε ὑπενέθη. Tum primum subditos Senatoribus pulvillos, ne in nudis tabulis sederent. Miror, inquam, apud gentem in omne luxus, ac deliciarum genus effusissimam, tam serò fuisse, aut cognitum, aut permisissum necessearium penè commodum publicè sedendi in pulvillo. Non sordentem loquor plebeculam, aut viles proletarios, sed florem civitatis eximium, & meliorem partem, ut Symmachus vocat, generis humani Senatores, quibus ante Caligulam nuda assamenta parabantur ad sessionem; etsi tam multis alijs insignibus, atque ornamentis ad id tempus Senatorius ordo explendesceret. Diu ante in Græco theatro adhibitos fuisse pulvinos apud Theophrastum patet in Characterè adulatoris. Plurimum scortei erant, & corio operiti. *σκέτιον*, & *δερμάτιον* vocat idem Erotianus. Dein lintei, serici, pisi, plumati, aurei, versicolores, &c. Atq. hi sago, tomento, plumis, pilis, alioue molli farto implebantur, quod inculcarent, ac componerent. Non aliter de culcita ait Varro 5. l. l. *Quod in ea segum, aut tomentum, aliudve quid calcabant ab inculcando culcita dicta*. Paria Isidor. 19. 25. Est autem *Sagum* vestis lanea, unde nostrum *Saia*, & *Saio*: sed vox peregrina, atque exotica eodem teste Varrone, de qua mox; Plin. 27. 10. *Gnaphalium*, alij *χαμαίχηλον* vocant, cuius folijs albis, mollibusque utuntur pro tomento. Nobis *Erba Coronaria*, quali tomentitia, & ad usum farciendi, unde & *Centunculus* Scribonio Largo appellata cap. 29. n. 121. ad quem Rhodius p. 191. Eadem, puto, quæ Theophrasto *πράλοχαία*, quæ herba discubitoria, aut lectis apta insternendis; ac de Centunculo in hunc usum idem Plinius 24. 15. Theophr. 7. 10. de causis plant. ad quem doctissimus Stapesius. Adi & Pollucem lib. 10. cap. 8. ubi de arundinis lanugine loquitur, quæ *σάμαξ*, & *ἀνθίδην*, iuncus, vlna, calamus cartilagineus. Vbiq. de stragulis, ac pulvillis, quos & *κρέαλα* vocat. Plinio gnaphalium: at eidem lib. 19. 1. *Stramentum Orchomenium* cuius usus in toris. Martial. 14. epig. 160. *Tomentum concisa palus Circense vocatur*.

Hæc pro Leucenio stramine pauper emit.

T 2

Palu-



Palustris scilicet arundinis decussa, & concerpra folia, concisa, & minuta stramina pro tomento, & puluillo pauperum in Circo. At beatiores lana farciebant, quam Leuconicam, vel Lingonicam dixere. Idem auctor epig. 159.

*Oppressa nimium vicina est fascia pluma?*

*Vellera Leuconicis accipe rafa sagis.*

Meminit & lib. 11. epigr. 22. & ep. 57. vide quæ notat accuratiss. Raderus. Quòd vellera sagis erasa appellat Martialis, nouissimum illud accipe purgamentum, & rasiles floccos, qui vestibus, aut sagis deltringuntur, Nobis *Borra*; quod pectine fit, aut erinaceo fullonio, tandemque forfice lanaria. quare nec displiceret Leuconiam lanam exponere ἀπὸ τῆ λευκῆ ab albedine. Nimirum dum pubes illa eminula, & lanugo extans abraditur è defloccatis eo pacto albis vestibus villi decutes colliguntur, ac tomentitia eiectione ad puluillos farciendos. Sed magis placet Lingonicum, aut Luconicum exponere à loco vnde exportatæ illæ vestes, quæ *Saga* Martiali. Atque hinc, meo animo, illustrandus Varro, qui non lanam, aut floccos, sed *Sagum* ἀπλῶς vocauit illud genus tomenti. Quæcunq. autem fuerit ea fartilis, & mollicina congeries, quam intra puluillos stiparent, hos certè sedibus, scamnis, sublellijs imponebant; quæ alioquin ligneæ, aut lapidea duritiem eo pacto dediscerent. Sic permissa à Caligula Senatoribus, vt diximus, ne ἐπὶ γυμνῶν σκιδῶν in nudis tabulis sederent. Et honoris, & commoditatis gratia id factum; Pinacium blandicella filia patri Antiphonti benè procurat apud Plautum Sticho 1. 2.

*Affide hic pater*

Ant. *Non sedeo isthic* (intelligo in cathedra, aut sella muliebri) *vos sedete: ego sedero in subsellio.*

Pin. *Mane puluinum.* Ant. *benè procuras, satis sic fultum est mihi.*

En subsellium ligneum, & puluinus iniectus. Philemon, & Baucis apud Ouid. 8. Metam. v. 642. Iouem, & Mercurium excipientes, quanquam sub lare humili, & egeno, nec pietatem, vt in Numinna, nec officium, vt in hospites deseruarunt: *Sedili statim posito, & iniecta stragula.* Alter ille apud Theophr. charact. in πολυτ: vt potenti, ac diuiti palparet iam sessuro subijcit puluinum in teatro, καὶ τῷ παιδὶ ἐν τῷ θεάτρῳ ἀφιλομενος τὰ προσκείμενα, αὐτὸς ὑπερρώσας, & puero in teatro adimens puluinos ipse substernit. Supparasitan-  
tis



tis blanditia est, qui è manu seruuli puluinum abstrahens, suâ ipsè parat. Hunc morem in Græcis theatris præter Theophrastum affirmant Aeschines, ac Demosthenes illic laudati à Casaubono. In Syracusijs, siue Idyllio 15. Theocriteo Praxinoe iubet ab Eunoe famula apponi sellam, atque iniici puluinum, vbi amica sedeat Gorgo, cum qua colloquitur.

ὄρν δ' ἴφρον Εὐνόα αὐτῇ,  
Εὔμεαλι καὶ ποτίκρανον.

Prospice sedem Eunoe illi  
Inijce & puluinum.

Sic Eurynome apud Homerum Odyss. T.

Εὐρυνόμην φέρε δὴ δ' ἴφρον, καὶ κῶας ἐπ' αὐτῇ.  
Eurynome asser sellam, & pelles super ipsa.

Sunt autē pelles hic nihil aliud, quàm puluini, quomodo & Odyss. P.

Καί τ' αὖ κατὰ θρόνους ἐν δαυδαλέοισι.

*Pellem* (hoc est puluinum) *inijciens sedibus pulchris*. Diximus superius ex Erotiano termē è Corio (vtrique hodie) puluinos factos. At delicatissimum illud sessionis genus, cum in floribus, ac rosis sederunt; de Heliogabalo Lamprid. cap. 29. *Semper sanè aut inter flores sedet, aut inter odores*. Idemq. puluinaria, pilo leporino, & perdicum plumis subataribus conferit cap. 19. *Nec cubuit in accubitis* (stibadia intellige, atque toros, qui antiquis triclinariis succedere) *facile, nisi ijs, quæ pilum leporinum haberent, aut plumas perdicum subalares*. Ride eiusdem helluonis inuentum alioquin vrbani. Vt vilioribus amicis illuderet tomenti, ac plumæ vice aerem, ac ventum ceu sessilem subiciebat, premendum submissis folliis, vbi insiderent cœnantes. Si nimium tendebantur ij folles, duram nō tamen incommodam præbebant sessionem; sed modico, & rariori oppleti flamine, æquabilem, ac deliciosam parabant: *Multis, inquit, vilioribus amicis, folles pro accubitis sternebat, eosq; resabat prandentibus illis; ita ut plerumque sub mensis inuenirentur prandentes*. cap. 25. Licer opinari supra folles, aut toros operosam fuisse vestem, aut stragula, ne quid suspicarentur conuiuæ; sed insperatò per automata illa descendentes, cachinnum sonantiorē exprimerent ineptissimo Principi. Et cap. 19. *Strauit & triclinia de rosa, & lectos, & porticus, ac sic per ea deambulauit*, & cap. 21. *Oppressit in triclinijs versatilibus parasitos suos violis, & floribus sic, ut animam aliqui efflauerint*. *Flores scilicet hæ culcitellæ, & rosei puluilli*  
Syba-



Sybaritarum, ac τρυφῆων consuetæ olim deliciæ. Portentosissimus ille voluptatis, ac desidie mysta apud Sen. 2. de Ira. 25. *Sapius questus est quod folijs rose duplicatis incubisset.* Singillatim carpta volebat folia, ne quid duriusculi offenderet. Trebellius in Gallieno cap. 16. *Veris tempore cubacula de rosis fecit.* Vopisc. in Carino 17. *Rosis Mediolanensibus, & triclinia, & cubacula stravit.* Rosas nota Mediolanenses: aut pulchriores forsitan, aut molliores. Nisi Melitenis legamus, quas diu ante in delicijs ad puluinos faciendos adhibuit Verres, quem imitari voluisset Carinus. Cic. Verr. 10. 27. *Lectica octophoro vehebatur, in qua erat puluinus perlucidus Melitensi rosa fartus.* At nonnulli malunt, *puluinus, perlucidus Melitensis, rosa fartus*, ut non rosa sit, sed puluinus ē Melita veniens quæsitissimâ tenuitate, ac texturâ perlucidus. Sic *Melitæi catuli* in delicijs, de quibus Adagiographus. Adde locum Theophr. ab eo inobseruatum Charact. μικροφιλ. κλάδος Μελιταῖος, *Melitæus Surculus*; & Philostratum in Imagin. lib. 2. tit. Insulæ. Melita hîc intelligenda inter Corcyram, & Illyricum, non sedes hodierna fortissimorum Equitum. Quanquam Rosa Melitenis, de qua Tullius, Africanæ huius Insulæ esse potuit, à qua tunc Verres non admodum distabat. Iterum Cic. 2. de finibus 17. *potantem in rosa Thurium*, hunc morem (puto) siue discumbendi respiciens, siue coronandi. Albinouanus Pædo in obit. Mecænat.

*Victor odorata dormiat inque rosa.*

Omnino cognobilis locus Spartiani in Aelio Vero cap. 5. *Fertur etiam aliud genus voluptatis, quod Verus inuenerat; nam lectum eminentibus quatuor anacinterijs fecerat, minuto reticulo undique inclusum, cumq; folijs rose, quibus demptum esset album, replebat.* Quod autem reticulo inclusum scribit, *textum reticulati operis* intellige, olimq. in usu. Græcis ἀνολκάνσπρ, notatque Casaubonus: nobis *Maglia*, opinorq. id reticulum non adhæsisse proximè lecto, sed quomodo nostrates Camerelli æstiu temporis, & copia .n. rosarum calidam tum quoque tempestatem arguit. Quod verò idem Casaub. negat nouum fuisse inuentum cubandi in rosis, fateor ipse. At Spartianus intelligendus est de tota illa lecti fabricatione, & quatuor pluteis, siue anacinterijs, quorum sepimento conceptræ rosæ sustinebantur. *Album* rosarum quibus demptum volebat, interiorē intellige partem cum apicibus luteis, quæ alio nomine *Flos*. Hæc non ira mollis, aut rubicunda, sicut folia extremi ambitus, ac propriè *Calyx* vocabantur. Quibus

igi-



igitur demptus ille flos, mox appellat purgatas, *Accubationes, ac mensas de rosis, ac lilijs fecerit, & quidem purgatis.*

Croco imbutum Ilocratis puluinum refert Plutarchus in Decem. Rhet. *κρόκῳ διαβροχὸν προσκιάλαρον* vocans. Mollis ob id, atq. effoeminatus audiit hic Rhetor. Sed puluillos prorsus merebat preciosos vir laboriosissimus, qui vel vni texendo Atheniensium panygyrico integros quindecim annos affedit.

Varias puluinorum species, qua magis tument, aut subsidunt; qua paragaudis, tænijs, institis limbantur; vmbilicis, clauis refulgent; nodis & peniculamentis lasciuunt, lector, inspicere, ac dijudicare, vbi genera sedium exhibuimus cap. 11. & mox dicemus sequenti.

Atque hac igitur clementioris sessionis commoditate prospectum, ne duræ, aut nudæ premerentur sedes, aut scamna; præsertim in ludis olim per longas, atq. excruciantes, non spectandi tantum, sed expectandi moras. Sic factum Romæ in Circo; inde lemma epigram. 160. lib. 14. Martial. *Circense tomentum*, & Seneca de vita beata cap. 25. *Nihilo miserior ero, si lassæ cervix mea in manipulo fæni acquiescet, si super Circense tomentum, per suturas veteris lintei effluens, incubabo.* Omnino autem capio de tomento puluillorum, quorum alioquin futura veteris lintei, nisi quia puluilli farti consuebantur? Extenuat autem puluillos Seneca, ut magis tumeat sententia. Sed quid mirum, si vexati, ac penè discepti hiarent ad eod præ attritu puluilli, ut efflueret illinc putre tomentum? Quippe gratuito dabantur; indiligens autem esse solet populus rei non suæ, quod vbique, ac semper euenit. V. quæ notat Lipsius insuper de puluillis, ac post eum Buleng. de Circo cap. 32. Panuin. de ludis Circ. & ad eum Argol. p. 7. & p. 85. In equestribus saltem, aut quatuordecim gradibus fuisse locatos puluillos non dubitarem. Inde Iuuenal. sat. 3.

———— *puluino surgat equestre.*

Ac multò magis in Orchestra, vbi Senatores ex Dione lib. 59. *προσκιάλαρα τοῖς βουλευταῖς*, &c. In Popularibus autem, vbi pullata, ac fordida plebs, non opinarer, nisi quis priuatim attulerit. V. Buleng. d. cap. 32. ac deinceps; qui subinde à Lipsio abiens illud exagitat, quoniam tempore, & auctore posita primum, dein discreta Senatorum, & equirum loca in Circo fuerint? Sed puluinos quod spectat, aliquod fortasse discrimen inter Senatorios, & equestres, quia institis, aut segmenti distincti, vel stragulo splendidi. Interim mihi ampliandum est:



est: de insternendis autem sellis aliquid infra. Recitantibus quoque puluinus subditus, in quo considerent. Arrian. Epictet. 3. cap. 23. ἀναβάντα ἐπὶ πέλινον, *ascendentem in puluinum*, h. e. sedem, aut cathedram ubi puluinus. Notat Voss. de Imit. c. 7. §. 15. Neque aliter sapientibus illis, atque iucundis confessoribus de arte dicendi sermonem instituturis puluinos poposcit Crassus apud Cic. 1. de Oratore; apparet autem sedes illic fuisse lapideas, ac perpetuas, quoniam tanquam exedra sub opacante Platano positæ erant, *Tum Crassum*. Imò verò commodius etiam: puluinosque poposcisse, & omnes in ijs sedibus, quæ erant sub platano consedissee. Suspiciatur Cresolius Tullium fuisse ductum imitatione sui Platonis, apud quem de Repub. disputaturus Cephalus puluino incumbit. sed diuersa ratio est; Cephalus tanquam senio confectus narratur à Platone domi obsidens, antequam ad illum adirent amici colloquturi, quibus nullus mox traditur datus puluillus, sicuti fuit apud Tullium. καὶ μάλα πρόσβύτης μοι ἰδοξεν εἶναι, &c. καθῆσο δὲ ἐς παραώμιον ἐπὶ τινὸς προσκεφαλίου τε, καὶ δίφρου. *Valde senex mihi videbatur, &c.* Sedebat autem coronatus cervicali ad sedile appposito. Intra nempe societas, ac perpetuum ferme contubernium sellæ, & puluini. Idem Cic. lib. 9. epist. 18. *Sella tibi erit in ludo tanquam hypodidascalo proxima, puluinus eam sequetur.*

Imò & liber cum cervicali iunctus, tanquam supellex, & viaticum hominis docti, ac sedentarij. V. Theodoret. hist. eccles. lib. 4. cap. 14. ubi de Eusebio. Consule Cresol. d. lib. 3. cap. 13.





## CAPUT XXIX.

Suppedanea. ὑποπόδια. Suppeditanea. Hypedia. σὺν πείδιον, ποδαρέλιον. *Suppedaneum muliebre.* αἰδράχλις. ἑν-  
 θρανος. Pedule. Cornelio Frontoni genuinus redditus sensus. Pe-  
 dulla. ποδεῖον. Impilia. Scabellum pedum. Scamna. Mensa.  
 ταπεινὰ διφφια. θράνιον. θράνις. *Suppedanea in solijs, alijsq; sellis*  
*honestioribus. Icones promptæ à marmoribus, ac nummis.* ἑστιάριον  
 ὑποπόδιον: *Regium hypopodium, genus canaculi apud Persas.* Subtel-  
 lia cathedraria. Scansilia. Fulcra lectorum. Pueri, & fœmine  
 sedentes vescbantur: & serui qui, ad Pedes. Predelle: earum ἐγ-  
 μον. Danthes Poeta. *Vocabularium della Crusca.* Sabella musico-  
 rum; Scamella, & Scamilla.

**Q**uod si parum sessoribus consulimus mollem ijs subdendo  
 puluillum; ne pendulis nunc laborent cruribus, sed salu-  
 brius, atque honestius sedeant, scabellum subiciamus; dor-  
 lo, ac brachijs fulcra apponamus. Ac si opus sit, strato-  
 riam quoque vestem explicemus, vt sedendi commodita-  
 ti accedat ornatus, ac decor.

Hæc illa igitur sedentium pedibus supposita fulcra, & assamenta,  
 aut scamna, quæ Græcis ὑποπόδια, *suppedanea* Latinè dixerimus.  
 Vsurpata vox Cypriano martyri de ablut. ped. si modò is auctor li-  
 bri: vbi de Magdalena pœnitente, *Caputq; pro suppeditaneo stravit, cri-*  
*nibusque circumfusus pedes sacros innoluit.* Malim, *Pro suppedaneo*; quod  
 & nonnulli Vett. Codd. præferunt. Scabelli item, Scabella, & Sup-  
 pedanea etiam Isidoro 20. 11. Scabelli, inquit, qui lectis paruis, vel sellis  
 ad ascensum apponuntur. Scabellum autem & suppedaneum dicitur nobis  
 quoq; Etruscis *Seppidiano*. Retinuit Græcisans Paulus 3. sent. cap. 7.  
 ibi *scamna, & hypodia, &c.* malim hypopodia, & si Cuiacius non mu-  
 tauerit. Alijs *Encdracula*, h. e. sessibulum, aut scabellum. Gloss. *Enc-*  
*dracula, hypopodium.* Græci posteriores inuicem à Latinis mutuantes  
 σὺν πείδιον dixere, σὺν πείδιον, & σὺν πείδιον. In nostro Concilio Flo-  
 rentino ἐκάθισεν ἐν σὺν πείδι ὁ τῷ ἑστιάριος ἀδελφός. *Sedit in suppe-*  
*daneo Imperatoris frater.* V. Meurs. glossar. in σὺν πείδιον, qui testi-  
 monia congerit. quanquam ea magis spectant illud genus suppeda-  
 nei



nei amplioris, quod procerum sedibus subijcitur (nobis Predella) quam minuta hæc scamna, & asserculos, ac subices pedaneos, de quibus præcipue loquimur. Iisdem Græcobarbaris ποδάρεα: quæ Eusthat in Odyss. H. exponit ὑποπόδια γυναικῶν, *suppedanea muliebria*, quasi earum peculiararia, & fortasse splendidiore. Adde Suidam in ἀνδράχλης, ad quem Portus adnotator. & ἀνδράχλης enim, & ἀνδρῶνος pro eodem muliebri scabello. V. & Salmat. ad Vop. Carinum cap. 19. pag. 501. Diligentissimus Onomastici auctor, dignus planè, qui non bis ex suo nomine, sed ter, & quater sit Felix scamnum hoc à Corn. Frontone *Pedule* vocari scripsit. Verba Cornelij de serm. lat. ea sunt, *Pedale mensura est pedis: pedule verò sub pedibus præstat utilitatem*. Sed cum istis pedibus, quin etiam pedulibus non video, quæ gradiar in Felicis sententiam, quæ à suo auctore secedit minus felix. Opinor namq. à Frontone describi non suppedaneum, aut scamnum, sed foccum, aut calceamentum, vel eius partem, quæ vestigio suppingitur. Ideo, inquit, *Pedule verò pedibus præstat utilitatem*: quæ utilitas respicit vestiendi, & muniendi commodum. Reperio id verbum etiam in Festo *Pedulla*, quæ dicimus ΠΕΔ... Græcos appellare manifestum est, ubi Gothofr. explet πῆδιλα, hoc est calceos, vel focculos. Scaliger ante illum. *Pedulla*, eadem ē pedulia: glossarium: *Pedule*: ποδέων. Est autem ποδέων, siue ποδέων focculus. Italicè retinemus eam vocem *Pedulis* pro solo, aut parte, quæ pedem vestit. Glossæ Benedicti πῆδῶν, ποδῶν καλύμματα, *pedum integumenta*. Glossæ Isidori, *Pedana*, *pedulis nonus*, qui caligæ affuitur. Interpres Iuuen. sat. 1. *Pedules nonos in braccis*. Meurs. assert in glossar. Gr. barb. Meminit & pedulium I. C. l. 25. §. 1. de auro & arg. &c. pro fasciis pedum, & quibusdam calceamentorum firmamentis. V. & Cerdam ad gloss. Isid. Aduers. p. 324. alio nomine *Impilia* dixere, nobis *Feltri*. quam vocem Cuiacius ititit in l. 3. de supell. seg. alij legunt *Imparia*. Videatur idem Princeps I. Consultorum 10. obs. 17. & 5. 11. Turneb. ad vers. 18. 23. Sunt autem hæc *Impilia*, quæ omnino pedibus utilitatem præstant, sicuti de pedulibus scripsit Cornel. Fronto. Ergo aliud est *Pedule*, ni fallor penitus, aliud *Scabellum*, vel *Scabellus*, & *Scamellum*, & *Scamillus*, qui sedentium pedibus subditur; quæ voces omnes à scamno deductæ. Quintil. 1. 4. *Nec miretur cur è scamno fiat scabellum*, &c. *Panchetta* nobis, & *Predellino*. Interpres sacræ pagine psalm. 109. quod in LXX. est ὑποπόδιον τῶν ποδῶν σκ, *Scabellum pedum*



*pedum tuorum.* Sic ἐποπόδια τῆ θεῆς, *Scabella Dei* vocata olim templa teste Suida. V. in ἐποδήματα, & in ἐποπόδιον. Sic Cœlum, thronus Dei vocatur; terra autem scabellū, siue ἐποπόδιον D. Nauli. cap. 5. Ennius quoq. à Tullio laudatus primo de Diuin. solum, aut solum cum scamnis coniunxit.

*Auspicio Regni stabilita scamna, solumq;*

Ouidius etiam scamna dixit lib. 1. artis improbæ.

*Et caua sub tenerum scamna dedisse pedem.*

quæ paululum fuisse cauata apparent, vt pedes firmius, & commodius insisterent. Mensam vocauit Curtius lib. 5. cap. 2. *Consedit deinde, Alexander, in Regia sella multò excelsiori, quàm pro habitu corporis.* Itaque cum pedes inum gradum non contingerent, unus ex regis pueris mensam subdidit pedibus. Omne enim lignum planum, siue quadratū, siue rotundū figurā Mensam dixere, vt Græci τραπέζαν. V. notata à Consultissimo Gifanio ad Lucret. in verbo præstringere. Sed mensa illa fulcendis Alexandri pedibus, de qua Curtius, verè talis erat, qualem cibo capiendi apponimus, atque ea ipsa Darij Regis fuerit. V. narrationem. Hæc suppedanea Gr. σκολύθρια Polluci 10. 11. quæ Hesychio ταπεινά διφρία, ἐποπόδια, *humiles sedecule, hypopodia.* θράνια itidem Polluci ex Aristophanis Pluto: vbi Scholastes διφρία, καὶ ἐποπόδια exponit pag. mihi 135. Ac digna prorsus risu explicatio grammaticæ, qua conatur nobis depingere id genus scabellorum; talia esse narrans, qualia inscenduntur ab ijs, qui laqueo sibi gulam frangunt, mox ea calcibus depellentes, vt suspensiosi remaneant. ἐφ' ἃν οἱ ἀπαγχόμενοι ἀρτῶσι ἑαυτοὺς ἀπολατίζοντες αὐτὰ. Hoc Aristophanis, & aliorum θράνιον, & θράνος, Homero θρήνυς vocatur. Hinc illud veluti solenne apud hunc vatem, quoties apparationem describit sellam, ἐπὶ δὲ θρήνυς πρὸς θεῶν, *sub pedibus autem erat scabellum*, quomodo Helenæ subijcit 4. Odyss. 136. & Vlyssi 10. 315. Dioni lib. hist. 17. vocatur τὸ κατὰ τὸ θρόνον ἐπὶ καθρον, *Scabellum throno subiectum, aut circumpositum.* Respondet nostro Sopridiano. Hesychio κλισίον: quod ita explicat, ἐξ ὧς ἐφ' ἣν τίθεται θρόνος. *basis quæ sella supponitur.* Talem aduertere est in nummis apud Vrsin. Famil. Pompeiæ p. 208. suggestus cernitur curuli subiectus, quem nos Predella dicimus, rarò alias in nummis eo pacto comparet. Ea interim mihi blanditur coniectura, in argumentum honoris, ac dignitatis fuisse apposita ea suppedanea, neque omni pariter sedi subiecta; sed



ijs, quæ eximios, ac spectatos manerent seffores. quare thronis, aut solijs potissimum subiuicta, vt nuper ex sacro Matthæi codice, atque Ennio protulimus. Hinc Athenæo lib. 5. 6. Thronus definitur sella ingenuorum cum suppedaneo, vel scabello, ἐλευθέριος καθέδρα συνὺποπόδιον; quæ & ibi θρόνος appellatur, quomodo & Homero, vt pronuper dicebamus.

Obleruare autem est in antiquis marmoribus, ac nummis ea scabella imis pedibus hærentia, vbi digniores conquiescerent. Sellam Pontificiam vide sup. cap. 19. & quas produximus cap. 13. Aliæ hîc tibi vulgantur. Vnam appingo nouæ nuptæ, vt apparet, quæ flammæ sibi reducit, altero pede scabellum premens non adfixum, sed mobile, & à sede aliquantisper seiunctum. V. n. 50. Vistur Romæ è figulino opere antiqui artificij in Musæo Io. Petri Bellorij. Circulo eam sedentes tres aliæ adstant sceminæ ingressæ ad officium νεονύμφης. Secundam Consul in Gazophylacio Principum Iustinianorum. Tertiam Romæ sedentis apud eosdem. Quartam in S. Stephani rotundi. Quintam Rauennæ in S. Apollinaris è marmore candido, quam mihi curauit Marchio Lucas de Albizis patriæ nostræ decus ob notissimas animi virtutes in labe sæculi, & annorum flore. V. num. 51. 52. 53. Nummos tibi exprompsi, vbi Philippus Pater, & filius in sedibus cum suppedaneo; quod rarò aliàs curulibus appositum. Adi ad Tristan. pag. 569. parte 2. Alter patrem Septimium Severum exprimit cum scabello, quod negatur Getæ, & Aurelio Antonino assidentibus in eodem suggesto, & æqua altitudine ib. pag. 96. V. sup. Imagin. n. 36. & 39.

Celebre quoddam reperio suppedaneum apud Athen. lib. 11. c. 2. quod Persæ appellabant βασιλικὸν ὑποπόδιον, *Regium hypopodium*. Ita dixerunt coenaculum cum tribus lectis, vbi talentorum tria millia condebantur. quoniam enim ad pedes Regij cubilis locatum erat, ideò hypopodium vocitatum. Sicuti προσκεφάλαιον βασιλικὸν, *cervical regium*, quod supernè structum erat ad verticem regij cubilis, coenaculum cum talentis quinque millibus. Commodum Hercules scabellum, commodius cervical, quod tam multis constabat auri talentis: Cum hoc cervicali quis non dormiscat in vtramque aurem securus? V. illic Athen. de eo Persarum Regum luxu ex Charerem Mitylenæo. Sed aliud est hoc suppedaneum Persicum, vt constat, ab alio sedentium, de quo memorant tam sæpè scribentes. quanquam

inquat



iuuat quandoque suppedaneum explicare non tam de istis minutis, atque exilibus, ubi pedes conquiescunt, quàm de ampliori tabulato, ubi totæ sedes statuuntur, virorumque summatum honori componuntur. Quod & hodie facimus, ut spectatori emineant sede, & à reliquo vulgo segregis exultationis decus retineant quicunque largioris fortunæ, aut dignitatis sortem obtinuerunt. Hoc enim patet *ἐπὶ καθρον κατὰ τὸ ὄρον* Dioni sup. lib. 17. intelligo; pro illo nempe gradu, tabulato, aut pegmate, ubi thronus statuitur, ostenduntque imagines ante productæ. Sic pleraque exempla allata à Meurs. in glossar. verbo *Σελήνια* huc ducunt meo iudicio, tanquam si tabulata, scamna, atque eminula forent assamenta, quæ nobis Gradini, aut Predelle. Neque aliter interpretor I. Consultum in l. 5. de supell. leg. ubi *subsellia Cathedraria*, quàm quæ cathedris, sedibusue honestiorum subiiciuntur. *Scansilia* item appellata, præsertim si plures sint gradus. Isidor. 20. 11. *Scansilia gradus sunt, ubi honorati in sedibus hærent.* Ante illum Varro lib. 5. L. L. *duplicata scansio gradus dicitur.* Tribunalibus ea propter appositi: inde *καθῶς* quandoque pro tribunali exponitur ab ascendendo. Eo sensu etymolog. *θρόνος ἢ ἐπιπυμένῃ καθέδρα*, *thronus eminens cathedra.* V. passim in nummis folia, aut suggesta Principum, & Magistratuum. Sed & lectis apposita, aut adfixa hæc scabella, tum ad fulturam pedum, tum ad ascensum. Idem Isidor. 20. 11. *Scamna sunt, quæ altioribus lectis apponuntur dicta à scandendo; hinc & scabelli, qui lectis parvis, vel sellis ad ascensum apponuntur.* Idem Varro, qui supra: *Quia simplici scansione scandebant in lectum non altum, scabellum: in altiore, scamnum.* Etiam hodie nonnulli eo tabulato circa lectum vtuntur. Sed veteres quòd attinet, non tam pro cubiculari, quàm pro tricliniari intelligo. *Fulcra lectorum* dixit Sueton. Claud. cap. 32. ubi pueri nobiles, aut filij vescabantur ad mensam Principis. *Adhibebat, inquit, omni cæna & liberos suos cum pueris, puellisq; nobilibus, qui more veteri ad fulcra lectorum vescerentur.* Assidentes interpretor, dum patres, ac domini discumberent. Idem in Aug. cap. 65. *Nepotes, &c. neque cœnauit vnà, nisi ut in imo lecto assiderent.* Imus lectus sunt ea fulcra. Tacit. 13. ann. cap. 16. *Mos habebatur Principum liberos cum cæteris idem ætatis nobilibus sedentes vesci in aspectu propinquorum; non tamen imum lectum assignat, sed propria (subiungit) & parciore mensa.* V. Lipsium plenè monentem. Eundem locum fœminis metor. Val. Max. 2. 2. *Femina cubant-*



*cubantibus viris sedentes cœnitabant.* Morem priscum intellige, qui deinde sublatus. Lapidem tibi sisto monumentum in cippo, aut pilo veteri, ubi super scamnis, aut fulcris pueri cœnitant, dum in toro discumbit dominus. Inspicetis apud Boissardum parte 4. pag. 145. Citharistram quoque illic observare est sedentem procul à mensa; non in scamno, sed in sella altiori, acroamantem conuiuiis servis itidem parata statio in ijs subsellijs. V. n. 54. Quo respexisse puto Sagarinum, & Stichum bina mancipia apud Plautum Sticho 5. 4.

————— *potius in subsellio*

*Cynicè accipiemur, quàm in lecto.*

Atqui gratiores hero seruuli illinc è mensa summulam cibi accipiebant. Martial. 5. 70.

*Omnia cum retrò pueris obsonia tradas,*

*Cur non mensa tibi ponitur à pedibus?*

Lectorum nempe intelligit pedes, ubi pueri testabantur. Ludit ingeniosus poeta, quoniam ij pueri, aut serui *A pedibus* vocabantur, & *Ad pedes*, & *Circum pedes*. Petron. fragm. nuper editum pag. 51. *Camellam grandem insit misceri, potiones diuisas omnibus servis, qui ad pedes sedebant.* Quod igitur retrò, & ponè conuiuentes dominos siue *Ad pluteum* (vt loquitur Suet. Calig. cap. 26.) aut posticam lecti partem præstò essent, idèò *Ad pedes* vocati. Cœnantes verò ad imum lectum, in scamno, aut suppedaneo sedebant, vt supra de liberis diximus. Lipsium consule, ubi sup. ad locum Taciti, Pignor. de seruis p. mihi 63. ubi de seruo *A pedibus*. Sed cum istis pedibus lubricam facientes semitam, nimium forsitan excurrimus; vnde sermo iam noster est reuocandus. Non parco monere quædam de hoc scabello sub pedibus misuisse Iulium Cæs. Buleng. lib. de Circo Rom. cap. 32. & 33. Neque inditum relinquam suppedanea hæc, & scabella nobis *Predellini* & *Panchette* vocitari: sicuti maiora illa tabulata, ubi sedes digniorum componuntur, *Predelle*. Si rectè muginor, quasi *Pedelle*, quod pedibus subiungantur; corrumpente vocem plebecula, & sibi commodiorem recudente, inserta R. qua litera nostri gaudent, vt alias monuimus. Nisi malimus *Predella*, h. e. *Prodella*. *Proda* nobis est marginis, crepido, extremitas, alicuius rei, & sponda: at hæc scamna extremis lectis, sedibus, suggestis apponere, & affigere solemus. Carriamus tertio: *Predella* pro *Prerella*; obuiò transitu literæ T. in D. Vfiatior namque tum res ipsa, tum nomen in sacra supellectile, quoniam



niam presbyteris potissimum tributa honoris gratia; siue altaribus operentur, aut suggestis; siue in cathedra expiatoria sedeant. Ohe! Nimium effutimus, inquis, in hisce leuidentibus confectandis. Fate-mur enim: sed maximorum exemplo peccantes, qui hanc sibi pruri-ginem tam dulciter scalpunt. Neque verò sumus omnino imparati ab hac lubricine, quæ nostris liturarijs quantulamcunque illeuit ob-servationum congeriem super vocum etruscarum origine. Non illaudanda alioquin cura, nisi aliæ curæ, an sequior valetudo moram inijceret. Sed gratulor non deesse nostræ Vrbi Florentissima inge-nia elegantijs hisce patrij sermonis insudantia, quibus hanc prouin-ciam longè doctius, exquisitius, felicius occupandi ius esto. In semi-tam me refero. Alio sensu præter hunc vulgatum Diuinus poetæ noster Danthes vocem Predelle vsurpauit lib. vel cantico 6. Pur-gatorij.

*Poiche mouesti mano alla Predella.*

Ad quæ carmina verus Scholiastes ineditus Predella deducit à prædio: parum aptè opinor, nulloque nexu, aut significato ad eum locum. Potius illic Predella est (vt alij malunt) pars freni, quam eques ma-nu constringit: vnicâ prorsus, ac nouâ apud varem notatione. Con-sulantur interpretes, quos laudat illic eximium vocabularium della Crusca: opus quod tertijs curis magnam sui partem locupleratum, atque iam iam prælo maturum, Etruscarum literarum ingens thesau-rus meritò audiet.

Coronidem vltimò imponam, si addidero inter musica organa, aut saltim in instrumento Symphoniaco fuisse scabella. Arnob. lib. 2. *Nu-merosos iterarent scabillarum concregationibus sonores.* Suet. Calig. 54. *Deinde repente magno tiliarum, & scabellorum strepitu.* coniunguntur hic tibia, & scabella. Congruit Statij verus interpret 7. Theb. ad illa

*Ad inspirata rotari*

*buxa.* Scabillum exponens, quod in sacris tibicines pede sonare consue-uerunt. D. Augustinus 4. de musica, *Veluti cum Symphoniaci scabella, & cymbala pedibus feriant.* Hinc glossæ Isidori *Scamellum Symphoniaci.* quæ ita exponit Voss in Etymolog. quoniam vnus Symphoniacis mo-dum dabat pulsû scamelli: vnde scamellorum, vel scabellorum cre-pitus. quasi equidem lignea vox illa pulsi scamelli præaniffaret, ac præiret cantaturis Symphoniacis. non aliter ac etiam hodie modi-peratores, aut mesochori tum manu, tum pede scamna, & abacos fe-riunt



riunt (quod nos far la battuta) non modò signum dantes ad incipien-  
dum; sed assiduâ eâ pulsione, aut supplensione regulam, modumque  
iugiter præscribentes: id enim magistrorum, & musurgorum offi-  
cium. Casaub. ad eum Suetonij locum Calig. Scamellum non à scam-  
nis nostris deductum, sed tum nomen, tum organum ipsum barba-  
rum putat. Videatur & Torrent. ib. Inscripção Spoletina apud Grut.  
464. 7. *Præf. Fabr. Romæ. Dec. IIII. Scamillar. Opera Veteres à Scana, &c.*  
Hæc Decuria quarta scamillaris, vel scamillarium, aut scamillario-  
rum, corpus, aut collegium artificum signat, qui scamilla cōficerent.  
De scamilline musicis, an ad sedendum, scandendumue compositis  
sit accipienda epigraphe, non ausim statuere. Neutrum respuo, quo-  
niam vtrumque quadrare hic potest, vbi operarum à scena fit men-  
tio. Sed & literas *Dec.* Decurioni quis explicet, dum cætera con-  
gruenter aptentur. Habebant namque suos Decuriones corporales,  
aut collegia. Salmas. ad Vopisc. Carinum cap. 19. pag. 501. primò  
putauit hæc scabella nihil aliud fuisse, quàm sandalia lignea, vel so-  
leas etiam ferreas ad terram, vel tabulam clariori sono feriendam, &  
vt ea supplensione saltantibus pantomimis, aut canentium choro ἰσό-  
σιμοι darent. Gr. κρηπίδια, & ξύλινα ὑποδήματα, *lignei calcei* Pol-  
luci, Helychio, atque alijs. Quòd igitur è ligno, & scabellis similia  
subijcerentur pedibus, hoc idèd nomen illis inditum scribit Salma-  
sius, qui mox sine nomine perstringit magni nominis virum Casau-  
bonum, tum organum, tum vocem scamilli exoticam opinantemur.  
Credid tandem Salmasius reuera fuisse scabellum, siue ἰσκιόδιον,  
quod pede feriebatur lignea, aut ferrea solea, vt maior crepitus ede-  
retur. ac de vsu huius scabelli in sacris, ac theatris plura illic obser-  
uat. quòd trahenda etiam illa Cic. pro Cælio. *Minni ergo est iam exi-  
tus, non fabula: in quo cum clausula non inuenitur, fugit aliquis è mani-  
bus, deinde scabella concrepant, aulam tollitur.* Cui lubet igitur exqui-  
sitiùs hæc dijudicare, tu vide apud eundem Salmasium, Vossium ety-  
molog. Casaubonum Suet. Calig. 54. trigam omnino Principum in  
literis Virorum. Quibus addo iugalem V. Cl. Io. Bapt. Donium  
ciuem meum singulari dissertatione de scabellis inter doctissima eius  
opuscula prælo matura. Ego cum Mimo illo Ciceroniano, vt clausu-  
lam tandem inueniam, nec vlteriùs inter scabella concrepem, fugio  
hic è manibus, & aulam tollo. Expectare Plaudite alijs relinquo.



## CAPVT XXX.

Spalliera. Ανακλιντήριον. Ανάκλιτον. Ανάκλισις. Anaclinterium. Reclinatorium. Adclinatorium. Plutei lectorum. Lectus ἀμφικέφαλος, Adminiculum. Lectus Veri quatuor eminentibus anaclinterijs. κλισμὸς sella splendida; at δίππος de viliori apud Homerum. Sordida sedes. Seditum statua ferè sine reclinatorio: itidem curules. Braccioli: Ancones: ἀγκῶνες. eorum descriptio. Vineæ brachiatæ.

**A**D reliqua accedimus sedentium commoda, imò etiam decora, & ornamenta. Huc spectat pars illa sedis, sine qua potest, sed non benè, aut commodè sederi. Nos aptè vocamus *Spalliera*, quòd humeros illic reclinemus. Græcis ἀνακλιντήριον, ἀνó κλιτον, ἀνó κλισις. V. quæ scripsimus cap. 27. Vsurpata vox *Anaclinterij*, Spartiano in Aelio Vero cap. 5. Lectus eminentibus quatuor *anaclinterijs* fecerat. Latine redditur *Reclinatorium*. Isidor. 19. 26. Fulcra sunt ornamenta lectorum, dicta, quòd in ijs fulcimur, idest *sustinemur*, vel quòd toros fulciant, siue caput, quæ reclinatoria vulgus appellat. Eam vocem apud vulgus inualuisse monet Isidor. cum alioquin *Fulcrum* diceretur. Cantic. cantica. cap. 3. *Reclinatorium aureum* D. Ambrosius lib. 3. de Virgin. *Adclinatorium* vocavit. Sed *Anaclinterium*, aut *Reclinatorium* propriè in lectis, ut ostendunt loca auctorum, quæ protulimus. Est enim pars illa, siue pluteus eminens, ubi puluinum aptamus ad caput reclinandum. Fèrmè autem antiqui lecti (observare est in marmoribus) duos habebant cuiusmodi pluteos, aut fulcra; quo pacto nonnulli etiam hodie, præsertim inopum. Pluteus ad caput lecti (sic Gr. κεφαλὴ ἢ κλίνης) altior: qui verò ad pedes depressior. Inde hoc genus lecti ἀμφικέφαλος etymolog. & Hesychio, quasi utring. capitatus, supernè, atque infernè. Sed magis placet ἀμφικέφαλος; est enim κέφαλος (inde gnafalium, de quo supra) cervical, vel pulvinus: qui, quòd ad utrumque pluteum componeretur, ἀμφικέφαλος ille lectus vocitatus. Quocirca memoratur ut insolens, atque enormi magnitudine ad luxum lectus ille Aelij Veri, Quatuor eminentibus *anaclinterijs*. V. adnotatores illic.

Atque hac igitur imitatione *Fulcrum, Pluteum, Anaclinterium, Ana-*  
X
clitum,



*clitum*, *Reclinatorium* appellare possumus eam sedis partem, vbi dorsum, atq. humeros reclinamus. Sedes autem ita compacta κλισμός, ἀνάκλιτος θρόνος, κλιντήρ, & aptissime κλινκαθέδριον etymologizet. V. iup. cap. 27. *Admiraculum* (nobis appoggio) postica ea coagmentatio non incommode Latinis enuncietur. Hodie in magno compingendarum sedium ingenio, cum nihil vel ad laxitatem, vel ad luxum omittitur, eam partem verè Anaclinerium appellare possumus; quoniam non dorso, atque humeris tantum reclinandis, sed collo, & capiti, quamlibet in altum porrecto satis superq. præstat fulcimenti: adeo ille pluteus profundè, latèq. strui, & appingi solet. Commodius itaque, vbi eo anaclinerio humeri sustinentur, sed non absq. honoris simul argumento sedetur. Vt fermè fit, quos ante alios habemus tum augustiori sede, tum lautiori cæterarum rerum apparatu excipimus. Præclare aduertit Athen. 5. 6. ex Homero κλισμός (sellam nempe, cui pluteus inesset ille) dignissimis quibusque apponi solitam: de qua etiam illud addit, περιτοτέρως κοσμηται ἀνάκλιση, quod splendide ornata sit ad reclinandum. At contrà δίφρος (sella, aut scamnum, vt expono, sine fulcro) eidem vocatur ἀσκήλιος, vilis, aut sordida, qualem illic memorat datam Vlyssi, ἐπαίτη εἶναι δοκῶντι, quia mendicus esse videretur. Haud aliter Lucanus de Senatu Romano, vel extorri, & sua pulso dignitate lib. 5.

————— *sordida sedes* —————

*Romanos cepit procures* —————

In vetustis lapidibus, ac nummis variè deformatus apparet hic pluteus: non semper continuo tabulato, & vnica compage, sed transuersis per interualla asseribus, aut fascijs, sicuti hodie in quibusdam sedibus minoris pretij, nec interioris admissionis. Species autem plurimum quadrangula: quandoque rotunda, atque altius assurgente: caua nunc, & sinuosa, vt sessorem veluti complectatur. Obserua Citharisticam sedentem inter epulas, quam superiori capite produximus ex Boissardo. Eundem vide p. 127. partis vi. ad portam Appiam, vbi pulcherrimæ structuræ sedes Iouem tenet fulminantem, & pag. 114. partis v. vbi sedentium Fortunarum icones. Percurre quæ supra cap. 27. vbi variæ sellarum, ac sedentium formæ tibi expromuntur, & fulcrorum attende imagines. Quanquam rarò, præsertim in statuis sedentibus reclinatorium appositum visitur. quod studiosè factum existimamus, vt integra, & exerta statua conspectior  
fic.



fieret; neu viua operis gratia, eo impedimento minueretur. Caterum quod Curules sellæ eo plurimum careant fulcro, aut adminiculo, retinendæ opinor vetustatis gratia id factum apud Romanos, quoniam simplicissima ea sedes priscorum; vel quia plerumque in tribunali, aut iuggesto locabatur, parieti, vel tabulato admota; vnde humeris itidem fulcrum, & innixus caperetur. Vel quoniam tandem curulem secum gestantes Magistratus, quacunq; ponebant, ac reponebant; commodius autem, si nulla sarcina, & adiectio reclinatorij sedem onerasset.

Ne mutilas, ac truncas habeamus sellas, suis vlnis, ac manibus instruamus, quibus sessorem ambiant, & complectantur. Nos vocamus *Braccinoli* transuersaria hæc ligna, & asserculos antrorsus procurrentes, qui pluteo affiguntur, & arrestarijs in altum productis incumbunt. Similitudine brachiorum in humano corpore; dum pro varia sedium forma nunc ab ipsa reclinatorij summitate tanquam à scapulis desiliunt, nunc veluti lacerti in extremis eius angulis ad thoracem, vel costas reflectuntur. In veterum sedibus frequenter occurrunt: quo nomine demonstrarint haud ita obuium. Possumus transtillas, septa, retinacula, clathros, tigilla, vbi cubito innitimur; possumus fulcra brachiorum appellare; sed peculiarem, & genuinam nomenclaturam vni debeo Cælio Aureliano tard. pass. lib. 2. cap. 1. *Consilium dabimus, vt sella tonsoria sedeat egrotantes, quæ sit obliquis anconibus fabricata, quibus incumbentes sese leuare nitantur.* De hac sella tonsoria sup. diximus cap. 25. Interim *Ancones* nihil aliud sunt, quàm qui nobis *Braccinoli*, nisi fallor, ἀγκῶνες. Verbum ipsum consentit, quo Cubiti denotantur. neq. vsus abludit, dum tales describit Aurelianus, quibus sese incumbentes leuare nitantur. Est autem ἀγκών illa flexio, curuatura, & cubitus, quem facit tigillum vinctum lateribus plutei, vel lignis arrestarijs, quæ reclinatorium sustinent. Haud aliter Vitruuius 3. 3. & 4. 6. *Ancones* vocantur brachia illa, aut virgæ, quæ normam componunt figurâ literæ S. *Vti norma*, inquit, *in cauo strigis cum fuerit coniecta, circumacta, ita anconibus* (hoc est brachiolis) *strigum dextrâ, ac sinistrâ angulos tangat, &c.* 3. 3. *Ancones, siue prothyrides.* 4. 6. & *Ancon*, instrumentum forma eadem, qua diximus. V. Turneb. aduers. 2. 23. Lucem tandem bonus mihi præstat Pollux 1. 10. ijs verbis, τὰ δ' ἐγὼνία τὰ ἐντὸς τῆς δίπρης, γωνίας, καὶ ἀγκῶνες. *Florens sella interioris, anguli, & cubiti* (vocantur) loquitur de sella in curru locata.



Ergo ancones, & cubita, hæc ligna, quæ nobis *Braccinoli*, ac sedes ipsa, à *Braccioli*. Non audeo Brachiatam appellare; etsi non ignoro eadem translatione brachia arboribus tribui, & vineas *brachiatas* ea similitudine appellari à Columella lib. 5. cap. 5. *Alij capitatas vineas, alij brachiatas magis probant, quibus cordi est in brachia vitem componere, conuenit, &c.*

Sed cur veteres tam curiosi in cæteris sedium partibus, aut ornamentis designandis, ut puluillo, suppedaneo, reclinatorio (de quibus sup.) in his brachijs, aut anconibus adeò mutiunt? Forsitan hæc pars in sellis, aut cathedris apparitoribus, ut necessario, ac vulgariter iuncta, nihil præcipui habebat, quod scribentes memorarent? Verum ea interim mihi obrepit coniectatio, nomine reclinatorij, ἀνακλίσεως, aut sedium, quas dixere κλισμῆς, hanc quoque partem contineri; quippe tota illa compages postici fulcri, & anconum omnigenam præstat commoditatem ad reclinandum. Quod si alterutro careat sedes, magna commoditatis pars sessori decedit. Huc spectare puto verba Athenæi lib. 5. cap. 6. ubi de sella κλισμῶ loquens, (vide sup.) satis habuit scribere περιττότερος κλισμῶν ἀνακλίσει, *instructa est eximie ad reclinandum*. nempe ἀνακλίσεως nomine, & reclinatorium, & ancones, & quidquid aliud magis ducat ad commodè quiescendum, fortean complecti Pollux voluit.





## CAPVT XXXI.

Stragulum. Stragula. Instratum. Stratoria vestes. Peristromata. Peripetasmata. Operimenta. Pallia. Opertula. *ἰμάτιον*: Octavius Ferrarius cum laude memoratus. Pallium: pro quouis instrato. Solaria. Babylonica. Sedularia: aliter explicata, ac Turnebo placitum. Subsellia cathedraria. Toralia. Accubitalia. Mantellia. Stropi. Cataclita. Casaubonus defensus. Mappæ. Pelles sedibus iniectæ: quæ repostiles, sapius fixæ: clavis argenteis distinctæ. Tapetes, & Stromata, lineamina ultimo, ac vela. Sellisternium. *σελιδσπορις*. Habere sellisternium: ac de ea re exactè. Sellisternia etiam hominibus, non tantum Dijs curata. Lectisternium Tum lectisternium pro sella, ut Lectisternium pro lecto. Corona super sellis; item cornua potentie indicio; aliaq; Deorum symbola, ac donaria.

**S**edes non vnus generis variè fabricatas, & compactas suis partibus, atque ornamentis instruximus hactenus; tum verò ad commodi vsum, tum ad speciem dignitatis concinnauimus. Sed parum honestæ nobis visæ sunt, si nudas hîc reliquerimus. Quare iniicimus illis ultimo loco stragulam vestem, raptimque, ac tumultuariè veluti festinantes amicimus.

*Stragulum, Stragula, Instratum, & Vestis stragula* communi appellatione dictum quicquid ad iniiciendi, insternendue vsum adhibebatur. Paulo I. C. lib. 3. sent. tit. 7. qui est de legatis *stratoria vestes* memorantur. Gr. *σπώματα, περισπώματα, περιπετάσματα*, &c. Varro 5. de L. L. *Græci sunt Peristromata, & Peripetasmata*. Idemque, *Operimenta, & Pallia, Opertula dixerunt*. *ἰμάτιον* enim Græcorum (quod latinis pallium) pro veste etiam stragula vsurpatum: notauitque ex Poetarum auctoritate V. Cl. Octavius Ferrar. consummatissimo opere de re Vest. parte 2. lib. 4. cap. 3. Sed poetis, h. e. genti licentiosæ, prorsus sermonis addamus firmamentum ex I. C. L. *instratum* 45. D. de V. S. *Neque enim dubium est, quin stragula vestis sit omne pallium περισπώμα*. V. Cuiac. 10. obseruat. 18. Præter locum Varronis sup. allatū, en tibi Suetonius in Nerone cap. 48. *Super lectum modicella culcita, vetere pallio strato instructum*. Imò pro mantili ad tergendum



di vsum, Petronio, *Iam Trimalcio unguento perfusus tergebatur, non linteis, sed pallijs ex lana mollissima factis.*

Nos verò hic ea vix delibamus, quæ ad vsum, aut ornamentum sedendi faciunt. Vlp. I. C. l. 25. de auro, & arg. leg. *Tegimenta subselliorum* nominat. Si quibus enim sedilium ea operimenta conueniunt, subsellijs, & scamnis ob nuditatem, ac duritiem debentur. Hæc ipsa tegimenta *Solaria* appellari voluit Cuiac. 10. obser. 17. V. hunc & ad l. vnus ex dominis D. de seruitut. & nos sup. cap. 28. Fest. *Solla* appellantur *sedilia*, in quibus non plures singulis sedere possunt, ideoq; *solla sternere* dicuntur, qui *sellisternium* habent, & *solaria* vocantur *Babylonica*, quibus eadem sternuntur. En *Solaria*, en *Babylonica* ad vsum sedium. *Babylonicorum* mentio eadem l. 25. *Tapeta vesti cedunt, quæ aut sterni, aut injici solent.* Sed *stragulas*, & *Babylonica*, &c. Reperio & *Sedularia* pro *stragulis* sedium; propriè autem earum, quæ in rhedis locabantur, vt visum Antonio Augustino, emend. 4. Non improbo magni viri enarrationem, quoniam hæc *sedularia* cum rhedis coniungit I. C. l. 4. de suppell. leg. Non placet quod Turnebus voluit 18. aduers. 23. *Sedularia* esse multa *sedilia*, vt *Cathedraria* sunt multæ *cathedræ*, *Rosaria* multæ *rosæ*, &c. quod autem vocem *Cathedraria* ex eod. I. C. aduocat d. l. 5. minus assentior, quasi disiunctim legerit. Ego iunctim lego, *Subsellia cathedraria*, nempe quæ cathedris subiiciuntur, atque ita non erunt aliud *Subsellia*, & aliud *Cathedraria*, neque hæc multæ *cathedræ*, vt *Rosaria* multæ *rosæ*, &c.

Hæc igitur *subsellia* *stragulis* fuisse operta, & quidem *tapetibus* docet ib. I. C. de *tapetis* queri potest *subsellia cathedraria*, quibus *insterni solent*, &c. Sic Plauto Stich. 2. 3. *peristromata* cum *sellis* iunguntur. Tum *Babylonica* (inquit Dinacium) *peristromata, sella, & tapetia*. vt habent Vetr. exemplaria: siue quod mauult Meurs. *Solla, & tapetia*: est autem solum idem ac *sedile*, vel *solium* vnus capax, vt aliàs diximus.

Neque solis operimentis, aut *peristromatis* *scamna*, ac *subsellia* tegebantur ad ornatum, sed ijs iam instratis *puluillos* fuisse *superinictos* non est dubitandum: prout *sedentium dignitas*, aut *sessionis apparatus*, ac *maiestas* postulasset. Sic *Stroppos* *puluinaribus* fuisse impositos docet Fest. in *Stroppus*: præsertim in *Castoris*, quos vel *coronas* interpretari licet, vel *fasciculos*. In antiquis monumentis comparent ea *stragula*, sæpius etiam *pulvilli*, nec raro in *curulibus*. V. cap.



13. & cap. 28. Contrariè in scamnis, aut subsellis, ubi perpetuæ, & oblongæ culcitellæ affiguntur, & inhaerent, aliquod insuper splendidius operimentum imponebatur; cum alioquin cæteri puluini repositiles, ac breues, & vnius tantum capaces supra omnem stragulam collocentur. Haud aliter *Toralia* (inde nostrum *Touaglia*) vel *Accubitalia* toris imponebantur: quia tori in modum puluinarium (nobis strapunti) componebantur, congesta lana, aut tomento referti. Vestem de Cataclitis vocauit Tertull. de pallio, & *pauo pluma vestis*, & quidem de cataclitis, quod malo, quam *Cataclitis*. *Vestis de cataclitis*, pro Vestis cataclitorum; sic *vestis de altari*, &c. quemodo nos Italicè. Sunt autem *κατάκλιτα*, *Accubita*. Pauo igitur pluma vestis est de cataclitis, quoniam refert auri & purpuræ colore vestem tricliniarem, & accubiralem, qua tori in triclinijs sternuntur. V. Salmas. ad hunc Tertull. locum. Vno verbo hanc stragulam *Tricliniaria* dixere. Plin. 9. 39. *qua purpura quis non iam*, inquit, *tricliniaria facit?* Idem 8. 48. *Tricliniaria Babylonica*. Labeoni I. C. l. 20. de opt. leg. *Vestimenta tricliniaria*. Sic *Mantelia*, siue *Mantuelia* mensis iniecta; de quibus Salmas. ad Vopisci Aurelianum, à toralibus, siue accubitalibus distinguens; quoniam his tori tantum, & accubita; mantelibus, aut mantuelibus mensæ insternantur. Cum tamen Casaubonus ab eo reprehensus confuderit ad Lampridij Heliogab. cap. 19. Hoc interrim scio, accuratè, atque exactè hanc partem philologiæ fuisse tractatam à Casaubono, qui ad illud Heliogab. cap. de se scripsit (alibi meminimus) *In commentario nostro de lectis, & stragula veste, quem breui edituri sumus, Deo faciente, assatim de istis omnibus, &c.* Ad eum commentarium, lector, te delego, si modò publicam vidit lucem, quam illi auctor parabat. Sed cubat (opinor) adhuc in pluteis, ac tenebras fert indignè. etiam ipse docuit Casaub. accubitalibus toros, siue accubita fuisse instrata; modestè subdens etiam mantelia venire eo nomine. Sint igitur magis propriè mantelia stragulæ vestes, quibus mensæ operiebantur, quæ olim *Mappa* teste Isidoro 19. 26. *Toralia* autem, & *Accubitalia*, quæ toros, & accubita suo velamento exornarent. *Mantuelibus aureis semper strauit*, inquit Pollio in Gallieno cap. 16. *Accubitalium Cypriorum* idem meminit in D. Claudio cap. 14. V. Salmas. hic, & ad Heliogabalum Lampridij cap. 19. ubi Casaub. pariter. Ut mensis igitur, & toris, sic sedibus sua fuerunt instrata, quæ *Solaria*, & *Sedularia*, ut diximus: neque tali tamen religione,

ut



ut subsellijs, & scamnis aptari nequiverint, etiam toralia, quibus lecti, siue tori tricliniaries decorabantur. liquet autem hæc stragula puluinis, & culcitellis, quanquam mundis, ac nitidis fuisse superinfecta; præsertim elegantiora, splendidique, ac peregrini artificij. Hinc illa Cypria, hinc Babylonica peristromata, & Attalica, & Campanica, de quibus tam crebrò apud scriptores legimus.

Pellibus potissimum usus fuisse veteres, quibus sedes insternerentur Heroicis præsertim temporibus memorat vates; quorum summus Aen. 8. vers. 178.

*Præcipuumq; toro, & villosi pelle leonis*

*Accipit Aeneam, solioq; inuitat acerno.*

vbi vetus, ac perdoctus interpres Donatus monet, quòd huiusmodi *tapes*, & stragulæ vestes è pelle heroibus decoræ tunc iudicabantur. Nonn. Diony. 16. stragulam describens, *δέρματα Παρδαλέων πολυδαίδαλα*, Varias pardalium pelles. Homerus primo Odyss. procos in domum Vlyssis à Penelope exceptos, sedentes facit *ἐν φινώσι βωῶν* *In bonum corijs*. De hoc pellium usu quædam protulit doctiss. Briffon. 2. de Regno Pers. Addo de Romanis ex Festo, *In pelle lanata noua nuptia considere solet, vel propter morem vetustum, &c.* Seruius Danielis. *Sellas duas ingatas ouili pelle superinfecta poni eius onis, quæ hostia fuisset: & ibi nubentes velatus capitibus in confarreatione flamen, & flaminica residerent.* ad Vatem Latin. Aeneid. 4. 38. Nota nuptiale mysterium, & quas vocat Seruius *Sellas duas iugatas*, perinde ac *Bisellium*, vel duas sellas iunctas. Atque has equidem ferarum, & animalium exuias stragulorum more explicatas, & oppanfas fuisse non ambigerem, ut poni, & amoueri possent, plicari, componi, recondi. Odyss. T.

*Εὐρύνομ' ἔφερε δὴ δῖον, καὶ κῶας ἐπ' αὐτῇ.*

*Eurynome affer sellam, & pelles super eam.* Addo alium P.

*Κῶα κασπεῦσα θρόνῳ ἐπὶ δαίδαλέοισι.*

*Pellem sternens super pedibus artificiosis.*

Vtrobique *κῶα*, h. e. pelles ouis nominat; quanquam non displicet poetica Synecdoche, pellem pro puluillis concinnatis, & confutis accipere, quod magis decorum, & commodum. An potius schematizare, quod Græci *ἐν διαδωῶν*, idem sit *δῖον*, καὶ κῶας, ac sellam pelliceam, vel coriaceam. At in altero versu *Κῶα κασπεῦσα*, omnino videtur disjuncta pellis, ac sellæ iniicienda. Equidem simplicissima hæc ratio insternendi, & priscis mortalium opibus, quin etiam arti,



arti, & industriæ accommodata, terginas pecudum, aut ferarum exu-  
uias sedendo, recumbendo premere: mollis quoque, ac nitida, & fe-  
rens ætatem ea stratura. Paulatim factum deinceps, vt sedibus eæ  
pelles affigerentur ad vsum assiduum, ac diuturnum clauis adactæ:  
pars autem ipsa, in qua propriè sedemus (sedile, aut quadratum dixi-  
mus) iniectis pilis, conferta stuppa, congesto tomento, iugiter strata,  
vorfa, ac follicans perperpetui vicem puluini præberet.

Reperio itidem apud Homerum clauis exornatas, ac distinctas pri-  
scorum fellas: quos argenteos memorat, vt Odyss. Θ. vers. 67.

Τῷ δ' ἄρα Ποντόνιος θῆκε θρόνον ἀργυρόηλον

*Huic Pontonius posuit sedem argenteis clauis.*

ornatam. Verbum verbo redderem *Argenti clauatam*, & K. vers. 314.  
& H. 162. ——— ἐπὶ θρόνῳ ἀργυροήλῃ.

*In sede argenteis clauis suffixa.*

Bullis, seu clauis hinc capitatis (nobis Borchie) è fusili, aut ductili  
metallo sumptuosi operis ad exquisitum luxus ingenium hodie vti-  
mur. Sed hæc obiter de clauis.

Alibi idem vates tapetem mollis lanæ, non pellem inijcit fellæ, quā  
vocat κλισίῳ. V. Athen. lib. 5. cap. 6.

Ἀλκίππη δ' ἐτάπητα φέρεν μαλακοῦ ἱρίου.

*Alcippe autem tapetem attulit è molli lana,*

qui est versus 4. Odyss. 124. Hermas in Pastore visione 1. *Video contra  
me cathedram de lanis candidis, sicut nix, factā magnam.* Tam de stragu-  
la, quā de puluino interpretari licet eas candidas lanas. Purpureum  
instragulum pictum Pers. Regis solio impositum refert idem Athe-  
næus lib. 12. cap. 2. ποικίλον ἱμάτιον πορφυρεῖν. Vide & in pompa  
Ptolemæi Philadelphi lib. 5. cap. 5. ex Callixeno Rhodio.

Atque his tandem sedibus suo instratis, atq. exornatis operimento,  
vltimum quoddam, ac supremum velamentum super inductum quan-  
doque nouimus; ostenduntque antiqui lapides, principum præsertim  
virorum cathedris, aut thronis. Vnicam sit satis tibi prompsisse sub  
n. 42. sedem elegantissimi operis, quæ Romæ extat apud Matthæos  
ad D. Catharinæ. Hinc apud veteres quoque Christianos illæ Ponti-  
ficum sedes velatæ, ac linteatæ, de quibus nonnihil sup. cap. 20. Sic  
etiam hodie eorundem Pontificum, & Antistitum, ac Principum  
sedes iam apparatæ, atque instructæ nouissimo quopiam bombycino  
velo obtegi solent: non modò vt à puluisculi contactu, profanique

Y

vulgi



vulgi oculis sint immunes; sed vt ab alijs eo pacto secernantur, & quandam venerationis speciem offundant, opera, & latenti maiestate.

Dum verò insternendis sellis immoramur, non immeritò vllus nos repolcat, quid tandem fuerit *Sellisternium*, & quæ illius apud veteres obseruatio? Quod autem ex ipsa vocis notatione paret, erit *sellisternium*, sedium aut sellarum stratura, munusque, aut ratio eas sternendi. Glossæ Cyrilli *sellisternium σελίστηνιον*. Sic etiam *lectisternium*, & apud Plautum pleud. 1. 2. *lectisterniator*, qui lectum sternit. Sed ad Festum adeamus, etsi ille parum lucidè, vt sæpè solet. *Solla sternere dicuntur, qui sellisternium habent, &c.* Paul. epitomator, *Solia sternere dicuntur, qui sollisternium habent*: nullo discrimine, quàm quòd solia legit, & sollisternium, non sellisternium; sicut alibi diximus, *Seliquastrum, Soliquastrum, & Solliquastrum*. Scaliger ad hunc locum Festi maluit, *Solia, &c. idèque soliar sternere dicuntur, &c. Soliar* anti- quis idem ac solium ex Vatrone, atque alijs. Sed quidnam illud est, aut cuius est tandem habere sellisternium? Non omnibus permissum fuisse solia, aut sellas sternere, monent verba ea superiùs allata è Festo. *Et idè solia sternere dicuntur, qui sollisternium habent*: quasi equidem honoris, aut cultus indicio certis personis, non omnibus ius illud permissum fuerit solia insternendi, aut instratis solijs, vel sellis vtendi: quod qui habuerint, ij sellisternium habere dicebantur. Opinatur Meurs. ad Plauti Stichum 2. 3. quòd quoniam solia, h. e. sedilia vnus tantum capacia è solido ligno, atque adeò pretiosiora fuerint, idè non omnibus ea habere licuerit: quibus licuisset, ij sollisternium habuerint, remittitque ad Festi auctoritatem. Percuperem, vt aliquid amplius me docuerit præ Festi verbis: imò nec verba huius Grammatici ed ducunt; qui non de simplici solio insedendo loquitur, sed de illo insternendo, deque peristromaris, aut solarijs eidem imponendis. Cessat ergo pretij, aut raritatis causa ob ligni soliditatem. Quibus datum fuerit illud ius, vel munus, vel ratio; quoue ritu, aut lege, quo honoris argumento, quibus diebus, aut per quæ officia, actusque rerum solennes, vt Festus tacet (forsitan id temporis norum) ita ego non audeo nunc definire, ac bona fide verus illud vsurpo N. L. Sed in re obscura liceat tamen diuinare. quod vt mihi cuiusmodi contingat, à vestigijs lectisternij non abscedo. Scimus *Lectisternium* fuisse sacri genus conuiuij, quod Deorum simulacris parabant: sic



sic lectos insternebant, ut illic procumberent ad epulas. quo placamine Romani utebantur grauioribus Reip. temporibus, ut iram auerterent, Coelitumque opem exorarent. Sæpe meminit Lilius, alijque veteres, quos profert eximius adnotator ad Alex. Neap. 5. 27. diu. gen. Turnebum adde aduers. 30. 32. Guther. de vet. I. Pont. 3. 9. Adi præcipue Seruium ad 3. Georg. & 12. Aeneid. & passim viri eruditi; Inter quos Casaubonus ad Suet. Cæsarem cap. 76. qui puluina, siue lectisternia Græcis quoque sacrisata primus sibi videtur obseruasse. Sed & lectisternium dixerunt lectum ipsum instratum, cuius icones in nummis.

Obseruo autem non omnibus Dijs, neque omnibus locis ea lectisternia habita: quod me docet Festus. *Sistere fana*, inquit, cum in urbe condenda dicitur, significat loca in oppido futurorum fanorum constituere, quod Antistius Labeo ait in commentario decimo quinto I Pontificij, *fana sistere esse lectisternia certis locis, & Dijs habere*, quæ verba sic accipio, ut duobus modis sit *Fana sistere*: altero cum in oppidis condendis loca statuuntur, decernuntur, definiuntur fanis, quæ illic construenda erunt. Inde apud Tacitum Ann. 4. 37. Cum D. Aug. sibi, atque urbi Romæ templum apud Pergamum *sisti*, &c. & 4. hist. 53. *Templum ejusdem vestigijs sisteretur*, & sæpe aliàs. Altero modo *Fana sistere* ex Labeone est *Lectisternia certis locis, & Dijs habere*. En igitur eadem formâ, qua superius sellisternium, hic quoque Lectisternium haberi dicitur. Epitomator Paulus extulit *Lectisternium certis in fano locis componere*: loca accipiens de partibus eiusdem fani, non de locis vrbis, quod ego magis opinabar. *Fana* itaque sistit, qui cetera statuit, ac decernit fana, ubi supplicationis gratia lectisternia habeantur, siue componantur Numinibus. Ita pariter de sellis dicamus, ut sellisternium habere, sit sellas statuere, aut componere Dijs certis, certisque locis, quod qui facit, is habebit sellisternium: quo pacto & *lectisternium* habere dicitur ille, qui eos lectos instrauerit, etsi eam loquendi formam Festus nobis non expromat. Puto autem eodem dicendi ritu *sellisternium habere*, quo *fascis habere* apud Lilium dicebatur ille Consul, qui suo mense ius dicebat, maiestatemque Reip. atque honoris fastigium obtinebat. Aut quomodo, *Senatum, Comitia, &c. habere*. Nempe cuiusque magistratibus, aut sacerdotibus ea cura demandata, id munus iniunctum, aut ius tandem permissum sellas, vel sella Dijs sternendi; quod qui præstarent, ij sellisternia habere dicuntur,



sive Festi verbis *solla sternere dicuntur, qui sellisternium habent*. quod certo loco ac tempore factum fuisse credimus, sicuti de lectisternio scribit idem Fest. ex lege. s. & obseruatione, quam ignoro penitus. Quemadmodum verò statuae, ac simulacra Numinum in lectisternijs reclinabantur; nihil prohibet, quin aliquando sellae ijs, aut solia instrata apparerentur ex praescripto religionis. Sicuti namque suos Romana gens colebat Deos, ebrios, iracundos, libidinosos, morbis & pathematis obnoxios: ita oportebat hominum instar eos nunc sedere, nunc recumbere. Tertullianus disertè mihi fauet lib. 1. ad nationes. *Solisternia*, inquit, & *lectisternia Deis*, &c. etiam ipse solisternij verbo vitur, quod rarò alibi, aut nuspiam reperiās, nisi apud Festum. ecce quomodo tum lecti, tum solia Dijs apparabantur ad conquiescendum. Alterum tibi sisto probatissimum testem Val. Max. 2. 1. *Nam Iouis epulo ipse in lectulum, Iuno, & Minerva in sellas ad cenam invitantur*. Deūm pater vt senex discumbit; cuius reuerentia sedent sellae. Rurum nota, ac discrimen, & morde laurum. Stragulam manifestè iniectam agnoscere est curuli sellae in nummo apud Vrsinum in Fam. Furia, quem tibi promo pag. 104. At apud eundem in Pompeia 208. & Valeria 269. nescio quid extat, ac prominet, quod magis puluinar, quàm stragulum arbitrare.

Cæterum viris quoque principibus, ciuibusq. egregiè de republica meritis sellas, aut solia apparatiùs instrata fuisse honoris gratia, certo loco, aut tempore, vt illic dum viuerent, vel vira functi, & absentes in suis imaginibus conquiescerent, nil inducor opinari. quod quoniam extra ordinem, publicae auctoritate tribui potuit; idèò habere eos solisterniū quis nō autumat, quibus permissum id fuerit, solumq. sternere iisdem dicantur? De hoc autem adornandæ sedis more, vbi simulacra principum ponerentur imitatione solisternij Deorum, assero tibi auctorem Tacit. lib. 15. ann. 29. *Medio Tribunal sedem curulem, & sedes effigiem Neronis sustinebat*. Ad quam progressus Tiridates cælis ex more victimis sublatum capite diadema pedibus subiecit. De eadem re Dio in eclog. *ἀλλὰ καὶ ἔην αὖ ψήλον ἡγάρεν. καὶ ἐν αὐτῇ εἰκόνας τῆ Νέρωνος ἐστάθισαν*. Sed solum altum erectum fuit ibiq. imagines Neronis statuae. profert Lipsius monetq. tale suggestum fuisse etiam Romæ in castris Prætorij ex eodem Tacito 1. hist. Plinius paneg. de Domitiano. *Iam dudum illi radiatum caput, & media inter Deos sedes*. Consimile quid de imaginibus Marcelli scribit idem Dio



Dio lib. 52. quoddam in sedibus locata fuerint media inter Prætores, qui ludos edebant ἐς τὸ μέσον τῶν ἀρχόντων τῶν τελευτῶν. V. Panuin. de lud. Circ. cap. 2. & cap. 16. Aut sollisternium tandem eos habere dicamus, quicumque honoris ergo, & ob meritorum præstantiam, eo iure, ac potestate gauderent, ut sibi sella insternerentur; quomodo etiam hodie differentia notā in consessibus sunt quibus stragule vestes subijciuntur, sunt qui careant. Est namque sollisternium suo verbo merus ille, purusque sternendi sedem actus, aut facultas. Dicam tandem planius. Sollisternium pro ipsa sede constrata accipi posse; atque adeo tellisternium habet, qui sella utitur stragulis splendida, quod non omnibus videtur permixtum, sicuti de habendis fascibus exposuimus.

Haud aliter Lectisternium pro quocunque lecto strato acceptum inuenimus. Sidon. Apollinar. epist. 4. 15. *Epulum multiplex, & capacissima lectisternia para.* Isidor. 15. 5. *Lectisternia dicuntur, ubi homines sedere consueverunt.* Loquitur de lectis, & tamen ad sedendum paratos scribit. Sed, puto, hæc verba hausit ex Servio 12. Aenei.

— & diri sacraria Ditis.

qui lectisternia fuisse nos docet, ubi homines solerent in templis sedere. Addenda sunt igitur Isidoro, nisi fallor, verba, *In templis*, quæ sui furum videntur fecisse. Atque hæc posteriores nostræ coniectationes non penitus abeunt à sententia Meursij superius laudari, qui sellisternia hominum honori tribuit. Sed verius puto inter caerimonia, & religiones Deorum esse habenda.

Ut his sedium ornamentis coronidem tandem imponamus, ne pigeat ultimo loco admonere sedibus ipsis fuisse coronas impositas, siue in ijs collocatas, & ad honorem tum superstitum, tum mortuorum illic statutas. Aureas Ptolemæo Soteri magni ponderis dicatas, ac super sedibus positas, quas per solennem pompam traducebant, refert Athenæus 5. cap. 5. qui & cornua aurea in quibusdam itidem sedibus circumducta coronæ vicem testatur. Cornua, inquam, diadematis instar habebant apud veteres; potentia omnino, quin etiam diuinitatis significatione. V. quæ congerit Carol. Paschal. de coron. lib. 10. cap. 4. ubi delicias nimium facit in cornuum laudibus persequendis: suæ autem observationi pondus nonnullum adiecisset illustri hoc testimonio Athenæi. Voluissem quoque, ut in eo erudito commentario non reliquisset indictum, quod nunc leui articulo tangimus de

CORO-



coronis sellarum gestamine. Sellam igitur Cæsaris auream memorat Dio lib. 44. pag. 243. ac super ea gemmis, & auro insignem coronam, qui honor alioquin Dijs tributus ἐξέτα τοῖς τῶν θεῶν inquit Dio. Corn. Nep. in Eumene, *Sellam auream cum sceptro, ac diademate.* Tacit. 2. ann. cap. 83. *Sedes curules Sacerdotum Augustalium locis, superq; eas coronæ quernæ statuerentur.* Lipsi. ad hunc locum. Præcipue autem in sellis curulibus hæ coronæ. Icones ē nummis protulimus alibi. Adde & argenteum Titi sub n. 7. Nonnunquam rami laurei, aliaue symbola, & ἀναθήματα Heroum, aut Deorum. Sic fulmen Ioui sacrum super Curuli in nummo Cn. Domitij Aenobarbi, quem exhibet Guther. de vet. I. Pont. 3. 9. pag. 289. Sic galea in Palladis, ut opinor, cultum apud Vrsin. in fam. Cestia p. 57. & in Norbana 176. Cornucopiæ, & libra in Licinia 139. Hinc atq. illinc ramus, iaculum, corona, lituus in Cornelia 74. & quod magis notabile, curulis pedes iacentem thyrsum pro solo habent in Valeria 269. eo. i. al-lulum, quod Val. Messalla Liberalia, siue ludos Bacchi ediderit, cuius numinis inter cætera gestamen thyrsus. Ac morem tandem statuendarum in sellis coronarum eruditè obseruatum vide ab Ezechiele Spanhemio laudata dissertatione de usu, & præstantia veterum nummorum pag. 186. Ac nos sup. cap. 14. pluribus.

## CAPVT XXXII.

Insignia. βασιλικὰ σύμβολα: *symbola imperantium.* σύμβολα τῶν ἀρχόντων. *Signa.* Vestes σημειωταί: *clauatæ.* Vestis πλατύσημος: *Laticlauiæ.* Insignia Magistratus. Ornamenta. Flaminij decursa insignia. Honor ornamentorum. *Iudicaturi sedentes.* Dies sessionum. Actus rerum. Sedere: ius reddere. Præsidere. Præsidatus. *Præsidebant ludis Imp.* Primæ cathedræ. προεδρία, πρωτοκαθεδρία. *Olympionicis data, ciuibusq; bene meritis, atq; in sua arte præstantibus.* Eadem ad mensas. *Platoni, & Xenophonti lux.* Præcellentiſſima sedes. Magnifica sedes.

**S** Artis hætenus inspeximus sellas, quibus aliqua honoris, aut excellentiæ insidet significatio, ut earum quodam ceu famulatu Bisellium nostrum illustrius redderetur. Plerasque simul alias, saltem celebriores in veterum scriptis, earumque vltim ac rationem non



non pœnitendo excursu adnotare visum nobis fuit. Sed vereor plurimum, ne quis Lucilianum non occinat, *Mantissa obsonia vincit*. Quare modus tandem adsit: ne fortè vetus alia querimonia lectori nostro exprimatur, *sedendo lumbi dolent*. Surgamus igitur à sedibus cæteris, ut ad vnum Bisellium, coniecturasque de illius Honore meditandas progrediamur.

Solenne ipsum sedendi ius, atq. auctoritatem quoddam in se honoris, & dignitatis iustar habuisse vsum, ritumque omnis æui, tam notum est, quàm frequens, & commune hominibus, ipse actus sedendi. Hinc illæ formulæ, & civilia verba, *Sedendi, Presidendi, Assidendi*, quas in iudicijs, consilijs, imperijs significandis adhibebant. Sed videor non minimum facturum pretium operæ, si id vnum dicendis præstruxero, Insignium, siue Ornamentorum nominibus fuisse honores, ac potestates non rarò expressas, ac demonstratas. Neq. in Romana id politia nouum, aut insolens; neque apud alias gentes. Sic enim clauus, annulus, vitis, fasces, gladius, carpentum, tella, &c. pro honoribus; quorum ea sunt splendida ornamenta, ac decora supellex; ac dicemus infra cap. 34. *Insignia* dixere Latini. Liu. lib. 1. *Iura dedit, quæ ita sancta generi hominū agrestī fore ratus, ac si se ipse venerabilem insignibus imperij fecisset*. De Romulo loquitur; egregiè interim monens ab extera illa imagine, & apparatu splendoris trahi animos in obsequium, & ad dignitatis excellentiam cogitandam perducī. Flor. 4. 2. *Regni insignia*. βασιλικὰ σύμβολα Herodiano in Pertinace, Prudentius hymn. 14. Peristephan.

*Fasces, secures, sella, prætextæ, toga,  
Lictor, tribunal, & trecenta insignium,  
Quibus iungetis*

Sic Græcis, ut Iustian. nou. 24. τὰ τῶ ἀρχῆς παρασημεῖα, *insignia magistratus*, & nou. 25. cap. 6. τὰ σύμβολα τῶ ἀρχόντων, *Symbola Imperantium*. Quandoq. σημεῖα, *Signa*, & *Insignia*; sed speciatim pro Clauo. Vnde σημεῖα, vestes, *clauatæ*; & vestis πλατύσημος, *Laticlavia*. V. ad Lampridij Alexandrum par ingens enarratorum Casaub. & Salmaf. Vlp. l. 1. §. casum D. de postul. *Insignia Magistratus*. Adi Brisson. 3. select. 14. ex quo Gothofr. ad d. l. primam. Aliter *Ornamenta*. Cic. pro Sext. *Indignus ordine equestri, cuius nomen retinet, ornamenta confecit*. Item *Ornamenta dignitatis* orat. pro Marcello, aduertitq. Iacob. Guthier. de off. D. A. 2. §. Lamprid. in Alex. cap. 48.

*Orna-*



*Ornamentis imperialibus, & melioribus, quàm ipse utebatur, affecit.* Apud Cruter. Inscript. 372. 7. *Decurionalibus Ornamentis, & ob Honor. Ornamentis.* Decurion. & 375. 1. *Consularibus ornamentis honorato.* Antoninus Pius, *Præfatos suos locupletavit, & ornamentis consularibus donavit;* Capitol. in vita. Tacito 13. ann. *Ornamenta Consularia,* ubi de Asconio Labrone, & Primo Antonio: & 4. hist. *Ornamenta Pratoria,* ubi de Cornelio Fusco, & Arrio Varo.

In tantum equidem, ut *Insignium* vocem pro honoribus, & inuicem usurpatam reperiam. Notabilis locus in l. 21. C. Theod. de *Decurionibus, Post Flaminij decursa insignia:* h. e. honorem, actum, & ministerium Flaminij, siue Sacerdotij. Contra *τιμὰς ὑπατευτικὰς, & ὑπατευκότων* vocat Dio, *Honores Consulares,* lib. 36. & *ἐπιτυμιας τιμὰς, triumphales honores* lib. 60. pro eo quòd Latini scriptores *Ornamenta, & insignia Consularia* dixere. Quandoq. simul expressæ voces & Honoris, & ornamenti, Crut. sup. ob *Honor. ornament.* Lamprid. in Commod. cap. 4. *Per Laticlavij honorem.* l. C. l. nuper de donat. inter vir. & vxor. ubi de donatione *Honoris causa,* inquit, *Ut si vxor viro laticlavij petendi gratia donet.* Sic quoq. in epigraphe nostra *Ob Honorem Euselij.* Iam igitur constat in ipso sedendi actu dignationem, atque auctoritatem inesse. Quare inter ritus iudiciales, ut Iudicaturi sedent; quod notissimum in religione forensi. Notat quædam Elmenhorst. ad Minucij Octau. pag. 4. Poller. Fori Romani pag. mihi 36. Neque alio sensu *Dies sessionum* inter pragmaticos, cum litium, causarumque cognitiones expediuntur, Græcis *ἀγοραῖοι* hoc est forenses. Demostheni *ὅτι αἱ δίκαι εἰσὶ, cum iudicia exercentur.* Latinis rerum actus. Suet. Aug. 32. & læpè alibi apud eundem. Plin. 9. epist. 25. *Opponitur ferijs,* aut *Rebus prolati,* quæ & *Iustitia,* aut tribunalium silentia, cum tria verba non licet profari. Differre l. C. Vlpianus l. 2. §. dies D. quis ordo in bon. poss. *Sessiones erunt nobis computandæ, quibus sedet, &c. & sedere ἀπλῶς* pro *Ius reddere* l. Diuus de in integr. restit. V. Guther. lib. 2. cap. 16. de off. D. A. Planè igitur sedere *δικαστικόν, & βασιλικόν,* ut vocat Io. Chrylost. in psal. 7. h. est iudicij, atque imperij. Adde quæ sup. de Assessioribus.

Nihil mirum, si tam ambiciosè experita, tam auidè accepta, tam consultè decreta sedendi prærogativa: quo vno, ceu amplissimo premio virtutem satis benè maceratam censebant, tum qui acciperent, tum qui deferrent. Non abluunt hinc obleruata in Amcenitatibus l.

cap.



cap. 28. ab amoenissimi ingenij, politissimæq. literaturæ viro Aegidio Mænagio. Non aliunde Latinis *Præsidis* dignitas, & *Præsidere*, & *Præsidatus*. Gr. *προεδρία*, & *προτοxedρία*, qualem ἐν συναγωγαῖς Pharisei affectabant, increpante Christo apud D. Mattheum 23. 2. hoc est *Primas Cathedras in Synagogis* ex vulgata versione. Nempe ordine locabantur eę sedes, aut cathedræ, primæque tanquam dignissimæ habitæ. Sic apud Hermam in Past. 2. 12. *Exaltat enim se, & primam cathedram habere vult*. Olympionicis certè, quos diuinis prope honoribus afficiebat Græca adulatio, nihil maius proedria spondit, ac representauit. Adi in Agonist. lib. 2. 27. P. Fabrum, cuius scripta faberrimæ eruditionis officinam reperies. Quod, si ipsi quoq. Romani Principes, dum habenas maximi imperij regerent, eandem præsidendi libenter occupabant dignitatem? Neque .n. ij semper præsidebant apud Senatum, vel in spectaculis, aut alibi. V. Guther. 1. 12. de off. D. A. erat autem ea Proedria, aut Præsidatus, cum quis publicis actibus, vel munijs præsidebat, maiestatemque, & auctoritatem præsentia commodabat. tunc igitur dignior loco, & eminentior sedes præsidenti apponebatur. Si quando igitur præsedissent Imperatores, narratur à scribentibus. Suet. Aug. 26. *Cum mane pro ade Capitolini Iouis paullulum curuli sella præsedisset*, & cap. 35. *Ferroque cinctus præsedisse valentissimis Senatorij ordinis amicis sellam suam circumstantibus*. Plinius iun. epist. 2. 11. de Traiano, *Princeps præsidebat*, erat .n. Consul. Suet. Tiber. cap. 6. *Præsedet & Actiacis ludis*. de Nerone cap. 12. *Nam perraro præsidere, ceterum accubans primum paruis feraminibus, dein toto podio adoperto spectare consueuerat*. Spartianus *Residere dixit in Adr.* cap. 19. *Multa in Athenienses contulit, & pro Agonotheta resedit*. Dio lib. 59. p. 645. ἐν προεδρίας spectare in theatris, ac ludis, quomodo consueuisse Caligulam illic tradit. Tacit. 13. ann. 5. de Agrippina, *escendere suggestum Imperatoris, & præsidere simul parabatur*. Hanc proedriam (vtar hoc verbo) freminis Augustis an bitam liquet, & usurpatam. Dio lib. 58. de Messalina *τὴν προεδρίαν, ἣν καὶ Λυδία ἐσχίζει*, Proedriam, quam & Livia habuerat.

Spectatiorem in sedendo locum ad spectacula etiam apud Romanos ij promeriti, qui ciuicam obtinuissent, de quibus Plin. 16. 4. *Scdendi ius in proximo Senatui*. Neque id Olympionicis tantum apud Græcos traditum; sed ad certaminum aliorum, ludorumue victores ea præcellentia translata: cum qua ferme adiuncta immunitas; sicuti

Z

&amp;



& de Ciuica donatis idem Plinius. *Vacatio munerum omnium ipsi, patrique, & auo paterno.* Gruter. 419. 11. καὶ προσδρίαν, ἀπέλειαν, &c. & *Proedriam, immunitatem, &c.* & 1159. 11. προσδρία ἐν τοῖς ἀγῶσιν *Proedria in spectaculis.* V. & Selden. marmor. Arundel. pag. 42. & 43. vbi ea sedis præcellentia decreta ob ciuis liberalitatem in patriam. Cuius namque de rep. benè meritis, insigniue aliqua virtute claris, suaq. in arte summis, eadem dignioris sedis præstantia collata: quod ex Aristophane in Ranis 3. 1. colligere est. Hoc namque honore augebant.

Ἀριστον οὐτα τὴν αὐτὴν σωτέχων, vt loquitur Comicus, hoc est *præstantissimum in sua arte.* quod etsi apud inferos factum iocosè tradit Aristophanes, illuc morem apud Atticos eruit Sam. Petit. ad ll. pag. 426. Alias hæ sedes ad mensam Homericis temporibus ante vsum discumbendi: atque heroibus in honorem, ac fortitudinis præmium digniori loco statutz. Neq. alio sensu (quantum conijcio) Plato in rep. lib. 4. iuuenes strenuos de Homeri sententia præmijs, atque honoribus esse inflammandos ad virtutem, & gloriam admonuit, ἑδραῖς καὶ κρέασι, ἡδὲ πάλσις διαπείεσιν, *sedibus, & carnibus, & plenis pateris* eos donando. *Sedibus,* hoc est proedria, inter epulas, ac fercula, de quibus illic vnà loquitur. Sic apud Aristoph. suprà non absurdè exponerem eam proedriam inter conuiuia; cum & isthic iungat σίτησιν ἐν Πρυτανίῳ, *viçtum in Prytæneo.* At cum discumbere ceperunt, ipsi quoque primi discubitus tunc expetiti; quod Phariseis itidem exprobratum eo loco D. Matthei, quos vocat προτοκλισίας ἐν τοῖς δείπνοις. Neque aliter Cyrus (de quo Xenophon in Pædia lib. 8.) præstantes ciues δώροις, καὶ ἀρχαῖς, καὶ ἑδραῖς, καὶ πάσαις τιμαῖς ἐγύραγεν, *donis, & magistratibus, & sedibus, & omnibus honoribus exornabat.* iterumque ib. Duces, atque optimates inuiritabat, ἀγαθοῖς ἔργοις προβλέψαι εἰς τιμιωτάτῳ ἑδραν, *vt præclarè gestis ad honestiss. sedem peruenirent.* Vtrobique ἑδραν licebit exponere digniorem sessionem, tum ad mensam, tum alibi. & verò ipsam quoque, qualis est, è materia factam sedem, qua donari honorificum. V. quæ sup. diximus cap. 12. notatque ex Romanorum more Brissonius de formul. lib. 2. adde Ludouicum Aurelian. ad Tacitum. quod verò τιμιωτάτῳ ἑδρα est Xenophonti, si pro fastigio honoris, aut dignitatis accipias, planè compar quæ in l. 5. C. de aquæduct. *Præcellentissima sedes P. Prætorio* dicitur; alibi *Magnifica sedes.* l. 3. C. Vbi Senatores, vel Cla-

ac



DE HONORE BISELLII. 179

ac sæpè in constitutionibus Imperatores suam *sedem* amplissimam, cellissimam, &c. magno cum tumore apparatuq. verborum solet appellare. Quando igitur tum *sellæ* ipsæ pro vario illarum genere (quod superius demonstraui) tum *sedendi* ius, vt nuper dicebamus, quandam aut præstantiæ, aut dignatis *tesseram* nobis repræsentant; noster quoq. lapis haud immeritò *Honorem* cum *Bisellio* copulat. Sed huic honoris appellationi quid propriè sublit, magis partitè nunc perquiramus.

C A P V T XXXIII.

Honor. Honorati: *qui in magistratu*. Honorati, *pro duumuiris*. Huo-  
mo onorato. Equi honorati. *Sollicitata Propertij lectio*. Ludi Ho-  
norary. Honoraria dedicatio. Honorarius Prætor: *aliter exponi-  
tur, ac C. A. Ruperto*. Cani Honorati, Consul Aquarum, Venale  
Velum. Honorarij tituli. Honorarij codicilli. *Honores codicilla-  
res*. Honos: *ornamentum, splendor, existimatio*: Inhonoratus: Ho-  
nor: *donum, pretium, merces*. Honorarium.

**H**onoris nomen, quatenus in re nostra partes habet, & Bisel-  
lio conuenire potest, iam reputemus. Est autem honor  
idem ac Magistratus, Præfectura, Imperium, publicæ rei  
administratio. Sciunt qui dentire incipiunt in legali scientia *Ius Hono-  
rarium*, ita vocari ab Honore, seu Magistratu; etsi magis propriè Præ-  
tura urbana id sibi assumpsit. l. 2. de Orig. l. 7. de Iust. & Iure. Nihil  
tam dictum, ac peruagatum.

—— *latuit plebeio rectus amictu*

*Omnis Honor.* ——— *Lucan. 2.*

hoc est qui erant in magistratu. *Si interuenerit honor. l. 3. D. manda-  
ti, & Honoris causa. l. nuper de donat. inter vir. & vx. Hinc Honorati,*  
qui in Magistratu, *ἐν ἀρχῇ*, aut ordinis dignitate, vel qui gesserunt  
honores. Titulus est Cod. lib. xi. de *Honoratorum* vehiculis: quo sen-  
su *Honorati* in l. honorati i. C. de off. Iud. Ciuil. & *Honoratis* viris l. 3.  
C. de off. diuers. Iud. Adde Valentiniani nouellam de *Honoratis*. In-  
script. Gru. 279. 3. *Honorati, & Decuriones*. vbi *Honoratos* accipio pro  
duumuiris, aut alio summate magistratu in municipio; quatenus ni-  
mirum diuersi sunt à Decurionibus. Neque enim semper *Honorati*  
Z 2 fim-



simpliciter sunt ipsi Decuriones, vt voluit Pancirol. cap. 1. de municip. magistrat. Idem Grut. 330. 3. *Honoratis, & populo*. quod aliter *Plebs urbana, & honore vsq.* 343. 6. 387. 8. 392. 1. 471. 3. *Plebei, & honore vsq.* 487. 8. *Honor. in cur. functus*. 1014. 2. Tandemque *Omnibus Honoribus, &c. functus, & Ob honorem, &c.* quomodo in lapide nostro passim reperies si ad Herculeum Gruteri opus Scaligerianos excurras indices; quos ego toridem appello Atlantes male fulti alioquin laboris.

*Verbaq; honoratus libera Prator habet.* Ouid. 1. Fast.

*Gessit honorata regia sceptrum manu.* 3. de Ponto.

Cic. 1. de offic. *Hominis Honorati, & principis*. Horat. 1. epist. 1. *Liberalis, honoratus, pulcher, &c.* V. plura notantem Iacob. Gothofr. ad Cod. Theod. tit. de offic. iud. Ciuil. l. honorati 1. Nobis quoque per familiaris ea loquendi ratio *Humo honorato, &c.* Albinouan. ad Liuiam. *Inter honoratos excipiat aures.* Patercul. lib. 2. de Mecenatē, *Cæsari charus, sed minus honoratus*. Coronas lemniscatas Seneca *Capitis honorati vinculum* appellat. Lamprid. de Seuerō in vita cap. 40. *Honoratos quos pauperes verē non per luxuriam, aut simulationem vidit, &c.* iterumq. *Cum quidam ex honoratis vita sordida, &c.* Non est quod Catau. bonus pro Honoratis legat hūc Inhonoratis, quem duplicis erroris meritō arguit Guther. de off. D. A. lib. 1. 14. *Scansilia gradus sunt, ubi honorati in sedibus harent.* Isidor. 20. 11. *Tenias, &c.* ornamentum capitis honorati Fest. Sic, *Pratura honorauit, ac statim Pannonijs imposuit*, Spartian. in Adr. Perinde ac Etruscē vulgō diceremus *Honorato della Pretura, &c.* Quin etiam Tacit. 1. hist. *Pontificatus, auguratusq; honoratis iam senioribus*, ne barbarum putemus. Grut. 586. 6. *Viat. honor. Dec. Cos. & Pr.* quod explices *Viator honoratus Decuria Consularis, & Prætoria.* Grut. 68. 3. *Honoratus in tribu Patrum, & liberum clientium ascensus, &c.* Ipsi equi currum Prætorium ducentes *Honorati* audiunt. V. Scalig. ad Propertij carmen vltimæ vltimum elegiæ.

*Cuius honoratis ossa vehantur equis.*

Etsi Passeratijs *Aquis* legit, placuitq. Turnebo 23. 7. At equis mauult Pancirol. var. lect. 1. 32. repetitque ad enchirid. Pomponij C. A. Rupert. cap. 11. qui & *Honorarios* ludos exponit Prætorios. Non tamen id semper verum; cum & in aliorum Magistratuum, Aedilium, Quæstorum auspicijs, ac functionibus, & in ipsis municipijs dati ludi, & usurpatus ille titulus. quo sensu fortasse apud Grut. 100. 5. *Honorari*

*riam*



*riam dedicationem.* Reperio & apud Festum, *Honorarios ludos, quos & liberalia dicebant.* Eidem Ruperto *Honorarius* Prætor apud Ouid. legitur versu, quem sup. apposui 1. Fast. Sed pace summi viri retinendum arbitror *Honoratus*: alioquin Prætorio honori, quem illic asserere conatur Rupertus, potius detraheretur, si *Honorarium* Prætorum mallet; ex consuetudine; namq. Latini Sermonis *Honorarium Consulem, Præfectum, Senatorem, &c.* dixerunt, qui actu, ac ministerio non esset talis, sed in solam speciem, atque impetratis codicillis: qua de re mox dicemus. Capillos, siue Canos Honoratos Ouid. vocauit 10. Metam. v. 9. vbi de Niso.

————— *splendidus ostro*  
*Inter honoratos medio de vertice canos*  
*Crinis inhebrebat* —————

Prætermitto prudens, quæ Honoris significatu venirent: siue cultus, atque obseruantia in aliquem; ac si ille in honore esset: siue humanitas, ac beneuolentia: siue indicium, ac significatio egregiæ de villo opinionis: & quæ super ea voce affert Non. Marcellus. Ut instituto nostro hæreamus, aliam notionem exequimur, qua *Honorem* non expressè, ac propriè Magistratum, aut publici muneris vsum signamus, sed speciem tantum illius, atque imaginem, velut titulo tenus; vel illinc tandem decus, & ornamentum. Hinc *Honorarij tituli* dignitatum *nullo laborioso administrationis actu*, ut loquitur Imperator l. 187. C. Theod. de Decurion. & *Præfectoria dignitas honoraria* Iuliano in nouel. 70. quo spectant *Honorarij Codicilli*, de quibus est integer tit. C. Theod. Sic Lampridio in Alex. cap. 49. *Pontificatus, & quindecim viratus, & Auguratus Codicillares*, quoniam Codicillis deferbantur. V. Cassiodor. 6. variar. 10. *Muneris exsortes, nomine participes* cum Ausonio dixeris, aut quomodo 2. hist. loquebatur Tacitus. *Honor imperij penes Titianum fratrem eius, ac potestas penes Proculum Præfectum.* V. Iacob. Guther. de off. D. A. lib. 1. cap. 13. & seqq. vbi de Honorarijs Consulibus, alijsque dignitatibus. Suet. Claud. cap. 1. *exercitus honorarium ei tumultum excitauit.* Nec minus *Honor* pro ornamento, atque existimatione ad laudem Ouid. 1. Fast.

————— *matres carpenta vehebant,*  
*Mox honor eripitur.* —————

Flor. 4. 2. *Omnes in unum Principem congesti honores, templa, imagines, &c.* Tacit. 2. ann. *Honores, ut quis amore in Germanicum, aut ingenio validus*



*lidus reperti: ut sedes, &c.* Cic. ad Atticum 5. 21. *Nullos honores mihi, nisi verborum decerni sino: statuas, sana τῶν ὀνείων prohibeo.* Grut. 426. 8. *Statuam, & honores, quos cuiq; plurimos, &c.* & passim *Honore accepto, & Honore contentus, &c.* consule indicem: ea .i. qua dicebamus notione. E' diuerso *Inhonoratus* Suet. Claud. cap. 11. *Ne Marcum quidem Antonium inhonoratum, ac sine grata mentione transmisi.* Quod si inani splendori utilitas accesserit & fructus, multo magis id nomen competere videbatur. Cic. 16. ep. 9. *Curio misi, ut medico honor habeatur, ubi de munusculo.*

*Virginis hoc pretium, atque hunc reddamus honorem.*

Lucil. apud Non. Cæsar. 2. de bello ciuili 21. *Quibusdam ciuitatibus habitis honoribus, &c.* Terent. Eunuch. 5. 7. *Hic pro illo munere tibi honos habitus est.* Cic. pro Roscio, *Quod viris fortibus, &c. honos habitus est, &c.* V. Carolum Langl. otij fenestr. 6. 2. Quod apud D. Matthæum est cap. 15. τὴν ἡσῶν, & τὴν ἡσῶν, de dono, ac beneficio explicant, ubi D. Hieronym. 2. comm. *Honor, &c. in eleemosynis, ac munerum oblationibus sentitur: collatisq; alijs testimonijs sacrae pag. sequitur* Cl. Grotius de I. B. & Pacis lib. 2. cap. 13. n. 7. Adi & Iuretum ad Symmach. p. 302. Neque aliter apud Consultos *Honorat* testator, qui legat, ac relinquit; & *Honoratus* est hæres. Arnob. 5. *Donis siluestribus honorari.* Grut. 1115. 8. *Dono, &c. honorati sunt.* Macrobi. 1. 3. sat. *Annulo auro honoratus, h. e. donatus.*

*Scriptor honoratum si fortè reponit Achillem.*

Horat. epist. ad Pisones. Vlp. l. 1. de postul. *Nisi in arena passi sunt honorari, h. e. dona, & auctoramenta accipere.* Suet. Aug. *Nulliq; Græco certamini interfuit, quo non pro merito certantium quemq; honorauerit.* cap. 45. *Honorarium, quod euntibus in Prouinciam Magistratibus; quod item Iudicibus, magistris, &c. dabatur; cuius passim exempla.* Contra *Inhonoratus*, qui sine dono.

*Nos inhonorati, & donis patrnelibus orbi.*

Aiax apud Ouid. in armorum iudicio. Idemq. 8. Met. n. 280.

*Quaq; inhonorata, non & dicemur inulta.*

Sicuti pro iniuria, *malum honorem* dixit Gell. Plura nos in nostro syntagmate de vniuersa donorum ratione apud Vett. Quod si firmior superat valetudo, atque otium felicius, Deusq; annuat clementissimus, non curti opus laboris; ad umbilicum quandoque perducemus, & publicæ lucis periculum.

CA-



## CAPVT XXXIV.

*Insigne honoris pro honore ipso. Latus clauus: Senatoria dignitas. Honor laticlaui. Vir Laticlauius. Tribunus Laticlauius. Octau. Ferrarius iterum laudatus. Angustus clauus: Equestris conditio. Tribun. angusticlauius. Aureus annulus Equitum tessera. Olim militibus datus in Rep. Ab Imp. dein impetratus. Censuræ cum aureo annulo requisitus. Liberti aureo annulo ingenuitati redditi. Natorum honos. Vulgatus aur. annulus, & ingenuitas. Vitis: pro Centurionatu. τριμή, honor appellata.*

**V**Trolibet igitur sensu capiamus *Honorem* in epigraphe nostra, non temerè videbitur accomodari: siue pro ornamento, atque externa dignitatis tessera: siue pro magistratu, ac ministerio publico, quod per Bisellium denotetur. Fere .n. ornamenta, aut insignia honorem arguebant: eorumque descriptione, magistratus ipsos, ordinis, aut muneris statum indicauerunt. Supra in vniuersum statuimus; vno nunc autem, atque altero exemplo confirmare pronum est, & obuium ex usu Romanæ politię. Quis nescit, *Laticlauij*, aut (quod idem est) Vestis *Laticlauię* gestamen, atque usum Senatoribus Romanis olim datum, tanquam amplissimi ordinis Symbolum? Inde factum, vt tam sæpè pro Senatoria dignitate *Latus-clauus*, siue tunica *laticlaui* dicatur, quoniam insigne erat eius ordinis. Hinc *Honor Laticlauij*. Lamprid. in Commod. cap. 4. *Per honorem Laticlauij*, quomodo in nostro lapide, *Ob Honorem Bisellij. & I.C. I. nuper de donat. inter vir. & vxor. Honoris causa, &c. vt Laticlauij petendi, &c. & Laticlauius* nullo adiuncto idem ac Senator. Suet. Ner. 26. à quodam *Laticlaui*, cuius uxorem contrectauerat. Sic *Tribunus Laticlauius*, qui ampliore dignitate utebatur. De hac autem tunica, & insigni Senatorio Sigon. lib. 3. de iudic. ex eo, atque alijs concinnator antiquitatum Rosinus lib. 5. cap. 33. Sed qualis fuerit ille clauus, aut ea vestis clauata, à nemine aut melius, aut tutius condiscas, quàm à Cl. Octauio Ferrario in Palladia Rep. verè *laticlaui*, de re Vest. lib. 3. p. 1. cap. 12. & seqq. Non ignoro variatum aliquando fuisse in hoc more, & quandoque non Senatoribus Senatorium hunc clauum indultum; sed id extra ordinem ab Augusto filiis Senatorum. V. Suet. Aug.



Aug. cap. 38. & ibi Casaubon. Aliud tamen est ornamenta indulgisse : aliud summæ curiæ dignitatem cum actu permisisse. Loquimur interim sub Rom. Rep. ac meliori ævo. Sic aliud *Iustus triumphus*, aliud *triumphalia ornamenta*, ut legimus apud Suet. Aug. cap. 38.

Diuersè igitur qui intra equestris ordinis mediocritatem permanerent, neque altius adspirarent, angustæ clauis vestem, non tam ampli luminis decore ornatam inducebant: quod Lamprid. in Alex. Scu. ita expressit, *ut equites Romani à Senatoribus clauis qualitate discernerentur*; eius nempe angusticlavæ tunicæ vocabulo eum ordinem, statumque civilem innuebant. Patercul. 2. de Mecenate, *minus honoratus*, (en honoris mentio) *quippe vixit angusto clauo penè contentus*. Suet. de patre suo in vita Othonis cap. 10. *Tertia decimæ legionis Tribunus angusticlavus*. Pro angusto clauo, arctum appellauit Papin. 6. Sylu.

*Contentus arcto lumine purpure.*

Ouid. ——— *clauis mensura coacta est.*

Adi eundem Ferrar. cap. 14. 16. Lamprid. sup. *clauis qualitate*, h. est quantitate, quod Casaub. notat, ut ὁμοιος pro ἴσος Veteribus.

Confinile quid de aureo annulo asserre quem iuuet: quod equestris iudem ordinis Symbolum fuit, & character. Nec raro preinde meminerunt scribentes, tanquam si equestrem ciuitatem demonstrarent. Mart. 8. 5.

*Dum donas Macer annulos amicis,*

*Desisti Macer annulos habere.*

Acuto sarcasmo Macrum pungit vates; dum .n. Macer inconsulte donans patrimonio excutitur, desinit annulos habere; aureos .s. & censum equestrem. Neque aliter Iuuenal. sat. 11.

———— *digito mendicat Pollio nudo.*

equitem Romanum, sed prodigum, & fortunæ equestris liguritorem notat. Suet. Galba 10. *Equestris ordinis iuuenes, qui manente annulorum aureorum usu euocati appellarentur*. Macrob. 1. sat. 3. *Laberius in fine ludorum aureo annulo honoratus à Cesare*; hoc est censu, & ordine equestri: & lib. 3. cap. 14. ubi de Roscio, de quo etiam Plin. 33. 2. Sed obuia sunt hæc cuiq., & vulgaris notæ mercimonia. V. tit. D. & C. de I. ann. aureor. & ibi interpretes, inter quos Gothofredum. Adde Franciscum Amayam plenè alios laudantem ad tit. Cod. si seru. aut libert. n. 47. ad deinceps. Nouissimè Kirchner. an. de ann. cap. 16. & 17.

Sed



Sed quamvis extra oleas sim facturus, permittat mihi lector, ut hisce aureis annulis *τρηφοῖδον* insculpam, quod aliorum fortè oculos aut fefellit, aut fugit; dum tam securè opinantur hoc ius, siue utrum aurei annuli purum putum esse indicium, & characterem equestris ordinis. Imò namq. si rectè perpendimus, quoties de hoc iure annulorum indulto legimus in libris veterum Prudentum, ingenuitatem, aut veriùs imaginem ingenuitatis reperiemus collatam potius, quàm equestrem ordinem, aut dignitatem. Facile cuius patebit, qui utrumq. euoluerit titulum tam Digestorum, quàm Codicis de I. aureor. ann. Solis. s. libertis donatum fuit illud ius aurei gestaminis, cuius splendore impressam discuterent notam libertinæ obscuritatis, fierentque honorum capaces nullo metu legis Viselliæ. Et quidem si de ijs quærimus, quibus narrant historiæ id facultatis collatum, pleròq. omnes è libertino genere deprehendemus. Intelligo autem quatenus de eo iure Constitutiones Ciuiles loquuntur. Alijs namque temporibus alia fuit gestandi annuli ratio. Et quidem ante Augusti æuum ob militarem præcipuè virtutem id præmium collatum, ut de Herennio Gallione, quem Balbus quæstor donauit, constat ex epistola Pollionis ad Cic. inter Ciceronianas 10. 3. A Magistratibus namque indulgebatur, quomodo Sylla dictator Roscium honorauit teste Macrob. 3. Saturn. cap. 14. Postea sub Augusto, & infra ab Imperatoribus impetrandum erat illud ius. Num in militia, an in vrbe annulis vsi fuerint equites, & quo æuo id vsurpatum expendit Kirchmann. cap. 15. de ann. Cæterum qui milites in bello olim donari fuerint tradit Tullius 3. Verr. V. & Lamprid. in Alex. Seu. sub quo milites accipiunt: sed alio sensu, ac respectu, ac in ritulis legum Ciuilium, quantum existimo. quo iure inspecto, exempla si percurrimus, occurrent omnes libertini. De Asiatico liberto Suet. in Virellio cap. 12. De Iceto idem in Galba 14. De Anronio Musa Dio. 53. Zonara 11. De Mena ibid. Dio. De Etrusco Statius 3. Sylu. in Lacrymis Etrusci. De Pallante Plin. 8. 5. epist. De Macrino Capitolin. in vita Opilij Macrini cap. 4. ut multos omittam alios.

Vtroque autem pollice adprobo quod doctissimus idem Sigonius monuit, non statim aurei annuli beneficio in equestrem ordinem fuisse transcriptos qui acceperint, nisi etiam census, aut fortunarum præscriptus modulus accessisset; quod à Tiberio institutum, ne tam facile vulgaretur ille decor equestris. Indulserat namq. Aug. *quibus*



*ipsis parentibusque equester census unquam fuisset.* Suet. c. 40. Aug. V. Kir-  
chman. d. cap. 16. Neque illud negarim in allatis nuper exemplis plu-  
rimum cum aureis annulis fuisse collatam medijs ordinis dignitatem.  
Sed præcipuus ille finis, quem spectarunt, erat reddendæ ingenuita-  
tis, eradendæque cicatricis, si quam vulnus seruitutis, ut ut manumis-  
sione sanata, reliquisset. Quare arridet apud Papinium legere Syll. 3.  
de laudibus Etrusci.

*Mutauitque genus, lenaque ignobile ferrum*

*Exiit, & celsæ natorum æquauit honore.*

Vbi maluit Salmas. ad Capitolini Macrinum cap. 4. *Celsæ natorum*,  
mirificè sibi placens, quod *celsæ natos* sagaci coniectura equites esse  
indicauerit. Præstat, inquam, per ea, quæ nuper monebamus, vulga-  
tam lectionem tueri: quoniam præcipuum, ac maximum beneficium  
ex Annulis, atque *Honos celsus*, summæque appetendus ille erat, *Na-*  
*torum* communi conditione (quali .i. omnes naturâ nascuntur) & inge-  
nuitate donare; quod & aliter *Natalibus restituere* dixerunt. Quam  
lectionem, atque interpretationem idem Amaya tueretur, nostroque  
huic simul fauet adnotationis excursui. Et quidem vel inuito Tibe-  
rio adeo increbuit deinceps, an potius euiluit illud ius, ut vulgò cum  
manumissione aurei quoque annuli honor ambiretur, quod respexit  
Tertull. cap. 57. de Resurrectione, vbi de manumissione loquens,  
*Vestis albæ nitore, & aurei annuli honore, & patroni nomine, ac tribu. men-*  
*sæ; honoratur.* Atqui Tertull. iura Rom. non ignorauit; siquidem  
inter veteres Consultos nomen signauit, quorum responsa celebran-  
tur in legum voluminibus. Sed quæ diximus, suis sunt moribus, tem-  
poribusque Romanis aptanda. Neque .n. omni ævo in illa Repub.  
aut imperio, vsus, atque honor annuli aurei, tessera fuit equestris or-  
dinis; neq. solum istius. Sicuti & nouella Iustiniani 78. cap. 1. & 2.  
omnis solennitas ingenuitatis tradendæ per hoc ius aurei annuli sub-  
mouetur, omnisque labor impetrandi remittitur, quoniam cum sola  
manumissione plenum ingenuitatis beneficium, Romanæque ciuita-  
tis integra honestas intelligitur accessisse. Consulantur qui sup. ne  
præter rem nimium lubricâ excurram rotâ.

Possem hîc interiuungere, & vltiori Symbolorum examine absti-  
nere: sed *Vitis* sub manum adnascitur, quam piget deferere, ac sine  
vlla, vel tenui ridica adnotamenti fulcire. Scio quod multi dicere  
occuparunt, ac plena sunt triuia philologorum. Lipsium consule de  
Milit.



Milit. Rom. 1. 8. & 2. 8. & 5. 18. Promotibi lapidem Gruter. 522. 6. Augustæ Taurinor. & *mibi vitem dederit, &c. Vitem*, h. e. Centurionatum, cuius ea Symbolum, insigne, aut gestamen: expressè autem Eusebio vitis, *Honor* appellatur lib. 7. *τιμὴ τίς ἐστὶ παρὰ Ῥωμαίοις τὸ κληῖμα. Honor quidam est vitis apud Romanos: & τὸς τυχεύτας φασὶν ἐπαντοτάρχης γίνεσθαι, quam qui impetrarint aiunt Centuriones fieri*, vt distinctè hunc locum Salmaf. legit ad Spartiani Adrian. cap. 10. nec afferre compesco: nulli, inquit, *Vitem, nisi robusto, ac bona fama dedit*: vbi eruditè Casaub. notat *Vite* potius Designatum Centurionem renunciari, quàm illicò fieri. Vt, vt aliquando vera ea animaduersionis; non perpetuò mihi talis. Adi & Salmasium ib. qui suam dulciter scalpit pruriginem illic Casaubonum perstringendi. Nempe viteam manu ferebant virgam Centuriones, militaris insigne regiminis, quomodo etiam hodie cannam, aut bacillum teretem. Hinc sæpe in monumentis eæ vites inseulptæ, indicium centurionatus, quem defunctus gesserit. Nota hæc, & multoties recocta.

Nostas ne linquamus sedes, aut longius euagemur aliena petitori subsidia. Hæreamus sessioni, tanquam honoris symbolo, aut argumento. Aequè illud vulgatum est confessu steterisse equites: atque hoc vno iure *sedendi in quatuordecim* impetrato plebeios alioquin ac de vili popello in equestrem ordinem fuisse transcriptos; modò illis integra fama, ac legitimus census perseverasset: non turpi iudicio forent damnati: non cessione bonorum se maculauerint, quæ honorum insignia, atq. usus amittebantur. V. Kirchmann. d. cap. 16. Scipionemq. Gentilem ab eo laudatum. Non rarò igitur equestris loci splendorem innuerunt scribentes hac vna meronymia, aut periphrasi *sedendi in quatuordecim*, h. e. supra Orchestram Senatorum, & infra cuneos populares proximam sedium partem per quatuordecim gradus occupandi. V. Lipsi. de Amphith. cap. 12. & seqq. Bulengerus verò etiam in Circo, non tantùm in theatro id seruatum equitibus censet lib. de Circo cap. 33. ac deinceps, quem videat, & allata expendat momenta rationum, cui placet: nempe lege Roscij Othonis Tr. Pl. Anno V. C. 687. discrimen id sedendi statutum ad honestatem equestris ordinis augendam.

*Sedilibusque magnus in primis eques  
Orbone contempto sedet.* Flacc. epod. 4.



Iuuenal. sat. 9.

*Sic libitum vano, qui nos dislinxit Othoni.*

&amp; sat. 3.

*De puluino surgat equestri.*

*Cui res legi non sufficit.* Plin. 7. 30. *Roscio theatralis auctori legis ignouerunt, notatasque tribus se discrimine sedis aequo animo tulerunt.* Omnino consulendus Tullius in ea pro L. Muræna. sed legem Othonis sensim detrectatam, aut fugientem Domitianus Princeps reuocauit, de quo Martial. 5. epigr. 8. & ibi locupletis. Rader. Arque in vniuersum de hoc equitum honore P. Faber Semestr. 2. 6. Dempster. ad Rosin. 5. 10. Lipsius, & Buleng. qui sup.

Quare nudo nomine *Quatuordecim* significarunt equestrem ordinem: vt admirari definamus, si solo *Bisellij* aliqua dignitas, arque honor colligatur. Sen. 3. de ben. 9. *In quatuordecim deduxisse, & epist. 44. Multis quatuordecim clausi.* Aufon. Lud. Sap. in Cleobulo.

*Gradibus propinquus in quatuordecim sedes.*


Iuuenal. sat. 14.

*Bis septem ordines.*

Martial. 5. 27.

*Bis septena tibi non sunt subsellia tanti.*

Adde Macrobius Saturn. 2. 3. Suet. Cæs. 39. & Aug. 40. *ἐμαρτυρώς* usurpatum, vt suppleantur, Gradus, subsellia, ordines, scamna, &c. Vno nomine *equestria* dixere. Sen. 4. de ben. 12. *Non mentiar, si dicam me habere in equestribus locum.* sic petulans scæmina apud Petron. turpiculo sensu gloriatur, se nonnisi *in equestribus sedere.* Adeo autem hic fructus iucunditatis, dignitatisq. splendor sedendi in *Quatuordecim* custoditus, ne contactu plebeio inquinati, aut turba pressi forent equites. vt si quis non eques temerè illic se infuderit, cum ignominia à *Designatoribus* (Gr. ἀποδεικνύς vocant) eiiceretur; aut contra iniuriarum ageret eques iniuste excitatus, aut depulsus. V. Martial. 5. epigr. 8. de Phaside, & 5. 28. ibique Herald. Quintil. 3. 6. *Si accusabitur lege theatrali, depulsio erit rei; si excitatus fuerit de spectaculis, & aget iniuriarum, depulsio erit accusatoris.*



CA



## CAPVT XXXV.

*Honor Bisellij alibi memoratus in lapide Sueffano, si pro Honorem bis illi, &c. legatur Honorem biselli. E in l versa sepe in Vett. Inscriptio- nibus. Biselliarius: non tam artifex biselliorum, quam bisellio hono- ratus. Biselliaris. Biselliaris Quinquennialitius: veluti censor mu- nicipalis. Biselliarius Augustalis.*

**Q**Vando igitur in ipso sedendi actu nescio quid honorificum sedisse, infinite, atque in vniuersum cognouimus; per par- tem quoque, ac speciatim explorauimus; atque ipsis tan- dem Symbolis, insignibus, ornamentis, eorumue nomi- nibus, honores sepe demonstratos, dignitatique, ac pre- stantia mensuram, ac modum definitum intelleximus: fraudi ne sit, si ex solo *Bisellio* honor aliquis exculpatur, quem sculptum legimus in marmorea nostra inscriptione. Ea quidem vnica, vbi eiusce hono- ris illata mentio, quantum hactenus in veteribus monumentis, aut libris compertum est. Sed verò discutiendus est hic error, & pedum via monstranda; nisi penitus me sefellerunt vestigia, ac semitæ, quæ adhuc comparent in vetustis marmoribus. Antequam ergo conie- cturas periclitè de Honore Bisellij, quinam ille esse potuerit, admo- neo etiam alibi in tabulis lapideis fuisse memoratum: modò leuiter corrigamus voculam, quam nobis obtrusit, aut menda fabri, qui scul- psit; aut exscriptoris incuria, qui reddidit; aut fatum lapidis, qui in- suis apiculis, ac lineis detrimenta ætatis excepit. Patiatur interim lector, vt totam inscriptionem apponamus inter editas à Grutero, vbi (nisi aberro penitus) Honor Biselli, quomodo in nostro lapide legen- dus est. Eius particulas aliquot exponere simul lubet, simul expedit, vt mutua lucis commercia inuicem sibi commodent. Ea est 475. 3. & Sueffæ visebatur in Campania inter duas portas. E Smetij, & An- tonij Augustini Schedis Gruterus collegit, ac produxit.

*C. Titio*

*Chresmo Augusto. LI.*

*Huic Ordo Decurionum*

*Quod pro salute, & indulgentia Imperat.*

*Antonini Pij Felicis Aug. & ex voluntate populi*

*M*



## MARMOR PISANVM

Munus familia gladiatoria ex pecunia sua  
 Diem priuatum secundum dignitatem colonie  
 Ediderit Honorem bis illi quo quis optimo exemplo  
 In colonia Sueffa habuit & ut aquae digitus  
 In domo eius fluere commodisque publicis ac se  
 Decurio fruere & Titio Chresimo filio eius  
 Ob merita patris honorem Decurionatus  
 Gratuitum decreuit Ordo Decurionum  
 Et Augustalium & plebs vniuersa.

In hoc lapide Honorem bis illi, quo quis, &c. prorsus esse nostrum Pisanum, Honorem Biselli, tam simile verò est, quàm ouum ouo. quòd si criticum ritè adhibeamus cribrum, equidem non stultè diuinasse videbimur. Sed quicquid sit in causa, cur *Bis illi* pro *Biselli* compareat, præter superius allatas, possumus etiam vitio, aut consuetudini scribentium tribuere. Facilis, & obuia ea migratio τὴ E in I, atq. in lapidibus præsertim; sed veteres utroque modo usurparunt in vocibus *Spiculator*, & *Speculator*, *Siliquastrum*, & *Seliquastrum*, atque alijs id genus: notatque ad Arnobium, necnon in suis aduersarijs philologorum emunctis. Desiderius Herald. In marmoribus quoque *Mancips*, *Sinilis*, *Simpronia*. 222. 10. pro *Manceps*, *Senilis*, *Sempronia*. & 551. 8. *Equis* pro *Eques*. In glossis pariter, ac vetustis Mss. obseruare est; nec desijt admonere toties laudatus Reines. epist. 35. pag. 262. Addo tabulas Pisanas in eo decreto, quod Caium spectat *Pitilius*, & *Petilius*, *Nine*, pro *Neue*. Vocalem retinent secundam nullo commutatu duo alteri lapideis apud eundem Gruter. in *Biselliario*. Primus est Atellanus 1099. 2. quem adscribo integrum, ne expertem obseruationis relinquam.

Cn. Plaetorio VI Viro

Augustali

Biselliario

Honorato ornamentis

Decurional.

Populus Abellinus

Aacre collato quod

auxerit ex suo ad

Annonariam pecuniam

H S X N & vela in theatro

Cum



Cum omni ornatu

Sumptu suo dederis

L. D. D. D.

Secundus comminutus, & truncus Romæ in pavimento Basil. Lateranens. 1103. 6.

..... & Portens. q. q. immque  
Biselliari . . . . .

Scaligerianus index in Gruterum *Biselliarios* reponit inter artifices; nempe (intellexit) qui bisellia fabricarent, aut compingerent. Sed viro magno haud notus erat *Honor Biselli*, quem Pilana inscriptio è latebris educit; Sueffana, quam attulimus, indicare poterat attendenti. Fuerint ergo *Biselliarii*, qui bisellia, siue sedes duorum capaces finxerint. Nemo id mihi contendat plurimos saltem fuisse, qui eam artem factitarint, quando etiam hodie illorum haud semel in lapidibus mentio deprehenditur. Innumeras quoque alias inscriptiones ætas contriuit, ac sepelijt, in quibus fortasse aderat vlla eorundem commemoratio. Tandemque non omnes ij fabri biselliorum, titulum sepulcri sibi condiderunt: aut si qui fecerunt, non omnes tamen, hanc suæ professionis inscriptam memoriam voluere: quo pacto nullius non sæculi fecere, atque hodie faciunt, qui suis notitiam cineribus prospiciunt. Si biselliariæ igitur artis meminerunt lapides (etsi vnus Bisellij meminerit Varro) argumento est non infrequenter fuisse vsum Bisellij, siue inter domestica, ac priuata instrumenta; siue ad insigne, & ornamentum honoris. Sed spondere audeo vel quouis periculo, *Biselliarium* non tam artificem esse potuisse, quàm qui *Honore biselli* vel perfungatur, vel functus fuerit. Inquit lapis Atellanus, *Cn. Plaetorio Viro Augustali*. En honor Sexuiratus, siue Augustalitatis, h. e. Sacerdotij municipalis, vt infra dicemus. Dein *Biselliario. d'raçia* videtur, & ineptitudo post honorem sacrum, quem Plaetorius gerebat, Sellulariæ, ac vilis artis opificem demonstrare. Crescit absurditas, dum sequitur, *Honorato ornamentis Decurionalibus*. Egregia mehercule tessellari operis ratio; hinc Augustalitatis flaminium; illinc Decurionalium ornamentorum dignitas; medio autem loco sedium ars effætrix, & quæstus dolabræ. Ergo sicuti Prætorius, Triumphalis, Censorius, Consularis, Duumviralis, &c. imò verò quomodo ab ipsis ornamentis petita appellatione, *Laticlauius*, & *Vir Laticlauius*; & *Honor*, aut *Magistratus Curulus*, de quo alibi diximus; ita

Bisel-



*Biselliarius* (mea opinione) qui honorem *bisellij* tenuit, aut tenet: ac fortè utroque modo dixerunt, *Biselliarem* ut in lapide Romano, & *Biselliarium*; sicuti *Consularem*, & *Consularium*. Quò ad alterum Lateranense marmor 1103. 6. promptius est mutire in tam mutilo teste, ac penè elingui, ubi vix tria verba supersunt. Illic autem potuit tam de artifice, quàm de honore haberi mentio. Sed eæ tamen literæ veteri dūctū q̄ imm̄que (pro quinque) *Bisellari* toties honorem *Bisellij* initum demonstrare possunt; aut quinque . . . h. e. *quinquennialitium Biselliarem*. Simpliciter autem *Quinquennialitius*, quidam veluti Censor municipalis habebatur; etsi alij de Duumviris Quinquennialitijs exponant, qui per quinquennium duumviralem potestatem obtineant ex vñ municipij. Fateor autem (ne videar in suscepta causa præuicari) quandoque cum honoribus coniunctam fuisse artis professionem in lapidum memorijs, ut apud Grut. 1067. 8. ubi pariter de Augustali, qui Vestiaris tenuitarius fuerat. atque in Traguriano Petronij fragmento *Habinna seuir est* (Augustalis) *idemq; lapidarius, &c.* Sed non par tamen verborum series, aut aliorum complexio honorum, sicuti in Atellano lapide. In quo tandem neque *ἀριθμω* mihi, neque alijs videbitur, si *Biselliarium* coniunctum capiamus cum τῷ *Augustali*: quasi ille Plactorius fuerit sexuir Augustalis è numero Biselliariorum: nempe ex altiori ordine, aut gradu; vel cui saltem tributum sit vnà ius, & *Honor bisellij*, dum Augustalitateungeretur: quod magis suadebitur, cum de ipso Bisellij Honore iam iam commentabor. Adigamus ergo equum *πρὸς ὕψος*, atque inuestigemus, quod genus, vel ornamenti, vel dignitatis, vel excellentiæ in nostro Bisellio delituerit. Excutiendus tandem, excitandusq; est ab hoc sedili arcanus honor, sessilisq; amplitudinis inauditum decus.





## CAPVT XXXVI.

*Quid Honor Bisellij tandem inquiritur septenâ coniecturâ. Selle ab-  
sentibus ac defunctis, una, pluresue posita. Hinc prima opinatio de  
Honore Bisellij. Plures sella, aut multoties sedisse, toties gesti hono-  
ris indicium: secunda coniectura. Iteratio honoris. II Vir iter.  
Aed. II Vir bis. Augustalis VI Vir iterum. Bis flamen. Bis  
Neocorus. δὲς γινώσκει. Bisellium si forte pro Dumniviratu: Tertia.  
An duplex, ac diversus gestus Magistratus! Quarta.*

**I**terum cum ignaris iuxta me scire fateor, quid sit Honor Bisellij:  
sed quærere, periclitari, ac ἀποβάλλειν non recuso.  
Prima ea sit suspicio, quæ primò, & statim obrepfit, vbi pri-  
mum incurrit in oculos. *Honor Bisellij* nunquam antehac à me au-  
ditus, aut lectus. Memineram me apud veteres adnotasse honoris  
causa publicè sellas alicui decrerat fuisse in ludis, aut theatris, in foro,  
curia, &c. Indicium id virtutis, ac meriti in Remp. Tacit. 2. ann. de  
Germanico, *Honores, ut quis amore in Germanicum, aut ingenio validus  
reperi, decrevitque, &c. ut sedes curules Sacerdotum Augustalium locis, si-  
perque eam corona quercuâ statuerentur; en Honores, en Sedes; neque  
una tantum, sed pluratino numero. Sella curulis in Circo locus datus  
est Valerio Dictatori, posterisque eius honoris causa, &c.* Fest. in Sellæ Cu-  
rules, quomodo eum explet Vrsin. Hic pariter *Honoris causa*, qui ho-  
nor posteris omnibus Valerij Dictatoris servatus. Salust. bell. Jugurth.  
*Honorem* simpliciter vocat, vbi de sellæ collocatione loquitur, quam  
petebat Gaudas Masinissæ nepos. alibi attulimus cap. 17. De Marcel-  
lo Dio lib. 53. τῷ Μαρκελλῷ δέσπον ἀρχικὸν ἐς τὸ θέατρον, &c. εἰσ-  
φέρειθαι. *Marcello sedem curulem in theatrum, &c. inferri*: quod ad ho-  
norem itidem narrat. Rubrio Pollicni Claudius extra ordinem con-  
cessit ἐκόντα, καὶ ἑδραν *Imaginem, & Sella* in Senatu. Idem Dio  
lib. 60. p. 680. hoc ipsum ab Augusto decretum cuidam Valerio Li-  
guri subdens. De Augusta, cui posita sedes inter Vestales Tacit. 4.  
cap. 16. De Subsellio Tribunitio, item de sella curuli, quæ deinde  
aurea Cæsari statuta, Dio lib. 42. & 44. Appian. lib. 3. bell. Ciu. ac  
supra nos cap. 12. & cap. 14. vbi fusiùs exempla produximus. Sep-  
timius Severus inter cætera honestamenta, quibus memoriam Pertin-

Bb

natis



nacis augeter, decerni illi iussit *ἑρῶντι τρεῖς καταχρῶντες* Sella quæ tres inauratas. Herodian. lib. 4. Potuit ergo Ciuitas Pisana, aut Decuriones Largennio Chresimo sedem publicè statuisse honoris causa. Vocat autem lapis Bisellium, siue vt duplicem sellam, siue vt ampliorem, ac digniorem demonstret (V. quæ nos sup. cap. 9.) qualem fortasse tunc appellabant, atque vsui habebant.

Sed ad secundam accedamus enarrationem, cui hæc ipsa primo allata loco parumper lenocinatur. Aurem igitur mihi velle alter animaduersio, quod Chresimus noster semel, atque iterum in colonia Pisana magistratum gesserit. Hunc autem significare placuit nomine *Biselli*, quod bis sella vsus fuerit: nos diceremus *Risfeder due volte*. en quomodo Plinius de Coruino loquens, quem toties maioribus magistratibus vsus fuisse narrat, sedendi numero honorem descripsit. lib. 7. 48. *Idem sella curuli semel, & vicies sedit, quoties nemo*. Liuius lib. 9. *Agati septem, nemo tamen, qui sella curuli sedisset*. Haud aliter tres sellas Pertinaci positas ex Herodiano diximus, quod ita factum opinor, vt gestus his consulatus, ac tandem Imperatoria dignitas ianueretur. De Gemino Consulatu testatur lapis Gruter. 56. 4. vbi *Iter. Cos.* et si in fastis semel legatur. Nolim spectari hic triplex *ἑρῶν*, siue sedis genus: primam Minerualem, ac professoriam, quoniam publicè docuit inter Grammaticos: secundam Consularem: tertiam Imperatoriam. quid est .n. quod vmbratici hominis ferulam, vel consularium fascium, vel imperatorij sceptri contubernalem faciamus? Quod bis sella vsus fuit Chresimus, iterum scilicet magistratum obtinuerit, grati subinde, ac memoris animi testimonio dedit Reip. Pisanae L M HS, vt in fine lapidis narratur. Neque enim tam facile iterabatur ille honos; nec solebant Decuriones suo decreto, ac voluntate bis in eundem conferre, quin egregiam simul de quoquam ciue opinionem proderent. Nihil vt mirum, si Chresimus largitione prosequatur Pisanos; ac toties in vetustis lapidibus iterati honoris mentio legatur, quasi illustre ad memoriam, dignumque posterorum notitia testimonium. *Iteratio honoris* vocatur Grut. 252. 9. & *II Vir iter.* ib. & *Aed. II Vir bis* 1080. 2. Sic, *Augustalis VIVir iterum* 492. 2. *Bis flaminem* 325. 17. *Iterum flaminem* 489. 10. & *δὲς νεοκόρου Bis Neocorum* in marmore Ancyr. De Neocoro Casaub. ibid. Samuel Petit. 4. var. cap. vlt. Selden. ad Arundel. marm. p. 166. seqq. Et *bis. hon. in curia functus* 26. 10. vbi non nimium erit audax, si cui allubescat exponere, *Bisellij Honore in Curia functus*. Veli-



Velitemur tertio, & coniecturali telo collitemus ad scopum: de attingendo non cogitamus, nec tantum perfidimus. *Honor Bisellij* fortè idem ac Duumviratus, qui summus erat in Colonijs, ac municipijs. V. quæ sup. cap. 4. simulacrum Consularis in vrbe potestatis. quem quia honorem Chresimus obtinuerat, idè ciuitati Pisanæ nummorum quinquaginta millia dono dedit; vel quia humilioris ille fortunæ, aut sanguinis. Sic alibi, *Ob Honorem duumu.* 62. 6. & *ob Honorem IiViratus.* Sed cur Bisellij nomine hic magistratus expressus? Nempe à numero Duorum, qui summum locum in municipio, aut colonia tenebant: quibus duplex sella, aut duorum capax statura, vt in signe magistratus, ac potestatis: quam placuit iusta appellatione Bisellium dicere.

Quartò ariolemur, vt Bisellij vocabulo duplex Magistratus innuatur, quem Chresimus gesserit; non eodem iterato, vt in secunda coniectatione subfensimus, sed diuersus; nec refert siue iunctim, siue vnum post alium habuerit. Indissimilis locutio 278. 3. vbi Decurionatus, & Flaminium cum eadem formula *Ob Honorem Dec. & Flam.*

## CAPVT XXXVII.

*Quinta explicatio. Decuriones simulacrum Romani Senatus. Proprius Senatus. Vnde dicti. Senatus de Decurionibus. Curiales. Buleutæ. Buleuterium. βουλευτῆς: de municipali Senatore. συγκλητικὸς, de Romano Conscripti: de Pisanis Decurionibus. Seniores: Signori. Iuniores. Iuuenes. Primi curiæ. Primarij curiarum. Principales. Principalitas. Protoſtasia. Prototypia. Principes Decurionum. Primates. Summates. πρωτοπολίται. Horum maior, minorue numerus. Quinqueprimi. Pentaproti. Pentaprotia. Quinquesummates. Decemprimi. Decaprotia. Icosaprotia. Viginti primatus. Decemprimi Pisani. Patroni corporis. Priores. Priori. Dissensum à Reinsio. Primus Curia. Maior Decurio. Princeps Colonia Pisanæ. Honor bisellij ornamentum & insigne, non ministerium Decurionatus. Functiones curiæ. Decurio cubiculariorum, Sacri palatii, Pontificum, &c.*

**P** Romitramus barbam, & quinto loco veraculum agamus. Cum proximè Duumviratum tentauerimus, experiamur hoc capi-



re Decurionatum; Augustalitati mox iniiciemus manum, si fortè Bissellij honor in vllò istorum cubauerit. Debemus namq. per vestigia progredi Honorum, aut Magistratuum Colonicorum, ac municipaliū: ac multò id magis, quoniam aliæ Inscriptiones lapidi nostro planè affines, ac geminæ illuc manu nos ducunt, vt infra ostendemus.

Decuriones in suis ciuitatibus quoddam fuisse Romani Senatus simulacrum nemo ignorat, & vt loquitur Iustin. nou. 38. κατὰ τὴν βασιλευσσης πόλεως ὑμνησιν, ad imitationem vrbis dominantis. Decuriones; οἱ πολιτευόμενοι Græcis; proprius suæ patriæ Senatus, quomodo appellat Aufon. in Mosella Idyll. 9.

— — — — — quæ curia summos

*Municipum vidit procures, propriumque Senatum.*

Adi Berter. Pithan. diatrib. 1. cap. 10. Samuel Petit. 3. Var. 6. Reinel. epist. 31. pag. 176.

Quòd autem Pomponius nos docet ex quorundam sententia in l. 239. de V. S. Decuriones ita doctos, quòd initio cum colonia ducerentur, consilij publici gratia conscribi solita sit, meritò reprehendit doctiss. Velier. rerum Augustan. lib. 5. p. 94. alioquin tot fuissent Decuriones nonnunquam in vlla colonia, ac ciuitate, quot Roma Senatores nunquam habuisset.

Et vt decimus quisque Senator fieret, aut decurio consilij gratia (si cæterorum numerum ineamus, qui alijs operibus, atque vsibus necessarijs destinantur) concentui nò adsonaret benè cõstitutæ Reip. Porius à Curia deducamus, vt voluit Isidorus, quare & Curiales appellati, quasi de Curia sint, aut in curiam conueniant. Atqui Decuriones, ij qui primùm fuere descripti in Colonias: quæ quoniam effigies parue, simulacraque populi Romani fuerunt, vt loquitur Gellius 16. 13. Senatorium nomen affectarunt. Adi summum Cuiacium ad tit. Cod. de Decurion. & Gothofr. ad l. 53. eius tit. ex quo proficit Amaya in Cod. pag. 351. Cic. in Verr. 6. *Senatum Syracusanum* agnouit, & *Amplissimum ordinem* de Puteolanis dixit in ea pro Cælio. Litijs pariter lib. 27. de duodecim Colonijs defectione agens. Lætin. Pacat. de Naronensibus Colonis *Conspicuos veste niuea Senatores, reuerendos municipali purpura flamines, &c.* Plin. iunior lib. 10. de Bithynis epist. 84. 115. 116. quanquam & Græca *Buleutarum* voce vtitur; quomodo & Tullius Verr. 4. *Buleuterium* dixit. Nempè quoddam discrimine, & dignitatis maioris reuerentia, municipale Senatorem,



rem, Buleutam *βουλευτή*, Romanum *συγκλητικὸν* appellasse videntur Græci scriptores. Adi ad l. 30. D. locati. & l. 17. de excusat. tut. vbi Gothofr. sicuti & *βουλῇ*, *Bule*, municipalis curia, vt à Principis vrbis confessu distingueretur: V. I. Consultos laudatis nuper locis, alioq., quos profert Langlæus ocij semestris lib. 13. cap. vlt. Coraf. 3. miscell. 6. Quare in l. 33. C. de Decurion. cum exceptione scribitur, *Et sua curia (sistit oportet) Senatorem, &c.* In lapidibus sæpe mentio senatus municipalis, vt *S. P. Q. Tiburs.* *S. P. Q. Nolanus.* *S. P. Q. Signinus.* V. Grut. 128. 7. atque indicem percurrere. Sicuti & *S. Consulti* municipalis 101. 1. 167. 9. 168. 1. 11. 11. 194. 6. 419. 5. 444. 8. atque in tabulis Sepulcreti Pisani, eâ quæ de Caio est, *Placere conscriptis, quæ &c.* *Conscriptorum* nomen sibi tribuunt Pisani Decuriones. Sed & percussæ in Colonijs monetæ solenne illud præferunt *S. C.* etsi de Romano possit etiam exponi, vt sensit Velfer. rer. Aug. pag. 116. De nomine autem *Ordinis* vel in Colonijs, vel in Municipijs, Reines. epist. 175. In hoc Senatu municipali fuisse quosdam præstantiores, graduque supra reliquos honestiori manifestum est: quo pacto in Senatu quoque Romano, ad cuius exemplar ambitiosè componebantur. Hinc *Seniores*, Hinc *Iuniores*, & *Iuuenes* sæpe in lapidibus V. Reines. epist. 31. pag. 179. & quidem *Seniorum* nomen etiam hodie seruamus, nobis *Signori*: à senio .i. auctoritatis instrumento: nec aliter *Senatus*, Gr. *γερωσία*. V. Selden. Synedr. lib. 1. cap. 14. E seniorum, aut præstantiorum numero sunt ij, qui *Primi Curie*, & *Primarij Curiarum*, & *Principales*: ac fortè hi, qui iudicio Principis, non municipum suffragijs in curiam adlecti, de quibus in l. vlt. D. de albo scrib. Hinc *Principalitas*, quæ & *Protostasia*, & *Prototypia*. V. Guther. 3. 24. de off. D. A. iidem *Principes Decurionum*, & *Decurionum Primi*. In vniuersum quoq. *Summates*, & *Primates Ciuitatum* l. 57. C. de Decurion. alijsque in locis iuris, quæ profert Berter. in ea diatriba. D. Augustin. epist. 44. *Decuriones, & Primates Ciuitatis*. Vopisc. in Aureliano, *Palmyreni qui superfuertant Principes Ciuitatis*. Gloss. *πρωτοπολίτης Princeps*: & *πρωτοπολίται Proceres*. notatque Salmast. Consule, & doctils. Iuremum plenè docentem ad Symmach. lib. 9. epist. 10. Istorum Principalium, quos veluti edecumatos, atque eximios habebant, maior, ac minor numerus, pro amplitudine, opinor, Curiarum, ciuiumque, atq. indigenarum copia, aut penuria. Erat, vbi *Quinqueprimi*: qui & *Quinquesummates* d. l. 57. C. de Decurionibus, seu *Pen-*



taproti, atque hinc *Pentaprotia*: vbi *Decemprimi*, *duodecim* p<sup>ro</sup>tor, & *Decemprimi Curiales*, & honor ipse *Decaprotia*, cuius meminit l. 1. & l. fin. de mun. & honor. & *Icosaprotia*, seu *Vigintiprimatus* in ead. l. fin. Adi. & Cod. Theod. de Decurion. Guther. vt sup. Rein. in epist. p. 179. & 394. In decreto Pisano de Lucij Cæsaris funere, *Data cura C. Canio Saturnino II. V. & Decemprimis*, &c. Sed & aliorum corporum, aut collegiorum *Decemprimi* leguntur in lapidibus, qui & *Patroni Corporis*. quod puto factum imitatione summi confessus, aut consilij in ea ciuitate. *Priores* nonnunquam vocati in ijs corporibus, aut collegijs artificum, vt in l. 7. C. Theod. de pistor. & catabol. & nouell. Theodof. de suar. boar. &c. tit. 39. & *Priores Sodalicatum* medio æuo, V. Reines d. pag. 179. Cuius doctis. viri sententiæ de *Primis Curia* additum cuperem, eos potius fuisse, qui pluribus suffragijs *Decurionum* creabantur, quàm qui primò nominati, aut adlecti. Docet l. 6. §. penult. & ult. de Decurion. quorum *potior* vocatur *causa in ferendis sententijs*, quique *honoris ordine* *præcellere* cæteros dicuntur. Atque hos quoque *Principales*, aut *Summates* non interpretor tanquam magistratus, quod eidem placuit eruditiss. viro pag. 167. sed tantum honestiores, ac præstantiores, primosque in sua curia. Nomen *Priorum* etiam hodie retinent pleræq. Ciuitates, quo *Decurionum* summos, & consilij publici Principes designant. Legitur & *Primus curia* in l. Alexandrinis 56. C. de Decurion. sicuti in l. 27. C. Theod. eodem *primum in sua curia locum* adnotauimus. Fortè idem qui apud Gruter. 1072. 6. *Maior Decurio Cremona*, & in Pisano decreto, quod de Caij Cæsaris funebribus est *Statulenus Iuncus Princeps Colonia*. Sicuti igitur *Primus Curia*; aut *maior Decurio*, ita *secundus Decurio*: apud Gruter. 36. 2. *Primus* autem respondere videbatur *Principi Senatus Romæ*, qui ante alios, vt notum est, à Censoribus pronunciatus fuit in albo recensendo. Sed hic ordo *Decurionum* corruisse demum videtur, cum labante Imperio in Occidente, vix relicta umbra Curiarum in Colonijs, ac Municipijs. In Oriente autem Leo Imperator omnem attriuit auctoritatem ciuibus, qua *Curias* ipsi crearent; sed ab vna Principis sollicitudine id pendere iussit, vt patet ex eiusdem Leonis nou. const. 46. & 47. notauit Berter. D. diatriba cap. 10. p. 135. post eum Vizzanus eleganti, ac docto opere de mandat. Princip. pag. 241. Atq. hoc in causa, cur in Basilicis, siue in l. prudentia Græca, quam idem Leo edidit, sublati sit tit. de Decurion. sed ante has constitutio-

tio-



tionem, aut imminutum alio pacto curiarum splendorem, honoris instar habebat in ordinem cooptari alicuius Civitatis; sic legimus in ver. lapide Gruter. 278. 3. ob *Hon. Decur.* Ac eò magis, si inter *Primos*, aut *Principales* Curiae, aut Decurionum; vel pluribus suffragiis eiusdem ordinis (ex d. l. 6. D. de Decurion.) vel Principis iudicio, ac beneficio (l. ult. de albo scrib.) adlectus quis fuerit. Ac fortasse aliquo insigni, atque ornamento discriminabantur, qui in curia ceteros antecellegebant: quod Bisellio, vel amplioris sellae dignitate describere fortean voluerunt, vnde noster *Bisellij Honor.* Multum praesidij affert opinioni nostrae l. 4. C. Th. de Decurion. *Sedentibus his, quibus emeritis omnis honor iure, meritoque debetur.* En *honor* in sessione *Primis* curiarum: & inter *Honoris insignia* ibid. ipsum sedendi ius agnoscere videtur Constantinus Imperator. Atqui eam sedendi honestatem, praecipuum fuisse Senatorij ordinis decus decet nos iura in l. honorati C. de offic. divers. apparit. & iud. & l. fin. Vbi Senat. vel clariss. Quare idem fuerit *Honor Bisellij*, ac sedisse inter Curiales, si Bisellium accipiat pro quacunque sede Honoris. An potius inter *Primos* sedisse, si Bisellium pro ampliori sella, quae eximjis, ac dignioribus debeatur. Illud etiam à similitudine veri non abhorret, quosdam sola ea honestate fuisse contentos, ut inter Decuriones sederent, atque ingressu in Curiam lætarentur, etiam si verè Decuriones non essent; id autem *Bisellij Honore* voluerint exprimere. Scimus diversum, *Creari Decurionem, & esse Decurionem*, docente eximio Cuiacio Papiniani responsi primo ad l. 6. de Decurion. Ita usu, & actu Decurionatus ordinem tenere, aut solis ornamentis, & ingressu in curiam decorari, dispar habetur. Neque id sine Romani Senatus imitatione factum; cum extra ordinem olim vigente Rep. & mox sub Imperio, aut Iuniores, aut qui Senatoriae non essent familiae, in Senatum inducebantur; non tamen fiebant Senatores, aut dicendae sententiae Ius obtinebant: sed privilegio, atque extra ordinem id permittebatur.

Quin igitur hoc ipsum in Colonijs, aut municipijs fieri potuisse suspicemur? Praesertim cum Civitates validis Praesidium, aliorumque, quos Roma mittebat, Magistratuum imperijs obnoxiae, multa praeter leges, ac mores agere, ac pari cogebantur. si forè ambitus, & fauor intercurrisset, aut veriùs Praesidium commendatio, qui satis iubent, dum rogant, qui rogando cogere possunt. Contingere poterat, ut vel aetate, vel conditione, vel censu, vel alia de causa prohibere.



beretur quispiam ambire, aut impetrare Decurionatum; satis autem sibi prospectum putaret, si ius saltem *Bisellij*, atque ornamenta Decurionalia obtineret. Neque id nouum in alijs veterum inscriptionibus, vt mox ostendemus. Atq. hoc sensu *Honor Bisellij* potius foret ornamentum, decus, indulgentia, quàm magistratus, aut publica administratio. Haud ignoro Decurionalem statum multis, ac miserandis oneribus fuisse attritum; quas *functiones curia* dixerunt; quare non pauci cooprationem inter Curiales vitabant. constat ex titulis Digest. & Cod. de Decurionibus, atque eruditè obseruat Berrer. ead. diatriba p. 133. & seqq. Sed contra alij humilioris loci, aut sanguinis, quibus melius conueniret cum arca, & ambitionis blandiretur illecebra, candidatos se proferebantur, auidè Curiam expetentes, vt ostendunt vetera testimonia.

Quos hactenus Decuriones memorauimus pro Senatu Colonico, aut municipali, caueat vllus eosdem facere cum ijs, de quibus apud scriptores, vt *Decurio Cubiculariorum* apud Suet. Domitian. cap. 17. nobis Decani V. Torrent. ib. & tit. Cod. Theod. de Decurion. & filentarijs. Sic *Decurio sacri palatii*, *Pontificum*, *Augurum*, &c. V. Guther. de off. D. A. 3. 29.

## CAPVT XXXIIX.

*Suessana epigrapha enodata. Suffragijs curia collatus Decurionatus. Dies gladiatorum. Dies priuatus. Secundum dignitatem Coloniz. Secundum dignitatem municipij. ἀξίως δὲ πόλεως. Pro salute Principis. Indulgentia. Magistratus, & Sacerdotia auspicantes munera cedebant: Vetitum libertinis. Venatio plena. Honores dati qui spectacula dedissent: item alimenta è publico. Ccenæ aditiales. Commoda. Lucellum. εἰσὺν λούσιον. Entratura. Beneficia.*

**A**D ipsam accedamus Sueffanam epigraphem, quam supra protulimus ex Grut. 475. 3. vbi *Honor Bisellij* (ex nostra saltem lectione) pariter legitur, & ad alteram Atellanam 1099. 3. quæ multam nuper allatis de Ordine Decurionatus lucem afferunt, penitusq. *Bisellium* ornant, atque illustrent. In Sueffana C. Titio Chresimo *Honor Bisellij* deferitur decreto Decurionum. Ecce (quod nuper monebamus) suffragijs, ac sententijs Curiz, atque ordi-



ordinis assequebantur honorem candidati Decurionatus. Veteres lapides perlustra, & passim huius decreti mentio; sapius per rotas D. D.D. hoc est Decreto Decurionum. Idem habet cognomen Chresimi Titius, ac noster Largennius: de cuius libertinitate etiam nos dubitauimus sup. cap. 2. Cum causa autem Titio Chresimo Decuriones indulgent hunc honorem; ne indigno viderentur tribuisse, aut vili æstimasse ordinem, quem temerè vulgarent. Dederat namque hic Titius spectaculum, seu *Munus Familiae gladiatoriae, ex pecunia sua, Diem priuatum*: quæ vltima duo verba ita expono; vt vel priuatâ pecuniâ, vel (quod magis est) priuo, vnico, ac solo die commiffiones gladiatorum ediderit. Vel tandem priuata conditione, non in magistratu, & cura publica; qui ex lege tunc deberet; sed priuata beneficentia, an potius infania ad populi gratiam. Alibi apud eundem Grut. 404. 2. sine vlllo adiuncto, *Diem gladiatorum* legi, quod hic *Diem priuatum*. Scimus namq. per plures dies quandoq. fuisse ea spectacula præbita, quod sæpè expresserunt lapides, atque historici: magnificentia .i. profusiori, quo effusior sanguis miserè ludentium de suo capite. V. Lips. lib. 1. Saturn. cap. 10. Dedit autem hic Titius *Ex voluntate populi*; gratiorem ergo rem fecit obsequendo. & *secundum dignitatem Coloniae*. Hoc quoq. meruit, quoniam splendide, ac magnificè instruxit munus, vel numerosa familiæ gladiatoriae commiffione, vel pompa, & apparatu loci. Est vbi in alijs saxis referantur, quot paria ferro concurrentium, quali ornatu arenæ, qua spectantium commoditate: Vide Gruter. & libraria quoque testimonia, non tantum lapidea. quod verò hic est, *Secundum dignitatem Coloniae*, alibi vt 252. 9. *Secundum municipij splendorem*, & 428. 11. ἐπὶ τῇ δόξῃ καὶ τῇ δόξῃ, quod ego verito, *Conuenienter, atque ex dignitate Ciuitatis*. Quod salutem Principis hic insertam legimus, solenne id tum in muneribus exhibendis, tum in votis, ac dedicationibus; ac sæpè illa obuia in saxis, *Pro salute. ἐπὶ σωτηρίᾳ*, &c. Tanra statim veneratio, ac religio incutiebatur animis obaudio salutis Imperatoriae nomine. Facit locus Suet. Calig. 14. *Non defuerunt, qui depugnaturos se armis pro salute agri, quique capita sua titulo proposito vouerunt*. Veruerat Claudius Imp. ne quis ludos daret gladiatorios; ac si quis dedisset, ne susceptos, ac factos scriberet, aut diceret ἐπὶ ἑαυτῇ σωτηρίᾳ, *Pro salute sua*, inquit Dio lib. vlt. Sicuti pro salute, felicitate, Victoria, &c. vota concipiebant, reddebantque; ita pro virtute aliqua Principum,

Cc

Pie-



Pietate, Providentia, &c. munera, Dedicationes, sacra faciebant. Hic ergo quoq. *Pro salute, & Indulgentia Antonini Pij*, munus edidit Titius Chresimus. Sed peculiaris equidem *Indulgentia* laus in eo Principe, qui cognomen Pij sibi fecit. De eo Capitolin. cap. 10. *Ad indulgentias pronissimus fuit*. quod & ipsum verbum signatè, & appositè Sueffano marmori inscriptum fuit, quoniam ea præcipuè spectabatur tum in edendis, tum in permittendis spectaculis. quare continuo subiicit Capitolin. *edita munera, in quibus elephantos, &c.* Nempe vetita aliquando fuerunt ea munera, ut à Claudio, de quo sup. Dio; & quidem ne Prætores ipsi, aut Magistratus facere poterant. Tacit. ad stipulatur lib. 13. *edixit Caesar, ne quis magistratus, aut procurator, qui provinciam obtineret spectaculum gladiatorum, aut ferarum, aut quod aliud ludicrum daret*. Sed brevis huius edicti custodia: imò solenne deinceps edere spectacula ijs, qui Honores obtinuerint, ut ostendimus inf. multò minus autem privatis id aliquando permiffum. V. l. 1. C. Theod. de spectac. l. Publius Mævius de condit. & demon. & Nouel. 105. Symmach. epist. 10. 4. & ibi Iurer. Guther. de Iure Vet. Pontific. 3. 20. Sine permiffu itaque Principis, in municipijs, atque extra urbem, non temerè edebantur spectacula, præsertim à libertis. Sic Harpocrati liberto Ius editionis concedit Claudius narrante Suer. in vita cap. 28. Sic Ancharius Priscus impetrat ab Augusto in veteri saxo Gruter. 352. 1. *quod ex indulgentia Augusti octies spectaculum gladiatorum ediderit*. Indulgentiæ meminit & Græca inscriptio 295. 5. *ἐπεὶ αἰωνίῃ διαμνήσῃ, pro perpetua Indulgentia*. Ita legendum; non *διαμνήσῃ*, ut extat corruptè insculptum, siue elementarij, siue exscriptoris mendæ. Sed Titius Chresimus *ex sua pecunia* voluit gladiatores in arenam producere: quo quidem magis munificentiam prodidit, benèque de Sueffanis colonis merentem se amplius reddidit. Si namque ij, qui vel parte pecuniæ, vel tota de ærario accepta, spectaculis populum oblectassent, honoribus, publicæque benevolentiae testimonijs ornabantur, dummodo suam in ijs vigilantiam, fidem, industriam adprobassent; iustius multò, qui toto suo ære edidissent. Lapis Allifanus apud Grut. 409. 3. *Qui ob honor. Decur. &c. acceptis à Rep. HS XXX Ñ venationes plenas, & paria gladiatorum, paria XX edidit, &c.* Venationes plenas (*τυτὸν ἐν παρόδῳ*) explicat Guther. lib. 3. cap. 20. Vet. l. Pont. omni spectaculorum genere refertas, quæ plures ludorum dies habuerint: quales Pompeij & Augusti, aliorum



rumque memorantur. atque hæ venationes plerumque accessiones erant gladiatorum. Hoc igitur constat, in vniuersum honores fuisse decretos ijs, qui infans munerum editionibus patrimonia effudissent, atque animola prodigētia rem domesticam dilapidassent in apparandis ex humano sanguine voluptatibus. Nonnunquam ijs ad incitas redactis alimenta è publico data, quia fortunas exhauferant munerarijs profusionibus. V. l. 8. D. de Decurion. Lips. lib. Saturnal. 1. 10. Berter. in ea diatriba cap. 10. pag. 133. & quidem nequicquam refrænantis vetustis legibus; imò necessitate deinceps imposita editionis tum vrbani, tum Colonici magistratibus, coactis etiam Sacerdotibus ad ea onera patrimonialia l. 8. C. de mun. patrim. l. 1. C. de peric. success. Atque hac de causâ C. Titio Chresimo Puteolano collatus à Sueffanis ob editam magnificē gladiaturam *Honor Biselli*, siue aditus ad Curiam, aut ius sedendi inter Decuriones, perinde ac si vnus ex ijs foret; quod proxima verba lapidis exprimunt, *Commodisque publicis, ac si Decurio frueretur*. Ex qua ἐπιγραφῇ Sueffanæ Inscriptionis colligebamus quintam coniecturam nostram, collato cum ea lapide Pisano; cū in vtrolibet mentio honoris Biselli reperiatur. Sed non fecerunt Decurionem Chresimum Sueffani, fortassè ob libertinitatem V. l. vn. C. si seruus, aut libert. l. vn. C. ad l. Visell. Ac, si minus vetasset liberti conditio, non tamen quacumq. leui de causâ ingendus obuiam cuique erat Decurionatus honor. Satis mañum hoc decore Chresimum putarunt Sueffani, quòd Bisellio, h. e. confessu Decurionali, commodisque publicis, ac si Decurio, donarunt. Quæ sunt tandem hæc *Commoda*, quibus, ac si Decurio, frui poterat Chresimus? Proventus, Honoraria, Sportulæ, pecuniolæ, quas potissimum lucrabantur, quoties quis in idem collegium, aut ordinem Decurionum admitteretur; quod & in cæteris collegijs, & corporibus seruabatur. Extra mensuram, ac minimè computantibus nascebatur dulcius *Lucellum*. signatè id verbum examinat Scaliger. ad Catull. & Gronou. de Pecunia vet. lib. 3. cap. 17. Græcis εἰσληύσιον, Hesychio εἰσόδιον, & nobis *Entratura*. V. Alciat. ad l. 239. de V. S. Plin. 10. ep. 117. qui, &c. incunt magistratum, &c. scilicet totam *Bulem*, atq; etiam è plebe non exiguum numerum vocare, binosque denarios, vel singulos dare. Est autem *Bule* Senatus municipalis, vel Ordo Decurionum, de quibus loquitur Plinius, cū Bithyniam Proconsule regeret; & epist. 113. *An in omnibus Ciuitatibus certum aliquid omnes, qui deinde bulentia*



*leguntur, debeant pro introitu dare, &c.* Adde Symmachum 9. epist. ult. Plura Langleus otij semestr. 3. 1. nonnulla Reines. ep. 31. p. 181. & seq. In nouis Sacerdotijs idem factirabant; quod Suer. Claud. cap. 9. *Pro introitu noui Sacerdotij* appellat: quo sensu *cæna Aditiales* ab aditu & ingressu à Pontificibus olim factæ; non Adjiciales, vt vulgò scribunt, monuitque eruditè Lips. De magnit. Rom. 4. 9. Horumdem meminit commodorum l. vn. Cod. Theod. de bonis Decurion. *Curia suæ commodis cedant, idest Ordinis utilitati.* & in l. 6. D. de Decurion. Papinianus sub nomine sportularum, *minores viginti quinque annorum Decuriones facti sportulas Decurionum accipiunt, sed interim suffragium inter ceteros ferre non possunt.* ad quem locum Cuiac. siue primo responsor. Papiniani *Commoda* appellat. quem vide & ad Constir. Græcam Cod. quibus muneribus excusantur, &c. & ad tit. de l. ann. aureor. *Beneficia* vocarunt historiæ Augustæ scriptores. In aditu quoque ad militiam, & ipso limine tyrocinij soluta ea summula. V. l. 6. de don. inter vir. & vxor. l. pen. §. pen. & ult. de leg. 3. Et quidem *Commoda* verbum planè militare. Suer. Aug. 24. *Citra commodam emeritorum premiorum.* V. & cap. 49. & Calig. 44. *Commoda emerita militum.* V. & Galba 12. In l. Pater de adim. leg. *Commoda Primpili;* adde l. 2. C. Theod. de Decurion. & silentiar. Suid. *Κόμοδα, δόσις ἐπὶ τῷ στίσιμῳ παρεχομένη,* egregiè Lips. emendat §. 19. de milit. Rom. *ἐπὶ τῷ στίσιμῳ, Commoda, pecunia, aut donatiuum ad annonam.* Hanc verbi vim exprimit sermo nostras, dum appellamus *Commodi,* has pecuniolas, & largitiunculas, quæ commodiorem nobis vitam parant. Suspiciabar hæc *Commoda* militaria potissimum ab eo spectata, cuius toties id verbum in ore versabatur referente, atque irridente Carullo epigr. 85. de Arrio.

*Commoda dicebat si quando commodam vellet*

*Dicere, &c.*

Iturus enim in Prouinciam (fortè belli causa) *commoda* nominabat sibi obuentura. Ne pluribus te morer, plenè *Commoda* hæc examinantem adi Iacob. Gothofr. ad l. vn. Cod. Th. de Bonis Decur. & glossar. Nomico in Ver. *Commoda.* Longior namq. cum *Commodis* ne nimium incommodus tibi sim, lector, ad aquarum diuerticulum sermonis cursum deflecto.



## CAPVT XXXIX.

Aquæ digitus. *Aquam ductilem curare censorium Romæ munus: in municipijs decurionale.* Ius aquæ. Hydroscopi. Hydrologi. Aquileges. Aquilices. Elices. Aquarij: *aquarum mensores.* Digitus inter aquæ modulos. Robert. Kenchenius. ὕδατος δάκτυλος. Ratio dimetiende aqua per digitos. Benedictus Castellius insignis Mathematicus Galilei discipulus. Famianus Michelinus. Matrices fistule. Minuscularij aquæductus. Paragogia. Vbera. Formæ aquarum. Formale. Comitua formarum. Zampilli. Pes, vncia pollex *aquarum mensura.* Imperatori deim soli aqua ius diuidenda. Diuini, cælestes apices. *Honorificum intra ades aquarum ductus.* Vti opt. maximum. Optima lege. *Aedes, fundus, ager vti opt. maximus.* Seuir gratis. Sine impendio. Sine censu. Decurionatus gratuitus. Ob spem processus. Processioni. *Alij lapides illustrati.* Ornamenta decurionalia.

**P**Ræter Commoda Decurionalia cum Honore Bisellij delata Chresimo ob editum splendide munus, adiungitur publicæ existimationis alterum specimen, sed & vsus commoditatis; *Vt aqua ductus in domo eius fuisset.* quæ verba non incuriosus transmittotum quia opellam aliquam iam promisi huic Inscriptioni, tanquam germanæ lapidis nostri Pisani; tum quia cætera hæc Commoda, atque ornamenta in Comitatu esse videntur Honoris Bisellij. Ac lectionis tandem marginalis varietas, vbi pro *Aquaductus* reponitur *Aquadigitus*, monent mihi curam libentius. Veriorem existimo hanc alteram lectionem, & ex artis hydragogicæ ratione, atque ita fortasse scriptum erat in lapide; sed aut facili ætatis detrimento in tam affinis literis, aut in voce non probe intellecta ab exscriptore, notior altera occurrit *Aquaductus*. Diuergia hæc aquarum, & salientium riui in ædes priuatas deducti, siue ut loquitur eleganter Martialis 12. 31.

— rigua ductile flumen aquæ.

ad Censoriam Iurisdictionem attinebant Romæ, & eius administratos ædiles: qui mittebant, vendebant, largiebantur, præsertim in abundantissima illa fontium eruptione, qui Urbem tam multiplici fluxu



fluxu irrigabant. Caterum exinde Præfectos Pr. aut Vrbi custo-  
diendæ, ac tuitioni aquarum ductilium excubasse, ne qua fraus obre-  
peret, ac ne quod eæ damnum facerent, argumento sunt Constitu-  
tiones Principum ad eos Magistratus perscriptæ in legibus vtriusq.  
Codicis de Aquæduct. Aliàs sarta testa illarum curabat Comes For-  
marum, de quo Cassiod. 7. var. 6. Reperimus etiam *Consulem Aqua-  
rum* in veteribus saxis: ac meminerunt rescripta eiusdem Cod. Th.  
Qui consul saltim in noua Roma sub Constantino M. tenuit. At *Co-  
mes Rer. Priuatarum* peculiari munere aquæductus Palatinarū ædium  
dispensabat. V. Iac. Gothofr. ad Cod. Th. eo tit. In municipijs au-  
tem decreto nonnunquam Decurionum aquarius ille ductus (vt ex  
hac Inscriptione liquet) concedebatur; ac multò magis Præsidum,  
Proconsulum, aliorumue prouincias regentium arbitrio, vt credi par  
est. Cui vsus hic publicæ aquæ in prædium vrbani deriuandæ con-  
tingerit, non mediocre honoris instar obruisse constat. *Ins aquæ* ap-  
pellatur in l. 5. C. de aquæduct. Hæc deriuatio, aut erogatio non sine  
opera, & ministerio libratorum, aut mensorum fiebat, qui assignati  
moduli copiam ex præscripto artis diuiderent. ῥοδοπικες Græci  
vocat, & ῥοδογες *Aquileges* in gloss. ab aqua legenda, hoc est col-  
ligenda; & *Aquilices*, & *Elices*, & *Elicatores* ab eadem (vt puto) li-  
cienda, siue elicienda: quo verbo eliciendi in hac ipsa re vtitur. l. 3.  
C. de aquæduct. Sic *Elices* Festo sulci aquarij. At Frontino de aquæ-  
duct. *Aquarij* sunt ij mentores, & *aquilices*. Inter cæteras erogandæ  
aquæ mensuras fuit *Digitus*. Idem Frontinus, *Aquarum moduli aut  
ad digitorum, aut ad vnciarum mensuram instituti sunt*: ad quem locum  
Robert. Keuchenius, qui nuper Frontinum notis illustrauit, atque  
hanc ipsam inscriptionem produciens, præ *Aquæductu* maluit ipse  
quoque *Aquædigitum*. Antea Brissonijs lib. 6. formul. vnde hausit  
Keuchenius de hac aqua salienti cum magno silentio. Porro Cam-  
panis potissimum (quo in populo Sueffa Colonia, vbi inscriptio hæc)  
mensura, aut modulo digitorum vsi ad aquas dimetiendas; quod di-  
sertè tradidit diligentiss. earum inspector, & Scriptor Frontinus, *Di-  
giti*, inquit, *in Campania, & in plerisq; Italia locis, vncia in pupula*. Po-  
stremum hoc verbum reformant *In pupulatoria*, ac noui ne quid nos,  
affert eruditus Keuchenius. Mauult Gothofr. *In populo*, hoc est, in  
Vrbe. Nunc & hîc etsi inter ductus fluentes aqua mihi hæret ad in-  
certam vocem. *Digitus* aquæ meminit lex Græcè scripta *Δούκιος* 37.  
de



de seruit. rust. præd. (non vrbani. præd. quod in notis Keuchenianis leui menda obrepfit) in qua lege Lucius quidam per epistolam, aut *scripturam*, qualem vocat I. C. Gaio Seio fratri concedit aquæ digitum, ὕδατος, &c. δίδωμι, καὶ χαρίτωμαι σοι δάκτυλον. *De aqua, &c. do, concedoque tibi gratuito digitum*, vt ibi verritur. Prorsus illic lego δάκτυλον, non δακτύλιον: quam postremam vocem cur in notis haud semel Keuchenius retineat, non video; nisi librarius in culpa. Quæ sit digiti (intellige transuersi) mensura, notissimum est; quæ omnium minima existimatur, latitudinis nempe, quantam hordei grana quatuor sua crassitudine occuparent. In aquis autem dimetiendis non sola tubi, aut fistulæ latitudo spectanda est, sed totum oris cauum, qua in ambitum panditur; vt digitalis omnino sit diameter, siue quatuor granorum, qui in se circumactus parem faciat vndecunque epistolæ apertionem. Aliter namq. ostium canalis esse posset latitudine vnius digiti, sed trium, quatuor, pluriumue proceritate, figurâ parallelogrammâ: ineptum autem id ad hydrometriad. Digitus etiam quadratus motum parum æquabilem, minusq. expeditum redderet aquæ fluentis: sordescq. & retrimenta angulosi tederent in laterbris damno tubulorum, ac ductuum. Cæterum si rotunda sit fistulæ cauitas digitali in orbem spatio, trudentibus sese inuicem æquabiliter partibus; tum qua currit, atque elucatur ad exitum; tum qua in ipsa eruptione defilit latex; certior dimetiendi, atque erogandi regulæ ad moduli iustitiam, atque artis dispensationem contingeret. Quæ dicta volui, si antiquum, ac simplicissimum dimetiendi morem in sua, tum nominis, tum rei origine contemplamur. Verum ad altiore theoriam pertinet (cui libenter procumbimus) causas, rationesque hydrometricas speculari: quod cum primis egregie præstitit D. Benedictus Castellius Pisani nostri Lycei quondam matheseos professor *Nella misura dell'acque correnti*: auctor vel hoc ipso cum præfatione honoris nominandus, quoniam digitus, aut rinulus è magno illo, atque inexhausto fonte defluxit Galilæo Galilæo. Nuperq. ab eadem scaturigine Famianus Michelinus Serenissimi Principis Leopoldi ab Etr. Mathematicus, ac præceptor meus, mihi digne æstimandus in paruo libro, sed ingentis pretij *Della direzione de' fiumi*, vbi tum experimentis, tum Geometricis rationibus aquarum cursus, diuergia, stationes, viresque speculatur, & ad vsum dirigit.

Fuit, cum aquæ digitos eo dictos allubesceret exponere, quoniam  
fimi.



similitudine digitorum in subtiles meatus dirimerentur. Nempe quemadmodum digiti sunt quidam ceu fluxus, & productiones manus, aut volæ, quæ paulatim in eas carnis diuifuras gracilefcit, ac desinit: ita Castellum, Forma, aut congregatio aquæ, siue fons plenior, & vndantior in minutas, ac subtiles fistulas, quasi totidem digitos erogatur, ac diuiditur. Contra *Matrices* fistulas dixerunt, vnde hæ minutiores deriuantur in l. 3. C. de aquæduct. quæ & *Minuscularij aquæductus*. in l. 10. eodem tit. fistulæ .i. & canaliculi angustiores; alio nomine *Paragogia* ibidem. Sed & *Paragogius* aquæductus aliter explicatur pro subsidiario, & ad supplementum, vt ex Frontino colligit idem Gothofr. ad l. 8. C. Th. de Aquæd. Ab humani corporis itidem parte, nomen fecerunt castellis, aut conuentibus aquarum, *Vbera*, & *Mastos* appellando. eleganter Cassiod. Variar. 7. 6. de aqua Claudia *lanacris*, & *dormibus liquores purissimos fistularum vberibus emisisse*. At *Formæ* ibid. de ipso aquæductu, & structili opere, qua latices decurrunt. Hinc *Formæ aquarum* l. 1. C. de aquæduct. l. 39. §. hæres de legat. 1. l. 27. de Vsufr. leg. *Formale* hodie Neapolitanis. *Comitina Formarum* eidem Cassiod. hoc est, Præfectura aquæ ductuum. Frontin. lib. de aquæduct. *Formas ductuum* nominat. V. notata à Keuchenio. Plura de hoc iure aquæ suo more feliciter exundans Iac. Gothofr. ad tit. Cod. Th. de aquæduct. vbi multa alia inspergit de aqua concedenda, eroganda, custodienda. Nobis *Zampilli* dicuntur subtiles erogatiunculæ, ac minutæ concisiones salientium laticum, qui multò sæpè cum lusu ad voluptatem, atque irrigationem eueguntur. *Zampilli* autem idem sunt, ac digituli: sicuti *Zampa* pes ferinus est multifidus, ac digitatus. Sed *Pes* quoque ipse, vel mensura, vel lex aquæ diuidendæ: cuius pedis respectu *Vncia* inter modulos aquarum recensetur. Sicuti namque in asse hæreditario, sic in aqua diuidenda, duodecima pars pedis est vncia; *Pes* autem tanquam as, aut solidum; at *digitus* decima sexta pars pedis; atque adeo vncia aquæ maior erit digito quartæ partis excessu. Atque hoc pacto intelligendum esse *Aquæ digitum* in marmore Sueffano, mensuræq. rationem exponendam existimo. *Pollex* quoque apud aquarios pro modulo laticis, sed maior *Digito*, & idem cum *Vncia*; quoniam tres pollices quatuor digitos efficiunt; sic erit vnus pollex duodecima pars pedis, nempe vncia. Idem Frontin. de re agrar. *Pes per uncias*, &c. *palms habet digitos quatuor, uncias tres*, &c. & ibi Keuchen. ante illum Brisson. supr. laudaris locis.



locis. Vt autem apparet, de re agraria, ad rem aquariam translata  
 fuere ea nomina. Vnciam igitur non pro modo ponderis, sed pro  
 mensura spatij, aut loci, qua fluens aqua decurrit, acceperunt, hoc  
 est duodecimam pedis partem. Nostri aquarij pro nummorum etiam  
 magnitudine, diuidere, & indigitare solent. *Vn quattrino, vna crazia,*  
*&c. D'acqua;* quantum .i. eius nummi ambitum, aut diametrum ro-  
 tunda fistulæ cauitas æquaret. Sed cum his aquarum digitis, qui è  
 publico fonte in domum Chresimi ad priuatos vsus diuertunt, nos  
 quoque parumper ab *Honore Bisellij* diuertimus, quem suo decreto  
 cum Commodis, & Aqua Decuriones contulerunt: qua in re dignum  
 est adnotatione, quod paucis deinceps annis post Antoninum Pium,  
 sub quo lapis hic Suesianus inscriptus fuit, non licuit nisi Principi eas  
 aquarum erogationes largiri ex constitutione Theodosij, quam mox  
 renouauit Anastasius Imper. l. ult. C. de aquæduct. *Nemo, inquit, vel*  
*in hac sacratissima Ciuitate, vel in prouincijs sine Diuinis apicibus de sacro*  
*epistolarum scrinio more solito edendis, &c. aquam de publico aquaductu,*  
*scu fonte trahere permittatur, &c. & l. 5. eo tit. Si quis per diuinam libe-*  
*ralitatem mern. rit ius aquæ, &c.* Vtrobique *Diui* titulum apposuerunt  
 Imperatorio beneficio, insana eius ætatis adulatione. Sed *Diui*  
*apices, qui & Cælestes* in l. 5. intellige lineas, & characteres, quos ma-  
 nus Principis rescribendo supplicum precibus duxisset. Suo, & statò  
 nomine hæ aquarum Indulgentiæ *Beneficia* appellata, & *Iure beneficij*  
 concessæ. leges lege supra laudatas. Ergo Decurionibus sublata po-  
 testas largiendæ aquæ; adeò equidem, vt hæ ipsa Principum *Indulta,*  
 (quomodo aliter vocantur in l. 3. eo tit.) non rectoribus Prouincia-  
 rum, sed soli præcellentissimæ sedi Præfecti Præt insinuanda esse iu-  
 beat ea lex 5. Grauius ad hæ sanctionibus obstringuntur, qui quid  
 furtiuè, licenter, iniustè aduersus publicæ aquæ securitatem commi-  
 serint; quæ singula honorem arguunt non mediocrem ei collatum, &  
 cuius domum ritulus, aut *Digitus aquæ* fluens perreptaauerit; qualem  
 .i. Chresimo Suesiani cum *Honore Bisellij* permiserunt.

Sed omnibus hisce ornamentis speciosa additur verborum forma,  
 ac solennitas, qua *Honor Bisellij* defertur, *Quo quis optimo exemplo in*  
*Colonia Suesia habuit:* perinde ac si dixerint, quanta maxima honoris  
 testificatione, publicæque beneuolentiæ consensu, ac fauore vllus  
 vnquam habuit: siue, Ad optimi, ac plenissimi exempli disciplinam,  
 qua præmijs afficere, ac decorare conuenit, qui virtutem, ac merita,



rerumque bene gestarum laudem Reip. adprobarunt. Haud dissimili elogio 416. 8. Grut. *Honores, quas cuique plurimos decreuit; & 258. 6. Super omnes retrò, &c.* in l. 1. de albo scrib. *Quo quisque eorum maximo honore in municipio functus, &c.* Solenne id Romanis, quoties largitissime quid, ac plenissime factum, omnibusq. absolutum partibus demonstrare velint, *Optimum* appellare, & *Vti optimum, maximum.* V. Fest. in *Optima spolia* ib. *Vt qui optima lege, &c.* & in *Optima lex.* & Gellius 1. 12. *Vti quæ optima lege fuit, &c.* vbi Scaliger legit, *Vti optima maxima* in not. ad Festi locum. Gruter. 215. 2. *Vineam Calcidianam cum parte fundi Pompeianib; vti optima maximaque sunt suis finibus, &c.* Sic ager *vti opt. max.* Paulo sententiar. 3. 6. *Fundo legato vti optimus, maximus est.* eademq. loquendi formâ idem I. C. I. fundo legato 22. de fundo instr. vel instrum. leg. Gaius quoq. in l. 69. §. 3. de leg. 1. quibus verbis significatur, quæ fundus liber, instructus, optimaque conditione longè, latèque patet. Neque id in legatis tantum, sed in contractibus, aut synallagmatis. V. l. non tantum de V. S. ib. *Vti optimus, maximusque, &c.* & l. qui vti eodem tit. *Aedes vti optime, maximæque, &c.* Briffon. lib. 6. formul. Sed *Quo quis optimo exemplo in Sueffana epigraphe, aliter exponamus licet; quatenus videlicet per leges, ac mores, exemplique religionem vllus vnquam in Colonia Sueffana habeat, qui libertus extitisset.* Sic in lapide Suelitano, quem sup. attulimus, *Omnibus honoribus, quos libertini gerere potuerunt, honoratus.* Plura pete ad illustrandum hunc locum ab indice Gruteriano, vbi identidem occurrunt illa, *Omnibus honoribus, &c.*

Haud satis tandem grati sibi videbantur Sueffani coloni erga Chresimum parentem, cui tam multa detulerunt, nisi filium quoque Titium Chresimum, *Ob merita Patris exornassent*, cui *Honorem Decurionatus gratuitum* decreuerunt; immunem .s. ab impensis, & sumptibus vacuum, quos subibant grauissimos. cum in ordinem cooptabantur, per epulas, ludos, &c. datis etiam cuiq. Decurioni sportulis, aut Commodis, de quibus superius nonnihil exposuimus. Sæpè in saxis *Gratuite* hæ collationes honorum; sicuti & *Gratuiti* appellabantur qui acceperunt. V. Reines. d. epist. 31. pag. 183. & Grut. 454. 7. 172. 13. vbi de Augustali gratuito. Conlibertus ille Trimalcionis de se gloriabundus in fragmento Petroniano, *Seuir gratis factus sum.* quo respexit Mamertin. in paneg. *refertur nuntius consulem me creatum sine impendio.* Neque admodum diuersum apud Gruter. 408. 1. *In curiam ad-*



*admitti sine censu*; non facta .s. fortunarum inquisitione, quasi remissis impensis decurionatus. Sed Sueſſianæ foror inſcriptio alia apud eundem Gruter. 183. *Huic ordo Decurionum ob ſpem proceſſus ſui decurionatum gratuitum obtulit*; vbi verba illa *Ob ſpem proceſſus*, non me tenent penitus indiligentem: intellige ob ſpem alcenſus, aut promotionis ad gradum honoris ſplendidiorem, maioremque in ſua ciuitate exiſtimationem, ac decus: ſpectata eius indole, aut virtute, quæ id ipſum ſpondere videbatur. Neque aliter in l. 41. de donat. inter vir. & vxor. Nam & Imperat. Antoninus conſtituit, vt ad proceſſus viri vxor ei donare poſſit. Ex D. Ambroſio, & Seneca patre alia de Proceſſu teſtimonia affert. Ræuar. conieſt. lib. 2. cap. 9. Sed *Proceſſus* quandoq. idem ac *Proceſſiones*, pompa nempe illa, & traductio ſolennis Magiſtratum in auſpicijs honorum; ſic Iuſtinianus nouel. 105. ſeptem *Proceſſiones* nominat oſtendendæ munificentiæ, & à nouis Conſulibus celebratas. V. & l. 2. C. de Coſſ. *ποδόδους* vocat Iuſtinian. ea conſtitut. Theoph. *προσελεύσεις* ſ. item ſi quis Inſt. de rer. diuiſione. Coripp. Afric. de Iuſtino lib. 4. *Proceſſum Auguſti Conſulis optat*. Sic nobis *Proceſſioni*. Sed ſatius eſt, ſi *Proceſſum* intelligamus, gradum, & vltiorem in via honorum ſemitam, nobis ad amuſſim, *Auanzamento*. Sic Iuuen. ſat. 1. 38.

Optima ſummi.

Nunc via proceſſus, vetula veſica beata.

Adi & doctiſs. Scipionem Gentilem lib. 2. cap. 5. de donat. inter vir. & vx. qui & alteram Gruter. Inſcript. *Ob proceſſus ſuos*, non de valeditudinis proceſſu, ſed de honore (vt dicebamus) aduerſus Ræuardum exponit.

Atque huic Chreſimo patris cognomini Decurionatus tribuitur, quem poterat ex lege conſequi: at pater ob libertini notam repellēbatur. Auguſti namque libertus in lapide dicitur. V. l. vn. C. ad l. Viſell. & Iulian. Imper. in l. 9. C. de Dignitat. *Libertorum fil. (non libertinorum) adipiſci clariffimam dignitatem non prohibemus*. V. ib. Gothofr. Adde l. 1. C. ſi ſeruus, aut libert. &c. Atque hoc ius ſeruabatur ante nouellam Conſtitutionem 78. quanquam hæc non carent difficultate. Filius ergo Chreſimus in hac inſcriptione gratuitum conſequitur Decurionatum, pater Commoda Decurionalia, atque *Honorem Biſellij*, ea qua opinabar declaratione, vt eſſet ingreſſus in Curiam honorarius. Hunc ingreſſum ferè comitabantur Commoda,

Dd 2

aut



aut saltem ornamenta, in veste, ac sede, alijsque iuribus, atque im-  
munitatibus, de quibus in titr. Digest. & Cod. de Decurion. Binis au-  
tem alijs saxeis testimonijs videor posse iuuare haud temerè conuel-  
lendam hanc quintam nostram diuinationem. Primum est Atella-  
num 1099. 3.

*Cn. Plaetorio VI Viro*

*Augustali*

*Biselliario*

*Honorato ornamentis Decurio-  
nalibus*

Hic Plaetorius fuit Biselliarius, quod exposui, donatus Iure bisel-  
lij, seu confessu inter Decuriones: illico sequitur *Honorato ornamentis  
Decurionalibus*. Ac sicuti in Sueffano, ob editum splendide munus  
fuerunt Chresimo honores, atq. ornamenta collata: pariter hic Plae-  
torio, *Quod auxerit ex suo ad annonariam pecuniam HS  $\overline{XN}$ , & vela  
in theatro cum omni ornatu sumptu suo dederit*. Alterum saxum est in  
105. 2. vbi disertè honori adscribitur, conuenire inter Decuriones;  
& statim alia ornamenta pariter decernuntur.

*Cui ordo Mun. Epor.*

*ob merita*

*Cenis publicis inter*

*Decuriones ludis con-*

*uenire permittit aliaq.*

*Ornamenta decreuit.*

Quinti hæc loci coniectatio præit mihi, & lampadem tradit ad  
sextum interpretamentum. Cum .n. tum in Sueffano, tum in Ate-  
lano lapide Augustalitaris honor, atque ordo nobis occurrerit, in-  
spiciamus, an Bisellum huic municipali dignitati aptari queat.





## CAPVT XXXX.

*Sexta explicatio.* Augustales: *medius ordo in municipijs, aut colonijs, & equestri Rom. παράλληλος. Duumviri ex Decurionibus lecti. Discrepitum à Reinesio. Ordinatio: Ordo. Seuiri Augustales, & ἀπλῶς Seuiri. Cetera Seniralis. Augustalitas. Seniratus. Vnde nomen. Præfectus Augustalis. Milites Augustales. Ludi Augustales. Sodales Augustales: quibus Seniri similes. Colonia urbis Romæ simiola. Flamen Augustalis Pisis. Sacerdotes. Augustalitas potius ordo, quàm administratio. Primi Augustales.*

**S**exto igitur istu collimemus; Augustalitatis Ordinem, aut munus sub examen reuocaturi. loquor de Augustalibus, quibus publicæ administrationis officium in colonijs, aut municipijs, suisue ciuitatibus commissum est. Neque ignoro quod Cl. Reinesius scribat ea epist. 31. p. 179. in quocunque etiam corpore, aut Collegio suos fuisse Decuriones, Augustales, Quinquennales: quod nunc, cum non vacat expendere, nec liquere aio.

Erant Augustales honestus ordo in suis ciuitatibus; sed infra Decurionum amplitudinem, & supra plebis, aut populi tenuitatem: veluti παράλληλος Equitibus Romæ Vnde in Verr. Lapidibus, ea qua dicebamus metatura collocantur, vt 240. 1. *Decuriones Augustales, & Municipales; & 475. 3. Ordo Decurionum, & Augustalium, & plebs vniuersa* in Sueffano; quem modò explicauimus; & 1089. 6. *Ordo Decur. & Augustal.* quorum trium ordinum respectu in Pisano Decreto de Obitu C. Cæsaris *Per Consensum omnium ordinum, &c.* Videatur doctis. VVelfer. lib. 5. Vindelici. p. 104. ex eo Reines. d. epist. p. 177. A Decurionibus autem siebant, aut legebantur Augustales, vt idem Reines. monet: cuius tamen illud non placet è corpore, aut numero Augustalium fuisse lectos Duumuiros. Erant namque Augustales infra Decurionum ordinem, vt certissimum est, & idem tradit Reines. at Duumviri nequibant fieri, nisi qui iam inter Decuriones conscripti essent. Disertè I. C. Paul. in l. honorem 7. §. is qui D. de Decurion. *Is qui non sit Decurio, duumviratu, vel alijs honoribus fungi non potest.* Imò ex potioribus Decurionum, qui & Primi, & Principales (diximus sup.) seligebatur Potestas Duumviralis. Idem Paulus ib.

*Hono-*



*Honores, & munera, non Ordinationi, sed potioribus quibuscunque sunt iniungenda.* quod hîc dicitur *ordinationi*, idem est atque *Ordini*. quasi non inconsultè, ac sine iudicio, cuique in ordinem Decurionalem adscito sint iniungenda munera; sed cum delectu qui digniores fuerint, ac magis probati, ut ego exponerem. Consulatur & Panciroli. de magistr. municip. cap. 7. quomodo igitur ex Augustalium numero creabantur Duumviri, si Augustales non modo selecti inter Decuriones non erant, sed neque ordinem ipsum attingebant? Non mihi tanti est lapis ille apud Grut. 57. 6. quem profert Reinesius, quin præstent oracula legum, aut consultorum: imò ratio ipsa, & communis rerum sensus. Cum enim Duumviri sint, veluti Consules, ac fastigium teneant honoris in sua patria; è Senatu, siue Decurionibus, dignissimo omnium ordine, sunt excerpendi. Consideratissimè idem Reinesius, aduertit horumdem Augustalium mentionem non reperiri in libris Codicis, ac Digestorum; ac nos sup. diximus de ordine Decurionum, de quibus pariter mutiunt libri Iuris. Hi & *Augustales*, & *Seniiri Augustales*, quoniam totidem essent, appellati; quandoque cum eâ notâ IIII. *Augustales*. V. Rein. ib. & Indicem Gruterianum: & *Honorati Augustales* 57. 6. nisi error fuit scalpri, aut exscriptoris. perplaceret *Honorati, & Augustales*, sicuti alibi *Honorati, & Decuriones* 279. 3. & *Honorati, & populo* 330. 2. Pari ratione *Plebs urbana, & Honore usi* 343. 6. 387. 8. 392. 1. *Plebei, & Honore usi* 485. 8. Atque hac nostra additione *te &*, in lapide 57. 6. *Honorati*, iidem essent, ac Decuriones, siue qui ex Decurionibus honorem aliquem gesserint; nec vlla foret absurditas, ut ex ijs Duumviri crearentur, quin potius aptissimè congrueret ex d. l. honores D. de Decurion. quod obiter sit dictum ad eam ipsam Reinesij observationem, atque epigraphen, si opus sit, defendendam. Hi *Augustales* simpliciter *Seniiri* nonnumquam. fragmento Petron. haud semel *seuir gratis factus sum* pag. 40. & *Habinna seuir est* pag. 52. Inde *Cæna Seuiralis* ob Honorem Seviratus data Grut. 1073. 6. V. Reinesius. ea epist. ubi nescio quid de duplici genere sevirorum, ac de foeminis in eum ordinem adlectis, aut saltem ornamento honoratis sine usu, ac ministerio. Honor autem hic, nunc *Augustalitis*, nunc *Seviratus*; idem Reinesius. ib. & Index Gruter. Quod verò scriptor idem antiquitatum diligentissimus non dubitet p. 177. eò dictos Augustales, quoniam arbitratu, & mandato Magistratuum maiorum, seu Præsidum ab Augustis impostorum nominati,



nati, selesti, aut saltem confirmati fuerint: atque ita tanquam Augustorum beneficio *Augustales* appellati, non inerudita defluit origine nominis. Confirmari potest exemplo Præfetti Augustalis, quem Aegypto impostum, ut ei regno præesset, à se nominavit Octavius Augustus, qui primum constituit. Haud secus milites Augustales; de quibus Veget. 2. 7. *Augustales appellantur, qui ab Augusto ordinarijs iuncti sunt.* Sic *Ludi Augustales*, & vel in honorem, vel instituto Augusti ita appellati. Sed non improbabile illud mihi succurrebat; imitatione, atque exemplo Augusti Sodalium Romæ, hos etiam in *Colonijs*, & municipijs potuisse nuncupari. De ijs, qui in vrbe Tacit. 1. ann. *Annus V. C. DCCLXVII. novas ceremonias accepit addito Sodalium Augustalium sacerdotio, ut quondam Tatijs retinendis Sabinorum sacris Sodales Titos instituerat.* meminit & Suet. Claud. cap. 6. In Prouincijs autem, & alijs ciuitatibus publicæ, ac solenni sacrorum curæ præfuisse Augustales Seuiros assentior libentissimè eidem Reinesio. quò referrem etiam procurationem, & apparatus ludorum, qui sermè in honorem Numinum edebantur, ut ex inscriptione Neapolit. 9. 4. quam affert Reines. Addo tutelam, & custodiam loci, aut rei dicatæ, aut religiosæ. Inscr. Gruter. 358. 1. *Inlatis arca Scuiorum ob locum, & inuisionem statue, &c.* Quòd si tum nomen congruit Augustalium tam Romæ, quàm in alijs ciuitatibus; tum munus non dispar rebus sacris vacandi, absconum minimè videatur, si municipalis hic honor imitatione Romani Sacerdotij sit appellatus. Scimus verò id studuisse colonias, ac subiectos populos, ut imitari quam diligentissimè res Romanas nossent: quod partim adulandi calliditate, partim ambitionis sensu fecerunt. Beatiores autem illi, qui in eo studio magis se adprobarent, ac simiolam blandiùs agerent. id maxime sub Augusto, qui longo orio, pace, ac felicitate vlus, nouis magistratibus, legibus, moribus Romanam politiam fundauit. Et quidem extra Romanam quoq. non vna in ciuitate reperitur Flamen, aut Sacerdos Augustalis in honorem, & cultum Augusti qua viuents, qua defuncti lectus, & appellatus. In vrbe Nicopole meminit Arrian. dissert. epictet. 1. 19. Pisis in eo decreto lapideo de Caij Cæsaris mortuali memoria *T. Statulenus Iuncus Princeps Colonia nostra Flamen Augusti.* &c. num verò ijs, quos in vetustis Inscriptionibus *Sacerdotes* legimus, iidem sint atque *Augustales*, ut vult Reines. d. epist. pag. 156. non mihi pro certo est. Scimus namque in ipsijs ciuitatibus non vnum fuisse genus, non vnum colle-



collegium sacris operantium : Augures, Flamines, Pontifices, Sacerdotes : alios temporarios, alios *diæ Cæs.* : alios maiores, alios minores. Adi Iacob. Guther. de V. Iure Pont. 1. 6. quem auctorem politissimum miror, ne *γπὸ* quidem de Augustalibus tradidisse. Inscriptiones à Reinesio prolatae *Sacerdotalem* memorant sine alio adiuncto : unde colligerem ex quadam exoche summum in ea ciuitate Sacerdotij genus significari, ac supra ordinem Augustalitatis. Sed viderint alij, ne in longiora diuerticula abeamus. Opportunior occasio curas dispensabit attentiores. Ea mihi sedet sententia non vbiq; in colonijs, municipijs, ciuitatibusq; fuisse Augustales; sed pro ipsarum amplitudine, viribus, studijs, institutis variatum fuisse in vsu, numero, munijs, nomine etiam Sacerdotum : *ἀλλοτρίᾳ ἄλλᾳ*. Quod autem hi Augustales alij quoque actibus sese immiscuerint præter sacrorum procuracionem; præcipue autem Iuri dicundo, haud repugnauerim. quod Reines. monet ex Inscriptione 421. 7. Non tamen viroque pollice adprobo, quod *Præfectus I. D.* in ijsdem Inscriptionibus de Augustali sit accipiendus. Potius crediderim hos Præfectos extra ordinem ab ipsis Decurionibus fuisse postulatos, aut à Præsidibus impositos per rerum gerendarum occasiones, si alij magistratus defecissent; Præit mihi Decretum Pisanum de Caio Cæsare Augusti nepote, *Quando eo casu in Colonia neque I Vir, neque Præfecti arario, neque quisquam Iure dicundo præerat.* Semel autem hoc dictum velim, pectus ordinem, quàm magistratum, aut administrationem Reip. fuisse Augustalitatem, quod allatae superiùs Inscriptiones docent. Sed in hoc Augustalium ordine, corpore, munere, collegio, non omnes paris dignationis, atque auctoritatis. Reperitur qui *Inter primos Augustales à Decurionibus sit factus* 409. 5. & 215. 2. Et *Augustales primi ib.* & *V Vir Augustalis in municipio Suelitano D. D. primus.* quem lapidem exactè, & pro innumera sua doctrina explicat Reines. d. epist. 31. Sicuti igitur de collegio Decurionum diximus, alios fuisse primos, Principales, atque honestissimos : ita de Augustalibus libet exponere, prout vel antiquioris ætatis præiudicio, vel maiori vsu Reipublicæ, vel suffragiorum prærogatiua, aut iudicio Principis meruerint ita appellari. Ac sicuti *Iuniores, & Seniores* Decuriones; ita de Augustalibus ratiocinari conuenit, quod sup. statuimus. Cùm igitur quidam gradus in Augustalitate, maioris, aut minoris existimationis reperiantur; ita *Honor Bisellij* inigne quoddam esse potuit, & argu-



mentum maioris præstantiæ in eo ordine, vel collegio. Inde Placitorius dicta epigraphæ *VIVir Augustalis Biselliarus*: nempe ut digniori, & ampliori loco inter Augustales sederet; quod bisellio exprimebatur, ut abundè superius adnotauimus. Eadem prorsus coniectandi ratione, quam in Decurionatu attulimus, à similitudine veri non deficit, ut cuiuspiam Augustali extra ordinem, ac peculiaris ob meriti causam ius datum fuerit sedendi inter Decuriones, quod Biselli nomine, & honore designassent, ut dicebamus. Inde *Augustalis Biselliarus*; erat .n. Augustalitas infra Decurionatum. Iuuant quæ proxime sequuntur in epigrammate de Placitorio, *Honorato ornamentis Decurionalibus*. non igitur verè fuit Decurio; sed ingressu, & aditu ad curiam, ornamentis, perinde ac si foret, utebatur: quorum adepta honestas (utpotè exultationis non tralatitiæ) posteris ut innotesceret, in sculptam saxo voluit, qui titulum fecit.

## CAPVT XXXXI.

*Imagines. Clypei. προτομαὶ ὁμοειδῆς. Statuæ maiores, digniores. Emundus Figrelus. Currus quadrigarum: statuæ illic triumphales, in celebrioribus locis posita. Biga. Bigæ honor. Biga postulata ciuibus bene de patria meritis: præcipuè ob liberalitatem. Siglæ. Spectaculum: pro loco spectandi. Biga adiecta. Auctus. Bigam postulabat, vel populus, vel officia, & corpora. Decreta quandoq; nullo postulante. Decuriones postulatam decernebant. Publico, aut collato arcu ponebatur. Remissum sape impendium ab eo qui acciperet. Due quandoq; decreta: quandoq; coercita populi postulatio. Stantim tandem ne nisi imperiis accipientis. Vetiata priuata collatio in Principum statuas. Honorificum biga traduci: item imagines, & statuas. Deferre circenses. Iudiciale carpentum. Cum P. Fabro disconuenit. Carpentum pompaticum. Biga Decurionum. Dedicatio bigæ. Honor bigæ forte idem ac Biselly: septima, atq; vltima coniectura.*

**S** Eprimò, atque vltimò arcum dirigimus: attingere, & ferire (si reus lex est, ut in alijs) non audemus, aut confidimus. Perichitemur si fortè *Biselly Honor*, idem sit ac *Bigæ*: ut hac demum biga stadium hocce Criticum, anceps oppidò ac lubricum postrema decursione emetiamur. *Honor Biga* Syllabatim his verbis,

Ee

aut



aut raro, aut nusquam in alijs literarum memorijs reperitur: nonnihil dumtaxat eruiamus ex antiquis lapidibus, quorum indicinā profecimus ad ea, quæ mox afferemus.

Multa olim apud Romanos ornamentorum, aut insignium genera, cum ipsis penè Romanarum virtutum certantia generibus; quibus gens illa æqua meritorum æstimatrix, quin etiam remuneratrix viros egregios afficere, atque honestare solebat. hæc autem non præmia tantum ijs, qui acceperant; sed faces, atq. irritamenta cæteris, ut non imparem laudis cursum obirent per rerum bene gestarum exempla. Saltem id vigente Republica; sed lapsa abundā mox, ac sequiori genio sæculorum etiam indignis ea decora collata, virijs sæpe praua virtutum specie latentibus. Inter hæc honorum specimina potissimum fuere Imagines, Clypei, *προτομα*, *θώρακες*, statuae: quibus non tantum ora, habitusq. repræsentarentur corporum, quam ipse spirans virtutum vultus, atque animorum effigies, tum superstitionibus, tum nascituris sisteretur ad nominis famam, posteritatisq. commendationem. Hæ statuae non vnius generis, aut occasionis; sed neque vnius loci, vbi ponerentur. Parilibus Coloniae; pedestribus equestres; equestribus Curules antehabita. Summatim dicam: pro ut excellentius, aut sublimius speciei, & apparatus choragium referebant, ita digniori loco habitæ. imò quæ magis staturo læ statuae, magis quoq. illustres, maioribusq. dicata. V. Plin. lib. 34. cap. 4. & seq. notauitque Casaub. ad Polihonis Claudium cap. 3. Videantur qui impensius huic argumento locarunt operam; inter quos nouissimè Emundus Figrelus. At omnium honestissimæ Quadrigæ, seu currus Quadrigarum, quem statua insidebat triumphalis. quo sensu Iuuenal. sat. 8. vers. 3. vocauit

—— *Stantes in curribus Aemilianos.*

& graphicè magis sat. 7. triumphatoris statuam aurigantem depinxit vers. 125.

—— *Huius enim stat currus athenicus, alti  
Quadrijuges in vestibulis; atque ipse feroci  
Bellatore sedens curuatum hastile minatur  
Eminus, &c.*

Vbi Feroci bellatore, siue equo sedere, nihil aliud est, quam *ὄχειν* hoc est aurigari, & habenas regere. Pro *Vestibulis* lego libentius *Stant in triuijs*, loca innuens publica, & totius vrbs conspicua, vbi cele-



celebratior concursus, populiq; adpectus frequentior, qui oculos illuc conuertat. Illi namque currus in foris, templis, basilicis, theatris statuti, potius quàm in vestibulis priuatæ domus, quod magnus interpres voluit. Quòd si Vestibula retineamus; de Vestibulis, propylæis, atrijs templorum malim intelligi. Ac ferè arcuum moli- bus, Ianis, ædium fastigijs, operumq; insignibus curuaturis ea simu- lacra imposta Prud. 2. in Symm. ver. 555.

*Frustra igitur currus summo miramur in arcu*

*Quadrijugos, stantesque duces in curribus altis.*

Suet. Domit. 13. *Ianos, arcusq; cum quadrigis.* Sic quoque in Circo quadrigas Soli, Dijsq; alijs circensibus super fornice, aut arcu dicatas videmus. Consule Panuinum, atque alios; meritò summis honori- bus adscriptus locus ille, vbi in oculis populi, & lucis publicæ maie- state statuebant aliquem effigie triumphali (vt loquitur Suet. Aug. cap. 31.) expressum, & consecratum. Proximus Dijs immortalibus, & ipsi Iouis solio *πρότερος* habebatur, cui tantum culminis conti- gisset. Currum hunc quadrigarum *τέθριππα* dixere Græci: quam vocem retinuit Cic. 5. ad Attic. 21. oblatum sibi à Cyprijs honorem narrans, ac recusatum, *nullos honores mihi, nisi verborum decerni sino: statuas, aenea τέθριππα prohibeo.* Puto autem olim numinibus qua- drigas, bigas, &c. fuisse dicatas, Soli, Lunæ, &c. Dein hominibus, præcipuè victoribus apud Græcos per solennia illa ludorum certa- mina. Serius ad Romanos res venit: apud quos verus primò de ho- stibus triumphus; ludicra deinde victoria de aduersarijs id genus pu- blici decoris inuexit. Sed medio æuo sub Imp. *Bigam* viris egregiè meritis postularam reperio, quasi dimidiati triumphi simulacrum, vno minus equorum iugo. Aduersus legem puri sermonis, qui iam ad barbariem vergebat, *Bigam* dixere; cum olim pluratio numero *Bigæ*, & currus bigarum, sicuti *Quadrigæ*, & currus quadrigarum, dicerentur. Sed poetis tamen quibus nihil non licet, I. Consulris, & Plinio *Bigæ*, & *Quadrigæ*; quicquid nasum crispent literatores. In lapidibus autem (quod sup. innumus) hic *Bigæ honor* haud raro memoratur; quem nos primi fortean excutimus, etsi in transcurso, ac volanti articulo. Cæterum dignus alioquin ritus, & antiquariæ rei pars, in quam incumberet serio vigil, nec oscitans crisis. ac miror tot viros philologiæ diligentissimos, qui de re equestri, curruli, sta- tuaria, Circensi vel impendio, vel obiter meminere, tam securè præ-



terijſſe hanc Bigam in lapidibus. quos iam ſine palangarum, aut cylindrorum ope producere tempus eſt. Reperio autem ijs potiſſimum fuiſſe poſtularas, ac decretas bigas, qui animoſè largiendo, ac profundendo populum demeruiffent. Ferè enim id comparatum eſt, vt prona multitudo eum diligat, atque in humeros tollat, à quo magis ſe laſtaram, ac paſtam, tum commodis, tum voluptatibus ſentiat. In Gruterian. 440. 1. *Ob inſignem eius editionem muneris bidui populo poſtulanti bigam placuit equeſtri ſtatua decreto ordinis eum ornari.* En muneris editio, quo populus illeſtus: en poſtulara Biga in honorem editoris; ſed modus tamen factus poſtulationi, & decrera dumtaxat ſtatua equeſtris. Mecum ſenſit, ac notauit Emund. Figrel. erudiſſimo commentario de ſtatuſ illuſtr. Roman. cap. 18. Nequibat fieri hæc editio muneraria ſine ingenti profuſione, atque impenſa; nec ſine ſumma cura, ac vigilantia. Gruter. 421. 1. *Qui rogatus ab ordine pariter ac populo, vt gladiatorij muneris publicè curam ſuſciperet, fecit. & explicito quod promiſerat, impendium bigæ, quam populus ex collatione legatini, ac donatini epuli offerebat, remiſit.* Hic quoq. Biga honor, ac merces oblata ob curam muneris, ac ſpectaculi. Et 352. 1. *Huic primo 11 Vir biga poſita ob eximias liberalitates, & abundantiffimas ſine exemplo largitiones, &c.* Pariter hîc in oculis populi fuit liberalitas, & largitio; data ſpectacula, & commiſſiones, vt deinceps ibid legitur. Et 1103. 4. in Piſaurenſi, quæ plenior legitur 447. 6. *Ob eximias, & abundantiffimas largitiones B. G. poſ. . . ex ære collato Decur. decr.* Notas, aut Siglas B. G. Bigam expono. Solenne autem veteribus, vt non modò integrum verbum ſingulari litera deſignent; ſed vnius verbi plures ſyllabas pluribus itidem notis indicent. Non norunt, niſi qui penitus ſint peregrini in ſaxis antiquis; at qui vidit, qui legit, ac pede (vt ira loquar) offeſſanti in lapides literatos ſapiuſculè impigit, cum nobis *συγγενειν*, ac ſentire non ambiget. Siglas eleganter vocauit Juſtin. in præſar. de concept. Digefſtor. & alibi quoque, de qua voce Cuiac. 12. vlt. obſeruat. non *Signa*, vt perperam alij legebant. V. & Bernegg. ad Suet. Titum cap. 3. Sunt enim Sigla ſingulorum verborum ſingulæ notæ. Cæterùm & in vno, eodemq. verbo plures notæ, vt dicebam, plurium ſyllabarum: vt hîc in Bigam B. eſt nota primæ ſyllabæ, G. alterius. Aduerti & in Inſcriptione I. 1. C. Theod. de Alexandr. Pl. primat. P. F. hoc eſt *Præfecto*: alibi B. F. apud Gruter. eſt *Beneficiarius*. In eodem nempè verbo non vna no-



ta, sed pro numero syllabarum, aut alia diuidendi verbi ratione. V. quæ obleruat Cl. Reinet. var. lect. 3. 16. p. 620. Scio tamen & B. G. pos. posse exponi *Bigæ Gratis posita*. Atque ex hac quatuor lapidum veluti quadriga, vt *Bigam* nostram paulo attentionioribus iudicij habenis nunc regamus, libenter inducor. Liquet igitur cui postulata, ac decreta fuerint *Bigæ* ad honorem. viris. scilicet egregiè meritis de publico; præcipuè autem qui insigni aliqua largitionis, ac beneficentiæ laude, eaque potissimum in ludis, ac spectaculis sese commendassent. Miror per amphitheatrum Lipsianum, vbi scriptor ille maximus munerarios ritus tam accuratè exhibet, non fuisse hanc *Bigam honoris* critica obseruatione deductam. Quòd si quis quærat, quo in loco posita fuerint hæ *Bigæ*? Non est dubitandum (quo pacto sup. de quadrigis diximus) quin totius ciuitatis maximè conspicuo: sæpe in ipso Circo, & arena tanquam *ἀνὰ θύματα* illic in sua sede fuerint erectæ. 484. 6. *Hic cum & populus in spectaculis assidue bigas statui postulasset, &c.* Vbi rō *In spectaculis*, capio non tam pro celebratione ipsa, & actu spectandi, in quo populus postulasset *Bigam*; sed & locum vbi ea statueretur, videor posse interpretari. Sic Sueton. Calig. 35. *Ingressum spectacula, &c.* & Neron. 32. *animaduersam matronam e spectaculis*. Est enim spectaculum locus ipse, siue θέατρον, aut θέατρον. Nolim autem, vt vllus honorem hunc *bigæ* confundat cum altero, de quo apud Suet. Tib. cap. 26. *Natalem suum*, inquit, *plebeijs incurrentem Circensibus, vix vnus bigæ adiectioni honorari passus est*. Hic quoque honor ex adiecta *biga*: intellige autem, vltra numerum consuetum, aut decursionem bigarum, vnā fuisse adiectam. Solenni verbo *Auctum* dicebant. *Bigas* alicui ponendas postulare solebat populus, vt ex proxima inscriptione *Bigas statui postulasset*, & sup. 440. 1. *Populo postulanti bigam*, & 444. 5. *Citra vllius postulationem*, &c. Addo l. Vlt. C. de statuis, & imagin. *Quoties indicibus nostris, vel cuilibet alij statua fuerit à quocunq; collegio, seu officio, vel in hac sacratissima ciuitate, vel in Prouincijs postulata, &c.* Populus autem, ac multitudo impetu gaudij acta palam, & μὴ φωνῇ inter ipsos sæpe ludos, ac celebritates publicis hisce virtutum testimonijs, gratique animi significationibus decoratum cupiebat eum, cuius liberalitati, ac munificentia accepras voluptates, atque oblectamenta tulisset. Sed & Collegia, Officia, & Corpora, vt ex d. l. vlt. constar. Aliquando citra vllius postulationem oblata, ac decreta *Bigæ*; quod honestius videtur



detur fuisse, & maiorem addens existimationem ei, qui recepisset, si sua sponte Decuriones, aut Præses decreuerit; sola inspecta virtute quam exornent, nulla populi postulatione qui importunè extorqueat. Fortè autem & ipse, in cuius honorem locaretur, quandoque postulabat; aut per amicos, & Principes ciuitatis ambitu, & gratia petebat. 421. 1. *Bigæ, quam populus ex collatione legatiui, ac donatiui epuli offerebat.* Hic Oblata, vt & 444. 5. *Citra ullius postulationem cum à municipibus suis oblatum, &c.* At Decurionum erat postulatis populi annuere, ac decernere, quod ille petisset; vel modum, ac legem imponere, si excessisset, vt ea nos docent laxis incisa epigrammata. Hinc fermè conuincta decreta cum postulationibus, vt in iisdem lapidibus videre est, quibus adde & 483. 9. Ad eiusdem Ordinis, siue Decurionum curam, aut decretum attinebat, locum, ac pedarum statuere, spatiumque definire, in quo biga, statua, aut aliud honoris cauti-  
poneretur. Hinc illa toties *D D D L Decreto Decurionum Datus Locus*: aut consimili formula, quæ sæpe tibi obuia.

Sed hæc obtinuisse opinor ante Constitutionem Arcadij, & Honorij quæ in l. 4. C. de statuis, & imagin. vbi extra *Imperiale beneficium*, h. e. Principis permissionem nemini, aut iudici, aut in administratione posito licet accipere statuas *æneas*, vel *argenteas*, vel *marmoreas*, vt illic sancitur. Seuero autem pœnarum interdicto defigitur, infamiae .s. & quadrupli quisquis aduersus legem commiserit. Verabatur forsitan populi exultabundi, ac præ gaudio lasciuientis temeritas, qui vel leui de causa, vel nonnunquam indignis hunc honorem contulisset: aut coercebatur affectantium ambitio, ne subdolis blanditiarum artibus extorquerent titulos, ac duraturæ monumenta memoriæ inanitate colligerent. neu tandem cum patrimonij ruinâ insanis opum profusionibus populi fauorem redimerent ad eam ponendæ sibi statuarum capturam.

Publicis demum sumptibus plerumque factæ, ac statuarum apparent hæ Bigæ: 484. 6. *alterius sumptus remisit Reipub.* & quidem collatione, aut ære corrogato ad id opus. Sup. 447. 6. *ex ære collato.* 421. 1. *ex collatione legatiui*, l. ult. C. de stat. & imagin. *ex Descriptione*. Et quod sæpe legitur *Gratis*, vel *Gratis pos.* Sed nonnulli honore solo contenti, & benigno populi consensu, qui postulasset, & obtulisset Bigam, impendium remittebant: sua ipsi pecunia opus faciendo. Inde sæpius occurrit formula *Honore accepto impendium remisit*, ijs notarum



rum ductibus H. A. I. R. & præscriptis verbis *Honore contentus impensam remisit*, vt 356. 10. Compar huic S. P. F. hoc est *sua pecunia fecit*. sup. 421. 1. *Impendium bigæ, &c. remisit*, & 424. 6. *Pro insitua modestia sua vnus bigæ honore contentus, alterius sumptus remisit Reip.* Liquer ex hac inscriptione duas quandoque bigas vni fuisse postulas, aut decreras, & quidem sumptu Reip. sed ob modestiam vnâ tantum acceptâ. Sicuti pro vna bigâ, quam ciues postulassent, decreta eius loco statua equestris ab ordine Decurionum, veluti honorem moderantium, vt 340. 1.

Cæterum deinde lege cautum, ne quis, cuius ad honorem statua petitur, nisi suis impensis collocari permittat l. ult. C. de statuis, & imagin. *Et virtutum premia tribui merentibus conuenit, & aliorum honores alijs damnorum occasione fieri non oportet, &c. nequaquam ex descriptione (contributione, & collatione) sumptus colligi patimur; sed eius, cuius ad honorem petitur, expensis proprijs statuam collocari precipimus.* At in imaginibus, statuisue Imperatoris priuatam collationem vetuerunt l. 3. ib. *Priuatæ collationis iniuriam propulsari precipimus: addita consilij ratione, ne quid in eis suum collator agnoscat: quibus è legum testimonijs facile adducor, vt opiner, gratuitum hunc Honorem bigæ ætatem anteuertisse Principum, quorum constitutiones adduximus; sunt autem Arcadij, Honorij, &c. atque Antoninorum sæculo, vel circa, hæc e Honorum appellationes (sicuti de Bisellio diximus) potissimum inoleuisse.*

Quod *Bigæ Honorem* vltimò attinet, nolim tacuisse, Bigâ, aut vehiculo traduci, summo itidem Honoris, loco, atque excellentiæ habirum fuisse. Vnde id ferè editoribus in pompa circensi tributum, vt notum est. Hinc ea cura summè ambita, aut magisterium, vel præfectura certaminis, quam Agonothetæ suscipiebant. Indico tibi pulcherrimam de ea re memoriam in l. 10. D. de pollicit. quam videsis. Hinc etiam mortuorum imagines, & statuae vehiculo traductæ in theatrum ad honorem. V. quæ narrat Dio, aut porius Xiphilin lib 71. p. 813 de Faustina. Capitolin. in Antonino Pio cap. 6. *deferre Circenses eleganter vocauit. Delatis, inquit, Circensibus atq; templo, & flaminicis, & statuis aureis, atq; argenteis.* quod puto sic dictum, quomodo *deferre hereditatem* l. Consultis: an potius *ἐμπατίζω* pro, *Delatis honoribus circensium.* Sic paulò post, *statuam auream delatam à Senatu positam accepit.* Sed & *deferre Circenses* erit ludos



ludos in memoriam alicuius instituere. Suet. Calig. 15. *Eò amplius matri Circenses, carpentumq; quo in pompa traduceretur, & Cæl. cap. 76. Thensam, & ferculum Circensi pompa, &c.* Omnino namque præstantiæ specimen, publicæque existimationis decus reputabatur, vti posse iure Vehiculi, quo spectat rit. & l. vn. de Honoratorum vehiculis. De Carpento mulieribus Romæ concessio honoris causa Liu. Plurarch. alij dixerunt. Præfecto quoque Prætorij carpentum tributum in Honori insigni, atque ornamentum: quod *Iudiciale carpentum* appellarunt. Vopisc. in Aurel. inrit. *Vehiculo suo, & iudicali carpento.* Sidon. Apollin. 7. 12. epist. & ibi accuratissimus Sauaro. P. Faber 1. semestr 3. pro sella Curuli explicat: quam benè non sat video. Pluscule Guther. de off. D. A. 2. 16. Confimile quod Isidoro 20. 12. *Carpentum Pompaticum.* Sic *Biga Decurionum* in lapide Vrbinare apud D. Francisci, cuius meminit Pancirol. cap. 6. de Magistr. Municip. Ea fortasse, qua utebantur Decuriones cum procederent.

Verùm Bigam nostram, aut statuam curulem alio prorsus significatu accipimus licet: pro simulacro, & opere sculptili, aut fusili in alicuius honorem statuto. Nempe acclamantis populi, postulantis multitudinis (vt dicebamus) voce, atque iudicio deferbatur hic honos alicui, statuaque illius curui bigarum imposita publico in loco viuientium, posterorumque oculis figebatur, addito titulo, atque inscriptione. Quamquam & id honorificum, si Numini, aut Principi votæ, ac dedicandæ statuæ religio, ritusq. & cura alicui demandaretur, vtque publico nomine is collocaret. Iniunctum hoc officium commendat industriam, & auctoritatem ciuis supra cæteros spectari. 444. 5. Grut. *Hic opus quadrigæ cum effigie Imperatoris Hadriani Aug. citra ullius postulationem à municipibus suis oblatum, &c.* Atq. in hac Bigarum dedicatione diuisi nummi incolis, ciuibus, Decurionibus, omni que genere lenocinii secunda populi existimario collecta ab eo, qui honorem accepisset. 485. 8. *Ob Dedicationem biga Decurionibus singulis — XV. collegis omnibus VIII. plebei, & Honore uss — XIII L. D D D.* Denarii fuerunt hic diuisi, vt ostendit nota X locumq. statuendæ Bigæ Decuriones decreuerunt, quod vltimæ literæ arguunt.

Sed cum his curribus videbor fortasse nonnullis ex quadrigario defultor factus; qui à Bisellio parumper diuerterim, quod me vocabat



bat incurrentis occasionis illecebra. Sciunt tamen istarum literarum diligentes, quomodo vnum ex alio amica serie necatur, atque hoc prorsus ἐξωντισμῶ quanta quanta sunt philologica scripta, commenduntur, & consent.

*Bigam* igitur (quomodo superius explicauimus) curulem .i. statuatam in argumentum honoris, & memoriam posteritatis alicui decretam, aut positam, alio nomine placuisse *Bisellium* appellare, haud penitus repugnamus; atque adeò *Honorem Bisellij* ex ijs, quæ de *Bigâ* protulimus septima, atq. vltima nostra coniectura illustrari. Scimus namque δῖσπος sellam esse, vbi duo sedcant παρὰ τὸ δύο φέρειν Suidæ, Eusthatio, alijs, ac sup. diximus cap. 9. quomodo & Bisellium ex Varrone, quod ducrum sedentium est capax. At δῖσπος pariter est currus, qui aliter διοχὴς, Pausaniæ, Polluci, atque alijs, παρὰ τὸ δύο ἔχειν, quod duos capiat. δῖσπος δὲ διοχὴς ὁ δύο φέρειν δυνάμενος. Poll. 7. 26. quod verrunt δῖσπος, *Bigâ* quæ duos recipere potest. Sic δῖσπος, quod est *Bisellium* exponitur doctissimo Aemilio Porto apud Suidam, *Idem ac δῖσπος. Bisellium. Sella duos recipiens, quæ & δῖσπον vocatur.* Neque mirum, si eo seculo nouè quid audere consueuerint, Bisellium pro *Bigâ* enunciantes; præsertim vbi tum rei, tum nominis iuuabat affinitas, ac similitudo. Sed inter sese Inscriptionum collatio, lapidumque compositum examen, probabilior puto, dabit vltimæ huic nostræ coniecturæ auctoritatem. Utrobique namque tam in ijs, quæ sunt de *Bigâ*, quàm de *Bitellio* inscriptionibus, eadem apparet tradendi honoris occasio; eadem accipientis præstantia, aut meritum; idem populi consensus, aut Ordinis decretum; idem penè verborum nexus, & formula, tituli que, & memoriæ expressio, ne dicam prorsus ταυτοπεία. Componantur quæ sup. de Honore *Bigæ*, & quæ de Honore *Bitellij*. Grut. 475. 3. & 4.





## CAPVT XXXXII.

*Iterata excusatio de vera interpretatione Honoris Bisellij. Honores onera, & ruina ambitiosorum. Ob Honorem; solenne verbum. Litera M quandoq; pretermiffa. Resp. Pisanorum. τὸ κοινὸν. Il Comune. Commune Siciliae. Communitas Asiae. Pisana columna miliaria ad S. Petri in Graduproducitur, expletur, illustratur. Columnarum miliariarum usus, & observatio. Ciuitas: sepius de Metropoli, aut urbe primaria. πόλις τῶν πόλεων. Mater ciuitatum. Capita regionum. Πόλις Alexandria: ἄστυ Athens: Vrbs, Roma. Oppidanum genus. Ciuitates Christianis, quae sub Episcopo. ἐπισκοπικαὶ. Chorepiscopi. Clausula operis. Inuitatio ad σύνολον de Venerum Donis.*

**S**atis haftenus, vt lucernulam praferamus Bisellio: saltem primi paupertinum lychnum huic obelisco intulimus, vt mox veniant sagaciores antiquitarum Promethei, qui plenam faciem, ac super omnes Hyperionis radios luculentam e sanctiori eruditionis penu depromant, ad viuificandos lapidum stupores, & saxorum animandum frigus; quorum in intellectu etiam ij Gorgonem saepe vident, qui stupere alioquin nihil solent in literis. Ae quo interim animo accipiet, bonique consulet coniecturas nostras quisquis in re ignota, atque haftenus a nemine (quod sciam) tentata vadum monstrare, aut viam pedibus facere, nec securi moliminis, nec obuia ἰσοχλίας esse meminerit.

Sed vbi hanc qualicumque coniecturae periculo de *Honore Bisellij* executus sum, pro Colophone apponam, non tam retulam mihi esse peccus; quin praesentiam, quod ex contrario vilius facile possit contendere. Quis, inquit, spondere audeat in hoc Pisano marmore Quadratarij manum non errasse; & quod alibi toties, hic pariter γραφικὸν σφάλμα tot nobis tenebras non offudisse? Imò namque pro *Biselli* scribi oportuisse *Bisilli*: quod & altera inscriptione factum, quae proinde nihil mutanda, aut emendanda. Nempè *Ob Honorem bis illi*, h. e. Q. Largennio, subaudi, decretum, aut gestum Duumviratus, facta fuit donatio Pisanis. Non dissimulo vires, atq. ictum, quem vltro prouocaui, atque excepi. nec studio Bisellij, ac praedicata



dicata de eo à me opinione ita vadatum me sentio, quin alterius quæque sententiæ remoram, atque offendiculum bona fide cognoscam. Si quid tamen valent quæ superius attulimus nostro hoc commentario; atque ea attento animo non defugiamus introspicere; facile has nubes dispellemus, integram, ac lucidissimam scriptionem nostro lapidi meritò vindicantes. Quòd si temerè hunc moueamus, *Biselli* substituentes, quot illinc absona consequantur nemo non videt: quæ nunc refellere haud tanti res est.

Atque hic *Honor Bisellij*, quicumque tandem ille fuerit (quod statuere nolimus, tentare modò, & conijcere libuit) haud paruo æstimationis fuit à Q. Largennio Chresimo; qui acceptæ id genus honestatis, aut ornamenti causa non contemnendam pecuniæ summam Reip. Pisanae donauit, ut in saxo tandem legitur.

*H S L N Reip. Pisanor. dedit.*

Quòd si exputare placet ad hodiernam scutorum Romanor. rationem, duceni, ac quinquageni supra mille conficiuntur ex recepta, & magis communi Sestertiorum æstimatione; quorum singuli duo ceraria, aut asses Florentinos æquant, siue binos Romanos Baioccos cum dimidio. Par enim Libra, seu As vetus hodierno baiocco. Quo circa ad memoris, gratique animi laudem pertinet, ut qui publico iudicio honorem aliquem sint assecuti; tum beneficium victuris monumentis testentur; tum si per vires fortunarum liceat, nonnullam redhostimenti gratiam rependant: utrumque verò Q. Largennius præstitit. Huc spectant solennia verba *Ob Honorem*, ut in nostra epigraphe, ac centies apud Gruterum, & alibi, quoties quid permittitur, legatur, erogatur, diuiditur ob honorem acceptum, aut accipiendum. Sed in nostro lapide scriptum est *Ob Honore* minus litera M. siue cuforis elementarij ignauia; siue, quod apparet, angustia loci non admittente. quomodo autem Veteres hanc litteram in carminibus exterebant, aut scribentes lineâ superductâ denotabant; ita nonnunquam omiserunt in lapidibus. Sic *cura agentibus, hæc de non sequitur, &c.* percurrere indicem Gruter. aduertit etiam Boldonius in Epigraphicis. Obseruavi in libris quoque Iuris, titulo præsertim de Pollicitat. *Honoris* factam mentionem, subindèq. *Ob Honorem* pollicitationem ingestam, cum quid Reipub. aut ciurati promittitur eam ob causam. Ac verè illi honores potius onera, ac dispendia; quando in ijs petendis, accipiendis, ineundis, tam immani



largiendi profundendique studio infani erint ambiciosi homines; ut non raro totis suis euoluti fortunis, patrimonium integra diruerint ad incitas redacti; pretium ponentes tam immeritum inani aucupio popularis gloriolæ. Omnino autem ex lege, aut more vix poterant euitare atrociam illam rei domesticæ vulnera, quod superius innuimus. Sic Aedilibus, Prætoribus, Consulibus iniuncta ea onera, missilium, ludorum, largitionum ad saturandam, oblectandamque plebeculam. Sed modus deinde impositus fuit, & intemperiei prodigentiissimæ adacti fræni: qua de re consulantur veterum legum iussa in libris Iuris; nos exactè obseruauimus in nostro syntagmate de Re Donatica, ubi de missilibus, sportulis, donisque ad Proceßus, & Honores, & id gen. alijs. Sed enim in lapide nostro Largennius Chresimus *Ob causam*, ut loquuntur I. C. & accepto iam honore donat Reip. Pisanorum: *Qui pecuniam pro honore promissit*, inquit I. C. l. 16. §. 1. de mun. & honor. In alijs inscriptionibus, quas attulimus de Bisellij (ex nostra emendatione) honore, aut Bisellarijs, factæ prius apparent largitiones, subitæ expensæ, collatæ pecuniæ, siue ad voluptatem populi, siue ad Reip. vsum: cuius liberalitatis, aut munificentia respectu, dein Bisellij, aut alius honor ob ea merita, decretus, & acceptus. V. in Gruterian. 475. 3. & 1099. 3.

Vltimò loco (ne quid occasione Bisellij in nostro lapide neglectum remaneat) occurrunt verba *Reip. Pisanae*. Rempub. pro quacunque societate civili accipimus, quæ legibus, & magistratibus regatur, imperium, ac maiestatem retineat: neque vnius ambitu oppidi, sed plures populos, atque vrbes complecti possit. passim *Com.* vel Gr. κοιν. *Commune*, & κοινόν; tum in nummis, tum in lapidibus apud Grut. & alios (nobis ipsissima voce *il Comune*, *ò la Comunità*.) Sic Ciceroni haud semel *Commune Sicilia*, & *Commune Miliadum* hoc est τὸ κοινόν, siue *Resp.* & l. 6. D. excus. tut. τῷ κοινῷ ὃς Ἀσίας. *Communitati Asia* ex epistola Antonini Pij. Sed de Reip. aut πολιτείας nomine, ac ratione vide, quod maximus philosophorum docuit in opere planè dignissimo, quod auctorem habeat Aristotelem lib. 3. c. 2. Politic. Pisanorum itaque amplitudinem, ac splendorem demonstrat eo *Reip.* nomine. Sed quæ hinc *Respub.* aliter *Ciuitas*. promiscuè usurpantur, ut sæpè apud I. C. in titulo præsertim Digest. de Pollicitationibus, & in faxeis tabulis prouum est intueri. Et quidem in altera epigraphæ *Ciuitatis* appellatione gaudet Pisana

Reip.



Resp. in columna .f. milliaria, quam proferre libens meritò debeo, atque è tenebris educere inobleruatam penitus, ac neglectam. perpruriscit enim iam nobis hic genius benè merendi de Pisanis lapidibus. Etiam igitur hunc bona fide euulgemus, literasque longo attritu penè consumptas, senioque fugacissimas reuocemus. Ac profectò, nisi scierit scalprum illic ductasse lineas, imprudens, atque ociosus quisque præteriret: adeò illas tempus abrasit, quod sua nihil non delet, ac truncat nouacula. Sed vel indignum loci situm sensit ea columna alioquin non vetustissima; vel austrini flatus excepit iniuriam, qui licenter excurrens, pernicialem vim defert, qua obuias ædes, æra, mænna subtili sensim lambit nocumento. Extrat autem hæc columna humi depacta in porticu D. Petri in Gradu, qua Pisas respicit. Puto autem fuisse illic destitutam in aditu porticus pro offendiculo, aut repagulo, ne iumenta progredierentur. Cæterum deinceps in vsum religionis verterunt mulieres cultui addictæ, quæ per dies solennium expiationum illud templum antiquissima veneratione prorsus celebre inuisentes, manum inserunt columnæ, qua superius hiat in morem sulci: nescio qua persuasione diuinæ pacis, si eo manuum embolismo defungantur. Ac fortè dum illic certatim circumuoluuntur, frictione assidua paulatim literas deterferunt: quæ repetito multoties oculorum circumiectu à me tandem expressæ sic habent.

*Imp. Cæs. D. N. RO (Fl. Valenti)*

*Pio Felici semp. Aug.*

*Imp. Cæs. D. N. Fl. Gratiano*

*Pio Fel. semp. Aug.*

*Diui Valentiniani Aug. Filio.*

*Imp. Cæs. Fl. Valentiniano*

*Pio Felici semper Aug.*

*Diui Valentiniani Aug. Filio*

*Ciuit. Pisana*

*M P IIII.*

Prima lineâ omnino explenda est, apponendumque nomen Fl. Valentis (vt fecimus) quod penitus abierat nullo apparente vestigio, ac necesse tamen est ibi non defuisse. Hi tres imperij Romani gubernaculo vna affederunt Fl. Valens cum Gratiano, & Valentiniano filijs Valentiniani primi. Vterque hîc nominantur mortuo iam



iam parente, quem *Diui* titulo ex more indicant. multæ extant in Cod. Theodos. & Iustiniano trium A A A. constitutiones Valentiniani, Valentis, & Gratiani, ut & in Inscriptione Gruter. 160. 5. Sed non putem confundendos cum tribus hisce nostris. In ijs namque legibus, & in veteri inscriptione Valentinianus ponitur primo loco, dein Valens, & Gratianus; at in columna nostra Valentinianus ultimo locatur, quoniam hic filius est illius Valentiniani iam defuncti, de quo in Codicibus, & saxo. Historia lux veritatis rem confirmat: quoniam Valentinianus I. nonnisi socium Gratianum adiecit filium natu maximum ad habenas imperij. ex duobus alteris filijs, quorum utrique nomen paternum Valentinianus, nullum aut vocavit, aut vocare potuit in consortium regiminis. alter quippe trimulus intra fascium consularium stetit cancellos, obiitque viuo parente: alter mortuo demum parente cum Grariano fratre præedit reip. etiam tum quadrimus A. V. C. MCXXVII. Ante hos fratres Valens Valentiniani senioris frater, & istorum patruus Communione imperij lactabatur, qui altero post mente, quam Valentinianus frater summæ rerum adesset, consortionem iniit regnandi: atque hi tres tunc numerabantur, quos in Codice legimus. Distinguendus pariter est hic Valentinianus regnans, de quo columna nostra, ab altero Valentiniano fratre, qui fato præreptus (ut diximus) ad imperium peruenire non potuit: & passim tamen ex duobus Valentinianis perperam, & confusè fit vnus. Sed primus hunc errorem discussit doctiss. Valles. ad Ammiani lib. 31. pag. 412. & 433. post eum Christoph. Adam. Rup. ad Synops. Besoldi pag. 450. vir tersissimi iudicij in rebus gestis, earumq. temporibus adnotandis. In columna itaque hac Pisana Valentinianus Valentiniani filius erit ille, quæ secundæ cunæ exceperunt; qui partim cum Valente, & Grariano (ut hic exprimitur) imperium tenuit, partim deinceps cum Theodosio, & Arcadio; Arbogasti tandem perfidia occisus apud Viennam A. V. C. MCXLIV.

De hac columna, quin fuerit milliaria, nemo dissentiet; quod notæ indicant in fine M P IIII hoc est Millia passuum quatuor. aliàs sola M denotare solet milliare. et quidem ab eo loco, vbi etiam hodie reperitur ad urbem Pisanam milliaria quatuor interponuntur. Forasè olim locatum columnare hoc saxum in via publica, quæ Liburnum (olim Hercules Labronis) ducit: translatum dein fuit in sanum, seu porticum D. Petri. Fere autem hæ columnæ, aut cippi, vel  
lapi-



lapides monere solebant viatorem, ex quo ad quem locum, quantum spatij, aut quorū excurrant miliaria. V. apud Gruter. 155. 2. vbi columnæ miliaria mentio. & 150. 6. vbi posita miliaria, & 153. vbi miliares lapides restituti. Plura columnarum id genus exemplū ab ea pag. 153. vsque ad 159. in quibus, vt in nostra, nomen dumtaxat Principum inscriptum; quandoque additus miliarium numerus. Sidon. propemptic.

*Cuius per spatium satis vetustis*

*Nomen Casareum vires columnis.*

Ad hunc locum Sirmondus, qui duas profert columnas. Ac de ponendis miliaribus, eorumque lapidum, ac terminorum figura apud veteres multa præclare doctus VVeller. in rebus Augustan. cui adde Reinesium var. lect. lib. 3. cap. 16. pag. 610. Theod. Pulmann. ad Suetonij Orthon. cap. 6. Turneb. aduers. 5. 1. De miliari aureo notiora multo sunt, quæ ab eruditis traduntur. Cæterum quod hic *Ciuit. Pisana* legitur, fortasse quis exponat pro ipso loco, siue vrbe, quæ inde distet, vbi posita columna passuum n. illibus quatuor  $\overline{\text{P. M. IIII.}}$  Non ignoro Latinis *Vrbem* proprie de ædificijs, ac muris dici; de hominum multitudine, & congregatione *Ciuitatem*, raro hanc de loco: aliter ac Græcis ἡ πόλις tum de indigenis, tum de loco. At satius est *Ciuit. Pisana* de ipsis ciuibus exponere, qui inscribunt, aut dedicant columnam. Honorificum sanè *Ciuitatis* nomen, haud secus ac in altero lapide de Honore Bisellij *Respub.* vocatur. quandoque enim sola Ciuitatis appellatione mater ipsa, aut Metropolis significata alicuius Proinciæ, sub qua aliæ vrbes legem acciperent: πόλις τῶν πόλεων Græci, hoc est *ciuitas ciuitatum*, Ezechieli cap. 16. vbi vertit D. Hieronym. *mater ciuitatum*. Liuii lib. 55. *capita regionum*. Diuidebant namque Ciuitates in Minores, Maiores, & Maximas, de qua diuisione Modestinus I. C. in l. 6. D. de excusat. tut. ex epist. Antonini Pij. Ciuitatis quidem titulus siue πόλις quadam exochæ olim tributus Alexandria; sicuti ἄστυς Athenis; grandi, ac solitario *Vrbis* nomine Roma expressa. Etsi pro quacunq. Metropoli, aut ciuitate primaria ipsum nomen *Vrbis* extra Romam quoque accipere possis apud I. C. in l. 4. D. de damno inf. Et ipsi namque tum ethnici, tum alij scriptores signanter, & κοινῶς nomen fecere *Ciuitatis* magnis, & amplis ædium, ciuiumque communionibus: pagos, villas, burgos, vicos, oppida, castella, ab ijs discernentes. Plin. 37. 10. *Cepionides in Aelidis Atarne*

nunc



nunc pago, olim oppido nascuntur. in l. 3. C. Theod. de donat. *Ciuitates, municipia, vicos, castella, &c.* & l. 13. eod. Cod. de Defertoribus. *Vrbium, vicorum, castellorum, &c.* Saluianus 5. de gubern. Dei, non modò vrbes, sed etiam municipia, atque vici, &c. V. quæ sup. cap. 6. de municipiorum contemptu. Isidor. 15. 2. *Vici, & castella, & pagi ij sunt, qui nulla dignitate ciuitatis ornantur, sed vulgari hominum conuentu incoluntur, & propter paruitatem sui maioribus ciuitatibus attribuantur.* V. plura eo cap. Tacito 6. annal. *oppidanum genus*, quod nos *Castellano*, & Iuuenali *Municipalis* eques; eleuandi formâ, quasi inferioris ordinis, atque existimationis: *Oppidano* quodam, & incondito dicendi genere, Cic. Bruto. V. quæ sup. de Municipijs cap. 5. & 6. sic etiam *Castra*, vnde *Castella*, à colonijs, ac ciuitatibus distincta. Idem Tacit. 1. hist. *Nec principes modò Coloniarum, & castrorum, &c.* At Ciuitates, & Vrbes antiphitudine, ac potestate maiores: notauitque doctiss. Pighius in Hercule Prodicio pag. 40. etsi nimium parcus, atq. ieiunus testimoniorum, atque auctoritatum, quas in eo quantiuis precij libro interdum desiderarem. Veruntamen Christianismi inuento factum, vt ciuitates ex sint nobis, quæ Antistitem habent. V. distinct. 80. cap. 1. & seqq. & quidem eo primo cap. ex ipsa gentilium obseruatione de vrbium dignitate statuit Lucius Pontifex. Quare cautum Concilio Sardicensi, auctore Osio Cordubensi episcopo ne humilia, & obscura loca episcopali sede ornarentur; quod cap. 5. ea distinctione exprimitur, *non debere in vicis, & villis episcopos ordinari.* ea .i. honesti ratione *ne vilescat nomen episcopi*, vt cap. 3. scribitur, quæ sunt desumpta ex epistolis Anacleti, & Leonis Pontificum. In vicis enim, aut pagis eos præfuisse scimus, quos Chorepiscopos dixere, & *πρωτοδωτὰς*. *Visitatores*, idest qui circumeant cap. 5. ea distinctione 80. vocantur. Etsi quandoque in vicis constitutos fuisse episcopos appareret ex concilio Laodicensi Can. 57. dum verat ne *ἐν ταῖς κώμαις, καὶ ἐν ταῖς χάραις*, in vicis & in pagis constituentur: argumento ibi fuisse quandoque. iterumque iubet eos episcopos Vicorum nihil facere *ἀνευ γνώμης τῆς ἐπισκοπῆς τῆς ἐν τῇ πόλει*, sine consensu episcopi Ciuitatis. nempe solo Ciuitatis nomine dignissimam, & amplissimam intellige, siue metropolim. V. Berter. Pith. diatrib. 1. cap. 6. Quæ omnia huc spectant, vt datum id Pisanæ Vrbi, aut populo nomen illustrius reddamus. Atque id interim inobseruatum nolo, in his aut Ciuitatum, aut inferiorum locorum gradibus significandis (qua vel obscuriores, vel



vel clariores, dignitatem, potestatemque perinde obtinebant) haud multum inter se abiisse gentiles, & Christianos scriptores: aut inter Christianos demum ipsos Remp. ab ecclesia, & ciuilem rationem à sacra politica non admodum discrepasse.

Sed Criticæ disceprationis (vt fermè contingit) aliud ex alio trahentis lubido à basi ad columnam, à Bisellij ad Milliaris inspectionem huc nos prouexit. Cippus ille Mortualis Q. Largennij manibus dictus de vitæ termino, fatique hora admonet: Milliaris hæc columna à ciuib. Pisani erecta, emensum viæ spatium, locique fines determinat. Nos igitur quoque cum hisce terminis pedem sistamus; modum, ac mensuram suscepto commentario imponentes; ne productiori itinere, eoque aut inamœno, aut salebroso beneuolos lectores fatigemus. quibus tamen superest nonnihil adhuc molestiæ perferendæ, viæque abfoluendæ: quam per excursum conficiant, & permitto, & suadeo. nisi tamen cursum suadere, aut iniungere de longæ iam tractationis curriculo fessis, inurbanum, & inlaudabile censeatur.

Quando igitur nostrum de Veterum Donis syntagma in causâ fuit cur Pisanam epigraphen de pecunia à Largennio Chresimo donata, Ob Honorem Bisellij attenderemus; peracta nunc illius interpretatione, coronidem veluti imponamus eidem lapidi; Synopsis. s. aut periocham eorum quæ in Dorologia pertractamus. vt quæ fuit origo, & caput indagandi Bisellij, eadem clausula sit, & umbilicus. Non inuiti autem ordine ad facilitatem elementario præmittimus subiectum indiculum, vel prodromum, aut metatorem. vt, si quem non pigeat rimari in antecessum, quin etiam de quopiam admonere (quod ingenuè concupiscimus) & eruditam conferre symbolam, liceat.





Geminis contextum partibus vniuersum Opus Dorologicum ita disponimus, vt prima sit Isagogica, quæ lectorem in quodam quasi vestibulo sitit ad Rem Donaticam Veterum infinitè, ac *verius* prænoscentiam. Suis autem nexam capitibus ita præmolimur.

## CAPVT PRIMVM.

*Critices, ac philologia studium. Operantium illi non vna laus: diuersi labores, ac consilia. Vindicie pro Syntagmate Dorologico, quod nemo aggreffus est. Antiquitatum cura sæculi palato valde accommodata.*

## CAPVT II.

*Partitio totius operis bimembris. Præludium primò, atq; inuitamentum ad Rem Veterum Donaticam in vniuersum: dein propriè ad singula genera donorum explicanda transitus. Fèrmè autem hic ordo seruatus: vt occasio, ac tempus donandi, ritus quoq; atq; institutum expendatur: qui dederint, qui acceperint: qua solennia, ac memorata magis in donationem venerint, adnotatum sit.*

## CAPVT III.

*Doni definitio subtiliter examinata per nominis notionem, vocisq; virtutem.*

## CAPVT IV.

*Per rei naturam, ac constitutionem eadem agitata.*

## CAPVT V.

*Miscella donorum nomenclatio exactè, ac sollicitè apposta.*

CA



## CAPVT VI.

*Diuisio donorum; hinc in Diuina, illinc in humana. Vtraq; vel publica, vel priuata. Eademque, vel ἐϋρα, vel χρηματα Aristoteli; vel quomodo Cic. Ex arca, & Ex virtute.*

## CAPVT VII.

*Origo, antiquitas, institutio donorum, praesertim apud Rom. Quae in q; formula, qui ritus.*

## CAPVT VIII.

*Praxis, atque usus donandi. Quid in eo laudabile, quid culpa dignum.*

## CAPVT IX.

*De accipiendis, recusandisque donis.*

## CAPVT X.

*De remunerandi, reddendique officio.*

## CAPVT XI.

*Donare, lucrum.*

## CAPVT XII.

*Idem iactura.*

## CAPVT XIII.

*Quibus donandum, aut secus.*

## CAPVT XIV.

*Quid donandum, quid non.*

## CAPVT XV.

*Leges munerales.*

Gg 2

Sequi-



Sequitur altera pars ὑσιώδης, ac penetralis; cuius periocham ordine elementario digestam in hunc modum præcerpimus.

## A

Adorea. Donum militare. *V. Militaria dona.*  
 Aduentitium. Honorarium. *quicquid aduenienti, transcunti amico, hospiti traditur, apparatur.* Γέρας. Πρεσβῆον. Cellarium. Copiæ. Rinfreschi. *Aut quod honoris gratia digniori, aut seniori datur.* *V. Introitus, Lautia, Viaticum, Xenium.*  
 Agraria Donatio. Agri assignati. Viritanus ager. Iugera. Subseciua. Beneficia. Κληρονομία. γαιοδαυσία. *V. Militaria Dona.*  
 Alimenti Donatio. Σίτης. Σιτισμός. Σιτοδοσία. & simpliciter δαψνῆ. Diarium. Demensum. Chœnix. La parte Μέρης. Annonæ. Commoda. Cellaria. Pueri, puellæque alimentariæ. *V. Frumentatio.*  
 Ambitus. Suffragia. Largitiones. Nummi pronunciati. Δωροδοκία. φιλοτιμία. *V. Pollicitatio, Repetundæ, Sordes.*  
 Apophorera. Α'ποφόρητα. *quæ diebus præsertim Saturnalibus inter epulas donantur.* Piatti coperti. *V. Saturnalia. Item quæ remunerantur, aut remittuntur.* Αντίδωρα, αντίδοτα. *V. Epulum.*  
 Auctoramentum. *Quod militi, sed propriè gladiatori ad nomen dandum.* Imprestanza.  
 Aurei annuli Donatio. *V. Militaria Dona.*  
 Aurum Coronarium. *quod Principi in Enthronismo, aut corona accipienda. Quicquid confertur in auspicijs imperij.* Χρυσίον εἰς τὴν σφάνης. σφανακὸν τέλεισμα. Collatium. Releuium. Epicombia. *V. Introitus. V. Corona. V. Isagogicum.*

## B

Beneficia. Annua stipes, & vacationes. Beneficiarij. *V. Milit. Don. Agrar. Don. Immunitas.*

Cha



## C

- Charistia. Χαρίστια, χάρισιον: quod in gratiarum actione, & vicissitudine officij. Εὐεργετικὸν. ἀντίδοσις ἀντεεργέτημα. V. Donaria.
- Ciuitatis Donatio. qua ἀπλῶς δώρεα. V. aurei annuli Donatio.
- Cœnæ Conuiuia. Quicquid ea occasione offertur, erogatur, missitatur. Missilia. Cœna Viatica. Cœna aduentitia. Cœna aduentoria. Cœna aditialis. V. Epulum.
- Collatio. Collarium. Collecta. V. Erannus.
- Congiarium. Δόσις, ἐπίδοσις: quod populo, & nonnisi Ciuibus Rom. Principalis liberalitas. Vini olei, musti largitio. Heminarium.
- Corollarium. Ausarium. quod & lra legitimam mercedem, aut premium. ἐπινομὴς Stillarium. Mantissa. Giunta. Vantaggio. Ad diramentum. Appendix. ἐπίμετρον.
- Coronæ Donaticæ in & nuer sum. ob victorias, triumphos, latitias. item ob præstantiam, & honoris causa. Coronæ Prouinciales. V. Coronarium aurum. V. Palmarium.

## D

- Deditio. Dedita.
- Diuisio. Dianome. Διανομή: ad aucupandam popularitatem; aut quod latitie significatione diuiditur.
- Donaria. quicquid Dys, in eorumq; cultum confertur per occasionem sacrificiorum, ludorum, dedicationum, &c. Ἀναθηματα. Donatiua. V. Primitia. V. Festa Dona.
- Donatium. quod militibus à suo Imperatore. Augustatica. Principalis liberalitas. Νομὴ. λαμπρὰ ἐπίδοσις. V. Milit. Don. V. Congiarium.
- Dos. δῶς. δόσις. Datio. Donarium.
- Parapherna. Antiphera. V. Nuptiale Don.

## E

- Ecclesiasticum. Ἐκκλησιαστικὸν. σωμαγορικὸν: peculiare Atheniensium, ut in concionem veniretur, aut pro cætu, & conuentu. Inlicium.
- Eleec-



Eleemosyna. *quod pietatis, & miserationis sensu in pauperes erogatur.*  
 Stips collatiria. Collecta. *Huc refer Agapen primitivi Christianismi.* Subsidia. Oblationes. Aiuti di costa. Collationes. *Collatina.* Commoda. *Εὐλογία.* Benedizione. *Αντίδορον.* *V. Frumentatio.*

Epulum. Inuitationes. Lectisternium. *Adde premia Cottabisanrium.* *Κοτταξέιον.* *& qua cupedinoris, multibibis, aut ob gula ingenia tribuuntur.* *V. Cæna.* *V. Conuiuia.*

Equi publici Donatio.

Eranus. *Εῖρανος:* *in usu apud Atticos.* collatio ad subleuandos egenos, *repetenda si in fortunam redierint.*

Euangelium. *Εὐαγγέλιον:* *ob latum nuncium.*

## F

Festa Dona. *quicquid per ludos, spectacula, ferias, gratulationes, officia traderetur.* *V. Donaria.* *V. Palmaria.* Lauationes. Spasiones. Suffimenta. Propinationes. Liturgiæ. *V. Missilia.*

Frumentatio. *Frumenti, panis sue diuisio.* Largitio frumentaria. Panarium. Panariolum. Panis gradilis. Panis fiscalis. Annonæ ciuicæ. *ἄρτοι πολιτικοὶ. καθαροὶ ἄρτοι.* Panes palatini. Frumentum honorarium. Buccellatum. *V. Alimentum.* *V. Eleemosyna.*

## G

Gladiatorium. *Rudes.*

## H

Heuretrum. *Εὑρητρον:* *quod inuentori, aut inquisitori.* *V. Indicium.*

Honor: *donum.* Honorare: *donare.*

Honorarium. *Honoris causa Principibus, Magistratibus, Legatis, &c. Item Præceptoribus, Medicis, &c. alijsue artificibus, ob ingenuas, & honestas operas.* *V. Aduentitium.* *V. Minerual.* *V. Festa Dona.* *V. Panarium.*

Im-



## I

Immunitas. Vacatio. Condonatio. Beneficium. *V. Remissio.*  
 Indicium. Indicina. Μήνυτρον: ob rem indicatam, detectam, exploratam. quod Veraculis, oraculis, vaticibus, indicibus, proditoribus, inquisitoribus, nonarumq; voluptatum architectis. Præmium inuestigationis. Item ἐρμηνευτικόν: ob aliquid explicatum, solutum, declaratum. Veratura. *V. Heuretrum.*  
 Indulgentia. Sacra largitio. Ευεργεσία. Θεία δωρεά. *V. Remissio.*  
 Inimicorum dona. δύσδωρα, ἄδωρα, κακόδωρα. Item qua in contumeliam, contemptum, fraudem, &c. & qua coacti, aut spernentes largimur.  
 Inuitationes. Epularum, & munusculorum genus. Erogationes. *V. Epulum.*  
 Isagogicum. εισαγωγικόν: pro admissione, vel ingressu ad munus, locum, personam. εισπλάσιον. εισόδιον. Entratura. Introitus. Rudimentum. Releuium. Cœna adiualis. *V. Aduentitium.*  
 Iuuenalia. Dies deposita barba, sumptaq; virilis. Εφηβεία. Inuitationes. *V. Tyrociniū.*

## L

Largitio. Πολυδωρεία. Διαδομή. *V. Ambitus.*  
 Lautia. Lautiæ. Loca lautia. Hospitibus, aut legatis, quos recipimus. At Legatium ἴς, quos mittimus. Copiæ. Annonæ. Salarium. Cellarum. Vnguentarium. *V. Aduentitium. V. Viaticum. V. Xenium.*  
 Legatum.  
 Libertatis datio. Manumissio. Eleutheria. Pileus. Rudes.  
 Linguarium: quod tum loquendi, tum tacendi causa muneramur. Ἀργυράγχη. Argentangina. Huc reuoco, quod laudicænis, aretalogis, palponibus, auditoribus, scriptoribus datur.  
 Dona librorum. *V. Sportula. V. Indicina.*  
 Lucar. Aes theatricum. Theorica pecunia. Θεατρικόν. ὀπτήριον: quod histrionibus, ludijs, cantoribus, &c. Locarium. Scenicæ Donationes. Gladiatorium. Theatrum.

Ly-



**Lyerum.** Λύτρον. λύσιον. *Ob redemptionem captivorum, mortuorum, &c. ἀποινα. Ob remissionem pœnae, supplicij. Condonatio. V. Remissio.*

## M

**Mantissa.** Εἰπινομίς. Addiramentum. Stillarium. Accessio. Mercedis cumulus. Εἰπίμητρον. *V. Supplementa.*

**Matronalia.** Kal. Martij apud Rom. inter mulieres, & à mulieribus missitata.

**Militaria Dona.** Donatiua. Adorea. Salaria. Auctoramenta. Stipendia. Commoda. *Posteriori auro, Puncta, Solatia. Stellatura. Solidus. Soldo. Refrigeria. Augustatica. Pulueraticum. Adde Beneficia, Emerita. Roga. Sagus. Adaratio. Pararium æs. Calcearium. Clauarium. Congere multiplicem largitionem. hastas, torques, cornicula, annulos, clypeos, armillas; quæ peculiariter data. Mulsum, cibaria, iugera, pecudes. Vinum rorarium. equos, tesseræ, captiuos, vasa, coronas, vestes, manubias. V. Donatiuum. V. Agri Don.*

**Minerual.** Διδάκτρον. Stipendium. Διδασκάλιον. quod magistris, educatoribus, &c. Honorarium. Salarium.

**Missilia.** Sparilia. Res Missiles. quod iacitur in vulgus. Καταχύσματα. Profusiones. Direptiones. Tesseræ. Μαλίγματα. Hyparia. *Epicombia. ὑπάτια. ἐπιχόμβια. Pholles. Miliarefia. δηναρίπτρα.*

## N

**Natalitium Donum.** *Vltro, citroque die natali inter amicos. Γενέθλια. Vel quod puerperis adhuc in lecto laborantibus: Cindia. Vel quod infantibus de lustrico, qualia amuleta, bullæ, phylacteria; σιμυῖα. σφραγίδια. Munera Lustrica, aut Nominalia. Οἰνομασίρια. ἀμφιδρόμια. Dona iunge πολυτελείας & quæ nutricibus, & custodibus dantur. Nutritia. θρεπτήρια. θρέπτρα. τροφεῖα.*

**Nupriale Donum.** γαμηλία: quod nuptiarum die, aut pompa. Αθρήματα. θιάριτρα quæ sponsus sponse ubi primum illam videt; ὀπτήρια, & ἀνακαλυπτήρια, quasi ob reuelatam, ac detectam deposito flammeo.



meo. eadem ἐπ' αὐτῶν: at qua sponsa, & eius cognati sponso, ἀντάδεια. Cū primò inuicem loquuntur, ac salutant, προσφθεγχήρια, & διαπαρθένια. Quod proci, & ambientes, μνήσπον. Καταχύσματα, nozze, confetti. Huc refer Donationes ante, & propter nuptias. Ἐδνα φερνή. Pherna. Antipherna. Cultus dotales. Donora. Arrhæ proxeneticæ. Morganaticum. Hypobolum. V. Des. V. Philotesium.

## O

Oblationes. Oblatiua. V. Eleemosyna. V. Eranus.  
Officia. V. Festa Dona. V. Don. Funer.

## P

Palmarium. Epiniciū. Præmium. Δόσις. ἀριστείον. ἱπαθλον. Ἐραειῶν. ἐπινίκιον. Niceterium. Corollarium: quod victoria, præstantia ergo in donum, mercedem, honorem cedit. V. Festa Dona. V. Indicina.  
Philotesium Donum. φιλοτήσιον: quod amoris, amicitie, fæderi, gratiæ datur. φιλανθρωπικόν. Humanitas. Amorevolezza. Proxenicum. Conciliatura. Captura. μίδωμα. Data. φιλικόν. Philtrum. φίλτρον. V. Charistia. V. Indicina.  
Pollicitatio. Oblatio. Largitio. V. Ambitus.  
Primitiæ. Præmissa. Præmissa. Primitiua. Sacrima. Ἀρεθίτια. V. Donaria.  
Processus. Introitus. V. Tyrocinium. V. Honorarium. V. Iuuenalia. V. Isagogicum.  
Proditionis, cædis Donum. Μισθὸς τῷ ἀδικῶντι: quod sicarijs, inquisitoribus, &c. Taglia. Auñoramentum. V. Indicina.

## R

Remissio. Debiti, tributis, pæne. Condonatio. Abolitio. Χρωκοπία. χρεῶν ἀποκοπή. Nouæ tabulæ. σισάχθεια Amnestia. Liberatio. Annus Sabbatharius. Reliquorum indulgentia. Subseciua. V. Indulgentia.  
Reperundæ. Catillatio. Peculatus. V. Ambitus. V. Sordes.

Hh

Sa-



## S

Sacramenta. Libamenta. Aes Curionium. Collecta; *Quod sacerdotibus, vel sacrorum causa.* Extar. Rigaglie. Enthronisticum. Cathedriticum. *Ενθρονιστικόν. καθιδρατικόν.* V. Donarium. V. Lucar. V. Eleemosyna.

Saturnalia. *Quae viris, & inter viros diebus Saturnalibus.* Saturnalia.

Sigillaria. Sigillaritia. *Quae ferijs sigillaribus, & pueris proprie data.*

Sportulae. Sectiones. Cogniturae. *σπορίδια: quae Clientibus, Saluatoribus, Colonibus, Parasitis, Laudatoribus, Officiosis. Item quae Iudicibus, Causidicis, Patronis, Apparitoribus, &c.* V. Ambitus. V. Sordes. V. Epulum. V. Linguarium.

Sordes. *Δωροδοκία. δωροδοκίημα. δεικασμός.* quo Magistratus, indices, aut quivis alij corrumpuntur, inescantur, pervertuntur ad malam operam. Corruptela. Gratia. Largitio. Divisio. Erogatio. *Δωροξενία.* Nummarium tribunal. Iudex *πυαμοτρώξ. κωλακρέτης.* V. Repetunda. V. Linguarium.

Soltrum. *Σώστρον: quod servatori, liberatori. σωτήριον. ευεργητικόν.* Item medico. *ἰατρά. ἰατρεία.* Soteria. *ρύσιον: quod Djs ob salutem.* *Λύτρον, quod custodibus, vel lateronibus.* V. Donaria.

Statuae. loci. agri Donatio. V. Lucar. V. Agri Don. V. Funeral. largis.

Strenae: *quae novo anno boni ominis, & Letitiae causa.*

Suffragia: *quae ad venaturam suffragij, ac fauoris.* V. Sordes. V. Ambitus.

Supplementa. Auctaria. Stillaria. Subsidia. Auxilia. Aiuti. Varraggi. V. Eleemosyna. V. Mantissa. V. Collatio. V. Pollicitatio.

## T

Tributa. Vestigalia. Datio. Dazio. Oblatio. Canon. Pensio. Indictio. Copitatio. *De his, quae accedunt ad donorum rationem.*

Tyrocinium. V. Iuvenalia. V. Processus.

V\*



## V

Vacatio. Condonatio. *V. Immunitas.*

Viaticum. Viæ auxilium. Εφόδιον. Salarium. Annonæ. Præbitio.

Copiæ. Præbenda. παροχή : quod amicis, magistratibus Legatis, venientibus, abeuntibus. Huc spectat Valarium, quod inseruit Vasibus, supellectili, tabernaculo. Vnguentarium; quod vnguentis, delicijs, odoramentis. Salgamum. Tractoriæ. Locarium; ἐπὶ καθύμνα : quod stabulis, mansionibus, pabulis, condimentis. Alloggi. Quartieri. *V. Adventitia. V. Lantia. V. Legatium. V. Xenia.*

Victus. Σιτία. σίτησις. ἐδίτια. σιτισμός. *V. Frumentatio. V. Agri Donatio.*

Viscerario. Κρεανομία. κρεωδοσία. ἀπτόκτιας. Carnium distributio. *V. Epulum. V. Congiarium. V. Donatium.*

## X

Xenia. Hospitalia. Præbita. Præbenda. Ξένα : qua hospitibus. Item quicquid munusculorum amicis missitatur; Xeniola. ἀποστέλματα ἀποστολαί. κειμήλια. Cimelia. *V. Adventitia. V. Viaticum.*

Congere miscellam premiorum, aut mercedularum, qua nomine τῆς δωρεᾶς veniunt; nobis Rigaglie, rilieui, incerti, Vantaggi, Mancie, &c.

Collybus : quod mensulario, aut campfori. Isagogicum. εἰσαγωγικόν : pro importatione, aut ingressu. Κόμισπον. φέρετρον φερέον, quod baiulo. Λάτρον, quod Latronibus, aut custodibus.

Locarium. ob locum.

Μαιώτρον : obstetrici.

Equimentum. quod peroriga pro admissura equorum.

Nutritia. Θρέπτρα. θρεπτήρια : Nutrici.

Naulum. ναῦλον : pro Traiectu, aut navigatione. Amnica stips. Vestura.

Οἰκέρειον : ob custodiam, & curam domus.

Οδοιπόρειον : Comiti, aut Duci in itinere.

Præconium : præconi.

Hh 2

Por-



244 STNOP. DE RE DONAT.

Portorium. ἐλλιμένιον : ob importatas, aut exportatas merces.

Πορθυῖον : in pontium, aut fretorum transitu.

Solarium. ob solum, aut superficiem.

Stips. Stipatoribus proprie.

Adde Calcearium, Clauarium, Hordearium, Vasarium, Vnguentarium, de quibus nonnihil supra. pecunia .f. in calceos, clauos, hordeum, vasa, &c. militum, legatorum, &c. Sic Cerarium, Chartaticum, Cathedratum, Synodaticum Mercedula, vel munuscula in Ceram, Chartam, Cathedram Sacerdotum, Principum, &c. Christianis usitata. Tunge pensitationes, aut telonea. Ripaticum, Rotaticum, Pulueraticum, Cespitaticum, Siliquaticum, Pontaticum, alia apud glossas, atq; inferioris aui scriptores.



IN.





V. p. ad. ff.



































Aquæ coctiles. 129. Aquæ digirus. 205. 207. <i>Ius aquæ, ib.</i> Aquileges.	
Aquilices. Aquarij. <i>Aqua dimensio per digitos, ib.</i> <i>Aquam diuidere Principi reſeruatum.</i>	209
Arcarij	22
Archaici lecti.	36
Ἀρχοντες τῶν πόλεων. <i>Duumuiri.</i>	11
Artifelium in fragmento Petronij Traguriano.	118
Artophorum. nobis Gerla quasi gerula.	119
Asinus Piſtorij tribunal conſcendens.	61
Aſſidere. Aſſeſſores. 69. <i>Aſſidendi honor.</i>	70
A ſubſellijs. A pedibus. A manu, &c.	100
<i>Aſſurgendi ritus, &amp; ſede abſcendendi.</i>	64
Aue Conſul.	ib.
Auguſtales. 213. <i>Medius ordo in Municipijs, ib.</i> <i>Seuiri Auguſtales. 214.</i>	
Auguſtales milites, Iudi, &c. 215. Auguſtalitas. 216. Auguſtalis Biſelliarius.	217
Auguſteum. Αὐγυεῖον. γυμνασίον. <i>Forum Auguſti, &amp; Templum Auguſti. Σεβαστεῖον.</i>	24. 25
Aumarium, & Armarium.	75
Aurei annuli. <i>Ius plene examinatum. 184. &amp; ſeq. Non tam pro equeſtri cenſu, quàm pro Ingenuitate. 185. Libertinis collatum.</i>	ib.
Auro imbraſteare. Imbraſtare.	58

## B

Balnearum ſedes. 128. Solia. Deſcenſiones.	129
Bartholomæi Corſinij Marchionis Viridarium, ac Inſcriptiones Vett.	29
Bartholomæus Chæſius I. Interpretæ eximius.	97
Barthol. Erbellottus V. Cl. Linguarum orientalium peritiſſimus.	132
Basijs accepti qui bene recitaſſent. <i>Martialis explicatus.</i>	109. 110
Baſterna. intergeſtatoria.	126
Βάθρον Subſellium magis, quàm ſella.	101
Bema. βῆμα. Tribunal. ἐν ἐμήται. <i>In iure.</i>	59. & 79
Berneggerus Vir Cl. 43. examinatus.	46
Biclinium. Bipalium. Biſaccium. Birottrum.	32
Bigæ. Bigæ honor: ciuibz bene meritis poſtulatus. 220. & ſeqq. aut oblatuſ ſine poſtulatione.	222

Bigæ



- Biga adiecta. Biga gratis posita. 221  
*Bigam* populus postulabat 221. Decreta à Decurionibus 222. Remissa quan-  
 doq; impensâ ab eo, qui acciperet. *ibid.* Dna interdum decreta. 223. Bigâ,  
 aut curru traduci honorificum. *ib.* Statua ibi, atq; imagines. 224. Bigæ  
 honor fortè idem ac Bisellij. 225  
 Bisellarius. Bitelliaris: non tam pro artifice biselliorum, quàm pro eo,  
 qui Bisellij honorem adeptus est. 191. Bitellarius Augustalis. 192  
 Bitellium. Sella quæ duos capiebat. 31. Varro in ea voce exactè animad-  
 uersus. 32  
 Bisellij forma indagata. 32. Allata icon, aut affine saltem aliquid ex veteri  
 cimelio. 34. 35  
 Bisellij honor nuspiam lectus, aut explicatus. 30  
 Bisellij honor quid? septem coniecturis tentatum. 193. 194  
 Bis illi honor in lapide Sueffano. lege Bitelli. 189  
 Buleuta. Βουλευτῆς. de Senatore Municipali: at συγκλητικὸς de Romano.  
 pag. 197.

## C

- Cani Honorati. 181  
 Cardinalis Casar Rasponius cum predicatione nominatus. 90  
 Carolus Datus amicorum præstantissimus ab humanitate, atq; eruditione  
 laudandus. 86  
 Carolus Strozza Senator Florentinus antiquitatum studiosissimus. 7  
 Cassiopeia Mulier Seliquatri. 36  
 Κατάκλιτα. Cataclita. Accubita. Triclinaria. 167  
 Cathedrale. Consuetudo. συνήθεια 81. Cathedraticum, *ib.* Syno-  
 daticum 83. Dies Cathedræ. Natalis Cathedræ. *ib.* Cathedra D. Pe-  
 tri Apostoli Principis magnificè ornata, ac piè translata ab Alex. VII.  
 Pont. Max. eiusq; icon ex nummo aureo producta 85. Cathedra velata  
 87. Cathedræ primæ. 177  
 Cathedra Docentium 108. & seqq. Throni *ibid.* Discientium, siue audien-  
 tium 109. Professorum opulentissimis olim comitata stipendijs. *ib.* Cathe-  
 dræ: de Muliebribus 120. Vendentium. 124  
 Cathedralarij 111. 121. Cathedralitij. Martialis declaratus 121. Ca-  
 thedra de sellis cubicularibus. 134  
 Christoph. Adam, Rupertus. 180

Cho-



Chorepiscopi. περιόευται.	226
Cicroni allata lux.	52. 111.
Civis quicunq; Romanus in aliqua tribu.	7
Civitatis nomen sapius de Primaria, aut Metropoli 231. Civitas Ciuita- tum πόλις τῶν πόλεων, ib. Civitates Christianis, quæ sub episcopis.	226
pag.	226
Κλινκαθέδριον. Lecti sella, vel Lecti—Cathedra, eiusq; descriptio.	142
pag.	142
Κλισμὸς, κλινὴ ἥρ. Sella Heroum. Seggiola à Bracciuoli.	141. 164
Columna milliaria Pisana edita, atque exposita 229. & seqq. Columnarum milliarium usus, & observatio.	231
Commoda. Commoda publica. Beneficia.	203
Commoda Curia, Militia, Primipili, &c.	204
Commune. κοινὸν. Commune. Communità.	228
Confiliarij 69. Comites ibid. Comites consistoriani, ib. Cancellarij 70	
Cornua indicium potentia.	182
Consul Aquarum.	179
Corona, & alia donaria super sellis.	182
Χρήσιμος. Chresimus. Servis, aut libertis inditum nomen.	28
Criticorum audacia in emendandis saxis veteribus.	4. 5
Cur. Kal. Florentinorū in veteri lapide perperam hætenus exscripto.	23
Curiales.	196

## D

D. pro l. Veteribus 31. Diuus fidius, h. e. Diui filius, sive Iouis filius, ibid.	
Dædala. De quibus suis operibus ligneis ingeniosè expolit.	139
Decuriones 196. Proprius Senatus in sua ciuitate, ib. Imago Romani, ib.	
Creari Decurionem, & esse Decurionem non idem.	199
Deferre Circenses.	223
Deplano. Vetus lapis explicatus.	59
Dies Gladiatorum 201. Dies priuatus.	ib.
Dies Sessionum. Rerum actus. Dies Αγοράς.	176
Δίσερος. διέδρον. Bisellium, & Repositorium. Athenao lux.	32
Διπροφόρος Regis.	54
Δίπρος παρὰ τὸ δύο φέρειν, quod duos capiat, veluti Bisellium 31. Sella potius, quàm lectica 46. 119. δίπρος, Sella humilior.	141. 162
Digi-	



# I N D E X.

249

Digitus aquæ. ὕδατος δάκτυλος.	207
Duumviri. Ordinarius Magistratus Colon. & municip. 10. imitatione	11
Consulum Rom. Ἀρχοντες.	14. 15
Duumvires. Duumviralitij 11. Duumviri Consulum quandoq; no-	
mine 13. & seqq. abitur à Reinesio, ib. Duumviris tributi fasces 14.	
Iurisdictio, non tantum notio, ib. & seq. Duumviri Iuridicundo contra	
Scipionis Gentilis sententiam.	

## E

E. in I. sapè mutata in Vet. scriptis.	190
Enthronismus; Enthronisticum. ἐνθρονισμός.	81
Ezechiel Spanhemius laudatus.	174

## F

Faldistorium.	39
Famianus Michelinius Mathematicus.	207
Felix Felicius Onomastici auctor.	154
Fertoria Sella. Gestatoria. Portatoria. 124. Fertorium.	ib.
Fictor Pontificum.	11
Florentini, non Fluentini. 23. Florentini in tribu scaptia. 8. Tribulem	ib.
habebant Octavianum August.	208
Formæ. Formæ aquarum. Comitua formarum.	39
Franciscus Gottsfredus veterum elegantiarum diligentissimus.	24
Franciscus Maria Cessinius eques eruditus.	114
Reuerendiss. Franciscus Niccolinus cum laude memoratus.	157
Fulcra lectorum.	35
Fulvius Bassarius antiquarius.	

## G

Gal. Galeria, nempe Tribu. 5. 6. qualis ea fuerit? 7. Pisani in illam tran-	8
scripti.	126
Gestamen. Gestatorium.	125. & seq.
Gestatoria Sella.	60

## Ii



<i>Gothofredi (Iacobi) doctissimus commentarius ad Cod. Theodos.</i>	15
Gratuitus honor. Gratuitus Decurionatus.	210. 211
Γεῦσιον. Forum cupedinarium. Gusta.	24. 25

## H

Habere fasces.	98
H. A. I. R. Honore Accepto Impensam Remisit.	223
Henrici Valesij poltissima eruditio.	86
Hexaphoros.	120
Hexedra 111. Hemicyclium, ib. Hexedra conuuantium, meridianium, disputantium.	112. & seqq.
Hexedria 113. Hexedra Christianorum.	114
Honor 179. Honorati: qui in Magistratu, ibid. & 180. & 214. Caput honoratum, equi honorati.	180
Honor consularis, Triumphalis, &c. Honor Laticlauij.	176
Honoraria dedicatio. Honorarij ludi. 180. 181. Honorarius Consul, Praefectus, ibidem. Honorarij tituli, dignitates.	ibid.
Honor. Ornamentum. Existimatio 181. Malus honor 182. Honore vsi.	214

## I

Iacobus Cuiacius aduersus Langlaum defensio.	81
Ianus Langlaeus consultissimij iudicij Vir.	47
Imperatorij, vel comitas, vel fastus in Sedendo, aut Assurgendo. 64. & seqq.	
Impilia. Imparia.	154
Indulgentia. 202. Indulgentia Augusti.	ib.
Inhonorati.	181. & seqq.
Infellare.	134
Insignia 175. Insignia Imperantium, Magistratu, &c. σύμβολα τῶν ἀρχόντων.	ibid.
Introitus εἰσόδιον. εἰσηλύσιον. Entratura.	203
Ioannes Bapt. Donius.	160
Ioanna Papiſſa fabula.	91
Iteratio honoris.	194
Iudi-	



# I N D E X.

251

Iudices Pedanei. χαμῳδικασαί.	69
Iudiciale carpentum.	224
Iuuenalis nouè expofitus 105. Iuuenalis Scholiaſtes illuſtratus, ac declaratus.	123
pag.	

## L

Largennius à largo anno.	5
Latus clauus. Laticlauius. Honor Laticlauij.	191
Laurentius Panciaticus.	144
Lecti ad ſedendum, & orandum.	145
Lecticarij.	120
Lecticæ conſulares.	46
Lectiſternium. Lectiſterniator.	170
Lenarum, & circulaſtricum ſella.	124
Sereniſ. Leopoldi ab Etr. heroica virtutes.	39
Illuſtriſ. Leo Allatius Vir exquiſita doctrina.	72. 79
Leonardus Auguſtinus.	52
Lingonica, aut Leuconica lana.	148
Litigantes, & aduocati ſtantes, non ſedentes.	103
Longa Cathedra. Longa Scamna. Longa Subſellia.	95. 96
Lucas de Albizis Marchio.	156
Ludouico Aurelian. impaſſa cenſura.	44
Ludonicus Cerda ad criſim vocatus.	46

## M

M. litera quandoque extrita in Vett. Inſcr.	227
Magiſtratus γυνῶς pro Duumuiris.	12
Magiſtri Municipij, alij à Duumuiris contra Bulengeri opinionem.	20.
Magiſtri. Magiſteria.	ibid.
Mamertini panegyrico lux.	46
Marmor Piſanum, ac mentio Honoris Biſellij. 3. Arula, aut baſis ſpecie, ib.	
Matrices aquarum. Vbera. μαῶι.	208
Matthias Martinus caſtigatus.	90.
Mepia pro quouis ligno plano. 155. Subſita pedibus.	ib.
I i 2	Men.



<i>Mensura aquarum varia.</i>	<i>ibid. &amp; seq.</i>
Minuscularij aqueductus. Paragogia.	<i>ib.</i>
<i>Mæstis rebus sedes relicta honestior, humiq; aut alibi vilior sessio quaesita.</i>	
<i>pag.</i>	99
<i>Munerum editio in auspicijs honorum.</i>	302
Municipales quandoq; ad contemptum. Castellani 19. Municipales Magistratus, eorumque ambitio, <i>ibid.</i> Episcopi quandoq; dicti.	20

## N

Natorum honor. <i>Stadius expensus aduersus Salmasium.</i>	186
Nouemfiles, <i>quasi</i> Nouemfides.	31. 68

## O

Ob Honorem solenne verbum.	227
<i>Octavius Falconerius summo ingenio, atque eruditione.</i>	114
<i>Octavius Ferrarius cum laudatione nuncupatus.</i>	183
Onesimus ὀνήσιμος <i>Servorum, aut Libertorum nomina.</i>	29
Oppidanum genus. Castellano. Municipale.	232
Optimum. Vti Opt. Max. Optima lege. Fundus, vti opt. max.	210
Ordinatio. <i>Paulus I. Consultus observatus.</i>	214
Ornamenta. Ornamenta dignitatis. Ornamenta consularia, Praetoria, &c.	176
Ornamenta Decurionalia.	212

## P

Πάνκαρπος. Pancarpus. <i>bona scena libertis, aut servis nomen.</i>	29
Πάρεδροι. συνήθρονοι. συνίδροι. Afflores. Conflores.	68
Πασάς. Hexedra. Porticus.	112
Pedule. Corn. Fronto enucleatus. 154. Pedulla. Pedana.	<i>ib.</i>
<i>Pelles iniecta sedibus. 168. noua nupta in pelle lanata sedens, ib. Item tapetes, Vestis lancea, clauis, aliaq; ornamenta.</i>	169. & seq.
<i>Persarum ὑποπόδιον βασιλικόν. Hypopodium Regium. 156. πρόσ-κεφάλαιον βασιλικόν, Ceruical Regium.</i>	<i>ibid.</i>
	<i>Per-</i>



<i>Perfarum Regum sella in summo honore habita. 53. &amp; seqq. Eorum dispo-</i> <i>φóρος.</i>	54
<i>Petronij fragmentum Tragurianum, ac de eo crisis. 119. explicatum, ibid.</i>	
<i>Petri Possinij S. D. laus.</i>	72. 79
<i>P. Fabri reiecta coniectura.</i>	46
<i>Philosophi sedentes. 113. &amp; seq. promptæ icones.</i>	ibid.
<i>Πίσσα, &amp; Πίσσα.</i>	27
<i>Pisas patrio casu. Gr. more. 27. sic Vias, Perfas, &amp;c.</i>	ib.
<i>Pisana Respub. Pisana Ciuitas.</i>	228
<i>Pisana tabula marmorea quâtiuis pretij de Parentalibus Caij, &amp; Lucij Aug.</i> <i>Nepotum. 11. 21. 24. Pisani sepulcreti magnificentia.</i>	21
<i>Pisani Coloni Iulienfes. 23. in Augustum obsequentes.</i>	25
<i>Pise Colonia, &amp; municipium. 23. Colonia Iulia.</i>	ibid.
<i>Pisarum claritudo, &amp; antiquitas.</i>	2. 228
<i>Pisis exedra disputantium professorum, ac retenti moris singulare experi-</i> <i>mentum.</i>	112
<i>Piscium venditoribus sedere vetitum.</i>	124
<i>Pistorium in Etr. IIII Viri regebant.</i>	11
<i>Planca. panche, e banche.</i>	93
<i>Plutei lectorum.</i>	161
<i>Podagrica sella apud Veteres queritur.</i>	133
<i>Podius. 76. Ad Podium. Appoggiare.</i>	ibid.
<i>Pollux restitutus, atq; explicatus. 142. eadem reddita vera interpretatio.</i> <i>pag.</i>	117
<i>Potestas pro Magistratu. 10. Podestà Ital. Podesteria Μωτασας. πο-</i> <i>τεσάτος.</i>	ibid.
<i>Præfeti Duumviri. 11. Præfeti Iuridicundo.</i>	ibid.
<i>Præfetus Aerario Pisannus. 22. Præfetus Pisis Linio alius.</i>	25
<i>Præfetus ararij militaris.</i>	26
<i>Præsidere ποσιδρία.</i>	42. 63
<i>Præsidere. Præsidatus. ποσιδρία. πρωτοκαθισρία.</i>	177
<i>Præsidebant Imp.</i>	ibid.
<i>P. R. II. Præfeti Duumviri, magis quàm Prætores Duumviri notati.</i>	9
<i>Prætor quandoque pro Duumviro πατρυός.</i>	ibid.
<i>Prætoria subellia. 97. Prætores quomodo in subsellijs, non in Curuli?</i> <i>plenè examinatum.</i>	ibid. & seqq.
	Pre-



- Predelle. earum etymon. nouo sensu apud Danthem Poetam: illius Scholias-  
tastes notatus. 159  
 Princeps nonnunquam sede vulgari, aut in subsellio apud Senatum. 101  
 Principum custodia, innocentia. 76. tutiores cum minus tuti. ibid.  
 Principales. Principalitas. Protoctasia. Prototypia. Curia Pri-  
 marij Curiarum. Principes Decurionum. Primates. 197. Pro-  
 ceres. ibid.  
 Priores. Priores sodalitarum. Principes Colonia. 198  
 Proedria, sue dignior sessio quibus data. 178. & seq. In spectaculis, in conui-  
 ujs, ib. Victus de publico coniunctus. ibid.  
 Proexedra. 113  
 Processus. Processiones. Ob spem Processus. 211  
 Profeda. Prostibula. 121  
 Pro Tribunali. Pro Rostris. 59  
 Pueri, fame, serui sedentes vescebantur. 158  
 Puluinus. Puluillus. Puluar. πέλινον. πελεινόν. 146. Pul-  
 uinorum tomenta. 147. & seq. Puluillus honoris causa sedentibus suppo-  
 situs. 149. 151. 152. Pelles pro puluino. ibid.  
 Puluinus equestris. 151. Puluinus quo tempore subditus Senatoribus. ibid.  
 Puluini, & selle societas. 152  
 Puteal. 67. Puteal Libonis, ibid. proprie putei operimentum, ib. Item Tri-  
 bunal, vel ara. 68. Phreatium. ibid.

## Q

- Quæstor ad Aerarium. Quæstor ab Aerario. 22  
 Quadratum. pars sedis, quam sede premimus. 118  
 Quadrigæ. Quadrigarum currus. honor summis viris habitus. 218.  
 & seq.  
 Quatuordecim: pro equestri ordine. Equestria. Sedere in quatuor-  
 decim. 188  
 Quatuoruiui. 11. IIII Viralis. ibid.  
 Quinquennales. Quinquennialitij. 192  
 Quinqveprimi. Quinqvetummates. Pentaproti. 197



## R

<i>R. literam amississe Scomma Florentia in temulentos.</i>	23
<i>Reinesius laudatus. 6. 7. 11. ab eo diffensum.</i>	12
<i>Robertus Kenchenius.</i>	206. 207
<i>Roia melirensis. 150. Sedere, potare, dormire in rosa, ib. Rosa Al-</i>	
<i>bum. Rosa Calyx.</i>	151
<i>Rostra. In ijs Curules.</i>	60

## S

<i>Sagum. Tomentum. gnaphalium. 147. Sagum. vestis. Saio. Saia, ib.</i>	
<i>Scabellum. Scamillum, scamnum sub pedibus.</i>	154
<i>Scabilla. Scamilla. Scamella. Symphonicorum. 159. Vet. Inscr. exam-</i>	
<i>inata. Ciceroni lux. Salmasius, Casaubonus, Vossius collati.</i>	160
<i>Scamnum. Scabellum.</i>	93. 155
<i>Scanfilia. Subsellia. Cathedraria.</i>	157
<i>Scimpodia, aut lecti docentium.</i>	71. & 135
<i>Scipionis Africani exilium in agro Linternino.</i>	1
<i>Scranna. Sedere à scranna.</i>	137
<i>Σκῆσιον.</i>	25
<i>Secretaria. 80. Iudicum. Pratoris. Senatus.</i>	ib.
<i>Secundum dignitatem Colonia, &amp;c. αἰῶς δὲ πόλις.</i>	201
<i>Sedda. Subseddia.</i>	30
<i>Sedebant recitantes, stabant dicentes.</i>	110
<i>Sedendi regula ex Albi ordine.</i>	98
<i>Sedendi ambitiosa leges. 32. 35. 45. honor.</i>	193
<i>Sedere; De scortis. 122. Sellariæ. Sella deducere. Sellariola popina:</i>	
<i>pag.</i>	123
<i>Sedere in rosis, ac floribus.</i>	149
<i>Sedere in quatuordecim.</i>	187
<i>Sedes Regia, &amp; Sedes Regni. 50. Sedes Herilis, Regalis. Sedile Re-</i>	
<i>gium.</i>	ibid.
<i>Sedes stercorearia. 89. una tantum, ac perperam confusa cum Pontificia.</i>	
<i>pag.</i>	90
<i>Se-</i>	



Sedes vulgaris.	93. 99	
Sedes Theſſalica.	139. & ſeq.	
Sedes Velaræ. linteatæ.	169	
Sedes præcellentiſſima. Sedes magnifica, &c.	139	
Sedile pars ſella, quam inſidemus. 86. Sedilia.	101	
Sedilia Rhetorica. 107. Anabathra. Subſellia.	ibid.	
Sedilia exquiſita. Capitolino.	143	
Seliquaſtrum, & Siliquaſtrum.	36	
Sella aurea Caſaris. 51. aliorum	55	
Sella δόρυςτος ex auro tota. 58. Sella bractæata.	ibid.	
Sella arquata. 115. Sella ruſtica, ibid. Sella tripus, ibid. muliebris.	119	
pag.	119	
Sella aperta κατάςτηςος δίφρος. Seggiola nobis. 120. eā uſa mulieres, infirmi, etiam Conſules, ac Principes.	ibid.	
Sella præcurata. Calio Aureliano lux.	124. 125	
Sella nuptialis. νυμφικὴ.	132	
Sella compaſſilis inter donaria Minerva.	138	
Sella tñſoria.	163	
Sella laxior, eadem dignior.	32	
Sella curulis quibus permiſſa, quo ordine, loco, ac tempore. 45. & ſeqq. Domi, foris, in caſtris; currui impoſita, aut throno. 48. De Sellis Vett. plenior commentarium promittit auct̃or.	45	
Sella Caſtrenſis. 49. δίφρος βαſιλῆος, ibid. ἀνάκλιτος. cum anaciterio.	80. & ſeqq.	
142. 161. 162. Sacra Sedes, & ἐνπεποικιλμένος.	49	
Sella Imperatoria. ἀρχικὸς. ἡγεμονικὸς.	38. ὑπατικὸς θρόνος: δίφρος βαſιλικὸς: ἡγεμονικὸς, ἀρχικὸς, ἐλεφάντινος θρόνος, ib. Sella ἀρμάτιος, non eadem ac curulis, ib. Eburnea, Eborata, Curuipes, ἀγκυλόπες. 39. Prolata illius imagines, ibid. examinata forma, ibid. corona deſuper, alia, circum, & pedes. 40. 56. 174. Peruerſe collocata. 40. Sella auerſa, ib. Faldſtorio epiſcoporum non abſimilis, ib. data maioribus Magiſtratibus. 41. 42. Sacerdotibus, ibid. Ludorum editoribus. 42. Vtrum Veſtalibus? ibid. Num cuiq; Senatori? 43. Berneggeri expenſa opinatio affirmantis, ib. & 45. 46. à quo diſceditur.	44
Sella in honorem poſita defunctis, & abſentibus. 55. cum Imaginibus, &	Sta-	



- Statuis. 56. apud eas habita consultationes, ibid. & 57. Oblata pecunia.*  
*Victime case.* *ibid.*  
*Sella balneares. 128. pertusa. Vaporaria.* *129*  
*Sella Medica. 133. Scamnum Hippocratis.* *ibid.*  
*Sella puerperæ, siue Obstetricariæ λοχαῖοι. Artemidorus, ac Suidas*  
*animaduersi. 131. 132. Rosa figuli olim assimilabant.* *ibid.*  
*Sella Familiaricæ. Patroclianæ.* *134*  
*Sella plicatiles ὀκλαδίας. Synesius examinatus.* *135*  
*Sella δυσορεῖς. Pollux castigatus.* *138. & seq.*  
*Sellam Principis nefas occupare. 52. capital apud Persas.* *53*  
*Sellarum ornatus, & parerga, earumq; prompta specimina.* *51. & 52*  
*Sellas circumferebant mimæ, & circulatrices.* *123*  
*Sellis duabus sedere. prouerbiali forma: explicatur, illustratur.* *ib.*  
*Sellisternium σιδασπρωσις. habere Sellisternium quid? 170. & seq.*  
*Sollisternium. Festus expensus, ib. Sellisternia etiam hominibus, non*  
*tantum Dijs curata.* *172*  
*Sellisternium pro sella, ut Lectisternium pro lecto.* *173*  
*Senatus etiam in Municipijs, & Colonijs.* *197*  
*Seniores. Signori.* *ibid.*  
*Sesopia, aut Esopia. Sedilium genus.* *143*  
*Sessibulum. Sediculum. Sedile. Sedecula.* *118*  
*Seuir gratis in Petron. fragm. Traguriano.* *210*  
*Sidonius Apollinaris explicatus aduersus Sauaronem.* *103*  
*Siege roullant. Rotellium. Currisellium. Harmocathedrium.* *144*  
*Sigma Balneorum.* *129*  
*Σύμβολα. Insignia. Ornamenta.* *175*  
*Sistere fana.* *171*  
*Sodales, quod vnâ sedeant.* *31*  
*Solaria Babylonica. 74. Soliorum sublimitas, & apparatus, ib. forma. 75.* *129*  
*Solia Defunctorum. 77. Solia balneorum.* *166.*  
*Solaria. Tegimenta subselliorum, ib. Sedularia. Cathedraria.* *ibid.*  
*expedita l. 4. D. De sup. leg. Turnebus submotus.* *76*  
*Solida sella. Solida sedes.* *72*  
*Solla. Solia. 71. & seqq. Sola, h. e. Solia. 73. Solearius, ib. Solea. σω-*  
*λας.* *105. 221.*  
*Spectacula: de locis ad spectandum.* *Stal-*



Stallus.	81
Statuarum honor.	218
Stibadia. lecti lucubratorij. Scimpodia. 135. Stibadia pro sellis.	136
Stragulum. Stragula. Instratum. Stragula vestis σρώματα. περι- σρώματα, &c.	165
Stropi.	165
Subsellia σὺβέλλια. 93. & seq. Subsellia Senatoria.	44
Subsellium Iudicum. Accusatorum. Reorum. Testium. 101. & seqq. pro Subsellij mercis soluta, ib. Subsellia metaphor. pro iudicij a Casaubono, & Marcello Donato diffusum.	102
Subsellia simpliciter de equestribus. 104. in Theatris.	105
Summates. πρωτοπολίται.	197
Summotor aditus.	66
Suppedanea. Suppeditea υποπόδια. Hypopodia σὺππείδια. 70. σάπείδια. 153. producta illorum icones. 156. In honorem prabita. ib.	
Synthroni. Conscntes.	68
Synodaticum. æs Cyronium.	83

## T

Tacitus animaduersus, aliter ac Lipsio visum.	126. & seqq.
Templum Augusti ponere in Italia vetitum.	25
Theodora Imperatrix lena.	123
Theffalica sedes. 139. Theffalicus color, ib. Theffalicus pileus.	ib.
Throcum. Thracum. Thocum. Sella genus. Pomponius Festus ex- planatus.	144
Thronus. Solium. Tribunal. 61. in Tribunali ius dictum, ib. Medij Principes illic sedentes. 62. quandoq; mistim, aut minus digno loco. 63. Tribunal in castris. 65. caespitium saped. 66. in Theatris, aut specta- culis.	ibid.
Thronus. De patriarchatu dictus.	82
Tomenta. 147. Tomentum Circense.	151
Tonforia Sellæ. 130. Cælius Aurelianus enodatus.	ibid.
Toralia. Mantelia: illa toris: hac mensis iniecta.	167
Θράνικον. Θρήνος. Scabellum. Suppedaneum.	155
Tresuiri. 11. Bonillis in lapide inedito.	ibid.

Tri-



# I N D E X.

259

<i>Tribu moueri, aut carere ignominiosum. 6. Tribus rustica urbanis antehabita apud Rom. ib. Tribules. Ex tribu gentes, aut familia cognita, ib. Tribuum origo, ib. Tribus Fabia, &amp; Scaptia, ib. Vrbes, ac populi vniuersi tribum proficiebantur.</i>	7
<i>Tribunal in castris.</i>	49
<i>Tribunal. Suggestus. Bema.</i>	58
<i>Tribunal Antistitum. 78. Tribunal. Tholus, &amp;c. ib. Trullus. Synodus in Trullo.</i>	ibid.
<i>Tribunalium descriptio, &amp; forma.</i>	61
<i>Tribunitia subsellia.</i>	100
<i>Tripetæ. Trespolo. 115. 117. Tripodes. ταπεινά διφρία. Itemq; θράνια, &amp; σχολύθρια, potius quàm σκέλυθρα.</i>	117. & 155
<i>Θρόνος πολιτικός. 108. Thronus, Cathedra eminens.</i>	157
<i>Tullius explicatus.</i>	44

## V

<i>Vacatio munerum cum proedria.</i>	178
<i>Vas difomum.</i>	77
<i>Velo leuato.</i>	70
<i>Venale velum.</i>	71
<i>Venationes qui exhibuerint. 202. Venatio plena.</i>	ibid.
<i>Vestēs σημειωταί. clauata.</i>	175
<i>Vett. lapides Sueffanus, Atellanus notati, atq; expensi De Honore Bisellij. pag.</i>	189. & seqq. & 212
<i>Vincentius Vinianus insignis Mathematicus.</i>	35
<i>Vitis pro Centurionatu. Vitis honor.</i>	186. 187
<i>Vizzani eruditus liber de Mandatis Principum.</i>	14
<i>Vlpianus illustratus l. 25. D. ad Municipali.</i>	ibid.

## X

<i>Xerxis sella ἀργυρόπικς, qua &amp; ἀρχιμάλωτος.</i>	54
--	----

# F I N I S.

Kk 2



*D. Inuentius Tortus Cler. Reg. S. Pauli, Pœnitentiarius in Metropolit. Bonon. pro Eminentissimo, & Reuerendiss. D. D. Hieronymo Boncompagno Card. & Archiepsc. Bonon. ac Principe.*

*Vidit pro Reuerendiss. P. Inquist. Bonon. D. Theodosius Sanutus Pellicanus Bononiensis, Canonicus Reg. Lateran. Sac. Theol. Doct. Colleg.*

*Imprimatur.*

*F. Paulus Hieronymus Giacconus de Garrexio Sacra Theologia Magister Ordinis Prædicatorum Vic. Generalis S. Officij Bononia.*



Ad Sereniss.  
**COSMVM III.**  
 ETR. PRINCIPEM.  
 De Muscis odoris Pisanis.



Perstinacem, si vnquam aliàs, hoc anno hyemem experti sumus, cuius pomceria in ipsum vsque Maij limen irruperunt. Penè obriguimus, cum vetere adhuc hærente, nouo superlapsæ niuis operimento proximi ad boream colles nuper albicarunt. Cælum vidimus fuscum, & immitte; aerem sensimus acutum, & pruinofum, de hyberni fideris asperitate nequidquam remittentem. Quid enim Aprilis moriens adulto Ianuario diuerteret vix agnoscebamus, si vna arctatæ noctis linea non demonstrasset. Et Pisanum tamen loquor tractum, qui clementi Ioue, & placida Iunone vti solet. Id igitur in causa, cur hoc ipso anno muscæ suauolentes tardius prodierint, earumq; venatio non ante instituta sit. Iucundum planè, & nouum insecti genus, quod vnicè sub Pisano Cælo (quantum hactenus vel apud veteres, vel apud recentes nouerim) gigni, aut saltem apparere creditum est. Historica proinde animaduersione dignum, & quod aliquam Tibi, SERENISS. PRINCEPS, post maiores cogitationes industriam cupiditatis excitet; qui cum cæteras bonas artes, tum præcipuè rariora naturæ cimelia simillimus Inclyto Parenti Filius consecrari non refugis. Vbi primum ira; exilientes è latebris odoras muscas speculari licuit, Tibi describo

namq; tu solebas  
 Meas esse aliquid putare nugas.

CAL.  
 SATM. 1.

Non



Non vno in loco intra urbem Pisanam nidificantes deprehenduntur hæ Muscæ. Sed notiora cubilia in ambulacris, aut peristylijs cœnobiorum D. Catharinæ, ac D. Francisci: alibi, & alibi per meos ἐρωτάδας comperi eas metari etiam sub dio, ubi antea ignorabatur; pleraque reperiri nullus ambigo earumdem lustra hætenus inobseruata; & mutare subinde coloniam, nouasq. sibi latebras prospicere: ubicunq. tandem par sit loci ingenium, cœliq. διαθέσις, ac per floreas mensas cibi, & alimentum apparatus idem se explicet, tum intra urbem, tum in agro Pisano; quod nuper exploratissimum habui. Ac postquam hæc scripta, & Romam perlata sunt, ibi quoque de quaesitis, & prope Monasterium Cisterciense ad Aquas Saluias, hodie Tres Fontanas, repertis idem genus muscellis me monuit Abbas Octavius Falconerius: consimili nempe Romani, Pisanique aeris temperie. Sed Pisana cubilia à peritis cognouimus illarum vestigatoribus: à pueris potissimum vagis, ac petulantibus, qui Imperatores Romanum æmulantes sedulo captant odoratas muscellas. Et quidem fœminis seplasiæ impensius colentibus pecuniolas emungunt, prædam venditantes. Cauernulis quippe ex insidijs imminentes, petaso, aut linteolo decutunt, vel caua manu viuas assequuntur. E foraminibus illæ prodeunt plurimum manifestis, quomodo fornicarum videmus, lutofo circum aggerculo; aliquando nullo eminulo puluere, qui cauernam indicet: prout nempe vel aridior, vel humidior terra ita ruat, aut existat; maiorue, aut minor copia sit egerenda ad ostiolum perforandum. Vbi verò solum, vel laterculis, vel tabulis lapideis instratum est, è commissuris sese exerunt. Non lentè, aut remisè volant, sed cum impetu, ac celeritate, ceu transfugas dixeris; aut operi potius, ac labori intentas, non sicuti cæteræ vulgares, quæ alienis victitant sudoribus, quomodo Muscæ encomiastes scripsit de ea Lucianus τὰ ὑπὸ τῶν ἄλλων πορεύμενα καρπῶται. At volatus illarum intercisus, & abruptus per quasdam subinde iaculationes nunc dextrâ, nunc læuâ. Non gregatim, sed soliuagæ, & ἄτακται feruntur; quæque priuatim sibi sedula, aut ne paruo (quod inter homines accidit) sociorum cœtu tempore otiosè conterant, &

ad



ad desidiā corrumpantur. Anxiā namq. ac festinā ad pastum egrediuntur, quem etiam quandoq. deferunt alendā familiā. Nihil mirum, si tacitā, ac nullo strepitu redeant, quoniam praeda onerata. Alias namque

*Cantabit vacuus coram latrone viator.*

Iuu.  
sat. 10.

Non tamen ab omni *Σιγγφ*, aut bombo abstinēt, præsertim claustrā, & captiua: ceu alarum trepidatione, aut querimonia magis, quā tinnitu: sicut cæteræ faciunt muscæ cassibus irritatæ, ac sub lanienam araneorum lamentabundæ. Exeunt manē, ubi Sol illuxerit, si iuda est dies: si nubila, paulo tardiū, & pauciores. Fortē enim aer humectus, præsertim cauernulas incolentibus, pigras, & flaccidas reddit alas, corpusq. minus agile: quod in cæteris quoq. insectis obseruare est. Solent autem cum tepido aere ad blandos Zephyrorum flatus prodire, & quod Vates ait varum Princeps

*— ubi pulsam hyemem Sol aureus egit  
Sub terras, Cælumq. æstiva luce reclusit.*

Georg.  
4.

Tunc equidem primū circa areolas liliorum conuallium (siue quæ nobis mugheri) tanquam in suo foro cupidinario cupidē versantur. Sed & chamæmyrthinem depascunt, siue myrthum pumilam, apud quam assiduē apparent: ac tenellis fortasse olentium plantarum folijs non abstinent. Aurantiorum deinceps, ut maximē, & citrorum, aliarumue arborum. Medicarum flores libant: imō ad earum radices per foramina vsquam egredi visuntur, & regredi. Meherclē non sine prouidentia laude metatis castris, ubi in proximo sit pabulum.

Sed earum talis est habitus, aut figura. Tenuē, & longum corpusculum, magis quā vulgaribus muscis: capitellum breue, ac nigrum, & omnino muscinum, nullis tamen maculis: thorax acutior, alius graciliōr, & quā hæc in ipso procinctu iungitur, subtile admodū ligamentum. Zona interim, aut lineæ, vel segmenta transuersa corpus ambiunt, quasi annuli per interualla. Si vltimum numeramus, quo alui cacumen tingitur, quatuor erunt coloris citrosi, aut lutei infernē; at pressioris, & nigricantis superiūs: cætera ferruginæ, ac rutilæ. Et si cum quodam discrimine magis glabras, aut contra asperas

adno-



adnotarim, colore itidem luteo, nunc presso, nunc diluto, prout apricas magis incolunt, & calori magis obuias cauernulas. Sic minus adultæ, ac iuniores magis nigricant, ac splendent crusta leuiori; ætate autem, ac lenio magis colorantur, atque hirsutiam induunt densam, crassamq;. Sed hæc in cæteris quoque animalibus deprehenduntur integris, ac perfectis; nedum in minutis, atque ἐντόμοις. Cæterum color ille subflauus segmentorum, & crurum, verè sunt pili ita colorati, & spisso ordine isthic conferti. Alæ illis quatuor (hoc differunt ab alijs muscis, quibus duæ) venulis rufis illitis ὑμινόπτεροι, cartilagineæ, ac splendide, in lacinia magis conspicuæ: duæ breuiiores, ac subnexæ, & quasi latentes. Ob hanc alarum angustiam (opinor) nullus volantium sonus. Seni pedes pilis asperi, atque internodijs crassioribus, quàm vulgò muscarum. quatuor posteriores diuiccati, duo antici rectiores, & breuiusculi, quibus ceu manibus sese emungunt, ac purgant. atque hæc crucula ad luteum colorem vergunt. Cirri, siue cornua, vel antennæ duo in summo vertice camuræ pro oculis habent, si eidem Luciano fides ὀφθαλμοὶ δὲ προπαγείς πολλοῦ τῶ κέρατος ἔχοντες. Oculi autem prominentes cornuum similitudine. Non deest aculeus, sed brevis, & internus: alui potius cuspidem, quàm telum dixeris. Feriunt, & vlciscuntur ὡς σφῆξ καὶ μέλιττα quomodo idem loquitur; sed leui noxa, quasi vrticæ admotæ feruore; pustulæ tamen inde, & psyraciacia nonnunquam follicant. Promusci illis bifidula, & fistulosa, ad exugendum: seu veriùs forceps ad capiendos cibos, deferendosq;. Et rorulentis quidem sese onerant succis, quos illa pilorum serie stipatos retinent, ne dilabantur: quippe

In En-  
comio  
Musca.

4. Georg.  
53. Salus, Syluasque peragant,  
Purpureos metunt flores.

Siue vt amœnissimi Claudiani huc traham carmina.

2. Rapt.  
Prof.

Prætorum spoliatur honos, hæc lilia fuscis,  
Intexit violis, hanc mollis amaracus ornat,  
Hæc graditur stellata rosis, hæc alba ligustris.

Vulgaris musca Luciano prædicatur, quoniam σύντροφος ἀνθρώποις ἐπάργεσσα, καὶ ὁμοδίατος, καὶ ὁμοτράπεζος, κοινίῳ τῷ  
cibo,



*cibo, mensaq; vitatur hominum. At nostræ vitant familiaritatem, castæque, & ideo suaveolentes: nec sordidis, putidisque insident cibis, contemnitq. quod Varro scripsit, Non ut muscæ ligantur, quod nemo has videt, ut illas in carie, aut sanguine, aut adipe.* 3. R. R. 16.

Palmarum sub terram profunditate plus minus luteolas illarum caueas reperire est, oblongas, & rectas, & in acutum inferne desinentes, nullo sinu, aut ambage. Suum cuique supernè foramen, aut ostiolum vnicum; nullo aditu vnius nidamenti in alterum, etsi multa simul adstructa, & contexta iungantur; nulla ceruminis reliquæ; nihil conditaneum; nullum tandem operis, aut laboris vestigium. Illic tamen foetifcent oportet, aut semina saltem relinquant; quæ primo vere in vermiculos animantur, mox coalitis alis in mulcas auolent. Puto enim, quod penitus intereant adolescente autumnno; hîc Pisis saltem euanescent: siue aliorum migrent, siue formicino ritu per hybernales ferias condantur. Quod autem effusa aliud terrâ in area D. Febroniz obseruatum est ante duos nunc annos, in ijs nidamenti, aut cunabulis nulli foetus muscarum apparebant; sed myrmecia quædam, & succenturiatæ vermiculorum penè informium cohortes, grumis immixtæ, cænoque implicitæ sine certis loculamentis. quanquam & quædam illic rudimenta calularum agnoscebantur per cavitates, & alueos luto impressos: eæque muscellæ aliquantum olebant. nec deerat mistim inspersa materies illa, aut succus subflau coloris, quem muscæ parentes in alimentum, & lac deuexerant paruularum. Sed hoc experimentum præcipite iam augusto factum: per hæc namq. veris initia nondum comperimus deprædatorum florum liquores à muscis in suas caueas adsportari: quasi minus natâ, aut non indigâ nutrimenti familiâ.

Odor tandem ipsarum inter Moschum, & Zibethum, & quidem fragrans, validus, perdurans; seu viuas, seu mortuas naribus exploremus. Sic linthea, vestes, arculas suo halitu afficiunt. loquar Plinij sermone, *Vestibus interponi eas gratissimum*, quod ille protulit de herba Saliunca. Attritis autem solemus manus illinere, suavi illinc spiritu, ac per biduum, & amplius pertinaci. Dicam cum Lucretio Caro, gemmis contra non caro.

LI

quod



— — — quod fracta magis redolere videntur

4. 497.

*Omnia, quod contrita, quod igni conlabefacta.*

21. 7.

siue Plinij verbis, *defracta, & ex attritu olent*. Cæterum hic odor primò iucundior, & pinguior hoc mente; dein calor sese intendente acumen, & grauitatem induit. Sed impulsus, & ruente æstate, remissior fit; donec primo frigoris tentamento ignauissimus reddatur, tandemque euanescat, nec ipsæ muscæ amplius visantur, vt diximus. Hoc autem anno (quantum licuit hætenus obseruare) obtusioem emittunt fragrantiam: siue aeris frigidiusculi peruicacia: siue florum penuria ob insignem cladem, & pluiquam Cannensem, quæ malos citreas tantum non stirpitibus deleuit. Lacrymabile est, vt hyemis inclementia tabidæ, ac proteruæ squaleant; sine frondium crinibus, sine germinum succo, sine furculorum lacertis; tanquam corpora scelera; quibus sola extent ossa truncorum arentia, solæ stipitum, ac ramalium desertæ, ac miserandæ horreant reliquæ. Verè enim suus cibus est flos nostris animalculis, aut tennella, & odorata frondium cacumina: ex cibo odorum viuus, tum extinctis; quod halitus ille floræ dapis ingestus egeratur, quin etiam in melius calore, & decoctu reformetur. Non funus conditum, non medicati cadaueris antiqua sanies escam illis præbent; quod nonnulli parum consulte eò sibi persuaserunt, quoniam è cryptarum, ac cœmeteriorum foraminibus (vtpote magis vulgata ea latibula) muscas exilire vidissent. Hinc necatis, & extritis (in suam quippe fragrant perniciem) florem nescioquid exhalans deprehendimus; præsertim si crudius adhuc pabulum intra pusilla intestina subsideat. Atque hic ferme capientium, & seruantium mos est, intra pyxidiculas, aut ampullas vnà cum floribus pro diario, & opsonatu includere; perforato ostiolo carceris ad expirationem, & noui subinde aeris recursum. Sed hæc enucleatiùs, ac fusiùs in commentariolo, quem meditamur de hisdem muscis, earumque generatione, atque ortu; vbi complura alia in vniuersum de odorum natura, viribus, vsu, è philologicis, quin etiam physiologicis fontibus deducimus. Non desperamus interim nobis symbolam aliquam ab acutissimo, cultissimoque Laurentio Magalottio,



lottio, cuius ore Etruscas Musas locutas fuisse gratulor, cum philosophari nuper voluerint. Exercitationem quoque physicam ab eo texi audio de Odoribus: nihil publicum, aut turmale redolebit: ut omnia mihi selecta spondet rarissimi ingenij sublimitas. Interim haud perirent penitus negotiosi Tui otij subseciua, PRINCEPS SAPIENTISSIME, quoties post curas grauiore leuidentibus hisce auocandum animum demiseris. Si quid namque ad cultum pertinent lautioris fortunæ, viorumq. Principum delictiosis penetralibus quæsitiora odoramenta conueniunt; quis vetabit eorundem ingenia odorarijs meditationibus iucundè affici? Certè Te decet auctoritate, fauore, opibus auream ceu clauem ministrare ad scrinia naturæ referenda: quibus tenuiores homines tum cognitionibus rerum ditescant, tum pietate excitentur ad Deum summum artificem collaudandum. Sed iamdiu studia hæc fouere, atque impellere Serenissimæ Tuæ Genti ingenerata laus est.

Quod autem vnguentaria hæc animalcula muscas appellem, sequor vulgi nomenclationem; potius namque ad vesparum, aut apicularum ordinem me iudice accedunt. Aculeus, alæ, figura, color, cibus, nidificium à muscis non paulò discriminant. Sed veterum quoque vsu, doctorumq., & eruditorum ad probationem *μῦσα Musca* appellatur quoduis paruum, ac volans insectum. Multa Muscarum genera me docet sacer Codex Exod. 8. *Ecce ego immittam in te, & in seruos tuos, & in populum tuum, & in domos tuas omne genus muscarum, & implebuntur domus Aegyptiorum muscis diuersi generis.* Fortean inter eas nostræ quoque odoratæ? Quanquam nobis voluptati sunt, & blandimento: at Aegyptijs in poenam, & flagellum diuinitus immissæ. Nostras quoque respexisse videbitur Ecclesiastes cap. 10. *Musca morientes perdunt suauitatem vnguenti.* eoque allusit indubitanter, ac digitum veluti intendit D. Hieronym. epist. 20. ad Marcel- lam: *Musca moritura oleum suauitatis exterminant, ut saniores præferunt Codices inani glossæ expunctio.* Sed Muscæ hic de apibus meritò sunt exponendæ; ut contra apum nomen muscis inditum reperio apud Lamprid. c. 26. ubi de Heliogabbalo: *Claudebat in eiusmodi vasis infinitum muscarum, apes mansuetas*



*tas appellans*. Atqui eo muscarum verbo apes quandoque indicari, atque alia minuta insecta in sacris paginis haud semel monuit V. Cl. Samuel Bochartus Hierozoo, siue absolutissimo, & stupendæ eruditionis opere de Animalibus Sacræ Scripturæ. Placuit tandem lucubrationem hanc nostram addita tabella nonnihil exhilarare; Sed fundus apologi Pausanias lib. 5. siue Eliacor. prior. Narrat enim de Muscis à Ioue in exilium pulsas per ludos Olympicos, ne conuenis crucem figerent impudentiâ, ac voracitate, ac de Ioue muscarum depulso, & abigeo, Deoque ἀπομύρ, siue Myiagro, aut Myiode, extat etiam apud Plinium 29. 6. & 28. 10. eundem Pausaniam lib. 8. Omnium accuratissimè Salmasius ad Solinum pag. 12. qui tum veteres, tum citiores ad examen vocat. Ego autem fabulor tristis exilij denunciatione perculsas muscas Iouem exorasse, sibi ut liceret saltem Pisas Etruscas migrare, & apud populum Elide oriundum, cognatumq. diuersari; thymiana odoratissimum pollicentes, quod ad ripas colligant Arni, mox ad aram Iouis sistant post ludos exactos. Hinc etiam hodie ex longo traduce muscas odoriferas sub Pisano Cœlo durare, quæ antiqui memores instituti in opere odorario deludant, atque elaborant. Mirè profectò consentiunt omnia ad fidem faciendam mythologiæ nostræ. Vtrobique nomen Pisæ, tum in Elide, tum in Etruria. Illic muscarum concursus, & abactor Iupiter, aut alius Deus: hic noua illarum soboles sese prodir: & quidem eo ipse tempore, quo ludi celebrabantur in Elide ad æstiuum solstitium. Tunc enim quoq. Pisana Muscæ suo videntur labore defunctæ, quasi Eucharisticum mox reddituræ confecti odori operis, quod Ioui placando vouerant. Hoc solum namq. postremum comminiscimur; cætera testimonijs nituntur non vatum, sed historicorum, Pausaniæ, Plinij, Aeliani, Solini, aliorum. Adiungere itaq. & mittere audeo expressum carmine ludibundæ muscæ commentum.

*Q*uæ sacæ Alphæus Stympali è vertice ruptus  
Pisæos populos claro mox, gurgite lambit,  
Ad virides illuc ripas, camposque patentes  
Quorsus ubi Sol nunc brumam, nunc reddidit æstus,  
In



*In ludos effusa ruit sudore curuli  
 Septenis etiam spatijs obitura iuuentus.  
 Incensis latè fibris altaria strident,  
 Mille caduntque Ioui votino sanguine doma.  
 Grex ibi muscarum petulans tunc sistere circum  
 Sacrificos, pecudes, lances, liba, ora precantum;  
 Ire, redire simul, cætusque agitare voraces.  
 Cum Diuûm Rex (sacra colunt hunc iurgia cursus)  
 Talia profudit commoto è pectore verba.  
 Muscarum hinc migret populus, nec Olympica tecta  
 Infesto dum festa manent examine turbent.  
 Hac ubi dicta dedit, subito percussa dolore  
 Vix sletit agra cohors, damnisq; cohorrui altis,  
 Hac, illac mæstè volitans, trepidèque pererrans.  
 At uni aligeras inter crescebat in ore  
 Et decor, & senium, & procero in corpore virtus:  
 Guttur seu lato, seu motis exit ab alis,  
 Dum volat, hinc maior sonitus, grauiorque susurrus,  
 Quo toties depulsa petit, repetitque fugantem.  
 Firmior est thorax, succosior albicat aluus,  
 Et bifido vertex cirro cristatus inhorret.  
 Densa pilis series dorsum, pectusque, latusque  
 Obtegit, & nodis bonè constant crura repanda.  
 Sic animosa volat, bibula sic cuspide fugit  
 Nunc fluidos artus, semesaque viscera tabo,  
 Marcentes putore cibos, cariemque relictam,  
 Nunc corium plagis liuens, & pondere duro  
 Attritas costas non aque mentis aselli,  
 Qui longas nequicquam aures, caudæque flagellum  
 Quassauit lassus morsum depellat ut acrem.  
 Tot donis natam imperio, sciptrique capacem  
 Hanc musca exorant tristi succurrere sorti.  
 Que exilium miserans, indignaque fata suarum,  
 Sic pudibunda Iouem lacrymis affatur obortis.  
 Ergo sacris, ò Summe Pater, velut impia turba  
 Pellimur, & nostris profuga decedimus aruis?*

Si



Si quid vota valent, si quid suspiria nostra,  
 Et misera voces, exaudi Rector Olympi.  
 Per volucrum dominam, gerulos & fulminis unguis,  
 Quo Cælum quassas ruptum, terramq; rogamus.  
 Alis nos vehimur quoq; nos quoque findimus athram;  
 Et nos pugnacis frontis mucro dirus obarmat.  
 Maceratas piget ararum sic linquere carnes,  
 Totque dapum in ludis cumulos, mensasque cruentas.  
 Sed postquam migrare iubet, longæque perire,  
 Non patrij Cæli rorem, non dulcia poma  
 Sugere permittis, tandem permitte, quod oro.  
 O liceat saltem gentiles querere terras  
 Quanquam non uno submotas gurgite Ponti,  
 Et quondam Eliaco de sanguine visere cretos  
 Aonidum genus antiquum, Pelopisque nepotes,  
 Arvus ubi dines Tyrrhenis conditur undis.  
 Frugiferos inter campos, & pingua culta  
 Marte ferox Pisais stat domus alta colonis  
 Sueta mari latè discretas vincere gentes,  
 Nomen adhuc retinens nostrum, & cum nomine famam.  
 Excipiat saltem muscas hac una fugatas;  
 Dum rapidi certant axes, dum sacra adolentur:  
 Exilij hac remanent nostri solatia nobis  
 Cognatos populos, Graiam diuertere ad urbem.  
 Spondemus (quid parua potest tibi reddere magnum  
 Musca?) at spondemus tamen haud ignobile munus,  
 Etruscam si quando dabis contingere terram.  
 Ad tepidos flatus, ad mollia sidera Cæli  
 Pullulat o qualis passim quasi vere percanti  
 Matulina cohors florum sub lumine primo,  
 Citrea quos profert malus, quos arbor ab auro  
 Nomen habens latis illic tutissima ramis!  
 Carpere præcipuam hos cura est, prædamq; tenellam:  
 Nunc onerare pedes, nunc dorsum implere, sinumq;  
 Germine fragranti, & raptos sorbere liquores;  
 Quos calor ingenio recoquens, atque arte magistra,

De-



*Dadaleum componit opus, tam suave redundans,  
 Quantum non Syria valles, non rura Sabæa,  
 Non thus, non cossun, non casum reddit amomum.  
 Hoc thymiana tuam reduces p. nemus ad aram:  
 Quas prohibes, musca sacris donaria sistent.  
 Annuit Omnipotens non torua fronte rogatus,  
 Atque animum multens, pœnam leniuit acerbam.  
 Tunc Regina migrat densis comitata cateruis:  
 Quæ procul gressa longis secessibus errant  
 Dum teneant Arni ripas, sedemque cupitam.  
 Muscarum hinc proles durat de semine prisco  
 Thuscos Alopec campos benè sedula libans,  
 Quæ ventre artifice exhalantia dona reformat,  
 Et noua de florum succis myrothecia condit.*

Sed quando Pisani huius insecti rarum prorsus odoramen-  
 huc nos traxit, repetamus licet cum Plinio, *Rerum natura nun-* 11. 2.  
*quam magis, quàm in minimis tota est.* quod si idem naturæ con- 2. 103.  
 sultus in admiratione posuit, ut Pisanorum aquis calidis ranæ  
 innascerentur, ego inter rariora, & magis insolentia suaues  
 istas, & Arabiam spirantes muscellas libentiùs repono. Viue  
 diu Sospes, Fœlix, Sapiens.

Fifis 10. Kal. Iun. 1655.

Serenis. Tuæ Celsitudinis

Famulus in perpetuum obsequium pronissimus

Valerius Chimentellius.



*Quadam errata sic corrige.*

Pag. 12. lin. 12. Antoninus. 14. 8. Apuleio. In fragmento. 16. 11. loquutus. 21. 24. Cæsareis. 27. 32.prehenduntur. 43. 26. καθέζεσθαι. 49. 19. declarare. 57. 31. δλόχρυσαι. 58. 15. tacitum. 59. 27. S. Consulti. 42. 9 ἐκ προέδρας. 61. 21. euilitauit. 62. 23. τὰν ὑπάτων. 64. 18. χάρα. 65. 2. diarrhæam. 68. 4. & 7. Marcilius. 72. 4. sollisternium, & 16. ἀντίστονον, & 24. Meurs, & 26. editus, & 30. Hellenismum. 82. 31. Nilus. 88. vlt. Leggio. 92. 26. Vertigo. 96. 21. Tribunitia subsellia. A subellijs. 117. 16. σκέλυθρα. 132. 12. puerperam, & 18. plicatilem, & 24. eaple. 135. 33. qui de diuitum luxu, & 35. καθίζειν. 138. vlt. enumerauerit. 141. 25. acutiùs. 144. 22. Chiramaxium. 148. 32. deseruerunt. 153. 11. scabella. 156. 2. subiuncta. 162. 30. Citharistriam. 163. 31. literæ L. 168. 8. memorant. 177. 11. quid si ipsi. 190. lin. 24. post illa verba *Nine* pro *Neue*. Dum hæc autem sub excusoris manu premuntur, contingit me doceri cuiquam alteri in mentem venisse non *Bis illi*, sed *Biselli* legere in Sueffano lapide: quo pacto eum produxit Abb. Vghellius tom. 6. It. Sacra in episcop. Sueff. Felicem lubidinem agnosco, cum alioquin litera E in Biselli voce se surripuerit vetustioribus Smetio, Augustino, Crutero, qui Bis illi legerunt. reliquis contra partibus sanam illi dederunt, Vghellius corruptissimam videtur accepisse. 218. 18. Colosseæ. 230. 17. lætabatur.



